





A / B  
ANTONII DEUSINGII

Med. ac Philos.

De

# MUNDI OPIFICIO

DISCURSUS PHYSICUS.

*Olim publicè*

In illustri Schola Academica, Tetrarchiæ Gelro - Vela-  
viciæ, Hardervici,

*Bibliothecæ*  
*Ventilatus.*

*S. Pantaleonij Scholæ piaz.*

EDITIO SECUNDA,

Ab Autore recognita.

*Accesit Eiusdem*

EXEGESIS

APOLOGETICA

SENECA lib. 7. quæst. nat. cap. 31.

*Pusillares Mundus est, nisi in illo quod querat omnis  
Mundus habeat.*



GRONINGÆ,

Ex officina JOANNIS NICOLAI, Typographi

Anno M. DC. XLVII.

*ex libris Jo. Alphonsi Borellij*

Arist. 2. de cælo. cap. 12. t. 60.

*Enitatur id dicere saltem, quod verisimile apparet: existimantes alacritatem hanc (verisimilia proferendi) modestia potius elogio dignam esse, quàm temeritatis, si quispiam ob Philosophia sitim etiam minutulas disquisitiones amet in ejusmodi rebus de quibus maximas habemus dubitationes.*

Galen. de Compos. medic. secundùm loc. lib. 1.

*Difficile est ut is qui homo sit, non erret in multis: quædam penitus ignorando; quædam verò male judicando; & quædam tandem negligentiùs scriptis tradendo.*



*Nobilissimo, Magnifico, ac Prudentissimo*

*Amplissimi*

MAGISTRATUS

Inclytæ Civitatis

HARDERVICENÆ

CONSESSVI,

*Salutem ac felicitatem perpetuam precor.*

NOBILISSIMI, MAGNIFICI, ac PRUDENTISSIMI VIRI,



Ulcherrimè Græcorum antiqui Sapientes hominem *Μικρόκοσμον*, minorem Mundum, appellârunt, ob maximam, quæ inter hominem & Macrocosmum, seu majorem Mundum, intèrcedit constitutionis & ornatus similitudinem. Majori quidem Mundo Deus, qui est primum pulchrum, ut præclare Molinæus loquitur, volens suam ipse imaginem ducere, ut in Minerva Phidiæ ipse artifex similitudinem sui indelebilem impressit. At universam illam structuram, & artificiosissimam

\* 2

fabri-

# D E D I C A T I O

fabricam, velut in compendium redegit, atque  
 in ipso homine non obscure adumbravit: qui id-  
 circo mortalium Princeps omnium, non sine ra-  
 tione, nominatur, ac præclarus ipse in Mundo  
 majori Mundus est. Labilis autem & inconstans  
 corporea minoris Mundi compages existit, ac va-  
 riis infirmitatibus obnoxia, cui medicâ servandæ  
 ac curandæ manu, in vestro hoc inclyto orbe, Ma-  
 gnifici Antistites, vestrâ liberalitate à Vobis dudum  
 ipse præstitutus sum. Stabiliorem verò sortem ma-  
 joris illa Mundi fabrica sortita est: in qua veluti in  
 speculo Opificem, non sine summa animi voluptate,  
 contuemur. Hanc mortales geniti dum mente  
 perlustramus, immortale numen complectentes  
 animo, immortalem hanc in nobis partem certo  
 certiùs agnoscimus. Sic verò nosmetipsos per re-  
 flexionem cernimus in ipso Mundi majoris opificio:  
 ut immortalitatis nostræ memores, ad immortalia  
 ab his caducis animi conatibus meliores avertamus.  
 Hanc pulchram meditationem vestræ in me bene-  
 volentiæ rependo: Et pro minore Mundo cujus no-  
 bis curam tradidistis, majorem ipsum, quem &  
 Universum appellamus, vicissim vestræ contempla-  
 tioni tenuioribus pagellis aliquot subjicio. Quid  
 verò

D E D I C A T I O

verò spetiosius, quid elegantius, quid spectabilius  
 referri potuit? quid excellenti vestrae Dignitati,  
 Magnificentiae, & Amplitudini, ac utrique simul  
 meæ tum Medicæ tum Philosophicæ Professioni  
 magis consentaneum retribui in mea fuit potestate?  
 quo non minor Vobis mea observantia ac gratitudo  
 mentis manifesta fiat, quàm vester in me dudum  
 mihi satis est perspectus animus & amor. Quòd si  
 nævus huic nostræ concinnationi adesse judicabitur,  
 hic imbecillitatis intellectus humani memores nos  
 reddet:& si quæ pulchriora intermixta censebuntur,  
 ea oppositione tali enitescant elegantius. Exactiori  
 tandem modo divina contemplabimur, cum exuti  
 mortalitate, immortalis Deo atque beatarum men-  
 tium consortio viciniore facti erimus. Vos interim  
 accipitote, Magnifici & Amplissimi Proceres, seren-  
 niore animo, hoc quantumcunque à me grati animi  
 testimonium: ac summam illam, quâ me dudum vo-  
 bis intimum fecistis, benevolentiam perpetuò fove-  
 te. Dabam in vestra urbe HARDERVICENA.  
 VI. Idus. Septembris. M. DC. XLIII.

N. N. M. M. & A. A. V.

*Observantissimus*

A N T O N I U S D E U S I N G I U S.

\* 3

BENE-

BENEVOLO ac CANDIDO  
LECTORI

S. P. D.

ANTONIUS DEUSINGIUS.

**M**aximum hoc maximi Opificis Opificium quod Vni-  
versum appellamus, æquiorum oculis & animis per-  
lustrandum exhibemus. In cujus fabrica describen-  
da, si hallucinati simus aliquando, non est quod quis magno-  
perè miretur, aut graviore censurâ dignum putet. In diffi-  
cillimis enim rebus, quæ Naturam rerum attinent, difficil-  
limum existimabit æquus Iudex invenire verum. Nec igno-  
miniosum est cum maximis errare Viris: sine quorum exem-  
plo & autoritate nihil est à nobis fictum, aut novandi aliquâ  
prurigine prognatum. Homines nos ipsimet agnoscimus, ac  
humanum nihil à nobis alienum judicamus. Quod Doctioribus  
in hacce nostra Dissertatione displicuerit, idem nobis displice-  
re poterit, sine omni crimine, sine ignominia: quippe ubi non  
Religionis, sed Philosophiæ quædam dogmata tradidimus:  
Nec piaculum existimabimus in Philosophicis conceptus animi  
mutare. Id namque dudum ex Phædone Platonis didicimus,  
Philosophi non esse contentiosum animum fovere; nullumque  
majus

## P R Æ F A T I O

*maius quàm hoc malum nobis posse evenire, si nempe rationes odio habuerimus. Veritatis solius investigandæ plenius, non litigandi causâ egimus, quod egimus. Si via Antiquorum illi moris trita, minus tuta videatur, magis tritam minori cum molestia sectabimur. Dicam rursum cum Scaligero: Quod ubique clamare soleo, nos nihil scire, maximè convenit huic disquisitioni, quæ de Mundi Fabrica instituitur: Animi tamen gratiâ nos exercuimus, idque sine culpa sanè, quemadmodum & sine ambitione: Multæ nugæ, multa temeritas, multæ ineptiæ, inter quas & nostræ. Interim si nec occasio nata esset unquam dubitandi, utique, nec studium exactius humanos animos exercuisset ipsam veritatem ex tenebris eruendi. Rectè Arist. 2. Metaph. cap. 1. Non solùm illis sunt agendæ gratiæ, quorum opinionibus quis acquiescit; sed & illis qui vel superficie tenus solummodò dixerunt. Qui meliora dederit aliquando hisce nostris, eidem ipsi quoque gratias agemus, nec oblectantem illi animum, aut contentiosos in eundem spiritus unquam excitabimus. Si quid verò contemplatione dignum à nobis inter cætera prolatum iudicabis, Optime Lector, eo fruiere; favensque nostris conatibus, Vale.*  
 HARDERVICI. VI. Idus Septembr. M. DC. XLIII.

A L T E-

# A L T E R A P R Æ F A T I O

**Q**uod in Præfatione ad Theatrum Naturæ Universale monui, Benevole Lector, id deûo hîc repeto. Secundas curas, quæ plerumque solent esse meliores, addere ne quidem huic licuit tractatulo: quod passim loca quædam sint ab aliis citata. Ut ergo queant omnia cum præcedentibus ac consequentibus exactius conferri, & in se ipsis singula (si tortè visum sit cuiquam,) propius examinari, necessarium existimavi eadem, quæ olim ocûs in schedas sunt conjecta, & frustillatim ac per partes, ut è calamo fluxere, sunt à Respondentibus Typographo oblata, iterum non immutata exhibere. Sicubi tamen paucula inserta sunt paucissimis in locis, ea hîc itidem, ut factum alibi, signis parenthesisos hujusmodi angularibus [ ] sunt intercepta. Vale, Candide Lector, & cum nos ipsos homines non ignoremus, errores, quæso, Philosophicos, si fortè meliora noveris, pro æquanimirate Christiana fer vel corrige. Groningæ. x'i i. Cal. Novembr. 1647.

A N T.

ANTONII DEUSINGII

Med. & Philoſ.

De

# MUNDI OPIFICIO

DISCURSUS PHYSICUS

---

DISPUTATIO PRIMA.

De

MUNDI ESSENTIA,

& ejusdem

CONSTITVTIONE.



Ommunia rerum naturalium principia, ipsamque subjecti constitutionem, ac communes affectiones, *Vniuersali Naturæ Theatro* perlustrauimus, ad particularia deinceps contemplationis nostræ cursum dirigemus.

1. *Physica* particularis commodè dividitur in duas partes: Quarum priore fabrica rerum naturalium, seu uniuersa creatura visibilis, contemplationi obijcitur, quatenus illa in unum collecta, constans ac immutabilis permanet: Posterior de speciebus variis pertractat, quarum individua ortui & interitui subiecta sunt.

2. Prior illa rectè de Cælo vel Mundo seu Uniuerso inscribitur: quam præsentis disputationum serie, annuente tam vasti & admirandi Opificii Autore ac Gubernatore summo, piè prosequemur.

3. *Mundus* seu *Vniuersum* est ornatisima corporum immutabilium compages, è quatuor simplicissimis corporibus, igne, aëre, aqua, terra, per naturam animæ subditam, ordinatissimè constituta, cujus principium ac finis ipse **D E V S** est.

A

4. Mun-

4. Mundus igitur non solâ partium aggregatione unus est; sed verè unus est per se, seøper unam formam.

5. Forma Mundi non est ipse partium ordo, ne ex mente quidem Aristotelis; sed à forma per naturam ordo dependet.

6. Est autem forma Mundi anima ejus, cui intellectus præest: Quippe mentem anima, animam verò corpori dedit Deus, totumque ita Mundum constituit, ut pulcherrimum naturâ opus optimumque foret. Plato in Timæo.

7. Ideoque rectè ac verissimè dictum à Platone judicamus, Mundum animal esse, idque intelligens, reverà divinâ providentiâ constitutum.

8. Materia Mundi alia præcedens est seu præordinata, ex qua Mundus proximè factus, nimirum simplicissima quatuor corpora, quæ Elementa vocantur, ex nihilo à Deo producta: alia præsens seu constitutiva, ex qua Mundus constat, scilicet corpora quoad tota immutabilia, qualia sunt cœlestia quævis, ac terrarum orbis, quodque inter ea intercedit ac iisdem permiscetur, æther appellatum.

9. Mundi principium efficiens, conservans, ac gubernans est ipse Deus, idemque finis: solus omni principio ac fine carens.

10. Produxit autem Deus Universum non ex naturæ quadam necessitate, sed ex liberrima sua voluntate.

11. Conservatio Mundi ejusdemque gubernatio, quatenus ad Deum spectat, immediatè à summo Deo proficiscitur, ac cum ipsa coincidit creatione; quatenus ad creaturam dirigitur, ordinariè quidem causarum secundarum à Deo constitutarum, & ab eodem pendentium, fidei commissæ est.

12. Mundum non esse ab æterno productum, nec in æternum duraturum, sancta fides est juxta præscripta religionis.

QUÆST.



## QUESTIO I.

*Quæ sit origo vocis Mundi? quæ significatio ejus?*

**M**undus ab ornatu seu pulchritudine Latinis nomen habet: veluti κόσμος Græcis, ut ornatissima compages indicetur; eademquæ ordinatissima; quod enim ἀρτία habet, id propriè pulchrum ac ornatum dici nequit. Atque ita *Plinius lib. 2. nat. hist. cap. 4. Quem κόσμον Græci, nomine ornamenti, appellârunt; eum nos à perfecta absolutaque elegantiâ Mundum.* Summo autem jure id nominis impositum fuit, verèque ac nervosè Poëta,

*Non alio Mundus debebat nomine dici,*

*Nomen ab ornatu convenienter habet.*

Equidem variè, ac sæpe minùs propriè vocabulum Mundi usurpari solet, tum à sacris Scriptoribus, tum à Philosophis. Ab illis I<sup>o</sup> quandoque pro omnibus à Deo conditis; tum visibilibus tum invisibilibus, spiritibus ac corporibus, accipitur: sic *Ioh. 1. 10. II<sup>o</sup> Pro terrarum orbe, sic Matth. 4. v. 8. 2. Petr. 3. v. 6. III<sup>o</sup> Pro evanida Mundi creatura, cui magna ἀρτία ac corruptela est permixta, ut I. Ioh. 2. 16. IV<sup>o</sup> Pro hominibus: idque vel in genere pro omnibus, qui naturali generatione ab Adamo prodierunt, ut *Rom. 5. vers. 12. vel pro fidelibus tantùm, Ioh. 17. vers. 23. vel pro infidelibus, I. Ioh. 5. vers. 19.* Sed hæc significationes omnes à nostro instituto alienæ sunt. Apud Philosophos tribus potissimùm modis significatio Mundi usu venit: Sumitur enim I<sup>o</sup> Pro Opificio seu compage ex cælo, terraque, ac naturis quæ illis comprehenduntur. *lib. de Mundo (qui Aristoteli vulgo tribuitur) cap. 2. Cleomed. init. circular. inspect.* II<sup>o</sup> Pro quovis animali: quodvis enim animal, quoniam à se movetur, & non ab eo quod extrâ est, μικρόκοσμος παρὰν mundus appellatur. *8. phys. cap. 2. 8. κατ' ἔξοχὴν* verò homo hoc nomine indigitatur præ cæteris animalibus; idque variis de causis, quas videre licet apud *Piccolom. lib. de Mundo, cap. 1.* III<sup>o</sup> Pro immutabili opificio divinæ artis, quod naturas varias continet, quatenus id ipsum à contentis naturis omnibus quæ circa generationem versantur, distingui solet. Hæc postremâ significatione tractatum*

hunc nostrum de Mundo inscribimus : quâ & de Cœlo seu de Mundo libros inscripsit Aristoteles, quicquid alii de hac inscriptione sentiunt. Hâc autem solâ significatione Mundus, quamvis unus sit & individuus, ob perpetuam sui tamen immutabilitatem, scientiæ conveniens subjectum est, distinctum à subjecto partis specialis reliquæ.

## QUÆST. II.

*An Mundus rectè dicatur τὸ πᾶν, Univerſum?*

- N**omine Univerſi quandoque Deus Opt. Max. indigitatur, utpote à quo omnia, per quem omnia, & ad quem omnia tendunt : qui ipse omnia est in omnibus. Sic & Poëtis Ethnicis Naturæ Deus dicebatur πᾶν. **I I<sup>o</sup>.** Quandoque Univerſum accipitur pro eo omni quod est : quo sensu sub Univerſitatis voce continetur
2. **3.** Deus ipse, creator rerum omnium, cum creaturis omnibus tum visibilibus tum invisibilibus. **I I I<sup>o</sup>.** Per Univerſum intelligitur univërſa hæc creatura visibilis, seu quicquid extremus hujus Mundi ambitus complectitur : nimirum Mundus hic ipse immutabilis, ut pro continente acceptus oculis objicitur, unâ cum contentis in eodem
  4. **mutabilibus.** q. d. omnia hæc in unum verſa. **I V<sup>o</sup>.** Sumitur pro eadem univërſa creatura visibili in abstracto, seu pro essentia creaturæ visibilis univërſæ immutabili. Namque, aliud est esse hujus cœli, seu Univerſi sensibilis & singularis, aliud cœli simpliciter : Aliud igitur est hoc cœlum, & simpliciter cœlum : qui enim absolute cœlum dicis, formam, speciem, (seu essentiam rei) indicat, qui verò hoc cœlum, cum materia mixtum dicit. **1. de cœlo cap. 9. 1. 92.** **V<sup>o</sup>.** Quin & per Univerſum commodè indigitamus Cœlum vel Mundum, prout nostræ contemplationi idem hic subjicitur ex significatione ultima quæst. præcedent. Quippe hoc Univerſum illud Dei opificium est, quod partibus suis integrantibus, veluti propriis suis fulcris fundatum, in sese movetur ac quiescit, ita ut quoad essentiam singularium partium immutatum perduret ; hæc univërſa Mundi fabrica est, quæ sola suis librata ponderibus invariata constat : hæc illa quasi communis

*Deorum*

nis Deorum atque hominum domus, ac urbs utrorumque, ut Ciceroni 2. de Nat. Deorum, appellatur: Hoc τὸ ὅλον *Universum* illud est, quod incessabili duratione suâ permanens propius à primo principio abest, cui complementum Deus addidisse dicitur, 2. de gen. & corr. cap. 10. continuâ factâ generatione eorum, quæ sunt & esse desinunt propterea quod à principio longius distent. Ornatus enim quidam, ac verè complementum quoddam ornatissimæ illius compagis, nitidaque supellex magnificæ domus, magnificentiam sui Architecti & Opificis extollens, reliqua omnia sunt, quæ magnâ in hoc Universo varietate mutabilitati sunt subjecta: ex quorum omnium naturis, præclaræ illi fabricæ quasi intertextis ab Opifice Universi, pulchritudo ac perfectio illius penitus absolvitur. Mundus igitur, ut nostræ contemplationi hic subjicitur, non quidem ἀπλῶς simpliciter & absolute *Universum* appellari potest: ea quippe significatio soli Deo convenit, qui verè proprièque non eius, sed essentia, (ut Scalig. Exerc. 365. f. 6. loquitur,) eminenter omnia existit. Nec *Universum* hic nobis appellatur, quod universâ suâ pulchritudine reniteat: sic enim omnem rerum naturalium varietatem, adeoque *Universum* Physicæ subjectum notione suâ comprehenderet. Nec *Universum* eo sensu intelligimus, quod ipsum universa sit substantia invariabilis: quippe Deus ipse quoque in substantiarum censum numeratur; ipsæque Intelligentiæ ac humanæ mentes substantiæ sunt immutabiles. Quin nec *Universum* appellamus, quod contineat complexu suo universa reliqua, quæ ab eò quoquo modo distinguuntur. Namque sicut Deus nulli intra hoc *Universum* loco deest, ita nec eidem est inclusus; sed extra hoc ipsum infinitâ suâ essentiâ omne infinitum explet: ac licet quidem magna Angelorum cohors, ac velut integer exercitus cœlorum, cum vastâ Mundi fabrica conjuncta sit, quorum ministerio summus ille Imperator in hac majestatis suæ aula utitur; immensa tamen insuper Intelligentiarum multitudo, ipsæque piæ mentes humanæ à corporibus solutæ, vitam beatissimam extra omnes cœlos visibiles transigunt. Quod ipsummet ex parte non ignoravit Aristoteles, qui licet neque locum esse extra cœlum, neque vacuum,

12. cuum, neque tempus, statuatur, esse tamen quædam super extimam Mundi lationem asserit, quæ nec apta sunt in loco esse, quæque tempus neutiquam senescere efficiat, ac quorum nulla sit mutatio; sed nullis alterationibus, nullis prorsus passionibus subjecta optimam in universa sempiternitate vitam & sufficientissimam habere eadem pronuntiat, 1. de calo c. 9. 1. 100. At rectè tamen illam quoque Mundi fabricam, quam impræsentiarum contemplamur, Universi nomine indigitamus: quòd ipsa, si cum reliqua visibili seu naturali creatura conferatur, longè excellentiori gradu sit substantia, ac sola inviolabili duratione permanens, substantia naturalis quodammodò sit tota: quæ enim in continua sunt generatione, à vera substantia longiùs dissident, ut 2. de gen. & corr. cap. 10. Aristoteles exponit.

### Q U Æ S T. III.

#### Quæ sit Mundi definitio?

- P**RO varia Mundi significatione variaz ejdem definitiones, seu descriptiones potiùs, passim tribuuntur. Author libri de Mundo cap. 2. duobus modis Mundum definit. 1<sup>o</sup> Mundus est compages constans ex calo & terra, & naturis quæ in iis continentur. 2<sup>o</sup> Dicitur aliter Mundus Univerforum ordo atque ornatus, qui à Deo & per Deum servatur. Quæ quidem definitiones, præterquam quod nostrum institutum excedant, quippe Mundum ipsum immutabilem ac continentem, unâ cum contentis in eo naturis, quæ circa mutationem versantur, respicientes, insuper hoc vitio laborant, prior quidem, quòd pro differentia quandam partium enumerationem solummodò exprimat; altera verò & genere legitimo caret, & pro differentia solam efficientem causam habet, constitutivæ materiæ (quæ voce Univerforum exprimitur) conjunctam: nisi fortè, quatenus per Deum servari dicitur, Deus formalis Mundi causa constituatur, quo sensu falsa est, & cū perverso Stoïcorum errore rejicienda. A Basilio definitur Mundus schola cognoscendi Deum, & liber scriptus indicans gloriam Dei occultam, & per se annuncians tibi cordato invisibilem Dei magnificentiam, ad cognoscendam

*noscedam veritatem.* Sed hoc encomium Mundi potius est, metapho-  
 ricè locutione exornatum, quàm conveniens definitio: nostrum-  
 que similiter, ut præcedentes, excedit scopum. Cicero 2. de nat. Deo-  
 rum Mundum simili metaphorâ describit, quod sit quasi communis Deo- 4.  
 rum atque hominum domus, aut urbs utrorumque. Hic sensu quodam-  
 modò propiùs ad subjectum nostrum accedit. Plato in Timæo 5.  
 Mundum animal pronunciat, idque intelligens, reverà divinâ providen-  
 tiâ constitutum: Verum quidem hoc pronunciatum, quod tamen  
 differentiam non exprimit. Nobis hæc numeris suis absoluta de- 6.  
 finitio placet, quod Mundus sit corporum immutabilium compages, è qua-  
 tuor simplicissimis corporibus, igne, aëre, aqua, terra, per naturam ani-  
 ma subditam ordinatissime constituta, cujus principium ac finis ipse Deus est.  
 Quâ quidem definitione id intendimus, ut præter genus exacta 7.  
 omnium causarum explicatio exhibeatur. Genus compagem vel syste-  
 ma nuncupavimus: quippe ex variis ac naturæ diversæ corporibus  
 hoc Universum est coagmentatum. Hanc verò compagem corporum 8.  
 immutabilium esse dicimus, seu ex immutabilibus corporibus con-  
 stare, nimirum cœlestibus, terrarum orbe, ipsoque æthere omnia  
 permeante: Quæ quidem corpora omnia, quamvis secundum  
 partes mutationem sustineant; (namque cœlestia corpora ipsa à ta-  
 li corruptione immunia non esse, certo nobis certiùs persuasum ha-  
 bemus:) rectè tamen immutabilia vocamus, quod secundum tota,  
 ipsamque adeò suam essentiam individuantem, non mutantur, secus  
 atque illa quæ generationi & corruptioni obnoxia dicuntur, ut  
 Alexander, Socrates, Bucephalus, &c: Quippe idem Sol, eadem-  
 que Luna, idem hic terrarum orbis, quoad individua, quæ ab origi- 9.  
 ne Mundi à Deo constituta sunt, etiamnum immutata perdurant;  
 nec ulla in cœlo stellarum ordinariorum tot jam millibus annorum  
 corrupta, evanuit, aut absorptione partium minor reddita est: sed  
 veluti servatur id quod crescit, dicente. Arist. 1. de ortu & inter. quam-  
 vis augeantur singulæ partes, cum identitas secundum formam &  
 essentiam potius, quàm secundum materiam dicenda sit; ita eadem  
 servantur corpora illa Univerſi, licet varias secundum partes susti-  
 neant mutationes: meritòque eà ratione immutabilia seu incorrup-  
 ta corpora

12. cum, neque tempus, statuatur, esse tamen quædam super extimam Mundi lationem asserit, quæ nec apta sunt in loco esse, quæque tempus nequiquam senescere efficiat, ac quorum nulla sit mutatio; sed nullis alterationibus, nullis prorsus passionibus subjecta optimam in universa sempiternitate vitam & sufficientissimam habere eadem pronunciat, 1. de calo c. 9. t. 100. At rectè tamen illam quoque Mundi fabricam, quam impræsentiarum contemplamur, Universi nomine indigitamus: quòd ipsa, si cum reliqua visibili seu naturali creatura conferatur, longè excellentiori gradu sit substantia, ac sola inviolabili duratione permanens, substantia naturalis quodammodò sit tota: quæ enim in continua sunt generatione, à vera substantia longiùs dissident, ut 2. de gen. & corr. cap. 10. Aristoteles exponit.

### QUÆST. III.

#### *Quæ sit Mundi definitio?*

- P**RO varia Mundi significatione variaz ejdem definitiones, seu descriptiones potiùs, passim tribuuntur. Author libri de Mundo cap. 2. duobus modis Mundum definit. 1<sup>o</sup> *Mundus est compages constans ex calo & terra, & naturis quæ in iis continentur.* 2<sup>o</sup> Dicitur aliter *Mundus Vniversorum ordo atque ornatus, qui à Deo & per Deum servatur.* Quæ quidem definitiones, præterquam quod nostrum institutum excedant, quippe Mundum ipsum immutabilem ac continentem, unâ cum contentis in eo naturis, quæ circa mutationem versantur, respicientes, insuper hoc vitio laborant, prior quidem, quòd pro differentia quandam partium enumerationem solummodò exprimat; altera verò & genere legitimo caret, & pro differentia solam efficientem causam habet, constitutivæ materiæ (quæ voce *Vniversorum* exprimitur) conjunctam: nisi fortè, quatenus per Deum servari dicitur, Deus formalis Mundi causa constituatur, quo sensu falsa est, & cū perverso Stoïcorum errore rejicienda. A Basilio definitur *Mundus schola cognoscendi Deum, & liber scriptus indicans gloriam Dei occultam, & per se annuncians tibi cordato invisibilem Dei magnificentiâ, ad cognoscendam*

*noscendam veritatem.* Sed hoc encomium Mundi potius est, metapho-  
 ricâ locutione exornatum, quàm conveniens definitio: nostrum-  
 que similiter, ut præcedentes, excedit scopum. Cicero 2. de nat. Deo-  
 rum Mundum simili metaphoriâ describit, quòd sit quasi communis Deo-  
 rum atque hominum domus, aut urbs utrorumque. Hic sensu quodam-  
 modò propiùs ad subjectum nostrum accedit. Plato in Timæo  
 Mundum animal pronunciat, idque intelligens, reverà divinâ providen-  
 tiâ constitutum: Verum quidem hoc pronunciatum, quod tamen  
 differentiam non exprimit. Nobis hæc numeris suis absoluta de-  
 finitio placet, quòd Mundus sit corporum immutabilium compages, è qua-  
 tuor simplicissimis corporibus, igne, aëre, aqua, terra, per naturam ani-  
 ma subditam ordinatissimè constituta, cujus principium ac finis ipse Deus est.  
 Quâ quidem definitione id intendimus, ut præter genus exacta  
 omnium causarum explicatio exhibeatur. Genus compagem vel syste-  
 ma nuncupavimus: quippe ex variis ac naturæ diversæ corporibus  
 hoc Universum est coagmentatum. Hanc verò compagem corporum  
 immutabilium esse dicimus, seu ex immutabilibus corporibus con-  
 stare, nimirum cœlestibus, terrarum orbe, ipsoque æthere om-  
 nia permeante: Quæ quidem corpora omnia, quamvis secundum  
 partes mutationem sustineant; (namque cœlestia corpora ipsa à ta-  
 li corruptione immunia non esse, certo nobis certiùs persuasum ha-  
 bemus:) rectè tamen immutabilia vocamus, quòd secundum tota,  
 ipsamque adeò suam essentiam individuantem, non mutantur, secus  
 atque illa quæ generationi & corruptioni obnoxia dicuntur, ut  
 Alexander, Socrates, Bucephalus, &c: Quippe idem Sol, eadem-  
 que Luna, idem hic terrarum orbis, quoad individua, quæ ab ori-  
 gine Mundi à Deo constituta sunt, etiamnum immutata perdurant;  
 nec ulla in cœlo stellarum ordinariorum tot jam millibus annorum  
 corrupta, evanuit, aut absorptione partium minor reddita est: sed  
 veluti servatur id quod crescit, dicente. Arist. 1. de ortu & inter. quam-  
 vis augeantur singulæ partes, cùm identitas secundum formam &  
 essentiam potius, quàm secundum materiam dicendâ sit; ita eadem  
 servantur corpora illa Vniversi, licet varias secundum partes susti-  
 neant mutationes: meritiòque eâ ratione immutabilia seu incorrup-  
 ta corpora

- ta corpora dicuntur. Hâc igitur differentiæ parte à nostra consideratione excluduntur hoc loco ea corpora cuncta quæ in continuo ortu & interitu versantur. At sola verò horum corporum jam dicta compages, in se spectata, rationem Vniversi non absolvit, nisi illa per
10. *Naturam ordinatissimè constituta* ordinatâ serie cohareat & exornata sit: quemadmodum nec animalis ratio absolvitur coagmentatâ mole variarum partium, quæ in cadavere apparet. Naturâ igitur opus est,
11. quæ omnia contineat: Hæc autem admirabilis essentiarum ordo est, quibus totum Vniversum constat: hoc est, ut cum *Piccolom. lib. de Mundo cap. 4.* ex mente Aristotelis loquamur, ipsæ rerum naturæ spectatæ, non quidem secundum esse suum absolutum, quo ab invicem
12. distinguuntur, sed quatenus ordinatæ sunt ad invicem secundum essentiam, sunt Natura illa Mundi. Hæc ea substantia est, quam circa corpora dividuam vocat Plato in *Timæo*, de qua plenius disp. seq. dicemus. Hæc universalis ea Natura est, quam sæpenumero inculcat Aristoteles, quamque menti subordinatam hujus Vniversi causam tradit,
13. *2. phys. cap. 6. t. 67.* Hæc ea ipsa est, de qua sæpe idem Deum & Naturam nihil frustra agere pronunciat. Hanc verò Naturâ *anima subditam* esse dicimus: quippe ea substantia, quæ per universa corpora dividitur ac scinditur, ut in *Timæum* loquitur *Chalcidius*, non nisi vi unius animæ
- partibus universis convenienti modo inest, sine cujus dispensatione ne ipsa quidē ordinatam seriem constituit: Quemadmodum non nisi vi ac dispensatione animæ unius, partes in corpore animali quævis ac
14. singulæ essentialē rationem sortiuntur, ac ordinem convenientem habent, ut ita per se unum quid constituatur. Hoc itaque, quo dictū, modo, ordinatissima compages ex incorruptis Mundi corporibus conflata est: quæ tamen ipsa prima corpora non sunt; sed *ex quatuor*
15. *simplicissimis corporibus, igne, aëre, aqua, terra,* per naturam prædictam, prout ea dividua est circa corpora seorsim, sunt coagmentata. Ac illius quidem ita constituti systematis *principium*, seu causa efficiens, eademque conservans *ac finis ultimus, est ipse Deus Opt. Max.* cui soli esse convenit originaliter, à se, ac propter se; rebus verò cæteris illius primi entis quadam participatione: cūque solus ipse Deus summè bonus sit, omnia ad eum tanquam finem ultimum tendunt.



## QVÆST. IV.

*Quid lumine Natura de Mundi ortu & interitu sit  
cognitum?*

VARIÆ fuerunt Veterum Philosophorum de Mundi ortu & interitu  
opiniones. Ac quod ad ortum quidem spectat, saniores plerique  
Mundum à Deo tanquam causa producente dependere constanter  
omnes asseruerunt: An autem ab æterno sit productus, an verò  
aliquando genitus seu procreatus, de eo valde disceptarunt. Qui  
tempore Aristotelis, vel ante eum, celebrioris existere nominis  
Philosophi, omnes Mundum genitum, seu aliquando ortum habuisse,  
statuebant, teste ipso Arist. 1. *de celo cap. 10. t. 102.* iique longâ  
serie recensentur à Conimbric. 8. *phys. cap. 2. quasi. 3. art. 1.* At ipse  
Aristoteles summo conatu æternitatem Mundi astruere contendit,  
8. *phys. 1. de celo, 12. Metaph. & alibi; ut frustra sint omnino, qui*  
*persuasum sibi habent, non ex propria mente ita statuisse; sed ve-*  
*luti probabilem sententiam argumentis agitasse dialecticis, ac præ-*  
*sertim eos coarguere instituisse, qui Mundum motu physico progna-*  
*tum asseriebant: quam mentem Aristoteli affingunt Thomas, Al-*  
*bertus, alique. Rectè, meo quidem iudicio, statuit Pererius lib.*  
*5. de nat. princ. & affect. cap. 7. nunquam in mentem venisse Aristote-*  
*li, ut exlimaret creationem (nobis ita propriè dictam) esse possi-*  
*bilem; ac nihil reperiri aut fingi posse, quod magis sit contrarium*  
*doctrinæ Arist. quodque omnes ejus artus & nervos vehementius eli-*  
*dat. Atque ita Aphrodisæus, rogatus quid sibi maximè in Aristote-*  
*le placeret, respondisse fertur, se præ cæteris sententiam de æter-*  
*nitate Mundi amplectum, quòd in ea sola sibi videretur Aristoteles*  
*constare. Ejusdem cum Aristotele sententiæ fuerunt Cleomedes,*  
*Plotinus, Proclus, alique. Quin nec ante Aristotelem defuere*  
*penitus Philosophi, qui Mundum æternum statuerent: Quippe*  
*Ocellus, Pythagoræ discipulus, variis rationibus æternitatem Mundi*  
*probare conatus est, ut de illo refert Philo Judæus in lib. de æternit.*  
*Mundi: Quin & Pythagoram Mundum ingenitum existimasse tradit*

- Tertulianus in Apologetico*, quamvis alii aliam illi sententiam attribuant. *Caldæorum* quoque *Sapientes Mundum æternum asseruisse* docet *Piccolomineus lib. de Mundo, cap. 16.* quam de *Chaldæis* opinionem suspectam dudum habui: ac nonnullos saltem è *Chaldæis* statuisse Mundum aliquando genitum, minimè est dubium, inter quos
6. *Zareta*, quem *Pythagoras* audivit. *Ægyptiorum* certè (quibus hac in parte *Chaldæos* consentire rectius existimo) antiqua hæc *Philosophia* fuit, ut ex *lib. 4. de divin. sap. Ægypt. cap. 3.* constat, primum *Opificem*, *Universi autorem*, illud ipsum infinitate quadam immotum antecedere, ac priorem esse iis omnibus quæ sunt, secundum omnem rationem, quam efficiens ad id quod efficitur obtinet. Non tamen tempore priorem esse ajunt: quippe quorum unum altero tempore prius est, ea utraque tempore contineri est necesse, at tempus ipso etiam animo & intellectu, ipsisque substantiis secretis inferius est,
  8. multò minùs Deo idem potest convenire. Secundum hos igitur *Mundus* suo *Opifice* infinita quadam duratione est posterior: quæ tamen duratio ante *Mundum* ortum haud fuit infinitum tempus, nec in eadem fuit ullum, quod in tempore spectetur, prius & posterius; sed indivisibile æternitatis punctum, omne quod concipi queat tempus excedens, cum ipsum tota sit æternitas. Post tempora
  9. verò *Aristotelis*, non modò *Peripatetici*, sed præcipui quoque *Academici* quivis, æternitatem *Mundo* tribuerunt, quam sexiò multis
  10. rationibus astruere conati sunt. At *Academicorum* tamen Princeps ipse *Plato*, cujus dogma reprehendit *Aristoteles 1. de calo cap. 10.* manifestè *Mundo* tribuit originem, quando in *Timæo* dicit Deum quicquid erat, quod in cernendi sensum cadere posset, assumpsisse, non tranquillum & quietum, sed temerè agitatam & fluitans, idque ex inordinata jactatione redegisse in ordinem. Quin & æternam quidem inquit esse naturam exemplaris *Universi*; at talem genito operi congruere non posse: cum verò quantum fieri posset *Mundum* hunc æterno exemplari simillimum efficere vellet ipse genitor, imaginem zvi mobilem effingere decrevisse ait, ac dum cælum seu *Mundum* exornat, fecisse æternitatis in unitate manentis æternam quandam in numero fluentem imaginem, quam tempus appellamus.

appellamus. Dies porro, inquit, & noctes & menses & annos, qui ante Cælum non erant, tunc nascente Mundo nasci jussit. At alibi tamen Plato in contrariam sententiam videtur inclinare, quando *dialog. 10. de Republ.* vitam hominis, ait, ad Universum tempus relatum, nihil esse: at si pars temporis ad omne tempus nullam omnino habet rationem, tempus omne infinitum esse est necesse, quare Mundus infinitus est durationis. Ita quoque *3. de legib.* sub initio, Infinitum esse & impossibile cogitatu, ait Plato, ex quo urbes civilesque hominum institutiones cæperint, quanta temporis præcesserit multitudo. Hinc inter Philosophos, ac ipsos quoque Academicos, de vera Platonis sententia, non leviter disceptatum fuit, ut apud *Piccolhom. libr. de Mundo cap. 19. 20. 21.* multis videre est. Qui plures Mundo esse crediderunt, ut Democritus, Leucippus & Epicurus, ij animalium ferè in modum Mundos gigni ac crescere existimârunt, tandemque decrescere & interire. In horum quoque censum Empedocles atque Heraclitus referri possunt. Sed ut ambigux Philosophorum variorum sunt sententiæ de Mundi ortu, ita haud minùs de interitu. Qui enim Mundum ingenitum proderunt, omnes fere ab interitu similiter immunem eum statuunt, adeòque omni ex parte sempiternum. Haud tamen defuêrè, qui licet ortum Mundo non decernerent, interiturum tamen crederent, cujus sententiæ fuisse dicitur Averroës, teste *Piccolom. lib. de Mundo cap. 15.* Platonis de Mundi interitu ea fuit opinio, ut naturâ suâ Mundum quidem dissolubilem statueret, divinâ tamèn voluntate nunquam dissolutum iri. Hic enim, postquam orti essent omnes qui in cælo volvuntur Dij, nostris oculis manifesti, nimirum ipsa Cæli seu Mundi corpora visibilia, Deum genitotem illos affantem introducit, talibus verbis: *Dij geniti, quorum Opifex ego & pater sum: hac attenditote: Qua à me facta sunt, ita me volente indissolubilia sunt, omne siquidem quod vinctum est, solvi potest. Sed mali est, quod pulchrè compositum est, seque bene habet, velle dissolvere. Quapropter, quia geniti estis, immortales quidem & indissolubiles omnino non estis; nec tamen unquam dissolvemini, nec mortis satum subitis. Nam voluntas mea majus præstantisusque vobis est vinculum ad vitæ custodiam, quàm nexus illi quibus estis tunc cum gigne-*

15. *griebamini collegati.* Sic ardua perplexaque fuit quaestio Philosophorum animis quæ circa Mundi ortum & interitum versatur! Ut verissimè sentire eos judicem, qui supra humanam rationem ea esse posita contendunt, atque adeo ad fidei articulos spectare tantum, certi quid de Mundi ortu & interitu determinare. Nihil nobis hic extorquent Philosophorum rationes; sed solâ religione id persuasum
16. nobis certo certius habemus, cœpisse aliquando Mundum, ac finem rursus habiturum. Nec ipse quidem Aristoteles difficultatem hujus quaestionis ignoravit, qui licet Mundum ipse omni ex parte sempiternum statueret, ingenuè tamen est confessus *libr. 1. Topic. cap. 9.* Problema de Mundi æternitate esse dialecticum: quod idem *Galenus*, Platonis assecla potissimum; pronunciavit *lib. de demonstrat.*
17. Quæ verò à Platone in Timæo divinæ veritati magis consona traduntur, ea teste *Philone Iudæo* ex Orpheo & Hesiodo deprompta sunt; vel ut rectius alii sentiunt ex ipso Mose. Idem de Platone *Scaligeri* judicium, qui *Exerc. 61. f. 3.* maximum illum fuisse Virum, inquit: ceterum optima quæque illa quæ sunt in magna hominum admiratione, ab aliis sumpta nectare suo condita posteris reliquissæ. Eundemque è Chaldaeorum Ægyptiorumque libris non solum fabulas, sed etiam fulmina veritatis contemplatum ait, quorum afflatu non senserit humanæ mentis aciem hebetari. Ac ut summatim cum *Aslaco* ex *Phys. Christ. gen. cap. 1. probl. 2.* dicamus: Quod si quedam à sanctoribus Philosophis, *Trismegisto*, Platone, Orpheo, Pythagora, aliisque, de Mundi æternitate rectius prodita videntur, ea certè non ex solo rationis lumine, sed ex Mosis aut Chaldaeorum & Ægyptiorum monumentis, (ad quos primum per traditiones cognitio de Mundi ortu derivata est) fuerunt hausta. Idque non modo à Patribus quibusdam demonstratum docet idem *Aslacus*; sed ipsos etiam Philosophos quosdam professos ostendit ex *Mornæo de verit. relig. Christi. cap. 6.* Certè quamvis rationis & naturæ lumine ex ipsa creatura Mundi Opifex agnosci queat, & investigari, (quippe ut verè *Augustinus*, *Mundus ipse*, inquit, *ordinatissima sua mutabilitate & mobilitate & visibilium omnium pulcherrimâ specie, quodammodo tacitus & factum se esse, & non nisi à Deo fieri potuisse proclamarat*;) hoc tamen Mundi opificium non esse constitutum ab æterno.

æterno, eodem rationis lumine haudquaquam certò deprehendi potest: sed ratione longè ponderosiore, derelicta sibi mens humana cum Aristotele æternitatem Mundo destinabit, quàm ut in ullo temporis principio originem inveniat. Cùm enim nihil ex æternitate absurdi inferatur in Philosophia, meritò existimabit quilibet, revelationis divinæ ignarus, ab æterno potius esse pulchram hanc Mundi faciem, ut loquitur *Vallesius in sac. Philos.* quàm aliquando ex æterna deformitate emerxisse: quamvis nova quoque sæculi creatio, omni per se physicâ demonstratione destituta, rationibus utcumque probabilibus queat confirmari.

## Q U Æ S T. V.

*An Mundus potueris esse ab æterno creatus?*

**I**D quæst. præced. præsupponimus: at impræsentiarum idem aliquanto plenius excutiendum. Quatuor diversæ fuere Philosophorum ea de re opiniones, quas *Piccol. lib. de Mundo cap. 23.* circa finem breviter recenset: At eas longiùs prosequitur *Peterius libr. 15. de nat. princ. & ass. à cap. 10.* usque ad finem. Prima est Henrici de Gaudavo ac Philoponi, statuentium esse omnino impossibile ut creatura ab æterno existat: quam etiam sententiam sequitur *Vallesius in Philosophia sacra cap. 1.* Secunda Durandi est, qui rebus quidem incorruptilibus, ut cælo & Intelligentiis, æternitatem non repugnare, verùm corruptilibus naturis, seu iis potius quæ individuorum generatione & interitu servantur, eam non posse convenire censet. Tertia Thomæ, quam & amplexi dicuntur Gregorius Arimin. Ochan, Avicenna, Proclus, Plotinus, Simplicius, qui creationem æternam nec rebus incorruptilibus nec corruptilibus, repugnare statuunt: Excipit tamen Thomas hominem, ne admittendus eâ ratione videatur infinitus animarum numerus. Quartam opinionem tuetur Scotus, existimans problematicam esse hanc quæstionem, ac utramque partem contradictionis æquè esse probabilem. Nos ut calculum quoque nostrum huic rei subjungamus, divinè dictum à Scaligero censemus id quod ex-

- rat Exerc. 365. sect. 9. ubi *Interest nostra pietatis*, inquit, & *Dei immensitatis*, ea sentire, qua sentire non possumus: sentire quidem in ipso per ipsum, qua per nos sentire nequeamus. Nunquam satis fuerit homini felici ingenii cogitare omnia magnifica, ingenia, immensa, de ineffabili omnipotentia Dei. Immenſæ profectò huic divinæ omnipotentia, ac liberrimæ voluntati Creatoris, non repugnat ab æterno creare, nec ipsi creaturæ creari, nec creationi esse ab æterno: ut pluribus docetur apud Pererium cit. libr. cap. 12. Creari autem & creatum esse haud magis ab invicem duratione ullâ diffident, quàm illuminari aëra ac illuminatum esse. Mundum igitur ab æterno creatum esse potuisse ita firmiter censemus, ut ne ex æterna quidem generatione hominum
9. absurdi quid inferri posse judicemus. Quod autem rationem hinc desumptam attinet, non urget ea quidem Philosophos antiquos, qui mentem humanam æternam statuerunt: namque illi eam vel in omnibus unam eandemque credidère, ut Themistius & Averroës, ac nonnulli Academici: vel plures quidem, at numero tamen definitas, ut Plato, aliique Academici; qui *μετεμψύχως* propugnare. Sed ne infinita quidem animarum multitudo, si quidem secundum individua multiplicamus animas, obesse nobis potest. Namque ipsa multitudo, quæ talis, non repugnat infinitati; sed numerus actu existens: at ex infinita multitudine existente actu, non infertur actu infinitus numerus; sed ipsum infinitum
  10. reddit multitudinem innumerabilem. Cum enim numerus sit ex unitatibus collecta multitudo, infinitæ unitates utique non possunt colligi, ab eo quod finitum est: deficiente autem numerante intellectu, deficit & ipse numerus. Sed Gordius hîc quidam nodus, ut videtur, nobis dissolvendus hæret: Si Mundus, inquiunt, fuisset ab æterno creatus, aut permanenter crearetur, ita ut & ab æterno sit creatus & creetur etiamnum; aut creari aliquando desisset, postquam reverà absolutus esset. Prius dici nequit, siquidem singulæ Mundi partes habent existentiam absolutam ac perfectam. Si posterius dicatur: vel Mundus in momento est creatus, vel partium successione quadam, adeoque tractu temporis. Si in momento, vel primo, vel post primum: quod utrumque pugnat cum æternitate.
  - 11.
  - 12.

æternitate. Sed neque temporis successione potuit creari: æterni-  
 tas enim omni successione caret. Hic gladio fortè opus erit, ut 13.  
 dissecetur nodus; aut latentes ejus nexus explicandi. Quod po-  
 sterius ut fiat, quovis modo potuisse Mundum ab æterno creari,  
 non pugnare cum humana ratione, constantissimè asseveramus. Ac  
 successione quidem ab æterno creari Mundus potuisset, solâ scili- 14.  
 cet primariâ creatione absolutè ab æterno factâ, quâ Mundi aliqua  
 materia fuisset condita, quæ secundariâ creatione postmodum per  
 temporis successionem sit digesta; seu quæ in varias rerum species,  
 ex infinita atque inexhausta divinæ sapientiæ abyssu profluentes,  
 digeratur etiamnum successivè: quæ quidem temporis successio  
 relata ad res ipsas ab æternitate utique distingueretur; attamen pri-  
 maria creatio, quâ verè Mundus ipse totus materialis ex non ente  
 emeruisse diceretur; æternitatem eo modo nacta foret. Quin & 15.  
 unico momento Mundum, ut actu jam existit & perfectus est,  
 produci potuisse, non pugnat cum humana ratione. At verò fri-  
 vulum omnino est, inquirere num primum sit momentum illud,  
 an verò aliud sit ipso prius? Ipsa namque æternitas tota indivisibilis  
 existit, nec in ea prius & posterius distincta sunt: quare ipsum  
 illud momentum tota est æternitas, seu ut *Arist. 1. de celo s. 110.* de  
 æternitate loquitur, terminus (seu principium ac finis) infinitum  
 rerum tempus ipsamque infinitudinem complectens. Hoc quam- 16.  
 vis non percipitur humano intellectu; haud illi tamen adversatur:  
 quæ enim supra nos sunt, non pugnant cum nostra ratione. Quo-  
 tusquisque nostrum, ut cum Scaligero dicamus, *ignorat inscitiam suam?*  
*quam tum demum cum vera scientia commutabit; ubi non invidus, ac verò*  
*lubens, fatebitur se nihil scire.* Obstupefcit intellectus noster in æter-  
 nitate, usque dum intelligat quid sit æternitas: at ipsi verò incom-  
 prehensibili æternitati id non deroget, quod ipsemet non compre-  
 hendit. Sed nec perfectâ rerum existentia pugnat cum creatione 17.  
 earundem permanente: cum ipsa conservatio, quâ creatura omnis  
 à Creatore necessariò dependet, sit ipsamet continua creatio: ut-  
 pote cum utraque circa unum eundemque terminum, sc. esse &  
 subsistere, verietur. Et ne è supernaturalibus exemplum petamus,  
 in rebus

- in rebus certè naturalibus, id manifestum est: sic habet lumen existentiam perfectam, quæ absolutam ejus perfectamque sequitur essentiam, seu talem, quâ est id quod est: at illa perfecta atque absoluta essentia non infert absolutam existentiam, seu quâ omnis dependentia ac dimanatio tollatur. Permanente igitur creatione Mundus quidem habet existentiam perfectam; at non absolutam. Nulla igitur in Philosophia sequitur absurditas, quam inferebat argumentum, si Mundus ab æterno creari potuisse statuatur. Quæ  
 18. pro contraria parte argumenta passim producuntur alia, ea ne prolixiores simus, in disputationis cursu enervabimus: non ut æternitatem Mundi foveamus, quippe id religiosa fides prohibet; sed ut quàm lubrica sit humana sapientia significemus, nisi fulcro Scripturæ S. sustineatur: sine cujus lumine perquam umbratilis est intellectus noster, sine cujus clariore face non aliter divina cernimus, quam per nubem Solis lumen. Sine ea namque sapere, desipere est; recedere ab ea cespitare. Ac verè Scaliger Exerc. 359. sect. 1. *Nostra hac in literarum studii peregrinatio, sine superna luce, miserabilis quadam est erratio.* Verèque eos infaniâ actos judicamus, qui rationis humanæ decempedâ immensos religionis nostræ agros se metiri posse unquam sibi persuaserunt.

## DISPUTATIO SECUNDA.

De

## FORMA MUNDI.

## QUESTIO PRIMA.

*An aliqua sit Mundi forma substantialis?*

Lurimi Mundo formam essentialem non competere existimant, cum sit coadunatio multorum, quæ actu sunt, & completam essentiam habent: quod enim actu existit & completum est, id formam substantialem, inquirunt, recipere



recipere non potest. At nobis tamen pars affirmativa potior videtur, 2.  
 Quod enim unâ formâ non continetur, id vel confusum est ac indi-  
 gestum, ut lapidum acervus; vel vi quadam atque præter naturam  
 ordinatum est, ut artificialia quævis opificia, quæ idcirco, quâ talia,  
 durare nequeunt. At de Mundo neutrum dici potest: ipse enim ordi- 3.  
 natissima compages est, in qua singula cum servant ordinem perpe-  
 tuò, in quem naturaliter ac suâ sponte feruntur. Cùmque res vilissimæ 4.  
 quævis naturales substantiali formâ neccente partes indigent,  
 servanteque nexum, quâ dissolutâ partes dissolvuntur, multò utique  
 magis ipsi Mundo, rerum naturalium pulcherrimo & optimo, tam-  
 que variis tantùmque distantibus partibus adornato, forma talis de-  
 cernenda est. Haud enim est quod quis existimet, immediatâ Dei  
 virtute singula servare ordinem, quo totum Universum concinnatum  
 est, ut in progressu exponemus. Nec ipsi tamen Deo summo deroga- 5.  
 mus quicquâ gloriæ ac dignitatis, quâ ab illo solo omnia dependent,  
 dum secundam illi causam subornamus; sed hoc æterni Dei & re-  
 rum omnium Opificis censemus beneplacitum, ut circa eam creatu-  
 ram maximè, quæ ob materiæ permixtionem, ac naturæ suæ mu-  
 tabilitatem, longiùs quodammodo à prima illa essentia semota vi-  
 detur, non nisi secundarum causarum interventu operetur ordinariè.  
 Benigno namque radiorum solarium fotu semina in terris delitescen- 6.  
 tiâ excitari cernimus; pluviz è cælo dimittuntur, ut fecunda  
 fiat tellus: non ex lapide vel cinere producit Deus hominem, quam-  
 vis idem sit in ejus potestate; sed mediantibus ordinariis ac consti-  
 tutis à se causis: ut rectè Sol & homo generare hominem dicantur,  
 nihilque Deo eâ ratione derogetur. Num ipsi Deus Opifex mino- 7.  
 ris Mundi, hominis inquam, actiones suo nutu dirigit immediatè?  
 quin intellectus potiùs ac voluntatis humanæ, atque ipsius sensiti-  
 væ facultatis interventu? At, quid quæso causæ est, cur non idem  
 dici debeat majorem Mundum, totamque creaturam hanc visibilem,  
 universali quadam facultate, ac secundariâ à se tamen constitutâ  
 causâ dirigere. Ordinarias equidem tales in Naturæ Universalitate 8.  
 operationes Dei cernimus per causas secundas institui; quin & ex-  
 traordinarias sæpenuerò similium causarum interventu peragi

- Scripturæ S. veritas nos docet: At universalem illam universæ creaturæ visibilis directionem, talemque essentiarum subordinationem, quâ singula non modò in proprium sibi bonum tendunt, suæque naturæ convenienter agunt, sed universa conspirant in commune bonum, non similiter à principio secundo quodam dependere, sed ab Opifice Deo immediatâ virtute divinâ, & essentiali Deo, proficisci, nec sensus nec ratio persuadet ulla, nec divinitus inspiratâ
9. scripturâ innotescit. At cur fingemus solâ cogitatione rationem disparem? aut cur, ratione destituti in re non ablimili absurdi quid inesse judicabimus? Divinè profectò Autor libri *de Mundo cap. 6. Cunctorum quæ rerum natura complectitur, cum servator est Deus, tunc verò quæcunque in hoc Mundo quoquo modo perficiuntur, eorum omnium idem genitor est.* Attamen, ut in eo ibidem ex sequentibus inferitur, quemadmodum non est de dignitate Regis, ut vel ipse regni munia obeat, vel immediatè leges singulis promulget; sed summi alicujus Ducis ac Præfecti solet uti ministerio, à quo subordinatis Principibus, indeque subditis, mandata ad nutum summi Regis præscribuntur: Ita certè augustius decentiusque existimandum est, Deoque magis consentaneum, ipsum quidem Deum summo in loco residere, potentiam verò per Universum Mundum diffusam propiorem causam esse incolumitatis rerum. Eodem penè sensu *Molinaus de cognit.*
10. *Dei, §. 27. Potentia sua imitationem posuit in calo (Deus) suspendens hæc inferiora à superioribus. Quæ certè sententia optimè in sensum nostrum quadrat, quo talem Mundo formam indidisse Deum Opt. Max. statuimus, quæ simili virtute Mundum dirigat, ac cœlestium interventu disponat inferiora, ad nutum Creatoris, ac si ipse Deus potentia suâ immediatâ & essentiali secundum æternum suum decretum hanc Mundi machinam dirigeret.* Et ut paucis animi sensum depromamus: Omnia quidem providentiæ divinæ ascribenda censemus: quid enim non providente, & tum operante tum permitte Deo fieret? At non omnia immediatè Deus efficit. Nec sanâ ratione inferitur: Hæc Deus facit, ergo non Natura: cum hæc causæ invicem non adversentur, sed sint subordinatæ. Quin & miracula plerunque in Natura rerum exercet ipse Deus, secundarum tamen
- causarum.

causarum interventu. Sic Josue pugnanti geminabat diem; at non sine Sole: quamvis absque illo potuisset idem facere. Sanheribi exercitum prostravit, Angelorum utens ministerio, quod tamen potuisset solo verbo præstare. Turpiter igitur multi errant, ut cum *Libanio* loquamur, irridendo Physicum de causis propinqui-  
bus differentem, quibus medianibus Deus in natura operatur: cum tamen nemo eorum adeò vesanus sit, quin de panis pisti causa propinqua rogatus pistorem respondeat, qui operetur interventu ignis, signorum, & aliorum instrumentorum. Deberent tales utique, ut alibi loquitur idem, (dum ad Dei gloriam magis omnia convertere videri volunt) pro suo fundamento ex mirabilibus causis effectisque mirabilem Dei potentiam agnoscere, eamque prædicare: qui cum tantas virtutes tamque mirabiles in Naturam manifestam in se verit, quantus ipse in suis occultis erit! Nemo igitur de nobis ita contumeliosè sentiat, eâve nos impietatis maculâ conspersos credat, quasi cum Galeno nihil Deum posse statuamus, nisi quod idem sit Naturæ consentaneum. Impiam sanè ejus, blasphemam, adeòque detestandam penitus, sententiam pronunciamus, quâ *lib. 11. de usu part. cap. 14. neque si Creator lapidem repente voluerit hominem efficere, id in illius potestate esse situm asserit. Mosi quidem satis est, inquit, Deum ornare velle materiam, eam enim statim, ubi ille voluit, ornatam esse: omnia siquidem in eo posita illique parere existimat, etiamsi cinerem voluerit equum vel bovem efficere. Nos autem non ita sentimus, inquit, sed esse quædam dicimus, quæ naturâ fieri non possunt: & hac omnino à Deo non attentari; sed ex iis quæ fieri possunt id dumtaxat eligi, quod est optimum. Horrendum nefas, & indignum Christianis auribus, Deum Naturæ rerum alligare! Horrenda quoque, & humano generi damnosa illa Plinii Philosophia est, quâ immensi Creatoris Dei omnipotentiam in impotentiam blasphemis rationibus convertere, ipsamque Dei essentiam destruere conatur. Imperfecta in homine natura præcipua solatia, inquit *lib. 2. cap. 7. ne Deum quidem posse omnia*: Horrenda rei exempla subjungit; & dum facetis, ut ipse putat, arguentis hanc homini cum Deo societatem copulare studet, entia non entia pronunciat, & affirmata negata: adeòque*

- modò ait ipse, modò negat. Detestandam quoque Senecæ, (& aliorum Stoicorum) rejicimus opinionem, quâ lib. 4. de benefic. cap. 8. ut Natura sine Deo non est, ita nec Deum sine Natura ait: sed idem esse utrumque, nec distare. Naturam equidem Universo assignamus universalem, at Deum ipsum Naturæ dicimus Autorem ac Opificem, qui Naturæ haudquaquam alligatus per Naturam quidem, cui mirabiles insevit facultates, operatur ordinariè; at sine Natura tamen, & supra Naturam, potest omnia: cum ea quæ Naturæ sunt concessa ab eodem; tum ea quoque quæ Naturæ facultates omnes transcendunt. Nihil itaque divinæ potentia, nihil divinæ providentiæ, nihil, inquam, omnipotenti Dei conservationi, nihil gubernationi derogamus, quando Mundi formam seu Naturam Deo subordinatam dicimus. Ac illi soli nos centum hecatombas debere fatemur, ut Bodinus loquitur, qui ex materia & forma inter se dissimilibus, tertium quoddam, idest Mundum, conflavit.
18. Sed quærat tandem aliquis, quid causæ sit urgentioris, cur minùs rectè Deum omnia agere proximè per particulares rerum naturas censeamus? Certè vel ab ea abstinendum est opinione, vel statuendum est cum Stoicis Deum & Naturam idem esse, Deumque formæ instar præesse rebus omnibus, quæ operationes Universo convenientes exequatur. Namque primum nihil est quòd quis existimet, servari satis Universi ordinem, & singularum rerum ritè se habere operationes, dum modò singula à Deo sic ad invicem temperata statuuntur, ut mutuo amplexu sese uniant per insitam naturam: cumque singula talem à Deo nata sint naturam, quâ ad alia proportionè quadam ordinata sunt, non esse opus unicâ substantiali formâ totius, quæ per se unum Mundum reddat, nec præter illum talem singulorum ordinem in se spectatum, esse Universi ullam formam. Fieri namque id non potest, quod jam antè ceperamus dicere, ut per solam singularum rerum naturam, admirabilis ille, qui in Mundo refulget, omnium etiam maximè dissentientium, consensus conservetur, nisi communis aliqua Natura præsit omnibus, quæ varias in toto Universo naturas particulares subordinatâ serie contineat, sibi que omnes subjectas ita dirigat, ut naturale

turale Universo sit, & in totius incolumitatem tendat, quando contra propriam suam inclinationem suâ sponte quid videtur ferri. Cernimus enim sæpenuerò non modò gravia deorsum, levia verò sursum tendere; sed sæpè illa sursum hæc deorsum, contra propriæ naturæ suæ nifum, ut Universo sua constet incolumitas. At si natura gravium & levium sic est determinata, ut suo quidem bono consulens, ea quæ commune bonum spectant per se non intelligat, certè talis nifus ac renifus gravium & levium, repugnans naturæ eorundem propriæ, excitari nequit nisi à communi quadam causa, quæ & gravia & levia in sua potestate habeat, ac quò necessitas id exigit singula convenienter queat inclinare: quam si quis Deum dixerit immediatè, tùm præter rationem dixerit, tùm insuper à Stoicorum impio errore se immunem non tuebitur, quatenus naturam Universi ab ipso Deo non discernit. Si enim tales rerum inclinationes, quæ propriæ cuiusque rei naturæ sunt adversæ, Universo naturales sunt, haud minùs proficisci debent à Natura Universi, pro qua Deus substituitur, quàm particularium membrorum, quæ in animali sunt, contra gravitatis suæ inclinationem motus à natura animalis proficisci meritò censemus. Veritatis profectò inevitabilis necessitas Connimbricenses dudum invito, nisi me fallit animus, & præter mentem propriam (ut constat ex 2. de cœl. cap. 1. quæst. 1. art. 1. 2. 3.) adegit lib. 4. phys. cap. 9. quæst. 1. art. 4. (ac cùm iis plures alios,) ut activam causam talis inclinationis profiterentur vim quandam motricem communem: *Natura*, inquiunt, *ad id* (ut declinetur vacuum) *frequentur utitur communi quadam vi motrice, quæ ad hoc munus omnibus corporibus sublunariis, præter peculiare suas virtutes, quibus propria loca petunt, videtur irritata, cujus impulsu ad omnem loci differentiam, cùm opus est, rapiantur.* At quænam illa Natura est, quæ communi ejusmodi virtute utitur? Num ipse Deus? Sic Stoicorum utique perniciofa deliramenta foveantur. Dicatur igitur ea potiùs communis rerum forma, à Deo ipso rebus cunctis indita: cujus & communis ea virtus motrix sit, quâ Natura uti dicitur. Aut quænam potiùs illa est communis virtus à Natura præter peculiare virtutes corporibus sublunariis indita? Num illa cum Natura seu

- ipso Deo una est? At ita nimis impio sensu materiæ divinum numen permiscetur. Num verò à Natura seu Deo summo ea virtus distinguenda est? Secunda igitur causa est, quâ Deus Universum regit: nec quicquam obstat quin dicatur talis esse, quæ ipsa Mundi sit
26. essentialis forma. Sic verò contradictionibus involvant sese est necesse, qui veritatem ipsam tenebris involvere conantur. Sed ne ipsa quidem gravia & levia ad propria sua loca tendunt naturaliter, nisi activè à communi hac virtute, seu totius Universi formâ, moveantur.
27. Atque illud ipsum est quod passim Aristoteles inculcat, quodque demonstrat *8. phys. cap. 4.* gravia & levia non à se, sed à generante moveri. Mundo igitur formam unam convenire, quæ reverà Mundum per se unum faciat, quæ ordinem conservet, & partium omnium inter se consensum tueatur, certum ratumque habemus. Quod
28. verò difficultatem in initio propositam attinet, quâ ex pluribus actu non consurgere per se unum dicitur, respondeo ad imitationem *Piccolomini lib. de Mundo, cap. 4.* ex talibus ut distinctis secundum propriam rationem & essentiam non fieri unum; sed ex iisdem, ut aptis ordinari inter se per unam formam, cujus conditionem singula participant, & ut invicem subordinatis quoad essentias & operationes veluti perfectioribus & perfectibilibus, consurgere unum per se ordinatum, unam habens specificam & indivisam essentiam. Ita namque in homine quoque ossa, caro, nervi, arteriæ, venæ, &c: singula actu proprio sunt, & specificâ formâ ab invicem distinguuntur: At ex illis tamen omnibus ordinatis ad invicem ac subordinatis
30. uni animalis formæ, unum per se animal consurgit. Et sanè talis ordo, ac respectus ad unum, non modò in corporibus ipsis deprehenditur, quæ sibi ita mutuò cohærent, ut non detur vacuum in quantitate; sed ipsæ quoque formæ & essentiæ rerum ita invicem subordinatæ sunt, itaque mediis intercedentibus extrema sibi mutuò nectuntur, ut ne in formis quidem admittatur vacuum. Id enim, ut *Scaliger loquitur Exerc. 250. sect. 1.* majus esset in Natura flagitium, quàm vacuum in quantitate sive corpore. In ipsis igitur rerum essentiis ordo atque unitas, quæ ordinem consequitur, potissimum spectanda est: unde *9. Metaph.* nisi darentur substantiæ separatæ, inquit

inquit *Arist.* non daretur ordo. Ordo autem ipse atque unitas in summo Deo originaliter & eminenter inest, à quo in supremas secundarum causarum derivatur; indeque in immortalia Mundi corpora descendit, in iisque constans atque immutabilis perdurat: at in mortalibus quidem manet ille ordo in essentiis, & unitas connexionis ac subordinatione sub una forma suprema conservatur; variatur autem in particularibus. Quæ certè qualiscunque in ordine varietas, & unitatis mutatio quoad individua mutabilia, ipsam Universi, ut nostræ contemplationis est, unitatem nullo modo destruit: sed veluti in animali, permanente eodem, non manet semper eadem secundum partes omnes substantia; ita nec in Mundo manent eadem particularia, quamvis nec essentia ejusdem; nec identitas mutetur, nec cesset ipsa unitas. Quatenus igitur communi formâ totius Universi subordinatio formarum omnium particularium sic coërectur, ut ex multis ac diversis fiat per se unum; eatenus certè Mundus, cum sit omniformis rectè tamen uniformis statuitur: estque forma ejus talis maximè formalis, ut Piccol. loquitur, cum includat gradus cunctarum formarum. [Concludimus igitur cum *Danao* ex *Isagog. Christian. ad Loc. comm. lib. 1. cap. 27.* Mundi hujus forma non modo in quadam externa rerum conditarum pulchritudine consistit & aptissimæ earum inter se conjunctione & collocatione, quæ Ordo appellatur: sed etiam in ipsa interna, & totius hujus Universitatis & singularum ejus partium vi & natura: de qua longior fusiorque disputatio, ad *Physicos* propriè pertinet.]

## QUÆST. II.

*An judiciis Philosophorum antiquorum Mundi forma universalis stabiliatur?*

Maximè sententias Philosophorum suspectas reddit, ac præjudiciis conturbat, innovationis studium: cujus suspicionem ne apud rerum ignaros incurramus, in re prorsum philosophica intenti veritatis causâ, novum commentum haudquaquam esse, nostri-  
que cerebri immaturam prolem, Mundi formam quandam universalem,

falem, aliorum Philosophorum, & præsertim venerandæ ac sapientissimæ Antiquitatis judiciis, quibus quamcunque Universi formam substantialem agnoverunt, manifestum dabimus hoc loco: quæ enim qualisve ea reverâ sit existimanda, in sequentibus scrutabimur.

2. Vetustissimam esse & à variis Philosophis approbatam sententiam. Mundum communi quadam & præstantissimâ animâ esse præditum, testatur *piccol. lib. de Mundo cap. 29.* Sed singulos indigitemus propiùs.
3. Commune dogma fuit Platonis, Pythagoreorum, Pythagoræque, Orphei, Ægyptiorum, ac Chaldæorum, teste *Patricio Discuss. Peripat. tom. 3. lib. 5.* Deum supremum unum esse, quem quinque nominibus appellârunt, τὸν, τὸ ἀθάτον, ἀρχὴν, Θεὸν, πάλισα, ipsum unum, ipsum bonum, principium, Deum, patrem: Eundem supra omne ens, supra omnem essentiam collocârunt, ab eo genitum esse primum ens, primam vitam, primam mentem, hæc tria unita λόγον, νῦν, ἀρχέτυπον, τὸν τὸν κόσμον, verbum, mentem, archetypum, intelligibilem Mundum nuncupârunt, in hoc sitas esse essentialiter omnium entium forinas, quas ideas vocant, ab hoc pendere animam Universi, ab hac rursus Naturam universalem, ab hac Universum Mundum formari. Mercurius Trismegistûs in sermone ad Æsculapium, Spiritu, inquit, agitur & gubernatur omnis in Mundo species: Spiritus implet omnia. Mundus nutrit corpora; spiritus animas. Spiritu ministrantur omnia & vegetantur in Mundo. Idem in Pæmandro: Totum quod in Mundo est, aut crescendo aut decrecendo movetur. Quod autem moveitur, id propterea vivit. Hisce consonat illud Virgilij:

*Spiritus intus alit, totamque infusa per artus  
Mens agitat molem, & magno se corpore miscet.*

5. De eodem Mercurio Bæcius de Gemm. Nat. cap. 2. Mercurius Trismegistûs, inquit, cum quo Plato consentit, & universus quasi Sapientium chorus convenit, certi quid determinârunt: à cælo stellisque Univerſo Mundo, & omnibus ejus partibus, communem quandam virtutem & spiritum vivificantem infusum fuisse, quam nonnulli Animam Mundi vocantur. De eodem Mercurio testatur Philander in annot. ad cap. 4. lib. 9. Architect. Vitruv. quod Mundum animal esse tradiderit: eique in ea opinione assecclas adjuncti Alcinoû lib. de doctr. Platonis. Iamblicum lib. de mysteriis, & Syneſum lib. de



*lib. de somniis.* Certè Iamblichus cit. libr. Mundum esse unum animal statuit, in quo partes, quamvis loco distantes, propter naturam tamen unam invicem ad se feruntur. Stoïcorum quoque ea est sententia, Mundo animam competere, qui tamen illam à Deo non fecerunt; quod præsertim de Stratone & Chrysippo refert Piccolom. at in ea impietate omnes sibi similes existunt. *Cicero lib. 2. de Nat. Deor.* in persona Balbi Stoïci probat Mundum ratione uti. *Seneca*, Stoïcorum ipse quoque assecla, *præfat. ad natur. question.* Quid est Deus? inquit, ac respondet: *Mens Univerſi.* Huc spectat illud Virgiliti:

Deum namque ire per omnes

*Terrasque, tractusque maris, cælumque profundum.*

Atque hoc fortè sensu Thales omnia esse Deorum plena pronunciavit, ut de eo refert *Arist. 1. de anima. text. 86.* Platonis autem de Mundi anima sententia vulgo est notissima, quâ eandem à Deo manifestissimè discernit, secus atque illi affingit *Molinaus lib. de cognit. Dei, §. 35.* Quippe ipsum Deum, Opificem ac Creatorem Univerſi, mentem quidem animæ dedisse statuit, in *Timæo*, animam verò corpori, totumque Mundum ita constituisse, ut pulcherrimum naturâ opus optimumque foret: Quocirca, sicut ratio nobis hæc probabilis persuadet, Mundum animal dicendum esse ait, idque intelligens, revera divinâ providentiâ constitutum. Neque inter Mundi mentum ipsamque Naturam circa corpora dividuam Mundi anima media à summo Deo constituta est, utriusque particeps, ex mente Platonis, ut deinde exponemus. At animam verò Deus ille qui semper est, in corporis medio collocavit, perque totum tetendit, atque eâ corpus etiam extrinsecus circumtextit, Mundumque hunc unum & solum solitari-umque & circularem volvi in circulum statuit. Eodem planè sensu *Boëthius libr. 3. de consol. Philos. Metr. 9.* [Dum pulchrè interim cum Mundi Anima ac Mente omnino Dei Providentiam tuerur, ad quam unicè vel in minimis quibusque rebus respiciendum ostendit ac hortatur cit. Loc. & ibid. in fin. Prof. 9.]

*Tu triplicem mediam inquit natura cuncta moventem  
Connectens animam, per consona membra resolvis:*

D

*Quæ cum*

*Quæ cum secta duos motum glomeravit in orbes,  
In semet reditura meat, mentemque profundam  
Circuit, & simili convertit imagine cælum.*

11. Hæc sanè divina fuit sapientia Ægyptiorum antiquorum, ut ex lib. 1. cap. 5. constat: ubi rationi non esse consentaneum dicitur, ut Mundus hic latissimè patens, & perfectè conformatus, intellectus sit expers: Neque verò hujus participem esse potuisse, nisi in eodem animus antecederet. Quare summus Opifex animam cum illo conjunxit. Vi autem animæ communis, ut *ibid. cap. 1.* dicitur, dirigetur natura eorum omnium, quæ oriuntur & intereunt. Aristoteli porro eam sententiam tribuit *Piccolom. lib. de Mundo cap. 30.* quòd Mundo quidem animam tribuerit, quam tamen ab Intelligentia supremæ Sphæræ non secreverit, neutramque à Deo diversam constituerit. At certè quamvis Aristoteles mentem Mundo præesse, ab ipso Deo non distinctam, contendat; huic tamen naturam universalem, non passivam modò; seu quæ divisa circa corpora activa quidem sit in certo genere, quam sc. universali definitione expressit *2. phys. text. 3.* sed reverà activam subordinatam constituit eam sc. quam non rarò Deo sociam subjungit, quando Deum & Naturam nihil frustra facere inculcat: quamque *2. phys. c. 6. t. 67.* menti comitem ac ministrantem substituit, quando contra Democritum, si vel maxime causa cœli sit casus, *mentem & naturam*, cum aliorum multorum, tum hujus Universi priorem esse causam, necesse esse, ait. Ac tali certè activâ Naturâ universali, ceu Universi animâ, Mundus animal revera ex doctrinâ Aristotelis statuitur: quam suam opinionem ipse manifestè prodit *2. de cœlo cap. 2. text. 12.* ubi ex eo, quòd Mundus animatus sit, demonstrat eidem positionum differentias competere. Ita *3. phys. cap. 2. t. 17.* Universum cum animali comparat, seu parvum Mundum cum magno, & in utroque analogiam motus, quo à sese moveatur utrumque, concedit. Quin & *2. de cœlo cap. 12. t. 61.* Nos veluti de corporibus solum ipsis, & unitatum ordinem quidem habentibus, inanimatis autem penitus, cogitamus, inquit, oportet autem tanquam de participantibus actione & vitâ existimare. Actio autem & vita, quas *ibid.* paulò post singulis etiam astris tribuit, absque

absque anima esse non potest. Unde 3. de gener. animal. cap. 11. calorem  
 animarium in Universo inesse testatur, aded ut quodammodo ani-  
 me sint plena omnia. In hanc Universi animam quadrat illud prin-  
 cipium, & causa illa, de quibus ex Universo nos participare docet  
 Arist. 1. de part. animal. cap. 1. Videtur, inquit, sicut in artificialibus est  
 ars, ita in ipsi rebus aliud quoddam principium, & causa talis, quam ex  
 Universo perinde atque caloris & frigoris primordia habemus. Quamobrem  
 verisimilius dixerim, cælum & factum esse ab ejusmodi causa, si factum est,  
 & propter eam causam esse magis, quam animalia caduca atque mortalia.  
 Qualis autem ea causa sit declarat ipse Aristoteles, aut si quis alius  
 Autor libri de Mundo, cap. 5. Terram omnem, inquit, & mare, æthera-  
 que, & Solem & Lunam, & universum Cælum, exornavit una per omnia  
 penetrans potentia. Hanc verò ipsam potentiam Naturam appellat  
 eodem cap. Et non multò post: Ex hoc respirant omnia, atque animam  
 habent animalia: ex hoc denique miracula rerum novarum existunt, quæ  
 statim temporibus efficiuntur. Quòd autem pro instrumento prædictæ  
 potentia utatur Deus, agnoscit idem cap. 6. inquiens: Potentiâ verò  
 utens, infraclit, per quam etiam ipsi, qui procul videntur esse, dominatur.  
 Idemque expressisse videtur cap. 4. ubi, dicitur verò etiam aliter spiritus,  
 quæ in plantis atque animalibus, & per omnia penetrans animata & prolifica  
 essentia. Hunc spiritum eum esse contendit Patricius discus. Peripat. 28.  
 tom. 2. lib. 6. in quo Hermes animam esse ait, & spiritum in corpo-  
 re. Et hic fortè ille spiritus est, inquit, qui apud Moysen ferebatur super aquas:  
 Et qui apud Virgilium, Spiritus intus alit. Hunc ergò spiritum Naturam  
 Mundi Aristotelicam statuimus, quæ nihil unquam frustra facit, quæ  
 semper ad certum finem operatur, eamque optimum. Quæ certè  
 sententia ipsi quoque Patricio ea de causa magis aridet cit. loc.  
 quod neminem adhuc noverit Peripateticum, utcunque magnum,  
 potuisse certi aliud quid ex Aristotelis verbis de Natura hac afferre,  
 quanquam non parùm Alexander in ea inquirenda laboraverit: qui  
 ipse quoque Alexander, teste eodem Patricio tom. 3. libr. 5. Mundum  
 animal esse probat. At manifestam Aristotelis sententiam de Mun-  
 di anima per superius citata loca manifestam dedimus. Cujus vesti-  
 giis inherentes alij Philosophi, simili modo Mundi animam scriptis

- suis tradiderunt: inter quos Themistius, Simplicius, Averroës,  
 21. quorum sentias refert *Piccol. lib. de Mundo cap. 30.* In eadem opinio-  
 ne fuerunt Augestinus, Hieronymus, Thomas Aquinas, Scotus,  
 qui omnes, *Bodino iudicis in Theatro Nat. lib. 5.* Mundum hunc animal  
 aptissimè vocarunt; eorundem loca citantur ab eodem in margine.  
 Alios qui eandem sententiam amplexi sunt, (ne recensendis uni-  
 versæ Antiquitatis opinionibus prolixiores simus) videre licet  
 22. apud *Connimbr. libr. 2. de celo cap. 1. quæst. 1. art. 1. Plinium lib. 2. nat. hist.*  
*cap. 5.* spiritum illum, cuius nomine aëra seu æthera intelligit, quem  
 per cuncta rerum meabilem dicit, totoque consertum, vitalem  
 appellat: quod si verò vita non sit sine anima, animam utique in  
 spiritu, similiter ut antiquiores Philosophi, pronunciavit. Huc  
 spectare videtur illa antiquissima Orphei sententia, quam refert  
*Arist. 1. de anim. cap. 5. r. 84.* Animam ex Universo inspiratione in-  
 23. gredi. Galenus quoque in libris *de usu part.* teste *Gorras lib. definit.*  
*Medicar. in vocab. φῶς*, Naturam quandam Universi constituit,  
 quam ille definit esse mentem, admirabili virtute præditam, quæ  
 omnia pervadat. Ab ea, inquit, singularum rerum naturam pro-  
 priam manare consentaneum est: quodque ab ea fit; καὶ φῶς fieri  
 dicitur, hoc est, ut Galenus interpretatur, καὶ αὐτὴν τῶν πραγμάτων  
 24. τῶν τῆς ἀληθείας, secundum ipsam rerum veritatem. *Marsilius Ficinus lib.*  
*4. Theol. Platon. cap. 1.* Animam Mundi ubique per terram & aquam,  
 ait, spiritualia & vivifica semina in se continere: Hoc sensu *Theo-*  
*phrastus lib. 2. de causis plant.* corpora quævis, quibus facultates insunt,  
 25. ἰσχυρία, idest, vitalia vocat. *Erastus part. 2. disp. contra Paracels.* potesta-  
 tem divinam, toti materiæ in creatione rerum à Deo insertam,  
 26. autorem esse statuit productionis spontaneæ viventium. *Fernelius lib. 1.*  
*de abdit. rerum causis cap. 10.* Mundi animam datricem formarum trad-  
 dit, cuius potestate & viribus singula contineantur, quamque verè  
 interpretentur naturam illam universalem, cuius vim admirata sit  
 eorum turba, qui se Physicos appellaverunt, ne minimum quidem  
 ejus limites prætergressa. Hanc verò, cum à materia maximè dissi-  
 deat, non aliâ ratione cum eadem conjungi potuisse, quàm mediæ  
 cujusdam naturæ interventu, quæ sit spiritus athereus ac divinus,  
 communis

communis, utriusque & amborum ceu quidam nexus & vinculum. Hunc à Mundi anima universum dimanare Plotini fuisse opinionem 27.  
refert, quem suâ vi genitili hæc quasi turgens procrearet, per cuncta  
hunc diffusum & insertum, omnium quæ sunt proximum autorem  
esse, totumque vitalem. Hunc idem Fernelius Mundi vectorem 28.  
Spiritus vocat, cælo in totam Universitatem diffusum, qui rebus  
omnibus imperitat simul & speciem & nativum vitalemque calo-  
rem. Eum omnia continere ait, omnia calore vitæque fovere, ut ni-  
hil usquam sit non hujus ubertate confertum. Hujus vi & ope &  
inanima quæque persistere; & animata sui quæque generis animam  
habere: sic illam vim se rebus accommodare, sic singularum rerum  
natusis inseruisse, ut quantum cujusque natura & conditio desiderat,  
quantū ipsa subjecti præparatio ferre potest, tandundū illa exhibeat.  
Omnibus ipsam vitalem esse, sed ita ut alijs tantū hoc largitur ut sint,  
alijs ut animā insuper habean, eamque vel nutrientē vel sentientem. 29.  
Nec illā quidem vim sui semper similē esse, aut uno se semper modo  
rebus exhibere; sed aliàs aliter, pro stellarum statu multiformi, tametsi  
vectoris spiritus una sit & impermutabilis substantia. Hæc verē illa  
vis atque facultas dici potest, ab Universi Natura dimanans, quam 30.  
teste *Aslaco Phys. Christ. gen. cap. 12. probl. 1.* Veteres ac Recentiores  
Philosophi ζωτικὴν καὶ ἐνέργητικὴν δύναμιν appellârunt: qualem ipse  
Aslacus *ibid.* è sacræ Scripturæ fontibus eruere conatur; quod idem  
voluisse videtur Hieronymus apud Connimbr, loc. sup. cit. alique 31.  
Patres. Hæc ipsa illa vis, impetus, & efficacia illa vitalis, ac fecun-  
ditatis plena, aquis primū à Deo impressa, quam nonnulli per  
spiritum Dei, qui apud Moysen incubuisse dicitur superficiei aqua-  
rum, accipiunt: cui quoque sententiæ autores & approbatores or-  
thodoxos tribuit *Clariff. D. Rivetus Exerc. 2. ad Gen.* Non immorabor  
jam Recentiorum de Mundi Natura seu Universalī forma recensenden- 32.  
dis opinionibus: id modò monuisse sat est, omnes in universum  
Philosophos, qui vel summo conatu manibus pedibusque obnitun-  
tur Universi formæ, eamque quantum in se est, destruere conantur,  
inevitabili veritatis necessitate sæpenuerò coactos, ad universalem  
rerum omnium Naturam confugere: quod ut jam antè in Connimbr.

33. apparuit, ita idem in aliis possemus manifestum reddere. Ex supra dictis autem luce meridianâ clarius est, non esse novam de Mundi formam, vel anima, vel mente, sententiam; neque pruriginosâ quam novationis cupidine conceptam, aut vertiginosâ alicujus ingenii partu prognatam: sed ex ultima Antiquitatis ac nobilioris Philosophiæ scatutigine primûm ortam; indeque ad nobiliores ac cordatiores Philosophos quosvis sæculorum successu propagatam; quam ad nostram usque ætatem plerique, qui gessêre animos Philosophiâ masculâ excultiores, imbibebunt. Adeoque manifestum est, omnes ferè eos, quos nobiliore nomine Philosophos indigitare licet, veritatis saltem aliquam vidisse umbram; quamvis ipsam veritatem non omnes, præsertim quorum animi non nisi solo Naturæ lumine illustrati, ex æquo assecuti sunt. Cùm igitur hæcenus de re ipsa, an sit, contemplatio nostra fuerit instituta: quæ tandem qualisque seu quâ ratione constituta sit, porro jam investigabimus, quantum quidem ipsa tum nostræ rationis tum religionis terminos non excedit. Quod ut piè sanctèque instituamus, cum Platone quidem, at Christiano more, Deum ipsum Naturæ Autorem atque Creatorem, nostrumque in hac ipsa quoque disputatione servatorem oramus, ut nos ex admirabili expositione ad verisimillimam doctrinam traducat.

### Q U Æ S T. III.

*Quæ sit Vniversi forma? & quâ ratione constituta?*

- I**Nter eos qui formam Mundo substantialem tribuunt, nonnulli eam partem ætheream faciunt, pro ut hæc ipsa à regione sublunari distinguitur. Ita Averroës 1. de calo sext. 95. si nomine cæli intelligamus Mundum, inquit, pars ætherea est forma ejus; si verò partem solam ætheream, Intelligentia est forma, orbis verò materia. Priori quidem consideratione cæli formam hoc loco scrutamur: at eam partem Mundi ætheream vulgò dictam constituere, contra omnem rationem est. Quamvis enim à cælo propriè dicto, seu ætherea illa parte, formæ rerum sublunarium promanent, ac virtute cæli ad suas quæque dirigantur

dirigantur atque concitentur operationes, ut cœlum quodammodò  
 hæc inferiora actuare rectè dici queat: non inde tamen ipsa illa cœ-  
 lestis regio Mundi forma dicenda est: sic enim ea parte sui ipsius  
 forma foret. quod verò est absurdum. Quin nec ipsa dici potest  
 forma elementaris vulgò dictæ regionis. Partes enim unius ejus-  
 demque corporis integrantes, formæ vicem invicem non præstant:  
 at regio ætherea dicta, ac ipsa sublunaris, partes integrantes Universi  
 sunt. Quin & forma cum materia simul esse debet, seu intinè eidem  
 permisceri; at regio ætherea à sublunari ipso quoque loco distat. Alij  
 igitur Deum ipsum Mundi formam existimant: Eorum verò duplex  
 est opinio. Vel enim Deum formam Mundi informantem esse cre-  
 dunt: quæ Stoïcorum est sententia; eaque *Seneca lib. 4. de benef. cap. 8.*  
 Deum & Naturam idem esse, nec distare, ait. Vel Deum formam  
 assistentem faciunt, quæ Aristoteli est assignanda. Hic namque  
 sine evidenti necessitate nihil concedens, supremam Intelligentiam,  
 quam primo mobili præesse statuit, ab ipso Deo non secernendam  
 judicavit, ejus autem vires per Universum permeare, ac subordina-  
 tâ serie complecti reliqua, totumque colligare credidit. Priorem  
 opinionem saniores omnes blasphemam meritò pronunciant: po-  
 testeriori verò nonnulli non quidem impiam, at falsam tamen &  
 absurdam esse contendunt. Nos utramque ut absurdam ita dete-  
 standam Christianis auribus, ne dicam animis, statuimus. Quod  
 enim ad priorem spectat: Deum formam informantem judicare,  
 est certè Deum ipsum cum materia miscere; & cum compositum  
 sit solâ formâ nobilium, Deum ipso Mundo ignobiliore facere.  
 Quod verò attinet posteriori: Deum formam assistentem dicere,  
 est saltem Deum materiæ alligare. Est enim forma assistens qui-  
 dem causa motus & quietis ejus in quo inest per se, at non primò ac  
 immediatè, sed mediante ipsâ naturâ rei, quâ mediante corpori assi-  
 stit: quare non aliter agit in materia & per materiam, quàm secun-  
 dùm ipsam materiæ conditionem, nec operationes à materia depen-  
 dentes ullas ipsa exercet, nisi ad quas materia per naturam est disposi-  
 ta; nec ipsa extra eam materiam cui assistit quicquam potest agere  
 materialiter. Ac talem quidem formæ assistentis cum materia con-  
 nexionem

- nexionem & respectum ad eandem esse, adeò Philosophorum animis consentit, ut *Arist. 12. metaph. l. 49.* pronunciare non sit veritus, si plures essent Mundi, plures requiri primos motores. Atque eodem sensu pronunciavit Galenus, non quidvis indifferenter à Deo fieri posse, v. g. si repente ex lapide hominem facere vellet; sed ea tantum quæ in naturæ ipsius potestate sita sunt: quæ verò talia non
10. sunt, ea haudquaquam à Deo attentari. Perinde igitur Deum animali mundano necesse hæc sententia, atque mens humana animali humano alligata est, si hæc assistens statuatur. Adeoque sicut hæc non potest motus instituere corporeos, nisi ad quos exercendos sensitiva anima humana apta est, & quæ eadem mediante peraguntur; (veluti per aëra volare corpus, utut velit rationalis anima, præstare nequit: ) ita nec Deum posse sine Mundi anima, aut præter Mundi animam, dirigere materiam concludit. Hanc verò sententiam quicumque non impiam ac blasphemam censendam judicant, ij sanè
  11. ipsimet blasphemii sunt censendi. Ex dictis autem redarguitur eorum error, qui putant formæ assistentis eam esse rationem, ut corpori cui præest extrinsecus assistat, & velut nauta puppi adhærens tantum, clavum teneat, vel aurigæ in modum currui impositus inflectat habenas, vel quæ assistens extus facultate quadam suâ corpus
  12. protrudat. Assistenti certè formæ, quæ forma est, totum perfinere non repugnat, quin imò convenit; at ita tamen, ut ad materiam haud primò ordinata sit, nec ipsi implicetur, nec unum per se cum materia constituat, sed cum ipsa potius natura, [ quæ ex materia, & forma naturali, subordinata formæ assistenti, conflata est, ] quâ quodammodò informat: adeoque materiæ solummodò respectu sit assistens; at ipsi naturæ connexa per se primò, deinde & per operationes. Sic verò quatenus forma quidem, cum materia connectitur;
  13. at quatenus assistens est, non immediatè illi hæret, aut immediatè operationes edit, sed per naturam imperio illius subditam: sic nec ipsa ultra naturæ vires in materia potest operari, licet per se proprias habeat & ab omni materia immunes operationes. Hæ verè sunt
  14. conditiones formæ assistentis, à primis ejus notionis Autoribus tributæ: quas & *Plotinus* exprimit, ubi *anima potius animalis est forma,* inquit,



inquit, hoc est, quæ cum materia animal constituit; *intellectus forma anima*, quatenus nimirum ex anima informante corpus, ipsoque intellectu corpori assistente per se unum constituitur. At has conditiones nemo sanè pius Deo assignabit. Sunt tandem alii, qui 15. Mundi formam dicunt esse animam à Deo ratione essentiae suæ penitus distinctam: cujus sententiae plures quæst. præced. recensuimus. Inter eos verò agmen meritò ducit ipse Plato, quem & nos ipsi quoque hac in parte libentissimè sequemur. Mundum quippe 16. universum animal unum à Deo factum esse profiteamur, cujus partes inter se nectuntur omnes, non quidem continuitate mathematicâ, seu quâ extrema diversarum partium reverâ unum sunt, quippe ne in aliis quidem animalibus talis datur partium continuïtas; sed continuitate verè physicâ, quâ partes inter se unius spiritus & Mundi animæ beneficio, ut loquitur *Fernelius*, coherant. Vivunt quidem, ut verè idem ait *lib. 1. de abditis rerum causis, cap. 10.* animalium corpora suâ quæque animâ; Mundus autem longè omnibus dignitate præcellens, multò nobilissimam animam est consecutus. Quæ enim obsecro vesania, quæ dementia sit partem vivere fateri, negare totum? (cui jam antè formam unam convenire demonstravimus.)

Quæ perversitas, imò verò quis furor, inquit, *Universo vitam eripere, in quo & cuius beneficio sumus ipsi, vivimus, movemur?* Magna est hac in parte diligentia *Platonis*, & sunt ab eo collectæ in *Epinomide*, in *Timæo*, in libro de legibus decimo, argumenta & multa & valida, inquit: quibus recensendis nos impræsentiarum, ne simus supervacui, supersedebimus. Ut autem 18. in nobis eam qua osis est formam, & eam qua carnis, & eam qua nervi, & qua alterius cujuscunque similari particula, gubernat ea qua totius est, omnibus quidem particulis se communiter impertiens, nullius verò peculiariter propria, totius corporis communis: sic & qua totius Mundi est anima, omnium coelorum, syderum, elementorum, omnium denique quorum ex illis ortus existit, animas fovet ac gubernat. Hac est Mundi anima datrix formarum, &c: Hanc à Deo dependere non secus atque reliqua omnia entia, tum quoad esse, tum quoad operari, prorsus tamen à divinâ essentia distinctam, profiteamur. At verò essentiam hujus planè manifestam reddere, humani ingenii viribus non est concessum, cui,

- rectè dicente Scaligero, nulla prorsus forma planè plenèque cognita nostra scientia verè umbra dici queat in manifesta Solis luce. Nonnulla tamen quæ animæ mundanæ constitutionem spectant, quantum lumen rationis patitur, unâ cum Platone contemplabimur.
10. Animam quidem corpori dedit Deus, ut dicamus cum eodem, at non eam tunc denique, cùm corpus ei effecisset, procreavit: neque enim qui hæc conjunxit, parere juniore antiquius permisit. Sed animam Mundi Opifex tam generatione quàm virtute priorem antiquoremque corpore constituit, utpote quæ obediens corpori esset imperatura, ex his videlicet, & hoc pacto: *Ex ea substantia, quæ individua & semper eadem similisque est*, quam mentem Mundi Animæ præpositam vocavit Plato, & *ex ea rursus qua circa corpora dividua sit*, quæ est natura quidem universalis, at secundùm Mundi partes varias distributa, ac collectione & subordinatione particularium naturarum una, *tertiam substantia speciem commiscuit mediam, quæ rursus esset natura ipsius ejusdem, & natura ipsius alterius participis, eamque per hæc mediam constituit inter individuum substantiam, & eam qua circa corpora dividitur*, hoc est, inter utramque prædictam substantiam collocavit tertiam ab utraque diversam, quæ affinitate quadam essentia suæ illinc cum ipsa mente quodammodò, hinc verò cum natura circa materiam dividua, seu quæ ad particularia propiùs refertur, conveniret, quæque adeò optimum vinculum evaderet, quo interjecto natura illa multiplex & varia, à mente longiùs diffidens, ac minimè per se proportionata ad eandem, cum ipsa tamen
21. mente amicissimè copularetur. Namque, *Ea cùm tria sumpisset, in unam speciem omnia contemperavit; ubi naturam ejus quod alterum diversumque vocamus, commixtioni repugnantem, cum eo quod idem dicitur vi quadam conciliavit*: tali nempe interjecto nexu duas diversissimas substantias consociavit Deus, ipsamque animam Naturæ, ita speciatim dictæ, in modum formæ quodammodò adjunxit, mentemque rursus ipsi animæ: atque ita ex materia per Naturam informata proximè, ipsaque Natura, ac insuper anima, & mente, unum
22. per se Mundum fabrefecit. Ubi verè tandem illa Pythagoricorum exurgit quatrinitas, omnes harmoniæ modos in se continens, quâ Mundi

Mundi plenitudinem solebant designare, quamque jurejurando testabantur Naturæ perpetuò fluentis fontem esse quadruplicem. Atque eâ ratione mentem quidem animæ, animam verò corpori, per Naturam informato, dedit Deus, totumque ita Mundum constituit, ut pulcherrimum naturæ opus optimumque foret: ut meritò pronunciare liceat, hunc Mundum animal esse, idque intelligens, reverâ divinâ providentiâ constitutum. Hîc referri illud potest, quod extat lib. 2. div. sap. Ægypti cap. 7. Summus Opifex omnia in intellectu conservat, quæ certo ordine in animam eduxit per medium intellectum, & in Naturam per animam, in Mundum verò hunc per utrumque, donec ventum ad singula. Hîc verò contemplatione dignum occurrit, quæ ratio sit quod uno tantum medio nectantur intellectus & natura? cùm inter duo corpora, ut aptè uniuntur, duo media proportionalia intercedere necesse sit, ut seq. disp. in elementorum coordinatione apparebit. Quam difficultatem ut reddamus expeditam, analogia ista mystica, quam inter Mathematica & Physica celebrârunt Pythagorici, & ipse Plato, paulò altiùs investiganda est. Illi igitur philosophicarum rerum Mystæ celeberrimi essentiam primam, Deum Opt. Max. assimilârunt puncto atque unitati, utpote qui supra omnem multitudinem, indivisibilem essentiam in sese habet. Eundem illum summum Deum, qui in essentia absolutè unus est, binario seu lineæ assimilârunt. quatenus sese idem simplicissimè diffundit in idearum multitudinem, quæ sunt numeri primi ac mensuræ originales, ob quas dicitur Deus cuncta definitis numeris ac mensuris procreâsse: Christiani lineam (quæ fit unius ejusdemque puncti fluxu) cum unico illo Deo comparare possumus, quatenus ille unus in essentia in trium personarum multitudinem diffunditur. Per superficiem, quæ nempe ab illo unitatis fluxu in diversum abit, intellexerunt secundas essentias rerum simplicissimas, ut Intelligentias ac formas. Per trianam verò dimensionem, seu corpus mathematicum, indigitârunt compositam essentiam: quæ duplex iis constituta est, teste Marsil. Ficini in comm. ad Timæum cap. 22. formalis, id est, ex pluribus formis, seu ex forma & Intelligentia, sphaeræ solidæ similis; ac materialis, id est, ex forma & materia, cubo similior. Hac igitur

27. convenientiſſimâ comparatione inſtitutâ, quâ ratione inter duo plana ſimilia in Mathematicis unum medium proportionale interjicitur, eâdem inter duas ſimplices eſſentias, (quippe ea quæ circa copora diviſa, collectione una ſit, haud minùs ſimplex dicenda eſt, quàm ex ſuperficierum plurium collectione una ſimplex ſuperficies) quæ plano reſpondere dictæ ſunt, unum medium proportionale interferendum fuit, ut ex duabus diverſiſſimis ſubſtantiis, ipſoque vinculo neſcente, quantum fieri poſſet maximè unum redderetur.
28. Sic igitur adornatam Mundi animam in medio ejusdem collocavit, perque totum tetendit, ut Plato loquitur, atque eâ corpus ipſum etiam extrinſecus circumtextit, Mundumque hunc unum & ſolum
29. ſolitariumque & circularem volvi in circulum ſtatuit. Quæ quidem verba Platonis non alio ſenſu vera judicamus, quàm ut indicetur ipſam animam per Univerſum eſſe diffuſam, ac formæ inſtar univerſam materiam in unam ordinatiſſimam compagem coërcere atque terminare, eſſeque centrum & ambitum, principium atque terminum, aliarum omnium formarum, quæ ordinatâ ferie ac ſubordinatione quadam eſſentiali ab illa prodeunt, qualque ipſa in ſe omnes comprehendit; ipſamque circularis motus Univerſi eſſe cauſam.
30. Quemadmodum autem antè ex Platone dictum eſt, corpus non fuiſſe prius ipſâ animâ; ita nec hac ipſâ prior extitit natura, ut dicere cum ipſo cæperamus: Sed quâ ipſe non ſatis exactæ locutionis excuſatione utitur, (ἡμεῖς πολὺ μὲν ἔχοντες τὴν ἀποφύγετον τὴν καὶ τὴν αὐτὴν καὶ λέγομεν,) eandem noſtræ huic expoſitioni ratam volumus: ſicque ſine omni ſupercilio, humanæ fortis memores, hanc noſtram contemplationem univerſam doctiorum judicio ſubjicimus.

#### Q U Æ S T. IV.

*An aliqua, & quanam Mundi ſit Intelligentia.*

**M**Entem animæ Mundi præfeciffe Deum, quæ mediante animâ cum Natura ſociata ſit, jam antè quidem fuit præſuppoſitum: at ne quid abſque ratione conſtitutum videatur, id aliquantò altiùs rimandum

rimandum est. Platonis verò hîc similiter vestigia prememus. Dicamus verò primum quam ob causam ipse rerum Autor Universum constituerit. Bonus erat, inquit Plato. Sola namque Dei bonitas in causa est, quòd Mundum condere decreverit, ac se communicare creaturis. At cum ab eo qui est summè bonus livor omnis prorsum alienus sit, omnia sibi, quantum quidem fieri potuit, simillima fieri voluit. Fas enim neque erat, neque est, quicquam nisi pulcherrimum facere eum, qui est optimus. Ac ut disertè *Molinæus lib. de cognit. Dei. §. 24.* Cum nihil sit quod potius debeat pingi & imagine exprimi, quàm quod pulcherrimum est, Deus, qui est primum pulchrum, voluit suam ipse imaginem ducere, atque ut in *Minerva Phidia* ipse artifex similitudinem sui indelebilem operi suo impresit. At nihil certè eorum quæ secundum naturam aspectui subjecta sunt, excogitari potuit, quod intelligentiæ expers intelligente alio, totum toto, pulchrius unquam foret. Intellectum igitur Mundo præfecit Deus: qui cum sine animâ alicui non queat dari, mentem quidem animæ, animam verò corpori dedit: atque ita totum Mundum adornavit, ut pulcherrimum naturâ opus optimumque factum sit. Mundum igitur intellectu esse præditum omnino rationi consentaneum haberi debet: eoque sensu maximè omnia Dei opera valdè bona judicanda sunt. At quisnam ille intellectus sit, id controverti solet. Aristoteles, ut antè dictum est, videt ipsum Deum Universi mentem constituere, quàm velut impiam opinionem refutavimus. Nec saniori sensu intellectum Mundo præfecisse videntur antiquissimi *Ægyptiorum* sapientes, dum intellectum animæ formam dare atque virtutem inquirunt *libr. 3. div. sap. cap. 4.* quam à primo principio recepit. Quippe eundem intellectum à divinâ essentiâ promanare eorundem alibi opinio videtur. Sic enim *libr. 4. cap. 3.* dicitur primus Opifex cætera omnia essentiæ dignitate superare, quæ sunt quasi signa, per aliorum imitationem expressa, de illisque pendentia: de quibus *per essentiam* primum intellectum procreavit, sub eoque animum, & quæ oriri possunt. Videntur igitur intellectum Universi à Spiritu S. non distinguere, quatenus illi tribuunt essentiam divinam; quamvis perperam eundem, & non absque contra-

8. dictioni, dignitate ignobiliorem statuunt. Id verò quoque impium, quicquam per essentiam divinam, secus atque cætera, productum esse, quod non sit ipse Deus, aut quo infinitate quâdam primus Opifex immotus prior sit, ut *cit. loc.* ajunt. Rectè *Scaliger. Exerc. 6. sect. 13.* Non est à Deo, inquit, addita existentia essentia, quæ erat in mente sua. Ad hunc enim modum non creâset ex nihilo, sed ex se tanquam materia, quod est impium. Sed deprompsit formas novas, illi similes,
9. non univocas simpliciter, sed analogas. Sic quoque antiquam Judæorum seu Hebræorum sapientiam rejicimus, quâ inter duas & triginta semitas seu numerationes (quas veluti catenam constituunt essentiarum à summo Deo dependentium) in exordio libri *Iezirach*, quem Patriarchæ Abrahamo attribuant, (A<sup>o</sup> 1642.) decem priores per emanationem ortas, non verò per creationem, tradit *Rabbi Schabthe.* (pag. 76.) Pulcherrimè quidē & in modernorū Judæorum reprehensione Judæorū illi antiquissimi per tres priores semitas, (Coronam summā, quam non ens rectè vocant, Sapientiam, & Intelligentiam,) sacrosanctam Trinunitatem adumbrârunt; nec abludunt fortè tres sequentes numerationes à mente Universi, anima, & natura, quam dividuum vocat Plato, (quod tamen aliorum relinquimus judicio:) at perperam omninò hæcæ posteriores ab essentia divina promanasse credunt. Rejctis igitur impiis hujusmodi de Mundi mente opinionibus, statuimus hanc ipsam ex nihilo productam esse æquè atque Mundus hîc visibilis: adeoque finitæ creaturæ finitam essentiam creatam à summo Deo esse additam. In hanc sententiam inclinat ipse Plato, præ cæteris Philosophis ad divina propiùs admotus. Hic namque, ut mentem ejus declarat *Chalcidius* in *Timæum*; cuncta quæ sunt, & ipsum Mundum contineri regique principaliter quidem à summo Deo statuit, qui summum bonum est, ultra omnem substantiam, omnemque naturam existimatione intellectuque melior, quem omnia expetunt, cùm ipse sit plenæ perfectionis, & nullius societatis indigus. Cùm Deo proximè Providentia ac Fatum conjunguntur. Quarum illam Dei voluntatem esse dicit, ac sapientem tutelam rerum omnium, non, ipso quidem judice, ideò dictam quòd præcurrat in videndo atque intelligendo proventus futuros; sed quia

sed quia proprium sit divinæ mentis intelligere, qui est proprius  
 mentis actus, & est mens ipsa Dei æterna. Providentiam sequi ait Fa-  
 tum quod legem divinam vocat, promulgatam Intelligentiæ sapienti  
 modulamine ad rerum omnium gubernationem. Huic obsequium  
 præstare dicitur ea, quæ secunda mens vocatur: quam quidem  
 Mundi animam Chalcidius appellat tripertitam, quam ipsum Mun-  
 di intellectum rectius vocamus. Hæc suprema dicitur Intelligen-  
 tiarum à Deo conditarum. Cujus essentiam humano ingenio rimari  
 licet, at nunquam intelligere Quippe obex hîc humanæ rationi  
 constitutus est, ultra quem incassum cogitamus. Illi tamen inte-  
 rim Scaligeri judicio *Exerc. 359. f. 1.* subjiciemus calculum: Duos esse  
 Intelligentiarum ordines primarios, cœlestem atque super cœlestem.  
 Cœlestis Intelligentiæ officium esse dicimus movere suum quam-  
 que orbem: supercœlestem verò assistere primæ causæ, ut ejus jussu  
 hæc res procuret inferiores, earum rectiõni præfecta atque conser-  
 vationi: quæ causa fuit ut à Græcis Angeli sint dicti, quia mittat  
 eos Deus. An verò sit quorundam modò illud ministerium, an  
 omnium? id nec memoriæ succurrit ex Scripturis revelatis; nec ex  
 cogitatis rationi. Ipsum verò hunc ordinem supercœlestem vide-  
 tur agnovisse quoque Aristoteles, non minùs atque illum alterum:  
 quando *libr. 1. de celo s. 100.* extra ipsum cœlum talia agnoscit, quæ  
 nec apta sunt in loco esse, nec quæ tempore senescunt, sed quæ  
 optinam sufficientissimamque in universa sempiternitate vitam ha-  
 bent. In ordine autem cœlestium Intelligentiarum meritò suprema  
 illa judicanda est, quæ universo Cœlo sive Mundo ab ipso genito-  
 re fuit præstituta.

Q U Æ S T. V.

*Quibus potissimum argumentis Mundi anima vacillare videatur?*

[P]onderosa equidem contra Stoïcorum Mundi Animam à Theo-  
 logis moventur argumenta: sed cum illam ipsumet damnavi-  
 mus *Quæst. 1. 4.* ea hîc Elenchum non attingunt. Quæ verò contra  
 Mundi animam à nobis cum Platone traditam, moveri solent à Phi-  
 losophis

- Iosophis quibusdam, ea impræsentiarum paucis hîc attingimus.] Plurimi non modò necessitatem mundanæ animæ conati sunt evertere; sed absurditatem ejus quandam insuper rationibus urgere sunt aggressi: quarum præcipuas hîc paucis retudemus. Si Mundus, inquiunt, animatus esset, singulæ ejus partes vitâ carent: ut elementa, lapides, metalla, &c. Equidem vita necessitate quadam cum anima cohæret, siquidem hæc ipsa pro animatione & vificatione, ut *Plotinus* exponit, accipiat. Vita enim est verè actus quidam, animæ ipsius imaginem quandam repræsentans; quæ, ut idem *Plotinus* loquitur, si abeat anima, non perit quantum est actus, sed definit ulteriùs imago esse: perinde ac si à vultu imago fiat in speculo; ac decedente vultu restet quidem actus quidam in vultu, vigorque emicans imaginis efficax; sed non restet imago. At unde, quæso, discunt vel docent ejusmodi vigoris simulacrum, quod verè vita dicitur, non omnibus rebus mundanis impressum esse? Si, inquiunt, Mundi corpora quævis vitâ prædita essent, ea utique vel ab anima vegetativa vel sensitiva vel rationali dependeret: At nulla harum elementis, &c. convenit. Hîc verò insufficienti enumeratione laborat propositio. Est quippe planè diversum genus animæ quo Universum informatur: hæc namque talis est quæ rerum corruptibilium quarumvis animas materiales suâ potestate continet, ac è suo quasi sinu depromit: singulis verò Mundi partibus secundum peculiare & à sese productas dispositiones ipsa inest; at omnibus in universum tamen vitalis existens, reverâ vim ac facultatem talenti tribuit, quam rectè veteres Philosophi juxtâ ac recentiores
5. *ζωτικὴν καὶ αἰσθητικὴν δύναμιν* nominârunt. Sic namque in unoquoque animalis corpore non uno eodemque modo partes singulas informat sensitiva anima, sed alias quidem sensus omnis expertes efficit, aliis verò sensum tribuit, ac aliis rursus motum insuper adjungit; omnes verò simul animali quadam facultate perfundit: ita mirum videri nequaquam debet, si in ipso Universo, quod animalium omnium est perfectissimum, simili modo sese res habere statuatur. At durum tandem torquent telum, ac inevitabili ictu se ferre Mundi animam existimant. Corpus communi anima instructum continuum



continuum esse oportere ajunt: at Mundi variaz partes continuæ non sunt, sed distinctæ & intervallis separatæ. Hic credo equidem tam  
 7. solidis Philosophis cerebrum cum parenchymate hepatis continuari, aut cordatis illis Viris utrinque renes cum corde unum esse; nec visceribus partibusque, propriis terminis ab invicem distinctis, continuari universum corpus, stipiti quam corpori organico simili-  
 8. us. Sed ad rem propius. Continuitas alia mathematica est, quando communi termino partes connectuntur: alia physica, quando partes propriis terminis finitæ, communi naturâ, totum permeante, continentur, & arctissimè consociantur, ut ex diversissimis membris per se unum corpus naturale constituatur: (ne jam de artificiali continuitate quid dicamus, quam nec *Arist.* ignoravit *5. phys. cap. 3, l. 27.*) Hæc Mundo quoad totû competit ac decernenda est, ut cæteris quibuscvis animalibus; illa nequaquâ. Quæ porro ingeri vel fingi solent difficultates, eas scuticâ magis quâ censurâ dignas judicamus.

## DSPVTATIO TERTIA.

De

MATERIA MUNDI  
CONSTITUENDI

seu

## ELEMENTIS

in genere

P R I O R.

## Q U Æ S T I O P R I M A.

*An aliqua, & quænam Mundi constituendi fuerit materia?*

N densissima caligine rerum antiquis Ethnicorum Philosophis nonnihil luminis subinde apparuit, quod umbrâ tamen proprii intellectus haud parùm obfuscâ-

F

runt:

- runt: Hinc ultra sæpe verba sapiunt, quàm unde dimanasse videntur ipse intellectus. Id verò quidem, ut luculenter alibi, ita non obscure in hac ipsa re, quam præsens nostra quaestio ex parte concernit, 2. deprehendi potest. Universam hanc Mundi fabricam ex indigesta ac informi materia successivè in ordinem digestam esse, divini verbi autoritate Christiani tenemus: Quod idem multi olim prodidère Philosophi, qui Mundi primam materiam inane confusumque & inordinatum chaos ante Mundi ortum statuunt. Quo sensu Hesiodus ἡτὶ μὲν πρῶτα χάος γένετ' αὐτὰρ ἔπειτα γαί' ἐπιγεγενῆκεσσι Extitit ante chaos post hac latissima tellus. Atque ita Ovidius.

*Ante mare & terras, & quod tegis omnia cælum,  
Vnus erat toto natura vultus in orbe,  
Quem dixere chaos.*

3. Verùm enim verò quamvis verba veritatem sonent, tenebris tamen ignorantiae involutus fuisse videtur intellectus. Neque enim ex nihilo hoc ipsum chaos jussu Dei prodissse, quod nos divina pagina docet, agnoverunt; sed ab æterno extitisse crediderunt eam primam rudemque rerum sylvam. Sed hæc jam aliquanto longius à nostro proposito remota est: propiorem hinc materiam investigamus, ex qua nimirum proximè Mundus fabricatus sit. Neque enim quando materia constituendi hominis investigatur, ad primam illico materiam recurrimus, ut nec ad ipsa elementa proximè; sed semen humanum propiorem constituendis homini materiam asserimus: ita quoque dum hoc loco circa eam Mundi materiam versamur, ex qua Mundus factus est, non remotissima illa, quam insensibilem & formarum omnium expertem vocant, cogitationibus obiecta est; sed talis quæ in nostros sensus propius se ingerat, suisque formis adornata sit. Eam verò quatuor elementa integra vocamus cum Plalone, ac ipsa quidem sola. 5. Quatuor namque earum rerum quamlibet integram Mundus accepit, ut in Timeo est: Ex omni quippe igni, aëre, aqua, terra, ipsius faber ita ipsum composuit, ut nullam cujusque istorum partem aut vim extra relinqueret. Idque eâ ratione fecit ut totum hoc animal quam maximè perfectum ex perfectis partibus constaret. 6. Hæc illa materia est, quam per gravia, levia, & neutra indigita-
- re sole:

re solet Aristotelies, perperam à quatuor elementis vulgò dictis  
 cœlestem materiam sejungens, ut in sequentibus docebimus. Hęc  
 verè eadem materia est, de qua Plato in *Timæo*, *Quicquid erat*, inquit,  
 quod in cernendi sensum cadere posset, *assumpsit Deus, non tranquillum &*  
*quietum, sed temerè agitatum & fluitans, adque ex inordinata jactatione re-*  
*degit in ordinem.* Ubi summopere hallucinantur omnes, qui indicari 7.  
 censent à Platone æternum quoddam chaos, primamque rerum  
 materiam Opifici coævam, per se expertem omnis naturæ, quæ in  
 ordinem à Deo sit redacta aliquando. Verè enim ipsæ elementa  
 hîc intelligit in ordinem redacta Plato, quorum naturam & affecti-  
 ones postmodum consideraturus, *Nullus profectò*, inquit, *ad hoc*  
*usque tempus eorum generationem ostendit; sed quasi notum sit quid sit ignis &*  
*reliqua, sic de illis verba facimus, eaque Mundi primordia constituimus, cum*  
*nec syllabarum nedum elementorum ea vicem tenere apud homines mentis quo-*  
*quo modo compotes debeant.* Ubi manifestè innuit, ea Mundi primor-  
 dia, quæ in ordinem à Deo redacta priùs dixerat, non esse verè 8.  
 prima; sed longè simpliciora alia eadem antecedere. At ipsam 8.  
 verò absolute primam materiam expositurus, intellectu *difficilem &*  
*obscuram speciem* eam vocat, ac *formationis gremium informe*, quod sua-  
 præ naturæ omnium formarum, quas *recepturum est, sit expert.* Et cùm 9.  
 prædicta Mundi primordia proxima, quæ elementa esse diximus,  
 in cernendi sensum potuisse cadere dixisset, de prima sanè materia  
 longè aliter pronunciat, inquires: *Quamobrem Univerſi, quod & ge-*  
*nitum est, & sensibus omnibus manifestum, matrem ipsam, receptaculumque,*  
*neque terram, neque aërem, neque ignem, neque aquam, esse dicamus,*  
*neque rursus ex his aliquid constitutum, aut aliqua ex quibus propriè hæc ipsa*  
*subsistunt; sed invisibilem potiùs speciem quandam & informem suum omnium*  
*capacem.* Invisibilem hanc vocat speciem, seu quæ per se non erat  
 apta in cernendi sensum cadere; secus atque ea quæ in ordinem di-  
 gesta sunt. Quin imò ea proxima materia constituendi Mundi tem- 10.  
 merè jactata atque fluitans refertur à Platone: at verò motus primæ  
 seu informi materiæ per se non convenit, ut demonstratum est à  
 nobis *Nat. Theat. univers. part. 3. disp. 3. quæst. 2. §. 4. idemque doce-*  
*tur lib. 4. de div. sap. Egypt. cap. 2. hoc argumento, quod motus à*

- quodam appetitu proficiscatur, materię autem primę nullus insit  
 11. appetitus. Quicumque autem motus materię ante Mundi ortum  
 accidit, non ut primę seu informi, sed veluti formatę quodammodo  
 ipsarum formarum viriumque à formis dependentium ratione ac-  
 cidisse judicandus est: quam suam quoque mentem egregie decla-  
 rat Plato in *Timao*, inquires: *Ante celi ortum generationis nutriticem* (quę  
 est materia prima & informis) *ignitam & humectam, terra item & aëris*  
*formas suscipientem, affectionesque perpetientem qua ipsa elementa conse-*  
*quuntur, omnigenam aspectu videri. Verum, quia nec similibus, neque ad*  
*pondus exaquis viribus* (sc. ab elementorum formis dependentibus)  
*referta est, nulla ex parte aequilibrum esse: sed inaequaliter undique vergen-*  
*tem declinantemque ab illis quidem qua diximus agitari, rursusque ipsam com-*  
*motam agitare eadem. Quo pulsu concita in diversa raptari atque discerni, &c.*  
 12. *atque alio solida graviæque, alio rara & levia ferri. &c.* Hoc autem mo-  
 do verè inordinatâ jactatione acta dici possunt elementa, (quamvis  
 hanc de primordiorum aliquorum motu sententiam Platonis repre-  
 hendat *Aristot. 3. de cælo. cap. 2. §. 21. 22.*) cùm primùm è sinu aqua-  
 rum produceretur arida tellus, cùm montes atque valles constitue-  
 rentur, totusque velut circino describeretur orbis; cùm lucida  
 massa distribueretur in varia celi corpora; quę ad præscriptam sibi  
 à Deo sedem contendebant; cùm Expansum ipsum quaquaversum  
 se extenderet. Tunc quippe talis ferè fuit Universi facies, qualem  
 faciem telluris cecinit Poëta:

*Quęque eras & tellus, illic & pomus & aër,*

*Sic erat instabilis tellus, innabilis unda.*

13. Atque ita verè ex mente Platonis ipsa elementa à Deo in ordinem  
 redacta sunt: eaque ipsa proxima constituendi Mundi sunt materia.  
 Id verò apprimè consentit sacrę Scripturę, quę in ordinatione  
 Mundi Terrę & Aquę, Lucis & Expansı, manifestè fecit mentio-  
 14. nem. Hanc autem *ὁμοτιτυχοῦς* veritatem non ipsi primùm divino  
 Platoni assignamus, quam nec affingimus eidem, nec vi quadam  
 ex illius scriptis, ut ex præmissis constat, extorqueamus; sed jam  
 dudum alii eandem ejus mentem observârunt, de quibus *Chalcidius*  
 in *Timæum*, *Non desunt, inquit, qui putent, inordinatum illum & tumultu-*

*suatum*

tuarium motum Platonem non in sylva, sed in materiis & corporibus jam notasse, qua initia Mundi atque elementa censentur. Quippe si est informis, inquit, & inordinata, nimirum etiam immobilis naturâ suâ: Nec immobilis modò, verum etiam incommutabilis. Quippe commutationes non sylva accidunt; sed corporibus in quibus sint qualitates. Eodem pacto etiam exanimis, quandoquidem immobilis. Elementa igitur vulgò dicta unâ cum Platone materiam proximam censemus, ex qua Mundus primùm est in ordinem digestus: At eadem non extitisse ab æterno; sed ipsa, aut si quid iis sit simplicitate prius, ex nihilo per Dei verbum esse condita, piè ac religiose credimus.

## QUÆST. II.

*An Elementa Mundi sint numero quatuor?*

Cum variè sunt elementi significationes, ut apud Arist. 5. Metaph. c. 3. Comm. de ori. & inter. lib. 2. c. 3. q. 1. art. 1. videre est, questio quidem nostra hæc circa elementa Mundi in specie dicta versatur. Ac horum quidem numerum investigaturi, præsupponemus quæ sit elementi natura. Eam verò Aristoteles, solis quidem rebus iis quæ circa generationem versantur elementa designans, eandem præsupponit lib. 3. de celo cap. 3. l. 31. "Ἐστὶ δὲ τὸ στοιχεῖον inquit τῶν σωμάτων ἐκ ὧ τὰ ἄλλα σώματα διασχεῖται ἐνυπάρχον δύναμει, ἢ ἐνέργειᾳ, αὐτὸ δὲ ἐστὶν ἀδιαίρετον ἐκ ἑτέρου τῶ ἐίδος, *Eslo elementum corporum, in quod reliqua corpora dividuntur in quibus vel potentiâ vel actu inest, (id enim utro modo se habeat ambiguum ibidem relinquit) ipsi verò indivisibile est in alia specie diversa.* Nobis verò magis ad propositum restringitur natura elementorum eo sensu, quod sint corpora simplicissima ex quibus Universum primò est conflatum. Talia autem dari corpora simpliciora, coalitus ac secretiones, quas ipsa incorrupta Mundi corpora, non modò sublunaria sed & cælestia perpetiuntur, manifestè arguunt, ne rationes longius petamus. His ita præsuppositis, nunc ad rem ipsam accedamus. Variè ac discrepantes Veterum de elementorum numero sententiæ fuerunt, dum alij

- quidem infinita ea statuerunt; at alii finita: atque hi vel unum, vel duo, vel tria, vel quatuor, quorum omnium opiniones persequitur *Aristoteles lib. 3. de celo cap. 3. 4. 5. & 2. de gen. & corr. cap. 3.* Re-
5. jectis autem atque refutatis aliis opinionibus, quaternarium numerum elementorum ipse astruit *2. de gen. & corr. 1. 16.* quem item rationibus nonnullis confirmare nititur *4. de celo cap. 5.* at magis ineptis ac ficulneis, ut verum fateamur, quàm ut operæ sit pretium easdem hic referre. Videri potest hac de re *Patric. disuss. Peripat. tom. 4. lib. 7. & Thomas Lydyat prælection. astrum. cap. 1.* Quatuor autem illa dicta elementa, quæ passim nomine gravium & levium indigitat Aristoteles, ab elemento primo, ut vocat, seu corpore cælesti secernit, ut patet *3. de celo text. 2.* eaque universa hoc sub-
  6. lunari orbe constringit: quod quo jure fiat excutiemus suo loco.
  7. Nos quaternarium quidem elementorum numerum servabimus; at eum quem probavit penè tota ante Aristotelem Antiquitas, quem Plato confirmavit ratione magis solidâ: eum, inquam, qui non solum universum hunc subjectum Lunæ conversioni orbem expleat; sed qui extremo Mundi ambitu concludatur. Equidem, ut ipsam
  8. rem aggrediamur, cùm Deus Mundum hunc corporeum efficere constituisset, hoc est, perfectum trinâ suâ dimensione (de qua perfectione differit *Arist. 1. de celo. cap. 1.*) talem eum modo maximè convenienti fecit, qui sensu visus tactusque posset percipi. Cùmque nihil sine luce videri, nihilque sine solido tangi queat, ac ipsa quidem terra absolutam habeat soliditatem, hac de causa Deus in
  9. ipso Mundi exordio ignem primò terramque creavit. Sed duo sola, essentiâ longissimè diversa, absque tertio commode coherere non possunt, mediumque aliquod vinculum utrorumque desiderant. Aptissimum verò atque pulcherrimum vinculum illud est, quod ex
  10. se, & ex ijs quæ astringit, quàm maximè unum efficit: Id autem medium continuæ proportionis maximè præstat. Si enim in tribus rebus ita se habeat medium ad postremum, ut primum ad medium; vicissimque ut postremum cum medio, ita medium cum primo congruat: tunc certè id quod medium est fit quodammodò primum & postremum; postremum quoque & primum fiunt media. Atque

ita necessa-

ita necessariò efficitur, ut ea quæ devincta fuerint, eadem sint inter se: cum verò eadem facta sint, efficitur ut omnia sint unum. Seu, ut Gbaleidius in *Timaum* loquitur, Extimis illis ad medietatis conditionem redactis, cum medietas quoque extimorum vicem suscipiat, sit opinor ut tota materia una & eadem ratione societur, eoque pacto eadem sibi erunt universa membra: quippe quorum sit una conditio. Vnus autem effectus membris unum erit atque idem totum. At non ubivis ad connexionem simplex talis medietas satis est: Sed si quidem Universum planum aliquod esse debuisset, ita ut longitudinem latitudinemque tantum habuisset, nullam verò profunditatem, una talis potuisset sufficere medietas, duoque distantia continuari uno interjecto medio, habente aliquam inter ipsa distantia extrema cognitionem. V. g. Si plani A latitudo foret 2. longitudo 3. atque ita area 6. Plani verò C. latitudo quidem 4. longitudo 6. adeoque area 24. Medium continuæ proportionis unum satis est, sc. B. habens latitudinem quidem ipsius A 2. at longitudinem ipsius C 6; seu longitudinem ipsius A 3, at latitudinem ipsius C 4, nimirum cuius area sit 12. Sic enim, ut se habet A 6. ad B 12, ita idem B 12. se habebit ad C 24; seu ut B 12. ad C 24; ita A 6. ad B 12. Ipsumque B medium ita intercedit inter primum & postremum, ut quodammodò & extremorum rationem subeat utrinque. Verùm cum soliditatem Mundus flagitaret, solida verò non uno sed duobus semper mediis copulenter, inter ignem, inquit Plato, & terram Deus aërem aquamque locavit. Sumamus enim extrema quidem, terram & ignem, sub ratione cubica: (quippe, ut *Marsilius Ficinus*, inquit, *ex pluribus formis complexio quadam sphaera solida similis est, ex forma atque materia cubo similior: quamvis & in sphaeris eodem modo se res habeat.*) Accipiamus autem illis respondentes numeros cuborum primos A 8, & D 27. eos nimirum qui ex primis efficiuntur linearibus, in se ductis atque reductis: illinc quidem cubum 8, ex 2; hinc verò cubum 27, ex 3. duplici multiplicatione factos. Hos igitur impossibile est unico medio solido consociare, sed duo media accipienda sunt, sc. 12 & 18: quorum quidem prius 12. fit ex plano ipsius A, quod est 4. & profunditate ipsius B 3. posterius 18. fit ex plano ipsius B 9, & profunditate

11.

12.

- ditate ipsius A 2. Estque continua proportio, sc. ut 8. ad 12. ita 12. ad 18, ita 18 ad 27. & inverso ordine: quippe servatur ubivis eadem ratio.
13. Atque ita inquit Plato inter ignem & terram, ærem aquamque locata esse, eaque ita inter se invicem quò ad fieri potuit esse comparata, ut quemadmodum ignis ad ærem, ita aer ad aquam, ut aer ad aquam, ita aqua ad terram congruè conferatur. Ex tali autem conjunctione ita constitutus est Mundus, ut aspici tangique possit. Atque hac de causa ex elementis numero quatuor Mundi corpus consilari debuit; quòd eà est connexum comparatione, quàm jam diximus. Hinc verò factum est ut semetipsum amicitiam concordie complectatur: neque vi quâdam forma contineat materiam; sed hæc quoque ipsa ratione sibi naturali sociata sit, ac quantum fieri potest ipsamet cohaereat, ut eà ratione nequeat dissolvi Universum ullo modo nisi ab eodem à quo est colligatum. Atque tali quidem modo Plato quatuor
14. omnino esse Universi elementa mirabili ostendit ratione. Eundem verò numerum mundanæ plenitudini quadrare, ex plurimis quoque ejusdem affectionibus posse colligi videtur: ac primò quidem, quòd quaternarius primus impleat omnem numerorum differentiam,
16. primùm parem primumque imparem in sese continens. Idem verò quatenus terminis quatuor 1. 2. 3. 4. denarium collectione conficit, simplicem numerorum progressionem implet. Namque ut *Arist.* in *Problem.* inquit: *Omnes gentes ad denarium usque numerant, tam Barbari quàm Græci, quot sunt in utraque manu digiti: Et tum cum ad denarium pervenerunt, ceu metam à natura constitutam, ad priores numeros redeunt, eoque replicando numeros variè augent: Exceptis quibusdam Thracibus, qui ad QVATERNARIUM tantum progrediuntur.* Omnis eodem quaternario dimensionum progressus continetur: unitas quippe, quæ est principium numeri, respondet puncto, principio magnitudinis; binarius, qui numerus infimus, dimensioni primæ; ternarius dimensioni secundæ; quaternarius dimensioni tertiæ respondet. Plura de quaternario numero refert *Marsilius Ficinus* in *comment. in Tim.* c. 20. 21. 22. quibus plenitudini mundanæ eum convenire docet. Nos quoque disputatione præced. quaternario absolvi Universum exposuimus, materiâ, naturâ dividuâ, animâ, & mente.
- Ut rectè



Ut rectè liceat hîc iterum colligere, non absque ratione Pythagoricos quatrinitate plenitudinem mundanam designâsse, quam jurejurando testabantur Naturæ perpetuò fluentis fontem esse quaduplicem. Ex hoc fonte, ut *Marsil. Ficin.* loquitur, manat quaternarius elementorum numerus. Hinc sub cœlo tempora quatuor: Hinc sub tempore quatuor humores & complexiones. Ne verò quatuor hæc ipsa Universi elementa Platoni demum soli placuisse videantur, antiquissima hæc sanè, quòd ante cæperamus dicere, ac maximè recepta est sententia, quæ dudum ab Empedocle, Hippocrate, & Antiquitatis universo choro celebrata est; à Timæo Locro deinceps, Pythagoræ discipulo & auditore, approbata, à quo eandem hausit Plato noster, \* qui Timæum suum ex libello ejus integrum desumpsit, sed divinâ illâ suâ eloquentiâ, & ampliavit & ornavit. Similiter Philoponus in disputationibus contra Proclum, ex Tauri, Porphyrii, ac Plotini sententia, ostendit Universum ex quatuor tantùm primis corporibus constare, ut de eo refert *Piccol. lib. de calo, cap. 6.* Eandem sententiam tuetur *Autor libri de Mundo cap. 5.* inquires: *Univerforum coagmentationem, cæli inquam & terra, & universi Mundi, mixtione quadam contrariorum principiorum unum concentum adornavit: quippe siccum humido, calidum frigido, gravi leve mixtum, & rectum orbiculari. Terram enim omnem, omne mare, ætherem, Solem, Lunam, totumque cælum vix una per omnia penetrans concinno ordine digessit, ex mixtionis expertibus & diversis, aëre, terra, igne, & aqua, Mundum architectata.* Simili modo Plinius, qui veluti omnium unanimi consensu, *lib. 2. nat. hist. cap. 5.* *Nec de elementis, inquit, video dubitari, quatuor ea esse. Ignium summum, inde tot stellarum collucentium illos oculos. Proximum spiritus, quem Græci nostrique eodem vocabulo aëra appellant: vitalem hunc & per cuncta rerum inæbilẽm, totoque confertum. Hujus vi suspensam cum quarto aquarum elemento librari medio spatio tellurem.* Quintam autem essentiam solùm ab Archita & Aristotele excogitatam esse refert Porphyrius in *lib. de abstinent. ab esu carniũ.* Ac de Aristotele quidem ait *Patricius tom. 4. discuss. Peripat. libr. 7.* quòd Ocellum (unicum ferè illius opinionis in Antiquitate, Timæi Locri contemporaneum, unà cum eodem Pythagoræ discipulum,) per omnia

- per omnia secutus, cœlum quintum elementum nominaverit. At  
 24. nec ipse Aristoteles sibi satis in hac sententia constare videtur, dum  
 alibi, referente *Plutarcho lib. 2. de placitis Philos. cap. 11.* cœli corpus ex  
 25. igne & ex caloris frigorisque mixtura conflatum statuit. Ac mani-  
 festè *4. phys. l. 46.* cœli extremum ac terminum quiescentem, qui  
 mobile corpus contingit, communem locum constituens eorum quæ  
 intra cœlum continentur, singulisque in eodem continentis pecu-  
 liarem propriumque locum assignans, *terra in aqua est*, inquit, *hæc*  
*in aëre, hic in aethere, aether in calo*: ubi vel ex mente Platonis aërem  
 ab æthere non nisi puritate & impuritate distinguit, adeoque nomi-  
 ne cœli ignem intelligit; vel certè ignem talem agnoscit, qui pro-  
 priè quidem ignis non sit, (ut idem quoque loquitur. *1. Meteor. cap.*  
*4.*) sed qui nomine ætheris intelligatur. Sed hæc de elementorum  
 numero: quorum nunc deinceps proportionem indagabimus.

### QUEST. III.

#### *Quanam sit elementorum proportio?*

- R**ecepta ac vulgaris Peripateticorum sententia est, elementa esse  
 in decupla proportionem: eamque autoritate sui Antistitis se con-  
 firmare posse putant. Hic enim *2. de gen. & corr. cap. 6. l. 37.* exem-  
 plo utitur: si, inquiens, *ex aqua sextario uno aëris decem fiant*, &c:  
 Quæ verba temerè ab inconsideratis quibusdam non modò pro  
 conclusione habentur; sed insuper hinc Confectaria eliciunt: 1<sup>o</sup>.  
 Cum eadem sit ratio totius ad totum quæ est ratio partis ad partem,  
 ergo universum aërem ad universam aquam esse decuplam. 2<sup>o</sup>. Ele-  
 2. menta omnia esse in continua proportionem decupla. Quorum ut  
 incerta valde consequentia est, ita ne per somnium quidem ipsa  
 Aristoteli in mentem incidisse unquam, est certissimum. Hoc verò  
 solùm inde inferendum est: Si quidem ea transmutationis ratio sit  
 inter aquam & aërem, (quod profectò est falsissimum,) fore aërem  
 3. ex aqua genitum decuplum ad aquam antè existentem. Sed rem  
 ipsam propiùs introspeciamus geometricè. Si elementa sunt in de-  
 cupla pro-

cupla proportione, continebit tota elementaris sphaera elementum terræ duntaxat millies centies & undecies; orbem autem ex terra & aquis conflatum, non nisi centies & semel: namque termini decupla proportionis elementorum, sc. 1. 10. 100. 1000. unitatem exhibent pro sola terra; 11 pro orbe ex terra & aquis; 111 pro sphaera quæ extremâ aëris superficie continetur; 1111 pro universa sphaera elementari.) Atqui hoc apertè falsum est: Namque, cum corpora sphaerica sint in triplicata ratione suarum diametrorum, æquatur ex illa hypotesi diameter orbis elementorum omnium duntaxat diametros terræ & aquarum orbis  $4\frac{1}{3}$  (quippe rationis 11 ad 1111, quæ est terræ & aquarum orbis ad orbem elementorum omnium, subtripla est  $2\frac{11}{10}$  ad  $10\frac{2}{3}$ , quæ denominatur  $4\frac{1}{3}$ .) adeoque semidiameter orbis elementorum, quæ est distantia orbis Lunæ à centro Terræ, totidem contineret terræ & aquarum orbis semidiametros. At minima Lunæ à centro Terrarum orbis distantia habet saltem semidiametros Terrarum orbis 33. Contra verò, cum diameter orbis Terrarum ad diametrum elementorum omnium, quæ orbe Lunæ claudi statuuntur, ad minimum sit, ut 1 ad 33. eâ quidem ratione triplicatâ dabitur orbis elementorum omnium major orbe terræ & aquarum quinquies ac tricies milles, nongenties, tricies & septies: at eundem dictis Peripateticis non nisi millies centies & undecies majorem constitui ostendimus. Quin & tantum abest elementum terræ ad elementum aquæ esse sicut 1 ad 10. ut si vel totum elementum terræ coopertum esset aquis ad trium milliarium altitudinem, atque eadem quantitas aquarum triplicaretur, propter aquas per Terræ venas ac spatia majora diffusas, foret tamen nihilominus moles ipsa terræ penè quadragies major universâ mole aquarum, ut in Hexaëmero, ad tertii dici opera, à nobis demonstratum est: Nec ipsum quoque aëra ad aquam habere rationem decuplam, hoc modo evincetur: Suppositâ quidem decuplâ Peripateticorum ratione elementorum, orbis terræ & aquarum, ad orbem ex terra, aquis, & aëre conflatum habebit rationem ut 11 ad 111. ejusdemque rationis subtripla sumptâ, ratio diametri orbis illius ad diametrum orbis

- hujus se habebit ut  $2\frac{11}{10}$  ad  $4\frac{4}{5}$ , quæ eadem semidiametrorum erit ratio: ideoque ut  $2\frac{11}{10}$  ad  $4\frac{4}{5}$  ita 1089 milliar. Holland. quorum singula commodè itinere unius horæ possint confici, sc. continentia perticas 1500 seu stadia  $28\frac{4}{5}$  (quæ est quantitas semidiametri Terrarum, orbis ex Snellii dimensione,) ad  $2354\frac{1}{2}$  ferè milliar. pro quantitate semidiametri orbis superficie extimâ aëris terminati. A quibus si subducas 1089 milliar. pro semidiametro Terrarum orbis, restant  $1265\frac{1}{2}$  pro solius elementi aëris profunditate. At certè aër ex mente Aristotelis eò tantum usque se extendit, quò usque aquei vapores assurgunt, ut suo loco ostendemus. Eam verò altitudinem in qua nubila ac venti nubesque proveniunt, circiter quadraginta stadiorum solummodò à terra abesse, hoc est  $1\frac{1}{2}$  propemodum milliarium. Holland. ex Possidonio refert *Plinius libr. 2. nat. hist. cap. 23.* inde verò purum liquidumque & imperturbatæ lucis aërem esse ait, quo nomine æthera intelligit, ut manifestum est ex ejusdem libri *cap. 5.*
9. Et quantvis plures nubes nongentis stadiis, id est milliaribus  $31\frac{1}{4}$ , in altitudinem subire prodiderint, ut ait idem *cap. cit. 23.* incomperta tamen ea & inextricabilia esse pronunciat; quin addimus, falsissima. At demus illa esse vera: quantum tamen nihilominùs distabit idem intervallum à profunditate  $1265\frac{1}{2}$  milliarium! Rursum verò si vel aër, aqua, atque terra decuplam servarent rationem; haud ipsi tamen igni Peripateticorum ad aërem desiderata ratio constabit. Namque assumptâ quidem illâ hypothesi, erit ratio orbis extimâ aëris superficie conclusi, ad orbem omnium elementorum, eadem quæ est 111 ad 1111. ejusdem verò subtripla est  $4\frac{4}{5}$  ad  $10\frac{2}{5}$ , pro ratione diametrorum eorundem orbium, seu, quæ eadem est, semidiametrorum. Ut autem  $4\frac{4}{5}$  ad  $10\frac{2}{5}$  ita semidiameter orbis superficie extimâ aëris terminati, in milliaribus  $2354\frac{1}{2}$ , ad semidiametrum universi orbis elementorum omnium in milliaribus 5090. Illâ autem semidiametro ab hac sub-

hac sublatâ restant  $2735\frac{1}{2}$  milliar. pro ignis profunditate. At si multiplicentur 33 semidiametri terre, quæ est distantia orbis Lunæ minima, seu terminus ignis secundum Peripateticos, per 1089 milliar. quæ est quantitas unius Terræ semidiametri, proveniunt 35937 mill. pro semidiametro orbis omnium elementorum. A quibus si auferantur  $2354\frac{1}{2}$  milliar. sc. quantitas orbis extimâ aëris superficie terminati, restant  $33582\frac{1}{2}$  milliar. pro ignis profunditate: At ea ex hypothesi proportionis decuplæ inventa modò erat non nisi  $2735\frac{1}{2}$  milliar. quæ quantitas illius nondum æquat partem duodecimam. Sed ab hac quoque quantitate magis tolerabili incredibile profectò quantum distet ipsa sphaeræ igneæ profunditas, si menti Aristotelis hæc conferatur propius. Hic enim eò usque regionem ignis extendi statuit, quousque fuligines seu exhalationes calidæ & siccæ pertinent, ut ostendemus suo loco: at ex certè, (si quæ ultra vaporosam secretionem ascendunt,) nec ratione nec experientiâ ostendi possunt vel ad 60 milliariarum attolli intervallum; sed qui crepusculorum ratione hîc inferre certi quid conantur, ad summum 52 milliariarum [Italicorum] altitudinem constituunt, ut factum à Vitellione lib. 10. Optica, Alhazeno lib. 7. ac Petro Nonio libro de crepusculis: quamvis Clavius digress. geometr. de Crepusculis prob. 6. elevationem exhalationum solummodò protendi doceat ad  $43\frac{1}{2}$  milliaria, qualium Ptolemæus semidiametrum orbis Terrarum facit 3579, hoc est, quorum singula 8. stadia continent, (quippe ambitus terreni orbis Ptolemæo est stadiorum 180000.) adeoque elevatio exhalationum Clavio vix superat 12 milliar. holland. à quibus si auferantur  $1\frac{1}{2}$  milliar. pro aëris expansi profunditate, restant duntaxat  $10\frac{1}{2}$  milliar. tribuenda profunditati ignis. Quòd si verò ita comparatæ sint profunditates elementorum Peripateticorum quemadmodum à nobis est expositum, investigemus tandem veras eorundem quoad molem rationes. Ac primùm assumptâ iterum semidiametro terrarum orbis 1089 milliar: erit semidiameter sphaeræ convexo aëris terminatæ milliariarum  $1090\frac{1}{2}$ , totius verò elementorum sphaeræ semidiameter 1101

14. milliar. Quod si verò tota diameter terrarum orbis 2178 mill. multiplicetur per  $3\frac{1}{7}$  (supposita ratione diametri ad circumferentiam ut 7 ad 22, ex demonstr. Archimedis,) dabitur orbis terrarum ambitus 6845 $\frac{1}{7}$  milliar. Hic multiplicatus in diametrum dat superficiem sphericam terrarum orbis 14908721 $\frac{1}{7}$  milliar. quadrat. eaque ducta in sextam partem diametri, sc. 363, prodit soliditatem orbis terræ & aquarum 5411865775 milliar. cubic. proximè. Simili ratione inveniatur sphaeræ convexo aëris terminatæ soliditas 5434259674 milliar. cubic. A qua si auferatur soliditas terræ & aquarum, restant pro soliditate aëris solius 22393899: quare terræ & aquarum moles major est elemento aëris Peripateticorum integro bis centies,
15. quadragies, semel. Soliditas autem sphaeræ ex elementis omnibus conflata simili modo inveniatur 5592749071 mill. cub. Inde si auferatur sphaera terminata superficie convexa aëris 5434259674, restant 158489397 mill. cub. pro soliditate ignis: quæ quidem major est soliditate aëris septies tantum, particulis quæ unitatem non
16. conficiunt neglectis. Cum verò terra sola ad aquas rationem habeat fermè ut 40 ad 1. prout antehac à nobis fuit demonstratum; soliditas autem terræ & aquarum ad soliditatem aëris ratio jam demonstrata sit ut 241 ad 1. at soliditatis aëris ad soliditatem ignis ratio ut 1 ad 7. erunt elementa ad invicem in subjunctis rationibus: nimirum, Terra quidem 235. Aqua 6. Aër 1. Ignis 7. Sic igitur destructa
17. satis est Peripateticorum decupla proportio elementorum, si quidem ea secundum molem corporum spectetur. Quod si verò credat quispiam in decupla proportionem elementa dici respectu suarum profunditatum: is certè haud minùs absurdè judicabit. Vel enim circumfusa alia aliis elementa creduntur decuplâ profunditate supereminere, aqua supra terram, si suæ relinquuntur naturæ, aër supra aquam, ignis supra aërem; vel, creduntur esse in decupla proportionem diametrorum si singula seorsim in sphaeram conglomerata concipiantur. Si prius: posita quidem profunditate solius terræ ut 1, foret sphaeræ ex terra & aquis conflata profunditas ut 11; ex aquis, terra, & aëre ut 111. omnium verò elementorum profunditas ut

1111, Quare eâ ratione orbem Lunæ à Terræ centro removeri  
 contingeret ad intervallum 101 semidiametrorum orbis terræ & 20.  
 aquarum, quod quidem intervallum computum Astronomorum  
 multis parasangis superat. Quin & cùm sphæræ habeant triplica-  
 tam rationem diametrorum, si quidem ea concedenda foret ratio  
 profunditatum, haberet soliùs terræ soliditas ad soliditatem sphæ-  
 ræ ex terra & aquis conglomeratæ rationem ut 1 ad 1331; ad sphæ-  
 ram verò ex terra, aquis, & aëre conflatam, ut 1 ad 1367631; tan-  
 demque ad sphæram elementorum omnium, ut 1 ad 1371330631.  
 Ipsæque elementa singula talem habebunt rationem, ut positâ qui-  
 dem terrâ ut 1, aqua sola sit ut 1330, solus aër ut 1366300, solus  
 ignis ut 1369963000. Quæ certè per jam antè dicta, ut contra 21-  
 omnem sensum atque rationem, satis refutata sunt. Quòd si verò  
 elementa, veluti seorsim singula in sphæras conglomerata, in de-  
 cupla proportionem suarum diametrorum esse credantur, erit quidem,  
 ex triplicata ratione diametrorum, aqua millecuplo major solâ terrâ,  
 aër verò millecuplo major ipsâ aquâ, ac ignis millecuplo major solo  
 aëre: Eritque ita ratio terræ ad aquam, ut 1 ad 1000; terræ ad aë-  
 rem ut 1 ad 1000000; terræ ad ignem ut 1 ad 1000000000. (quæ  
 absurda quidem esse rursus ex prædictis constat.) Adeòque solius  
 terræ ad sphæram ex terra & aquis conflatam ratio erit ut 1 ad 1001;  
 hujus verò sphæræ ad sphæram elementorum omnium ratio ut 1001  
 ad 1001001001: cujus subtripla rationem diametrorum earundem  
 sphærarum exhibet, scilicet ut 10 ad 1000, rejectis particulis quæ uni-  
 tatem non constituunt: quare saltem orbis Lunæ à centro terræ re-  
 motus statuendus erit intervallo centum semidiametrorum orbis  
 terræ & aquarum; adeòque Luna triplò longius à Terra remove-  
 bitur, quàm vera ejus est distantia. Rejecta igitur Peripatetica 22-  
 proportionem Elementorum, ut absurdâ nimium, investiganda ve-  
 ritati magis consona. Bodinus in theat. nat. plausibiliorem videtur  
 invenisse, quam ipsemet harmonicam existimat: eâque elementa,  
 tantâ contrarietate dissidentia, tam appè inter sese colligari putat, 23-  
 ut tot jam sæculis concordiam totius Universi tueantur. Quippe  
 elementa quatuor vocibus comparat, quarum acutissima ignem re-  
 præsentat

- præsentat subtilissimum; gravissima terram; mediæ autem voces aërem & aquam: eâ autem inter sese convenire statuit proportionem, ut quæ est ratio terræ ad aërem, eadem sit aquæ ad ignem, nimirum utrobique dupla, quæ ratio est intervalli Musici *διὰ πασῶν* dicti; terræ verò ad aquam, & aëris ad ignem sit ratio sesquialtera, cui intervallum *διὰ πιντε* respondet; at aquæ ad aërem sit ratio sesquitertia, quæ *διὰ τριαδων* nominatur. Ita ut proportio harmonica constituatur in terminis v. g. 6. 4. 3. 2. quorum 6. respondet terræ, 4. aquæ, 3. aëri, 2. igni. At certè primum hîc Bodinus harmonicæ proportionis inodum sibi fingit peculiarem, insuetum aliis Mathematicis. Namque in proportionem harmonicam dicuntur esse termini, quando extremorum à proximis mediis differentia cum extremis eandem servant rationem: v. g. 10. 6. 7. 5. verè harmonicè sunt proportionales, cum differentia inter 10 & 6. quæ est 4, ad differentiam inter 7 & 5, quæ est 2, eandem rationem servet, quam
24. habet extremum unum 10 ad extremum alterum 5. Et hæc quidem harmonica proportio disjuncta vocatur, quoniam non unum idemque medium cum utroque extremo confertur. In continua verò proportionem harmonicam dicuntur esse quatuor termini, si tres priores termini inter se, itemque tres posteriores inter se, continuam harmonicam proportionem servant. v. g. 12. 6. 4. 3. namque differentia inter 12 & 6, quæ est 6. ad differentiam inter 6 & 4, quæ est 2, eandem rationem obtinet, quam 12 ad 4: itemque differentia inter 6 & 4, sc. 2. ad differentiam inter 4 & 3, sc. 1. eandem rationem habet, quam habet 6 ad 3. At in Bodini terminis quatuor, nec conjunctam talem, nec disjunctam harmonicam proportionem invenire est; sed soli quidem tres priores 6. 4. 3. in continua proportionem harmonica consistunt. Quin imo nulla causa patet ex ejusmodi proportionem, qualem concipit Bodinus, cur quatuor sint elementa potius quàm tria, cum in tribus quoque terminis proportio harmonica, & intervalla Musica, ex quibus consonantia dependet, queant inveniri: Quippe in tribus terminis 6. 4. 3. inter 6 & 3 est diapasôn, inter 6 & 4 diapente, inter 4 & 3 diatessa-
17. rôn. Quòd verò inter duo solida duo media intercedere necesse sit, id



sit, id ipsum pro Bodino nihil efficit, nec ad harmonicam proportionem ullo modo spectat; sed continuam proportionem geometricam ostendit. Tum verò æquè dubium à Bodino hinc relinquitur, an illa elementorum harmonia spectanda sit in quantitate corporum, an verò ratione virium, an alio quocunque tandem modo. Sed his omisissis, ipsum tandem nunc Platoniceam proportionem 29. contemplemur: quæ quidem talis est, ut inter terram & ignem duo media constituta dicantur, continuam unâ cum extremis proportionem geometricam servantia. Quippe quoniam soliditate opus erat mundano corpori, ut Chalcidius exponit, solida porro nunquam unâ, sed duabus medietatibus vinciuntur, idcirco Mundi Opifex inter ignem terramque aëra & aquam inseruit, libratissimis iisdem elementis salubri modo, ut quæ cognatio est inter ignem & aëra, eadem foret inter aëra & aquam; rursum quæ inter aëra & aquam hæc eadem in aqua terraque societate consisteret. Sed dum cognitionem hanc investigamus, non leve dubium oboritur, quæ ratione inter duo solida corpora, terram & ignem, duo interjecta media dicantur, cum illa solida non sint similia. Non enim inter quævis duo corpora duo media proportionalia interferuntur; sed inter similia tantum, hoc est, quæ æquales angulos proportionalibus lateribus comprehendunt. At igni terræque æquales anguli non possunt tribui secundum dogmata Platonis; qui igni quidem formam *πυραμίδος* constituit; at terræ cubicam. Verum huic difficultati optimè occurrit ipse Plato, quando innuit, 31. non solum in numeris ac ipsis magnitudinibus, earumve formis & figuris; sed etiam in potentiis & affectionibus similitudinem spectari oportere, ubi ita inquit: Si in tribus numeris, aut molibus, aut potentiis, medium ita se habeat ad postremum, ut primum ad medium, &c.: Quamvis igitur inter ignem & terram nulla sit in figuris, mysticè 32. iisdem à Platone assignatis, similitudo ac cognatio; in substantia tamen ipsa seu natura, virtute, ac qualitatibus elementorum, proportio quædam ordinatissima inter ea intercedit, ut secundum hæc non secus ac similia corpora secundum sua latera ad invicem conferri queant. Ignis enim per substantiam suam subtilissimus est; 33. per virtutem acutissimus, & aptissimus ad penetrationem; per qualitatē

- litem verò est levissimus, seu summè mobilis: Terra contrà substantiâ crassissima est; virtutè summè obtusa, ac penetrandi facultate destituta; qualitate gravissima, minimèque ad motum proclivis. Et ut se habet ignis subtilitas, ad terræ crassitiem; ita ignis acumen, ad obtusitatem terræ; similiterque ignis levitas seu mobilitas ad terræ gravitatem seu immobilitatem. Habent se igitur
34. hisce rationibus terra & ignis optimè velut duo solida similia. Ac velut inter duos cubos, 8 & 27, duo media interseruntur, quorum illud quidem quod priori cubo, nimirum octonario, propius est, sc. 12. ex latere uno cubi ejusdem prioris, sc. binario bis sumpto, & latere alterius cubi, sc. ternario, veluti dimensionibus continuè in invicem ductis constituitur; alterum verò medium posteriori cubo vicinius, ex latere posterioris cubi, sc. 3. bis sumpto, & latere prioris cubi, sc. 2, continuè in invicem multiplicatis: ita aëris, qui quidem inter ignem & terram medius existens ad ignem propius accedit, genitura investigabitur, sumpto quidem ab igne subtilitate & mobilitate, quibus igni persimilis est, à terra verò obtusitate, in qua cum terra quodammodò consentit; aquæ verò genitura invenietur, sumptâ à terra obtusitate & crassitie, ab
35. igne verò mobilitate. Atque ita ignis cum aëre consentit subtilitate & mobilitate; aër aquæ mobilitate & obtusitate respondet; aqua terræ obtusitate & crassitie affinis est: talique cognatâ affinitate unum cum altero connectitur, ac omnia ita permiscuntur invicem, ut quantum fieri queat maximè unum evadant. Talique proportionem elementorum contingit (quod eleganter exprimit *Plinius lib. 2. cap. 5.*) *mutuo complexu diversitatis effici nexum, & levia ponderibus inhiberi, quò minus evolent; contrâque gravia ne ruant suspendi levibus, in sublime tendentibus: Sic pari in diversa nisu, vi suâ quaque consistere, irrequeto Mundi ipsius restricta circuitu.* Non aliâ verò harmoniâ elementorum opus fuit, quàm quâ servatur unitas, sibi que totum amicissimè concordat: ad stabilitatem enim per tot sæcula servandam, eandemque continuandam in perpetuum, si Deo placeat, ratione quidem materiæ id ipsum satis fuit, ut familiari quadam affinitate illâ in unum conspiraret, ac diversissima extrema mediantibus

diantibus utrinque vinculis familiaribus nectantur. Neque enim 37.  
 Mundi harmonia quædam auribus percipienda erat, sed visu, tactu-  
 que: quamvis alio modo harmoniæ musicæ hoc totum Universum  
 optimè consentiat. Unde ipsis Pythagoricis harmoniam Mundus  
 canere dicebatur. Quippe quaternarius, quem numerum elemen-  
 torum Mundi esse diximus, omnem inusicam consonantiam implet:  
 cum inter quaternarii limites dupla, tripla, quadrupla, sesquialte-  
 ra, sesquitercia, adeoque diapason, disdiapason, diatessaron,  
 diapente, contineantur. Quin ipsum cubum harmoniam nomi- 38.  
 nabant Pythagorici, quod in cubo mysterio quodam omnium mu-  
 sicarum consonantiarum rationes omnes inclusæ sint: cubus enim  
 lateribus 12 æqualibus, angulis solidis 8, ac superficiebus quadra-  
 tis 6 continetur, at in terminis 12, 8, 6. seu 6, 4, 3, consonantia- 39.  
 rum rationes insunt, ipsique illi termini in harmonica sunt propor-  
 tione, ut antea ostendimus. Summo autem jure Mundus cubo  
 comparari potest, ob constantem totius immobilitatem, ne aliunde  
 analogiæ rationes deducamus. Quemadmodum enim cubus cum  
 est jactus, quam in partem incubuit, dum est intactus, immotam  
 habet stabilitatem, ut loquitur *Vitruvius præfat. lib. 5. Architect.* ita  
 certè immotus ac summè stabilis consistit universa Mundi moles,  
 postquam suis ipsius dimensionibus sedem stabilem, è Dei Opificis  
 manu quasi factò jactu, semel nata est. Quo item sensu sedes 40.  
 illa Beatorum urbs in quadro posita dici potest: veluti huic Univer-  
 si cubo circumfusa. Atque hæc quidem de elementorum propor-  
 tione dicta sunt: quam qui in singulorum quantitate molis anxie  
 inquirunt, nã illi incassum laborantes immensa ac inperscrutabili  
 æthereæ atque igneæ abyssi profunditate se submergent, speque  
 suâ tandem omni frustrabuntur.

#### Q U Æ S T. IV.

*Quid de formis elementorum statnendum?*

**D**E formis elementorum non una eademque omnium opinio est.  
 Nonnulli tum Græci tum Latini qualitates primas vulgò dictas  
 H 2 elemento-

- elementarum formas esse censet inter quos Joh. Grammaticus, Ammonius, Zimara, alique quos recensent *Connimbr. 2. de gen. & corr. cap. 3. q. 1. art. 2.* quibus & adstipulatur Magirus lib. 3. phys. cap. 1. th. 17. At certè nimis ἀκέρως & ἀσώφως ita illi statuunt, qui formas substantiales non eliminant è sua Schola: vel enim ex materia & accidentibus solis naturalia corpora constitui censendum est, vel forma substantialis quoque admittenda, quæ elementa naturalia corpora efficiat; nisi fortè elementa esse corpora naturalia negabunt, quod magis ἀτοπος à nullo non haberi potest. Quin &, cum binæ qualitates primæ singulis inesse elementis statuuntur, quæro utrùm utraque sit forma habenda singularis, an verò ambæ simul una? Si utraque, jam plures formæ non subordinatæ sunt in uno corpore. Si ambæ simul una forma sunt dicendæ, quæro nunquid aqua calefacta maneat aqua? si manere fateantur, ut fateri debent, jam aqua manet aqua per solam qualitatem alteram, nimirum per humiditatem. Nec est quòd quis existimet manere quidem aquam, at remissè: differentia enim specifica magis & minùs non admittit, ut docet *Porphyrus* in sua ἐισαγωγῇ cap. 17. Quin &, si ipsa forma est λόγος ὁ τὸ τὴν ἵναί, quod ἀξίωμα ἀξιώπτεον est *Aristoteli lib. 2. phys. cap. 3. t. 28.* ac per ipsam formam solam res ab invicem discrimine essentiali differunt, inter aquam calefactam atque aërem nulla erit differentia specifica, humiditate enim inter sese dicuntur convenire; similiter nec inter terram calefactam atque ignem essentiali dabitur discrimen, cum siccitate inter se conveniant. Sed forsàn virtuale frigus aliquis obtrudat, quod in terra & aqua calefactis maneat. Jam quæro igitur unde illud habeat originem? non certè à materia hæc enim suā naturā est indifferens, & per se expers omnis qualitatis. A forma igitur sola, quæ substantialis sit in aqua, virtuale dictum frigus promanare statuamus.
6. Rejectā igitur hac opinione, reperiuntur alii, qui gravitatem & levitatem elementorum formas esse censent: Sed, ut mittamus alia quæ hinc propullulant absurda, forma rei cui inest absolutè ac per se convenit, ac manente re eadem ipsa ubivis manet eadem; at gravitatem levitatemque elementis, saltem mediis, respectivè convenire

convenire ajunt, & aërem v. g. dum manet aër, in aqua levem esse, in igne gravem. Sunt tandem alii, qui præter corpusculorum minutissimorum *σύνεσις* nihil formæ loco elementis adesse censent, ut nec perire quicquam formæ, quando elementa per *διαίρεσις* in talia sua principia dissolvuntur. Vetusta sanè hæc *συνδιαίρεσις* opinio, non solùm à Democrito, qui atomos primordia rerum statuebat, prodita; sed admissa quoque ab Empedocle, qui elementa ipsa assererat corporum materiem. Hic enim elementa generari credidit, cùm alterum permixtum alteri secernitur: sic aër v. g. gigni illi dicebatur, quando hujus minutissima corpuscula ab aqua & terra segregantur, ac inter sese coeunt. At verò dum agnoscit ipse generationem, à non esse quodammodò ad esse transitum concedere videtur, ut ita minima illa naturalia idipsum quod seorsim erant singula potentiâ, unius tandem formæ beneficio, dum inter sese coeunt ejusdem generis, constituantur actu. Sic namque habendum censemus: elementa resolvi posse in minutissima ac per se insensibilia corpuscula, ceu atomos, quæ rectè minima naturalia vocari possunt, has potentiâ proximâ, velut ordinatam quandam materiam, esse illud ipsum quod per formam elementa actu sunt; at seorsim formam elementi non habere, nec habere apta esse propter parvitatem. Id verò ipsa quoque suadere videtur experientia. Habent enim elementa vim agendi, quam non habent minima corpuscula: illa enim pugnam excitant; hæc verò non similiter; At unde inter se collecta facultatem nanciscuntur, quam non habent singula seorsim, nisi ab ipsa forma; Simili modo ære in aquam fortem coniecto pugna ac strepitus excitatur, donec dissolvatur æs in minima sua naturalia, tunc enim cessat omnis strepitus: at quare cessat? quia ipsa forma est abolita, à qua agendi virtus promanebat: at manent tamen interim in proxima potentia particulæ ad formam æris recipendam: amisso autem suæ formæ vigore, familiariter & amicissimè cum victore permanent: à quo sejunctæ tandem aliquando, ac inter se unitæ propiùs, suam denuò formam & cum ea facultates induunt. Eodem modo sentiendum est de elementis. Et sanè quid ejusmodi corpuscula Elementorum singulorum contra

H 3

aliorum

aliorum coërceret impetum, quid cœtum conservaret, nisi formæ illud ascribatur? Aut cur non æquè elementis sua forma conveniret, cùm sint naturalia corpora, atque rebus animatis formas convenire certum est? Habent igitur elementa verè formas substantiales, à suis qualitatibus diversas, nec solâ atomorum congregatione generantur.

## DISPUTATIO QVARTA.

De

M A T E R I A M U N D I  
C O N S T I T U E N D I,

seu

## E L E M E N T I S

in genere

P O S T E R I O R.

## Q U Æ S T I O P R I M A.

*An certa elementorum sint figura?*

**P**latonis Timæus singulis elementis, totique Universo, singulas solidorum, quæ vulgò regularia dicuntur, (de quibus agit *Euclides lib. 13. 14. 15. 16.*) figuras attribuit. Igni quidem figuram assignans superficierum quatuor triangularium, pyramidalem dictam; aëri figuram facies habentem octo, quam octaëdram vocant; aquæ superficies habentem viginti, quæ Icosaëdra nominatur; terræ facies sex habentem, quæ Cubus appellari solet: Cœlo seu Universo, duodecim superficies obtinentem, quam  
Dodeca-

Dodecaëdran appellant, assignat. Haudquaquam tamen statuen-  
 dum est, eam fuisse Platonis sententiam, reverà elementis ejus-  
 modi figuras convenire, (ut frustra eâ ratione impugnetur idem ab  
*Arist. lib. 3. de celo. cap. 8.*) sed potiùs, ut *Maurolycus in Cosmog.* rectè  
 loquitur, conditiones quasdam elemento figuræque communes  
 solum commentus est. Quippe pyramidalem quidem figuram ideo  
 convenire vult igni, docente *Marfilio Ficin. comm. in Timæum*, quia  
 tenuis & ad incisionem præ cæteris apta; figuram verò cubicam  
 terræ, quòd solidissima atque stabilissima sit: figuras alias mediis  
 elementis, quoniam ad motum atque statum inter ignem & terram  
 medio modo sese habent. Dodecahedram congruere putat univer-  
 so Mundo, quia cælum duodecim signis Zodiaci terminatur: quin  
 etiam, veluti Universum cuncta suo ambitu complectitur, ita do-  
 decahedron quinque solidorum in eadem sphaera existentium maxi-  
 mum est, & aptissimè reliqua corpora circumscribit, quemadmo-  
 dum, teste *Maurolyc.* in *Anaphoricis* docet *Hypsicles*. Quin  
 imo verò, ne ipsis quidem totis elementis figuras prædictas tribuit  
 Plato, quæ vulgaris de eodem est opinio, sed elementorum ele-  
 mentis ac seminibus, ut ipse vocat: quippe, quasi notum sit quid sit  
 ignis & reliqua, quæ elementa dicuntur, sic de illis verba facimus, ea-  
 que Mundi principia constituimus, cum nec syllabarum quidem, nedum ele-  
 mentorum vicem tenere apud homines mente quoquo modo compotes debeant.  
 Reverà enim corpusculis insensibilibus, ac velut atomis, ejusmo-  
 di configurationes tribuit, (haud prorsum improbando judicio,  
 cum passim non nisi verisimiles probabilesque rationes polliceatur)  
 quorum corpusculorum coagmentatione, prout ipsa diversarum  
 figurarum sunt, diversa elementa generari credit: (haudquaquam  
 tamen absque formarum substantialium accessu, ut in *Theatr. Nat.*  
*univ.* ejus mentem declaravimus.) taliumque corpusculorum ratione  
 elementa ipsa ad motum aptiora vel inepta magis, acuta vel obtusa,  
 existere creduntur. Atque hanc suam mentem manifestè declarat  
 Plato, hunc in modum concludens: Εἴω δὲ καὶ τὸν ὀρθὸν λόγον, ὃ  
 καὶ τὸν ἰκόντα, τὸ μὲν τῆς πυραμίδος στοιχὸν γινόντος ἐστὶ πυρὸς στοιχεί-  
 ον ὃ στοιχεῖα: τὸ δὲ διεύτιον καὶ γίνον, &c: Est igitur secundum rectam  
 ac proba-

ac probabilem rationem pyramidis species solida elementum ac semen ignis; secundam verò generatione speciem (quam octaëdri exposuerat) aëri, aquae tertiam tribuimus. Ac immediate subjungit: πάντα οὖν δὲ ταῦτα δια-  
νοεῖσθαι σμικρὰ οὖτως, ὥς καθ' ἑκάστον μὲν τῷ γένει ἑκάστου διὰ σμικρό-  
τητα οὐδὲν ὑπώμινον ὑπ' ἡμῶν: συνατροιχίζονται δὲ πολλῶν, τοὺς ὄγκους  
αὐτῶν ὑπάρχειν, *Hæc igitur (species solidas) omnes mente complecti oportet*  
*addeo parvas, ut quo ad singulas singulorum generum ob parvitatem nulla à*  
*nobis videri queat: multis verò coagmentatis in unum, moles eandem cer-*  
*natur.* Atque hæc Platonis quidem de figuris elementorum vera est  
sententia, quæ nullum nobis certum quoad tota terminum definit.

7. Alii, nec pauci quidem, elementa omnia sphaericam habere figuram contendunt, puta, quâ alia ab aliis in orbem cinguntur. At licet fortè nec marium profunditas, nec ipsa altitudo montium rotunditati terræ quicquam derogat, (ne jam de terræ ipsius ad centrum usque quoad propriam ejus substantiam soliditate injiciamus dubitationem;) quâ ratione tamen aqua terram ambiat in orbem, haud facile quis dixerit, ut huic saltem sphaerica figura assignari nequeat.
8. Rectius fortè, si quis terram & aquas invicem permixtas in unam sphaeram conglomerari credat, (similiterque aërem & ignem communi superficie sphaericâ contineri,) de qua re suo loco differemus.
9. Futilia verò cum Maurolyco, utut reluctetur Scaliger, ea judicamus indicia pro totunditate aquæ, quibus à partibus ad totum armentatur Plinius lib. 2. nat. hist. cap. 65. *Dependentes ubique gutte, inquit, parvis globantur orbibus; & pulveri illata, frondiumque lanugini imposita, absolutâ rotunditate cernuntur; & in poculis repletis media maximè tument.*
10. Quamvis, si ab elementis aliis virtute divinâ sejungeretur aqua, suæque naturæ sola relinqueretur, in orbem cõituram, non sit quod dubitemus: quod itidem judicium de cæteris elementis fluidis ferendum opinamur.
11. Ignem porrò Peripateticum nonnulli, qui se rerum pondera pensitare accuratiùs existimant, ex parte quidem superiore orbicularem esse statuunt, utpote accommodatum orbi Lunæ; at quâ parte infèriora spectat, ovalem, ut vocant, obtinere figuram, quòd ad Æquatorem major ignis copia generetur, veluti & major copia aëris juxta polos: Eâdemque figurâ aërem igni



igni superiore parte coherere; qui in inferiore superficie se accommodat ipsius terræ & aquarum orbi. Sed extinctus dudum ille ignis, 12.  
 ut opportuno loco clariùs docebimus, nullum sibi à nobis terminum exposcit; nec ille vaporosus aër semper & ubivis eodem sese modo habet. Et quavis certè verorum ignium sedes propria non sit nisi in ignibus, ut *Plinius* cit. loc. loquitur, aquarum nisi in aquis, spiritus nisi in spiritu, ipsius quoque terræ arcenibus cunctis nisi in se locus non sit: Vix tamen ipsa elementa penitus sincera atque impermixta ullibi agnoscimus, ut nec absolutè propriis suis locis gaudeant, nec definitis singula terminis indigere videantur. Verissimum enim illud quoque, quod habet idem *Plinius* *ibid.* *Totæ omni ex parte aquas vergere in centrum. Quod ita formasse artifex. Natura credi debet, ut, cum terra arida & sicca constare per se ac sine humore non posset, nec rursus stare aqua nisi sustinente terrâ, (puta salutari in usus viventium omnium ratione,) mutuo implexu jungerentur: hæc finis pandente, illâ verò permeante totum, intra, extra, supra, venis ut vinctulis discurrentibus, atque etiam in summis jugis erumpente.* Simili verò modo, ac longè potiore jure, aëra cum eodem ex *lib. 2. cap. 5. per cuncta rerum meabilem, totoque confertum, appellamus.* Et ut summatim dicamus cum *Platone* ex *Timæo*: *Ignis per omnia maximè penetravit, deinde aër, utpote qui ipsi tenuitate est proximus; & alia simili ratione deinceps. Quæ enim ex maximis partibus sunt composita, vacuitatem quoque in sua constitutione maximam reliquere, minima contra minimam.* Stricta autem connectio ea, quæ parva sunt (seu quæ λεπτομερίαν habent) 14.  
 in magnorum (idest eorum quæ crassiore substantiâ constant) contrahit inania. Quæ verò ita invicem pervadunt, mutuisque velut receptaculis in sese continentur, iis utique singulいたotis figura certa nequit assignari. Ac verè idem quod de particularum *Platonica-*rum figuris ait *Aristoteles* *lib. 3. de cælo cap. 8.* (ὅπως ἢ τὸ περᾶσαι τὰ ἀπλὰ σώματα χημαῖζεν, ἄλογον, *Omnino verò simplicibus corporibus figuras velle attribuerè, à ratione alienum est*;) id in ipsa elementa tota quadrat: cum ex omnibus inter se permixtis una tantum ordinata totius Universi figura constituatur, quam quidem suo loco contemplabimur.

## QUEST. II.

*An elementa in invicem sint transmutabilla?*

- A**N elementa in invicem transmutati queant, nec ne; vetus fuit quaestio Philosophorum eorum, qui elementa Mundi principia constituerunt: diversique in diversas concessere opiniones, ut apud
2. Aristotelem 2. de gen. & corrup. passim videre est. Ac ipsius quidem Aristotelis cit. lib. cap. 4. ea est sententia, ὅτι μὲν ἅπαντα πῖφουκεν ἰς ἄλλα καὶ μεταβάλλειν, omnia elementa in invicem transmutari apta nata esse: alia quidem facilius, quæ communem qualitatem nacta sunt; alia difficilius, quæ talem nacta non sunt. Nonnulli, ut refert Arist.
  3. cit. libr. cap. 5. t. 35. aërem quidem & in ignem & in aquam; aquam verò & in aërem & terram; ultima autem non ampliùs in sese invicem transmutari putârunt. Platonem quoque ibid. text. 33. alia quidem transmutari, alia verò non, prodidisse ait: cujus opinionem clariùs exponit 3. de cælo cap. 7. t. 62. *Accidit iis, inquit, (qui sc. elementorum rationem in figuris constitunnt) terram elementum maximè esse, solamque incorruptibilem, si id, quod indissolubile est, incorruptibile est, ac elementum. Terra enim sola in aliud corpus indissolubilis est.* Simili modo Bodinus lib. 2. thestr. Nat. de Platone: *Plato tria elementa, inquit, aquam, aërem, & ignem, mutuo transmutari scribit, non tamen*
  5. *terram.* Equidem Platonem ipsi audiamus in Timæo: *Terra, inquit, cùm in ignem inciderit, ejus acumine dissoluta fertur resoluta in ignem, aut aërem, aut aquam, quousque partes ipsius congressæ iterum, sibi que invicem copulata terram efficiant: non enim in aliam unquam speciem transmigraret.* Quæ quidem verba Platonis Terræ transmutationem penitus negare videntur: cùm reliqua tamen elementa in invicem, ac in terram ipsam convertibilia protinus ibidem subjungat.
  6. Attamen Platonis mentem aliter Chalcidius accipiendam suadet. Namque secundùm eam orbitam rotationemque ejus circuitus, quo tanquam gyris seu anfractibus genitura elementorum conversioque procedere statuitur, terram quoque videri in alia mutari elementa, censet ille memoratus Timæi Interpres: nec verò inani ratione

motus.

motus. Quippe, illud corpus quod aquam nominamus, quando in solidam concrevit materiam, docente ipso Platone in Timæo, lapis & terra fieri videtur, quando verò liquebit & diffuit, spiritus atque aër: item aër exustus ignis efficitur; ignis extinctus & corpulentior factus aërem creat: Rursus crassior factus aër in nebulas nubesque concrevit; His etiam magis compressis pluvia defluunt: Ex aqua rursus terra lapidesque gignuntur, inquit. Quòd si igitur sola terra non converteretur, ad postremum omnia terram fore rectè colligit Chalcidius: si quidem cætera in ipsam converterentur, ipsa autem in nihil eorum haberet conversionem. Sed quia probatio, inquit, consistit in visu, & nunquam visa est terra in aquam, aliamve quam materiam converti, idcirco abstinuit, ac refugit terrena immutationis assertionem, ne pugnare adversum sensus videretur. Sic certè rursus Plato ipse omnimodam elementorum in invicem mutationem circularem, atque adedò ipsius terræ quoque tacitè, innuere videtur, ubi mox subjungit: Atque ita videmus hac omnia circuitu quodam sibi invicem vires somentaque generationis vicissim tribuere. Quæ cum nunquam eadem appareant permanere, quisnam sine rubore redargutionisque suspitione poterit istorum (elementorum) aliquid unum potius quàm aliud certè & firmiter appellare? Nemo certè, inquit. Quare tutissimus in his hic erit loquendi modus: Hoc quod semper aliàs aliter formatum videtur, & plerumque juxta ignis effigiem, non est utique ignis hoc aliquid, sed tale, hoc est, igneum quiddam; nec aqua hoc aliquid, sed tale quid, id est, aqueum; nec aliud quippiam (sc. terra, vel aër,) velut nullam habens stabilitatem. Instabilis igitur ipsa quoque terra ex mente Platonis videtur, ac in alia elementa permutabilis. Verùm utut hisce omnibus sibi satis aptè vel ineptè consentire videtur Plato, ipsa certè de tali transmutatione elementorum opinio suspecta nobis penitus existit: multoque judicamus potiorē Empedoclis sententiam, qui teste Arist. 2. de gen. & corr. cap. 6. t. 37. elementa uno plura quidem esse dixit, at ita ut in se non transmutentur: quem idem 3. de celo cap. 7. t. 56. refert, non mutuam elementorum ex sese generationem facere, sed apparentem talem generationem: quippe statuere elementa sibi permixta segregari ac sejungi, atque ita gigni, (seu fieri actu existentia, quæ antè solâ potentiâ erant in minimis naturalibus, spec-

- cificæ formæ per se expertibus) non verò generari per transmutationem. Hæc planè fuit mens Lucretii expressa lib. 2. talibus verbis:

*Cedit enim retro de terra quod fuit ante  
In terras, & quod missum est ex atheris oris  
Retrosum cæli rellatum templa receptans:  
Nec sic interimit mors res, ut materiâ  
Corpora conficiat, sed cæcum dissipat ollis.*

11. Certè nulla necessitas est, cur elementa in invicem transmutari stantur: neque verò ratio ulla, nec sensus ipse, transmutationem docet. Aquam resolvì vides & attenuari? Certè non est aër in quod resolvitur ipsa aqua, quod exhalat. Vapor est, vi caloris dissolutus, factâ in subtilissima corpora segregatione, quæ quando ad summam tenuitatem deveniêre, potentiâ manent idem, quod antè erant actu. Sic ille quidem vapor, quando ad loca frigida appellit, suâ sponte rursum in guttulas & aquam coit: argumento sunt nubes, guttæ ad vitreas fenestras in balneis & hypocaustis destillantes, ad opercula ollarum congregatæ. Ac ipse sanè Aristoteles vapores, non aërem, in nubes condensari docet. Quin &, qui aërem in aquam condensari statuunt, frigore id fieri ajunt. Quod si verum est, quid impedit, quò minus aër, in quo vivimus, in aquam transmutetur, cùm hyemale frigus urget? In aquas certè sæpè numero ducendus foret spiritus, aut exstingendus. Condensatio namque illa naturalis actio censenda est: positâ igitur causâ efficiente, frigore sc. satis valido & efficaci, ipsâque materiâ determinatâ, aëre, sequetur necessariò effectus, qui est aqua.
14. Ligna porò, cespites, igne comburi cernis? non in ignem transmutantur; sed in tenuissima fuliginum & exhalationum corpuscula dissolvuntur: quæ nisi cum pluviis & ventis ad ipsam terram remearent, jam dudum utique tot voracissimis ignibus, per terræ viscera dissusis, universa tellus absumpta esset ac in ignem transmutata. Sic autem verè suâ ipsius absorptione Terra alitur ac instauratur.
15. Aquam à terra absorberi quotidie videmus, at terram inde fieri nullo sensu deprehendimus; quin contra potiùs terram sic madidam, donec iterum exhalet quod admixtum erat. Terram quoque aquâ

aquâ dilui cernimus quotidie, cernimus agitari; at cessante agitatione terram subsidere, non verò in aquam transiisse: Ipso autem Philosopho iudice (3. phys. cap. 3. 1. 22.) τέτυκται ὁ λόγος ἀφίντας τὴν αἰσθησιν ἀρρώστια τις ἐστὶν διαβολῆς, *hujus rationem querere reliquio sensu, debilitas quadam intellectus est.* Et si vel non omnino negem cum *Patricio* discuss. *Peripat. tom. 4. lib. 3.* eam transmutationem fieri, sed dubitem vehementer, aut addubitem paulum, quibusnam quæso rationibus id mihi persuadebitur? aut quibus experimentis ostendetur? Dicunt quidem Peripatetici non tota elementa transmutari, sed hæc per æquipollentiam servari sempiterna; at partes transmutari successive: de partibus igitur illud saltem probent: & partes nosmetipsi nunc spectamus. In terra quidem & aqua sensus ipse transmutationem quoad partes denegare visus est; nec ratio reclamat ulla? In nostrate quidem igne id quod cernimus mutatur, at illud ipsum ignis non est, sed lux, ad ignis essentiam per se non spectans: quippe ignis per se non lucet, sed per accidens, ob alienæ materiæ admixtionem, ut perspicacissimi ingenii Philosophus, & maximus Aristotelicæ doctrinæ propugnator *Scaliger Exerc. 9.* declarat. Ipse verò ignis ad eum locum fertur, qui supra aëra levissimæ debetur materiæ, ut constans est Peripateticorum omnium sententia: at quare non mutatur dum ascendit, atque ad eò frustra-  
tur suo fine, si quidem transmutari potest, tam vasto aëre inimico per tantum intervallum ipsi obversante? aut quâ ratione transmutari docebis, quem ab admixta materia solum videre nequis amplius? Quis verò unquam in Peripato ipsius sphaeræ ignis partem in aërem conversam vidit, quando quidem totam ignis sphaeram, ne vel per accidens, aspexit ullus unquam? quisnam aëris partem vidit in eundem ignem transmutatam? Ratione, credo, id credendum est: nimirum, duo hæc elementa symbolum habent inter se, caliditatem sc. quâ propius ad communem naturam accedunt, contrarietate autem reliquâ ob mutuū contactum transmutantur. Equidem de qualitatibus hîc nondum nobis constat. At  
interim, tradit quidem ratio ea quo modo ipsi credant transmutationem fieri; quod autem verè fiat, ne quidem probabiliter ostendit. Sed

- dit. Sed si valere queat ratio, ostendat mihi, quæso, an semper
21. transmutatio hæc fiat, an temporibus interpolatis? Si semper, quæro an secundum totam superficiem convexam aër transmutetur, an secundum partes superficiæ? Si secundum totam & semper, cur tandem totus aër multis jam retro sæculis in ignem non est conversus? Si ignis similiter secundum totam superficiem concavam mutatur semper, cur non hic mutatus quoque est in aërem? ut nec ignis jam amplius nec aër supersit, & uterque interim sit utrumque
  22. solus. Si nec semper nec totæ superficies dicantur permutari, sed modò hæc pars, modo illa, ac interruptis temporum vicissitudinibus, quæro quæ sit ratio ejusmodi diversitatis in similiaribus ac simplicissimis corporibus? Num cælorum fortè motum varium obtrudent? at quæro iterum an ipse cæli motus varius secundum partes diversimodè mutet elementa quoad propriam naturam, quâ
  23. similaria existunt & eodem modo agunt? Quin imò, an ab ullo unquam observatum est secundum partes elementa illic permutari? Si nulla detur ejus rei observatio, cur sine ratione, cur præter rationem causam fingunt talis rei, quæ fortè nunquam facta est, quæ certè nunquam visa? Si conjecturâ illud asserunt, at conjecturæ
  24. saltem rationem promant. Quod si Universi eam esse legem dicant, ut elementa in se transmutentur invicem, jam pètunt id quod erat in principio; nosque contrà eam legem Universi esse dicimus, ut perpetuò serventur, nisi ratio vel experientia nos aliter erudiat. Scimus enim elementa esse, fuisse, at transmutari mutuo non cernimus, nec ratione id docemur: in suis igitur singula principiis manere potius censendum est, quàm sine sensu sine ratione illa fieri ex se mutuo credamus. Non est ergo verisimile elementa transmutari in se invicem: nec causa dari potest ulla cur idem sit effectum à Philosophis. Non augentur, ut necesse sit, quod uni decedit, ab altero instaurari: nec necesse ad mistorum generationem est, ea in se invicem mutari. Quin imò verò, si daretur transmutatio eorum, nulla dari posset misti corporis generatio. Quippe ad mitionem efficiendam elementa mutuis actionibus & passionibus distrahenda quidem ajunt, in minutissimas particulas, quæ inter

inter sese coëant: at quæro an æqualibus concurrant ipsa viribus, ut talem mutuò efficiant distractionem, an verò inæqualibus? Si æqualibus concurrere dicantur, nec agere nec pati mutuò possunt, sed æquali conatu mutuas actiones inibent, æquali inibentur. Si inæqualibus concurrant inter se potentiis, id certè quod validius existit, utut vicissim pati statuatur, magis tamen destruit continuè, quàm ipsummet destruitur: quare tandem necessariò debilius in fortioris speciem mutabitur; aut certè fortius non redigetur à debiliore ad eam partium subtilitatem, quam ipsimet ad missionem esse necessariam contendunt. Nec ipse verò Aristoteles hanc mutuam elementorū transmutationem ubivis æquè urget: sed licet eam videatur omni studio propugnare in *libris de celo, de ortu & interitu*: in posterioribus tamen scriptis longè cautiùs animi sui sensus exponit: Quippe 1. *Metor. cap. 3.* manifestè fatetur, non ex quovis aëre similiter aquam fieri, neque enim nubes in superno loco colligi, neque in aquam illic fieri transmutationem: sed ex eo qui terræ vicinus est, qui nobis aër dicitur, propter evaporationem veluti calidus & humidus existens: Vaporem verò inquit esse potentià ut aquam. In aquam igitur transmutatur Aristoteli hic noster aër, quatenus quidam vapor aëri permixtus est, qui potentià existens aqua, *συνεπίσσει* rursus coit, ac formà aquæ investitur. Atque ita *ibidem* ex aqua secretionem subeunte fieri aërem docet; similique modo per *διάνοιαν* ex aëre ignem: quippe quod calidum siccumque existens unà cum calido & humido, seu aëre nobis dicto, è terra exhalat, id ignem nobis appellari ait: id autem verè ignem esse ipse negat, quamvis ignem appellare consueverimus: potentià enim terra est, & concretionem rursus formam terræ induit. Ac verè tandem *nihil interest*, inquit, *si quis ea*, (aquam, aërem, ignem,) *non ex sese invicem gigni, aquas tamen obtinere vires dicat*. Nobis proprià naturā transmutabilia in invicem non esse ratum esto: nam eo quoque modo nullius unquam copia deficit, perinde ac si solis viribus æqualibus in æquilibrio consisterent.

*Quid de qualitatibus elementorum primis tenendum?*

- Qualitates primas pluribus modis spectari posse, docent *Con-  
nimbricensis libr. 2. de gen. & corr. cap. 3. quest. 3. art. 3.* At no-  
bis non aliâ ratione hîc considerandæ veniunt, quàm quâ affectio-  
nes elementorum esse dicuntur, quibus mediantibus hæc suas ha-  
bent operationes. Quare ea qualitarum ratio, quæ definitionibus  
calidi, frigidi, humidi, sicci, ab Aristotele exprimitur *cit. lib. cap. 2.  
t. 8. & 9.* nostræ hoc loco considerationis non est, cum ea ad misto-  
rum corpororum, quæ circa generationem versantur, constitutio-  
nem spectet. Primæ autem qualitates vulgo dici censentur, quòd  
non fiant ex aliis, neque ex se invicem, sed ex iis reliquæ: Ve-  
rùm, præterquam quòd non primis solùm qualitatibus conveniat  
non fieri ex se invicem, nec fieri ex aliis, manifestè hîc errore se  
confundunt nonnulli, qui tali præsuppositâ descriptione qualitarum  
primarum, nihilominus ignem esse siccum ajunt, ob summam quam  
3. habet calitatem. Nobis quidem primæ qualitates tales censentur,  
quæ elementis *πρώτης, καὶ αὐτοῦ, & ἀμύτης* insunt; at hoc sensu  
solo ne ipsa quidem terræ gravitas à primis qualitatibus distinguitur,  
cùm & illius eadem conditio existat, ne quid de rerum qualitatibus  
occultis jam insuper dicamus. Censemus igitur primas esse dicen-  
das, quæ aliis omnibus fortè absentibus inesse queant, aliæ verò  
absentibus iis non insint, quamvis ipsæ reliquarum causæ non sint.  
4. Sic levitas elementorum absolutè, ac respectiva gravitas cessare  
dici possunt, quando elementa sunt in naturali suo loco; attamen  
non cessant illic primæ qualitates, licet vel nulla ibidem effecta  
producant. Eodem modo sensus tactus primus dicitur, non quòd  
reliqui sensus ex eo oriantur, aut eo mediante insint; sed quòd  
solus ille inesse queat absque cæteris, reliqui verò hoc ablato supe-  
5. resse nequeant. Primæ autem dictæ qualitates numero quatuor  
vulgò recensentur: Calor, frigus, humiditas, siccitas. At non  
omnium una eademque de hisce sententia existit. Nonnulli enim  
hasce



hasce omnes positivas qualitates censent: quæ quidem maximè vulgaris est opinio. Alii verò, inter quos præcipuè *Cardanus lib. 2. de subtilitate*, solum calorem & humiditatem positivas qualitates esse statuunt; frigus verò atque siccitatem non nisi privativas: quippe solo caloris abscessu corpora refrigerari; exiccari verò solo absumpto humore. Nos certè frigus positivam qualitatem esse ejus cui inest, non ambigimus cum *Connimbr. lib. 2. de gen. & corr. c. 3. q. 2. art. 2.* quorum argumenta, ne agamus actum, hic non recensemus. At ita tamen frigus per se positivam qualitatem esse dicimus, ut nihilominus cum *Zabarella lib. de qualis. element. cap. 3. & lib. de region. aeris, cap. 6.* respectu caloris privationem esse, vel oriri ex privatione caloris, statuamus: quòd cum multis passim testimoniis ipsius Aristotelis confirmatur, quorum loca nonnulla videre licet apud *Connimbr. allegat. loc.* tùm verò rationi admodùm est consentaneum. Quamvis enim frigore quidem frigus producat univocè, ut calore calor; causam tamen certè æquivocam & principalem frigus nullam habet, secus atque calor, qui cœli operatione ac motu producitur: sed cessante solâ cœli operatione motuque, hoc est, absente solo calore exurgit frigus. Quin etiam hanc esse frigoris conditionem, & à caliditatis ratione discrepantiam, ex collato utriusque operationis modo satis innotescere videtur. Quippe calor sui diffusivus est, quatenus sui speciem extra se producit, & in corpora longiùs diffusa operatur: Frigus verò non nisi per contactum se communicat. Quod rectè annotavit *Aquilomus lib. 5. Optic. defin. 5. ubi, inter activas qualitates, inquit, frigus nullam de se frigiditatem effundit, quod etsi mirum fortassis nonnullis videbitur, est tamen à ratione minimè alienum, & experientia hoc ipsum manifestè demonstrat. Nullum siquidem, quantumvis frigidum tactu corpus existat, ut glaciès, in proximè admotum ullum frigiditatis sensum ingerit, sed solâ attrectatione frigidum unumquodque sentitur: quòd sæpe infanciantibus ludicro experimento ostendimus, cum exporrectâ manu, obvelatisque oculis, edicere ipsos juberemus, an admoti proximè frusti glacialis frigiditatem persentiscerent. Fiebat enim subinde, ut sentire se quippiam dicerent, cum nihil esset admotum; aliàs se nihil prorsum sentire affirmarent, cum frigidum corpus adedè prope admoveberetur, ut solùm non tangeret.*

K

Quamvis

10. Quamvis igitur frigus per se habeat naturam positivam, respectu tamen caloris habere locum privationis statuendum est: Ac veluti calor à cœli actione & motu proficiscitur, ita à privatione horum oriri frigus. Quippe cùm nullum corpus harum qualitatum expers esse queat, utpote quæ primò corporibus omnibus insunt, unde primæ qualitates meritò dicuntur, calor autem à cœli actione atque motu oriatur, necesse est id esse frigidum, quod hisce non participat. Haud tamen inde inferendum est, frigus per se sequi ipsam corporum naturam, quatenus inesse iis positivè dicitur. Sed sublatis quidem cœli operatione omnique motu, necesse foret ipsa corpora per se nec esse calida nec frigida: at constitutis iisdem, oritur necessitas caloris & frigoris, pendetque utriusque qualitatis generatio à motu & actione cœlesti, atque ad hæc ipsa relationem habet. Namque ea quæ motum & actionem cœlestem recipiunt, ea calida fiunt, quæ secus, ea actû existunt frigida: quippe non esse calidum est esse frigidum. Atque hanc de caliditate & frigiditate ipsius quoque Aristotelis mentem declarat Zabarella lib. de regionibus aëris, cap. 6. quam & ipsius Averrois, fidissimi Aristotelis Interpretis, iudicio confirmat. Sic enim Averroes lib. 2. de cœlo comment. 94. *Remotio à motu circulari dat quietem, inquit, frigiditatem & gravitatem; sicut propinquitas dat motum, calorem, & levitatem.* Et in Epitom. Metaph. tract. 4. cap. 13. *Elementa ex necessitate sunt producta, inquit, à magno cœli motu, quia motus generat calorem, quem insequitur levitas, privationem autem motus insequitur oppositum, sc. frigus & gravitas: quemadmodum enim in subiecto apto necesse est ut privatio adveniat recedente habitu, ita in corporibus inferioribus necesse est, ut ubi non est calor, ibi sit frigus: quia frigus vel est privatio caloris, vel qualitas necessario insequens privationem caloris.* Et cùm sit prima qualitas, nullam in his inferioribus priorem habens, non est præter rationem, si in hac sola contingat, ut habeat causam privativam, quamvis habeat naturam positivam. [ Ipse verò Arist. lib. 1. Meteor. cap. 3. discretis verbis ita habet: *Corpus quod supra conversioni subest, veluti materia quedam, que potentiâ sic calida, frigida, sicca & humecta, ceterisque omnes affectiones que has comitantur subeat, sit ac est ejusmodi ratione motus ac immobilitatis.* ]

Ex dictis

Ex dictis autem manifestum est, quo sensu illa quorundam opinio  
 13. admitti queat, quâ nulli præter ignem elemento [seu potius, ut alii,  
 nulli prorsum elemento,] per se calorem & frigus convenire cre-  
 dunt; sed unumquoque ad alterutram harum qualitatatum habere se  
 indifferenter. Quòd autem porro ad reliquas qualitates primas  
 14. attinet: equidem dari humiditatem & siccitatem ab ipsa corporea  
 substantia distinctas ut credamus, ab animo nostro nequimus im-  
 petrare, cum humectari quid absque substantiæ per se humidæ in-  
 gressu, aut sicari absque ejusdem excessu, nec sensus ullus nec  
 ratio doceat. Humorem igitur & siccitatem per essentiam inesse  
 15. credimus iis quibus insunt: neque verò in humido inesse qualita-  
 tem ullam talem quâ humectet, ut nec in sicco quâ exsiccat; nec  
 ipsam humectationem aut exiccationem esse alterationes. Atque  
 eo sensu verè dictum est ab *Aquilonio loc. super. cit.* Neque humiditas  
 qualitatem, neque humectatio alterationem significat. Est enim in aqua  
 substantia humiditas, quod in oleacea pinguedo: & ut pinguedo illita pin-  
 guescit, sic humiditas solo adhasu humectat. Rursus siccitas, inquit,  
 humiditatis solius est defectus, exiccatioque humoris absumptio. Atque  
 hæc fortè Empedoclis sententia fuit, quando dicit *Arist. 2. de gen.*  
*& corr. l. 19.* ipsum igni reliqua elementa omnia contra ponere:  
 quippe cum humiditas & siccitas præter elementorum substantiam  
 nihil sint, in solo calore & frigiditate, seu caloris privatione, con-  
 trarietatem videtur constitui, ac præter ignem elementa quævis  
 credidisse, similiter ut Stoici, frigida, vel per naturam suam qua-  
 litatis expertia. Atque hæc de primis elementorum qualitatibus:  
 ad gravitatis porro ac levitatis contemplationem progrediamur.

#### Q U E S T. IV.

*Quid de gravitate & levitate elementorum statuendum?*

**D**E gravitate & levitate agendum esse Physico, docet *Arist. 4. de*  
*cælo, l. 2.* quòd sint quasi ζώνες ἄτακτως συσταβυλὰ qua-  
 dam motus, ad quem maximè tractatio physica spectat. Grave 2.  
 autem

- autem & leve dicuntur, quòd modo quodam naturaliter moveri queant: operationes verò horum innominatæ sunt, ut Græcis, dicente Arist. cit. loco, ita quoque Latinis: nisi quis τὴν ποτὶν inclinationem eorum pro operatione accipiat. Scholastici tamen gravitationem & levitationem appellare consueverunt. Aristoteli grave & leve duobus modis dicuntur: absolute & comparatè. Absolute vel simpliciter grave dicitur, quod simpliciter, suapte naturâ suâ sursum atque ad extremum contendit. Comparatè seu respectu alterius grave dicitur, quod aliquo naturâ celerius deorsum fertur, utrisque pondus habentibus & æqualem molem: Comparatè leve, quod respectu alterius levitatem habentis, & æqualem molem, celerius fertur sursum. Reprehenduntur autem ab Aristotele *text 3*.
4. Veteres omnes in genere, & speciatim Plato, *text. 8*. quòd de gravi & levi mentionem injicientes, nihil de eo egerint quod absolute grave sit omni carens levitate, & quod absolute leve sit, omni carens pondere; ac si omnia pondus haberent, atque eorum
  5. aliud gravius aliud levius sit habendum. Ipsi namque Aristoteli *text. 9*. ignis semper levis est, sursumque fertur; sicut terra & terra cuncta semper gravia sunt, & ad medium feruntur: atque ita *ibid.* omnia præter ignem pondus habere, at levitatem præter terram, dicuntur. At profectò perperam hîc Aristoteles, & contra omnem rationem, se abducit ab Antiquis: si enim omni gravitate caret ignis, & absolute semperque levis est, cur non semper sursum tendit? cur non evolat tandem? Vel cùm ignem semper & ubique levem esse dicit Aristoteles, atque omni carere pondere, quæro quid causæ sit, cur sphaera ignis innatare credatur cæteris elementis omnibus? An quia levissima est, supernatare dicenda est? an verò quia supernatat levissima? utrum causa; utrum effectus? quippe utrumque causa & effectus simul esse nequit.
  7. Levitatem certè causam esse, cur ignis sursum feratur, docet Aristoteles, non quòd supernatet. Supernatantia quoque levitatis causa illi non statuitur. Neutrum, igitur alterius causa est, neutrum effectus. At ob levitatem sursum fertur ignis. Cùm igitur ignis in sua sphaera sursum non feratur, levis utique dicendus illic non

illic non est absolutè, sed utut aliis est elementis levior, suo tamen naturali pondere cum iisdem illic coherere meritò statuitur. Simili modo aëri sua quoque gravitas attribuenda est; non modò quâ respectu ignis gravis est: sed absoluta quoque quâ aquis terræque continuatur. Rejicienda enim planè est eorum frivola opinio, qui nihil planè gravitatis seu ponderis inesse tam aëri quàm igni censent; ut nihil levitatis aquar & terræ: contra dogmata sanè Antistitis sui, qui, ut jam antè ostendimus, omnia præter solum ignem habere pondus asserit; & 4. de celo cap. 5. t. 36. aërem & aquam levitatem habere & pondus profitetur. Quin ipsi suis se ineptiis confundunt, qui, dum aërem pronunciant expertem gravitatis, eundem tamen igne graviores esse tradunt. Sunt verò qui existimant, quòd, si vel aër & ignis, vel solus saltem ignis, omni carere gravitate statuatur, supernatare tamen dici queat, ac circumfundi elementis reliquis, ob studium vitandi vacui. Nugæ sanè ineptissimæ. Cujusnam enim illud studium vocabunt? an Naturæ forsan universalis? At ea constitutum rerum ordinem secundum naturalem ipsarum rerum inclinationem servat: in ipso igitur igne quoque naturale tale studium inesse statuendum est, seu inclinationem naturalem, quam si à gravitate ignis proficisci dicant vero consentaneum loquuntur; si verò eam dicant qualitatem aliam quamcunque, reluctantem levitati, jam ignem sibi reluctantem profitentur: quod equidem absurdum est. Omnia igitur elementa, existentia in naturali suo loco, seu penitus in se spectata gravia non levia habenda sunt. Quare, ut non malè censet Arist. 4. de celo cap. 5. t. 39. si ignis auferatur, quem sc. aëri innatare statuit, aër non feretur in illius locum, nisi vi; nec aqua in locū aëris: at rejiciendus ille error, quo ibid. text. 40. opinatur, quemadmodum terra ablata aqua non moveretur sursum; ita quoque ignem, (si verè quis feratur super aëra) subducto quidem aëre haud inotum iri deorsum. Id enim quamvis sit verissimum, terram in suo loco expertem esse omnis levitatis, est tamen id falsissimum quod illi contraponit, ignem in suo loco carere omni gravitate. Rectius pronuntiatur ab eodè est, unumquodque eorū, quæ pondus habent levitatemque, (qualia solum aëra aquamque esse credit; nos talia aërem

- aquam atque ignem statuimus : ) pondus habere in suo loco ; ( velut & in iis quibus ipsa graviora sunt : ) levitatem verò non habere nisi in hisce quibus supernatant : ut aquam in terra , aërem in aqua ,
13. ( ignem , addimus , in aëre . ) Quamvis autem elementa omnia in suo loco reverà gravia existant , non tamen gravitant ibidem , seu gravitatis suæ exercent operationem : neque enim premit Urinatores aquæ superimminentis pondus , ut nec aëris imminenti eos ,
14. qui per aëra incedunt . Sed nec existimare oportet , quemadmodum naturæ gravium absolutè repugnat moveri sursum , ita & naturæ levium deorsum ferri . Levià certè suapte naturâ pervadunt graviora quævis , quodvisque sponte patet aditus : Nec enim magis contra naturæ suæ inclinationem continetur aër in profunda terræ specu , quàm in sua regione ; nec inde suâ sponte sursum tendit , nisi graviorum impetu pellatur . Quod idem docet *Arist. 4. de celo cap. 5. s. 39.* ubi unumquodque eorum quæ pondus habent levitatemque , si subtrahatur id cui ipsum innatat , deorsum in id ferri ait , quod deinceps collocatum est , videlicet aërem in locum aquæ , aquam verò in locum terræ : quod perperam ac præter mentem Coriphæi negant , aut non nisi per accidens , ac contra propriam naturam , fieri , sc. ob fugam vacui , contendunt plurimi illius affecitæ .
15. Sic etenim habendum judicamus : quod inter elementa est levissimum , id simul esse subtilissimum , ac nativâ suâ quantâcunque gravitate maximè per universam graviorum molem se insinuare , ubi inter rariora sunt hiatus , penitusque replere reliquorum omnes poros ; at ita tamen omnia pervadere , ut intra naturalem suum ambitum nihil premat eorum quæ ipso graviora sunt , nec inter ea sese ingerat ulterius quàm ubi sponte pateat ingressus , nec intra graviorum naturalem ambitum
16. accessui ac condensationi eorundem obnitatur . Sic porrò quod secundo loco leve est , paulò minùs se insinuat ; ipsumque intra naturalem suum ambitum , si quem diversum habeat à præcedente , suo pondere non premit reliqua , nec intra aliorum seipso graviorum ambitum iisdem reluctatur . Similiter de cæteris habendum est . [ Atque illud est quod inquit Plato in *Timæo* : *Ignis per omnia maximè*

maximè penetrat, deinde aër, utpote qui ipsi tenuitate est proximus; & alia simili ratione deinceps.] Gravissimi autem compressione ac condensatione recedit primum id quod secundo loco grave est, deinde id quod minus grave, & sic deinceps: Ex unoquoque verò leviorum id citius excedit, quod proximè minus grave est; id verò tardius quod est magis leve. Quippe ipsa maxima levitas summam densitatem habet comitem, summamque tenuitatem partium: quare quod levissimum, id densitate quidem suâ arcet reliqua omnia, tenuitate verò summâ reliqua maximè penetrat. Ipsa verò maxima gravitas summam raritatem & partium crassitiem conjunctas habet: ut propter illam quidem quod gravissimum existit reliquis facillimè accessum præbeat; propter hanc verò inter reliquorum minimas particulas se nequeat ingerere. Sed unde elementis oriatur gravitas & levitas id tandem inquiramus. Varias ea de re Veterum opiniones refert *Arist. 4. de celo cap. 2.* quibus refutatis suam subjungit ipse *cap. 3.* ubi *text. 25.* ut & *cap. 5. text. 36.* à formali principio cujuscunque, seu ab ipsa materiei, quam per formam habet, dispositione elementorum gravitatem & levitatem dimanare docet. Atque huic quidem Aristotelis sententiae nostrum suffragium subjungimus. Eorum verò absurdissimam rejicimus opinionem qui in Peripatetica non satis insistentes semitæ, à calore & frigore levitatem ac gravitatem originem habere censent: quas rectius Averroës eorum comites constituit, ut quidem gravitas & levitas frigiditatem & calorem comitari dicantur, non tamen inde provenire. Gravitas enim elementorum absolute, ac respectiva hinc dependens eorundem levitas, cum naturam eorum immediatè consequantur, æquè primò iis insunt, & non ob qualitatem aliam, atque ipse calor & frigus. Quod si verò quis immediatè à natura dimanare neget, ponantur per calorem & frigus produci: Cum igitur accidens non agat nisi virtute subjecti cui inest, suâ utique ipsius virtute obtinebunt elementa gravitatem & levitatem, quod non aliud est, quàm has inesse per naturam immediatè. At argumento tamen suis nugis veritatis speciem adjicere conantur. Terra, inquit, cum valdè incalescit in exhalationem attenuatur, ac levis evadit:

- evadit: similiterque aqua frigore concreta gravior efficitur. Sed primò non satis inter tenuitatem & raritatem distinguunt: non enim quando terra aut aqua resolvitur in exhalationem, attenuatur propriè, sed rarior evadit, alio sese inter partes ejus insinuante corpore; quo propter partium concretionem egrediente rursus
23. condensatur, non verò incrassescit ejus substantia. Terram verò vel aquam ita in exhalationem versam levem fieri falsum est, quamvis sursum ferri non negemus. Vel enim ipsa exhalatio manere terra aut aqua dicitur, vel non manere. Si manere statuatur, utique gravis censenda est, exigente id illius natura, sive mediatè sive immediatè: ac proinde suâ naturâ non feretur sursum. Si non manere dicas terram vel aquam, cùm exhalatio facta est, manebit tamen hæc potentiâ quod antè erat actu: (quippe elementa non transmutari jam antè demonstravimus.) quare saltem non levior
24. est facta ipso aëre: ideoque nec levitate suâ ascendit exhalatio. At quænam causa sit quod sursum tendat exhalatio, operæ pretium est investigare. Dum calor resolvendo ac rarefaciendo, atque adeò dissipando, è terra & aqua exhalationem efficit, insequens continuè pars exhalationis, ad majus spatium se pandens, propellit partem præcedentem: pars autem quæque pulsa insuper moveri incipit à medio, non secus atque rei projectæ à medio continuatur motus, non insequente impulsore: (de qua motus ratione egimus in Theatr. Nat. univers.) præterquam quòd fortè magis eâ ratione moveatur exhalatio, quando ob factam validiorem secretionem, à substantiali actu, unde dependebat gravitas, remota est. [Quin ipsum quoque medium per quod vapores successivè se propellunt in altum, torrentis instar sursum rapitur, continuo illo vaporum motu, ac ita unà secum elevat vapores: Quo sensu admitti potest illa antiquorum quorundam opinio, aërem continuè sursum moveri; circa terræ latera interim aëre continuè succedente.] Quin ipse quoque calor corporibus principium existere videtur, licet accidentale, quo ferantur sursum: ut Natura universalis non modò gravissimis corporibus sed & frigidissimis infimum in Universo locum destinasse rectè judicari queat. Assurgit autem eò usque,



que, ubi, calore partes non disjungente amplius, nec aliâ pellen-  
te exhalatione, nec movente porrò medio, per syncrisin corpuscu-  
la in invicem recolliguntur; collectæque ita in sufficientem molem,  
sufficientem gravitatem sortiuntur, quâ subjectus aër urgeatur; vel  
depositum substantialem actum seu formalitatem actus denuò recu-  
perant.

### Q U Æ S T. V.

*Vnde elementorum raritas & densitas, tenuitas ac crassities  
originem obtineant?*

**D**istinguendum esse inter raritatem & tenuitatem, densitatem  
& crassitiem, præced. quæst. jam innuimus. Rarum enim  
est, quod substantiam porosam habet. multumque alieni corporis  
inter suas partes solidas admittit. Densum, cujus substantia con-  
ferta est, seu poris caret. Tenuè, seu subtile, quod sub majori-  
bus partium dimensionibus parum materiæ habet; hoc & tenuium  
partium vocatur. Crassum seu crassarum partium est, quod sub  
iisdem vel minoribus partium suarum dimensionibus materiæ mul-  
tum habet. Rarum verò & densum aliquando improprie sumun-  
tur, pro tenui & crasso: sic ignis rarus esse dicitur, pro subtili,  
cùm reverà densus sit, ac confertissimus, nec ullos planè poros  
habeat; terra verò densa dicitur, pro eo quod est compactæ ma-  
teriæ, seu crassarum partium, cùm reverà sit rarissima, & pluri-  
mum inter partes solidas alienæ substantiæ admittat. His ita con-  
stitutis, dicimus tenuitatem & crassitiem sequi ipsam singulorum  
elementorum naturam, ac beneficio formæ è potentia materiæ  
eductas esse, non secus atque levitas & gravitas. Ipsam autem  
tenuitatem naturalis quædam comitatur densitas; proportionè ei-  
dem respondens, quâ partes magis vel minùs tenues magis etiam  
vel minùs, exclusâ alieni corporis substantiâ, compinguntur: crassi-  
tiem verò similiter naturalis quædam sequitur seu comitatur raritas,  
quâ particulæ crassiores, aut minùs crassæ, majoribus minoribus-  
ve interjectis poris invicem necuntur. Atque ita corpora quidem  
L simpli-

simplicia ex potentia materiæ & necessitate naturæ, per se & secundum suam substantiam spectata, tenuia & crassa sunt: ipsamque illam naturæ necessitatem concomitatur quidem naturalis quædam densitas & raritas; at raritas non sine admissione alieni corporis. Hoc autem per constrictionem vi expulso, condensatur elementum violentè, ut tandem datâ viâ impetu se pandat. Hinc manifesta ratio apparet, quâ, negato prorsum omni vacuo, in bombardas cogi queat aer, qui tantâ vehementiâ prorumpat, ut plumbeis ejectis globulis objecta quatiantur.

### C O R O L L A R I U M.

Cur lignum centum librarum, plumbo unius libræ in aëre centuplo gravius, in aqua tamen levius existat?

**E**andem quæstionem movet Arist. 4. de cælo cap. 4. t. 29. ac causam ipse refert in leviora elementa ligno permixta, quæ infra aquam suâ sponte non descendunt. Quæ quidem solutio veritatis speciem præ se ferre videtur, at revera nondum omnem difficultatem tollit. Cum enim natura leviorum corporum non repugnet graviora permeare, seu in eorum se insinuare spatia, quousque sponte patet aditus, (ut antea ostendimus,) cumque lignum in aëre suum exploratum pondus habeat ab elementis ipso aëre gravioribus, quæri porro potest, nec immeritò: cur ipsum ligni pondus aëra non reluctantem secum non abripiat, ac patefacto aditu, ob prædominantis terræ pondus, in ipsis quoque aquis non subsidat? Quæ quidem difficultas ut reddatur plana, id primò repetendum est, aërem & ignem non ferri deorsum in terram & aquam, neque in iisdem subsistere, nisi jam hiatus præexistat: suâ namque sponte hiatus non efficiunt. Quin & si inter graviora corpora sic constitutus sit hiatus, ut spontaneo repleatur graviorum corporum accessu, tantundem leviora corpora nituntur sursum, quantum ipsa graviora ac repletionem loci adnuntuntur. Cum igitur tota moles seu dimensio, quam representat ipsum lignum, non sit solius aquæ & terræ; sed partim leviorum elementorum inius contentorum: leviora utique hæc elementa renituntur, ob aquam circumfluam, insui ipsius ligni, quod

quod gravitate terræ deorsum tendit. Hinc, ut dicamus universim: Si corpus aliquod sit aqueponderosum ipsi aqua, (in aëre sc. exploratâ gravitate) id quemvis locum in aqua datum servans nec gravitat, nec levitat; quod si verò corpus quoddam aquâ ponderosius existat, id ipsum mergitur; si corpus aquâ levius existat, id tantam aqua molem deprimit, quanta moles aque pondere equalis est universo innatanti corpori. Quæ quidem omnia geometricè demonstrat Stevinus in sua Hydrotrophia, prop. 3. 4. 5. Cum igitur plumbi quantacunque moles aequali mole aquâ ponderosior existat, mergitur in aqua; si verò ligni quantacunque moles, quod modo aquâ levius existit, immittatur aqua, non nisi tantâ sui parte mergitur, quanta parti aqua moles aqua æqualem cum ligno toto gravitatem habet.

Hinc manifestum est

Confectarium I.

Cur lapis molaris minori virtute attollatur in aqua quàm in aëre?

Nimirum, in aëre universâ suâ gravitate exploratâ gravitat: in aqua non nisi ea gravitate, quâ gravitatem aque superat. Constat quoque

Confectarium II.

Corpora pondus actuale sereno aëre majus habere, seu gravitare magis, quàm vaporoso.

Quantum enim exhalationes ponderis habent, sub aequali mole cum aliis corporibus spectata, tantum actuali pondere dictorum corporum, iisdem sustentorum, decedit. Hinc quoque solvi potest

P R O B L E M A.

Fumi seu vaporis æquabiliter assurgentis actuale pondus  
& impetum explorare.

L 2

COROLLA-

## COROLLARIUM II.

Quî fiat quod & aqua in terras descendat, & terra in aquas,  
si aqua levior sit ipsâ terrâ?

*Resp. Aqua tantum in terra poros & cavitates descendit, qua repleta  
erant aëre; ipsa verò terra aqua descendentem naturaliter non cedit: atque  
ita descendit aqua non respectu terra, sed respectu aëris. At aqua cedit na-  
turaliter descensui ipsius terra: sicque terra gravitat non modò aëris respectu;  
sed & ipsius aqua.*

## DISPUTATIO QUINTA.

De

## I G N E

PRIOR.

## QUESTIO PRIMA.

*Quæ sit Ignis elementis essentia?*



- Rustra cum Hermogene in Cratylō Platonis quærimus unde Græcis πῦρ, Latinis ignis nomen trahat. At dum essentiam illius indagare nunc suscipimus, reverà videtur aut musa nos Euthyphronis deseruisse, aut hoc arduum quiddam esse. Sed intendamus tamen meditationes.
2. Multiplex ignis vulgò traditur: ipsaque illa diversitas obscuriorem reddit ignis elementi contemplationem. Plerumque ignem appellamus corpus ardens quodvis, quod crematur; veluti ignitum, quod calorem summum ac fulgorem contraxit, non tamen igne mox absumitur. Quin &, dum sensu exploramus ignem potius plerunque, quàm verâ ratione, hinc fit, ut ignem acci-  
dens

dens sensibile pronunciemus passim, substantiam veri ignis haud ita faciliè percipientes. Hoc sensu ipse *Aristot.* 1. *Meteor.* cap. 3. *ignein υπερεχον θερμῷ ἔδιον ζῖον exuperantiam caloris sive calidi, & veluti fervorem esse ait: ipsumque corporis incensi fulgorem sæpe ignem solemus appellare. Timæus* *Locutus* libello de *Mundi anima*, 3. quem imitatus fuit *Plato* in *Timæo* suo, tres ignis species constituit *ανθρακας, φλόγας, φως, carbonem, flammam, lucem: quas item Theophrastus, charissimus Aristoteli discipulus, amplexus fuit libro de igne. Carbo, seu pruna potiùs, est substantia quævis combustibilis, quæ summo calore contracto refulget. Flammam definit* 4. *Aristoteles* 1. *Meteor.* cap. 4. quòd sit *spiritus siccus*, id est, fumi, *ardor*. *Theophrastus* aërem accensum appellâsse videtur: quem rejicit *Bodinus* *Theatr. Nat. lib. 2.* flammam fumum pinguem accensum pronuncians. Attamen reverâ sine aëre accenso non refulget fumus ille pinguis accensus, utut nec sine fumo tali flammam aër foveat. Atque illud indigitâsse videtur *Hippocrates* lib. de flatibus, ubi *Spiritus*, 5. inquit, *nutrimentum præbet igni: quos si ignis privetur, vivere non potest: per spiritum manifestè aërem seu ætherem indigitans, utpote de quo pronunciabat, illud omne quod inter cælum & terram intercedit, spiritu repletum esse. Simili penè ratione vitalis illa nostri flamma haud absque aëre inspirato viget. Per lucem ignis qualitatem visibilem intelligunt, quæ intensissimum calorem in subjecto apto comitatur: quamvis non ubivis calorem esse intensissimum necesse sit, ubi lumen deprehenditur. In hunc sensum Plato & Empedocles visionem igne fieri asseriebant, id est, lumine ex oculis exeunte, (radiatorum namque emissionem visionem fieri crediderunt,) quos reprehendit *Arist.* lib. de sensu cap. 2. *Platonis* in *Timæo* verba hæc sunt: *Postquam in noctem discesserit cognatus ignis, visionis radius evanescit: nam in aërem sibi dissimilem erumpens permutatur, atque extinguitur, cum nullam habeat cum proximo aëre, utpote ignis splendore carente, naturæ communionem. Hippocrates* lib. 1. de diæta calidum omne ignem vocat: 7. ac ipse *Arist.* lib. de respirat cap. 8. calorem naturalem ignem vocat. Sed ut naturam elementi ignis investigemus propiùs: primò quidem ambiguitate nominis se intricant, qui ignem propriè dictum*

- sub notione accidentis apprehendunt, cum reverà habeat corpoream naturam: unde nec calore intensissimo, nec lumine, dijudicari potest verus ignis; nec protinus substantia quævis lucida ac calidissima dicenda purus ignis est: hæc enim accidentia passim mixtis corporibus obtingunt, at ignis sic ut elementa reliqua, est corpus simplicissimum. Quin imò verò ignis per se neque lucet, neque urit, ut docet *Scalig. Exerc. 9.* longè enim quàm aër pellucidior est, tenuior enim, dicente eodem, *Exerc. 325. f. 7.* Nec verò refragatur Aristoteles, quando 2. de anim. cap. 3. ignem & in tenebris & lumine necessariò visibilem pronunciat: quippe ignem illic respicit nostratem, non verò purum atque verum elementum; cum nec ille ipse ignis, cui sub orbe Lunæ sphaeram propriam adornat Aristoteles, in sua sede unquam resplendescat. Eminentè verò calidus
9. existit, motuque sui calet actu, & in aliis corporibus per motum excitat calorem, quem intensissimum concomitatur lux. Reverà enim calor minutissimarum materiæ partium motu in se reverberato
  10. excitatur, quem ipse ignis concitatus aptus est efficere. Atque talem mentem Aristoteli assignat Zabarella, quando libro de motu ignis in orbem cap. 8. solus, inquit, motus relinquitur, quo ignem in cælo conservari dicamus: (quatenus exuperantia caloris appellatur:) eaque est sententia Aristotelis lib. 1. meteor. cap. 4. ubi dicit elementa calida esse calida à motu cæli, & ab eodem conservari in suo naturali calore: motus enim per attenuationem & attritionem partium gignit calorem, ut Arist. ait in context 42. lib. 2. de cælo: idque ab Averroë ibi optimè declaratur, quin etiam dicit motum esse perfectionem calidi. hoc est, ut exponit Zabarella, dat perfectionem calido, ut est calidum. Ignis enim, ut porro loquitur Averroës, nisi moveatur exstinguitur, ac perit: nimirum, quatenus exuperantia caloris est, non enim ejus propria substantia
  11. unquam potest destrui. Plura in hunc sensum apud Zabarell. cit. loc. extant: quibus tandem ipsemet subjungit: motum illum ignis (in orbem) non simplicem esse, sed mixtum: nam si esset verè simplex, & nullum partium ascensum vel descensum haberet, nulla earum attritio fieret, proinde neque calor. Atque ita reverà non nisi per accidens comburit ignis: quod & notavit Scaliger *Exerc. 9.* quam antea citavimus; per se ve-

se verò prorsum mitis est, beneficus, ipsiusque generationis causa atque opifex, obtutum oculorum substantiæ tenuitate summâ fugiens: flavum enim cernimus hic apud nos ob aliorum corporum admixtionem, ut idem ait Scaliger. Hæc illa substantia subtilissima est, fluidissima, at sicca per essentiam, in sese maximè conser-  
ta, quæ, ut ait Plato, per omnia maximè penetrevit, quam Galenus, asseccla Platonis, in minutissimas particulas in modum atomorum tradit distributam, ærrique conjunctam per leviculam quandam mixtionem, quo generationi conversationique succurreret: quam Galeno sententiam assignat Janus Huartus, in *Scrutinio ingeniorum*. Substantia verò hæc in Sole potissimum aliisque astris radicata est, unde per omnia diffunditur & ad præsentiam Solis affinitate quadam naturali concitatur, ut excitato velut atomorum passim motu re-  
percussio, corpora calore blando foveantur. Nec alienum est à ratione, quod statuit Vallesius in *sacra Philos.* Maximam ignis partem Solem sequi, ac cum Solis lumine circa terram volvi, ipsumque circumëuntem diem comitari: in quem sensum capiunt nonnulli, inter quos est etiam Vallesius, verba hæc *Ecclesiast. cap. 1. vers. 5. & 6. Oritur Sol & occidit, & ad locum suum transit ubi oritur; vadit ad meridiem & circuit ad aquilonem: lustrans universa in circuitu pergit spiritus, & in circulos suos revertitur*. Pessimè tamen errat Vallesius, dum spiritum illum, qui *Gen. 1. incubabat aquis*, ignem esse proficitur. Reverà quidem ipse ignis corporum omnium maximè ad spirituali-  
um substantiarum naturam accedere videtur, cum sit tenuissimus, & visum; ac omnino sensum fugiens, ut idem ait, nisi cum ob materiæ quam occupat densitatem apparet, seu quando excitato motu in materia crassiore efficit incendium, ac fulgorem, caloremque eâ ratione edit, ut in ignito carbone, fumoque ardente: At immaterialis tamen hæc substantia non est; sed corpus id cœleste, quod ipse quoque Jamblichus dudum incorporeis esse cognatissimum pronuntiavit; quod veteres Egyptiorum sapienter spirituale quoddam corpus appellarunt. Hic verè spiritus ille est, quem *Arist. 2. de gen. animal. cap. 3. in semine contineri* ait: Quippe inest in semine omnium, quod facit ut secunda sint semina, videlicet, quod calor vocatur: idque

- idque non ignis, (sc. edax ille ac peremptorius, quem in culina cer-  
nimus, seu quem exuperantiam caloris appellabat Arist.) non talis  
facultas aliqua est, (sc. comburens, dissolvens, ac destruens,) sed  
spiritus qui in semine spumosoque corpore continetur: in quo spiritu natu-  
ram inesse ait proportionem respondentem elemento stellarum.
16. Hunc spiritum Aristot. quandoque calidum, quandoque natura-  
lem nominat calorem: alias quidem à tenuitate & velocitate, ut loqui-  
tur Fernelius lib. de calid innat. cap. 2. alias à viribus & effectu ratione nomi-  
nis desumptâ: Planius Hippocrates, inquit, qui nusquam addubitat  
hunc spiritum nuncupare, ex eo quod eximius viribus cum præditus sit, ocu-  
lorum tamen effugit obtutum: etenim & aërem, & ventum, & auram, &  
namquamque substantiam quæ sub aspectum non cadit, sic dicere consueverunt.
17. Hic spiritus verè illud ipsum est, quod insitum calorem appella-  
mus: At qui non modò animatis convenit; sed in omni corpore  
naturali mixto locum habet: nisi quod in animato corpore vi ipsius  
animæ nobiliores operationes edat. Diversimodè namque in variis  
corporum naturalium speciebus se habet ille spiritus, ac longè di-  
versissimarum operationum causa est, prout diversa illi indita natu-  
ra est, elemento stellarum proportionem respondens: quam certè
18. naturam ipsam rei formam haud inconvenienter appellamus. Sic  
verò ignis proximum formarum receptaculum existit, ut in igne  
formas esse quasi radicas dici queat, cujus item ministerio in ex-  
ercendis operationibus utuntur. Spiritus enim ille, quem corpus  
æthereum appellat Fernel. cit. lib. cap. 2. (est enim tenuissima ignis  
portio limpidioris aëris substantiæ permixta,) caloris facultatumque  
sedes & vinculum est, primumque obeunda functionis instrumentum. Hujus  
foverenda gratia, inspiratione aërem introducimus; qui non modò corpori re-  
frigerationem; sed pabulum quoque spiritui subministrat. Namque, si  
nulla, ut idem inquit, in nobis esset tenuis & spirituosus substantia, vix
19. ulla profectò nos ad inspirandum necessitas impelleret. Hic ille nexus est,  
hic illud vinculum, quo mediante anima cum corpore cohæret.  
Quippe quod notavit Scalig. Exerc. 101. f. 18. Calor quidam quasi cor-  
poris & anima glutinum, statuitur à Philosopho, celeste sanè quiddam:  
quod & corpus esse dicitur in secundo de gener. animal. (loc. nempe sup. cit.)

Omnis



Omnis anima virtus corpus aliud videtur participare, idque magis divinum,  
 quam ea quæ vocantur elementa. sc. divinius profecto, quam elemen-  
 tum illud Aristotelis, quod sub orbe Lunæ tantum contineri cre-  
 didit, quod non nisi calidam siccamque ipsius terræ excretionem  
 statuit, ut deinceps fiet manifestum: ac ipse ille noster culinaris  
 ignis, quem tangimus, deterioris ob mixtionem est conditionis,  
 ac destructivâ quadam facultate pollet. Qui verò Mundi elemen-  
 tum est, quem calor propriè inesse diximus, ac radicatum in cœ-  
 lesti corpore, diffusum tamen inde quaquaversum, mitissimæ na-  
 turæ est, ac optimum formarum instrumentum, quo generatio  
 peragitur, quoque animæ quælibet facultas utitur in suis operatio-  
 nibus. Hic ille calor est, quem respicit Averroës 12. Metaph. c. 18.  
*Calor Solis & stellarum*, inquiens, *diffusus in aqua & terra generat ani-*  
*malia ex putredine nata*, (quatenus nimirum natura illi inest; quâ  
 dirigitur ad operationes,) & *universaliter omnia quæ sunt ex non semine.*  
 Quin & in iis quæ ex semine nascuntur, idem huius ignis est  
 officium; verissimèque in omnibus omnino naturalibus corporibus  
 naturam sive formam, cui ipse proximè subjectus est, cum inate-  
 ria corporum, (quam terram & aquam pronunciat Philosophus 4.  
*Meteor. cap. 4.*) glutinis in modum nectit: quatenus ipse interim  
 leviori mixtione liquidæ substantiæ aëreæ, ceu radicali quodam  
 humido, quod appellatur, hæret, cum quo & ipse compositio-  
 nem corporis ingreditur: ut verè ex miscella ignis ac limpidioris  
 aëris, conflare id credendum sit, quod calidum innatum in ani-  
 mantibus vocamus. Sic rectè notat Cremoninus lib. de cal. innato.  
*dictat. 2. inesse cunctis mixtis ipsum calidum innatum: unde & pu-*  
*tredinem definit Arist. corruptionem proprii ac nativi caloris*, &c: Sic  
 igitur insitus per mixtionem calor, in concreto si accipiat, à  
 cœlesti non distinguitur: nec ipsa cœli subtilissima substantia cor-  
 poreâ ab elemento ignis est diversa. Quod ipsum innuit Danaus  
 phys. Christ. part. 2. tract. 1. cap. 10. *Distinguunt quidem*, inquit,  
*Physici calorem in tria genera, nempe caelestem, elementarem; & insitum*  
*sive nativum: ex quibus caelestem volunt fecunda efficere semina; sed & eum*  
*ipsum etiam, qui insitus & naturalis ab iis dicitur, volunt Solis siderum-*  
que calori,

- que calori, id est celesti illi luci, proportionem quadam esse respondentem: id quod lib. de gen. animal. cap. 2. & 3. scribit & confirmat Arist. & post Arist. Iob. Fernellius, Medicus doctissimus. At idem ille qui in animato corpore vocatur insitus, in corpore quod vitæ expers sit simpliciter elementaris appellari solet. Eodem verò spectat illud, quod ex M. Tullio Bodinus refert. *Solus ignis similis est eorum ignium, qui*
23. *in corporibus sunt animantium.* Hoc verò ignis elementum Lucis nomine indigitatur in historia creationis sacra, quod lucem eminenter habeat, ipsoque motu lucem actu fundat, non secus ac calorem. Quod ipsum suboluisse videtur aliquibus Philosophis, de quibus Cremoninus lib. de calid. immat. dictat. 6. refert, in corporibus animalium esse quippiam substantiæ cœlestis statuisse, quod ipsum lucem esse crediderint, ac loco calidi innati habuerint. In eo tamen sunt hallucinati, quod lucem, quam corpoream quid esse statuebant, formam ipsam esse dicerent, cum formæ potius sit susceptaculum. Ita Stoici, teste Fernelio lib. de cal. immat. cap. 2. *spiritum ex splendida, perspicua, nec aspectabilis substantia constare recte quidem prodiderunt; eo tamen falsi, quod hunc tum naturæ tum animæ substantiam esse pronunciant, nihil eo præstantius, nihil divinius investigantes.* Neque verò ipsa illa lux in alio quodam Spiritu formæ instar radicata est, ut illi apud Cremoninum crediderunt; sed natura ipsa sive forma, quæ naturæ dignitate lucem superat, in Spiritu illo inest, ut loquitur Philosophus, quem lucem ipsam sive ignem nominavimus. In Stoicorum tamen hanc opinionem aliquando incidit Galenus, qui libro de tremore & rigore animalibus calorem insitum decernens, subiungit, *nec sane aliud est vel natura vel anima, quam is ipse calor, quem si esse substantiam per se mobilem semperque mobilem intelligas, non errabis.* At cautiùs errorem premit lib. de format. sætus, ubi, *quandam generandi sætus causam esse ait, quam omnes naturam appellamus, quæ ejus*
16. *si substantia ignorantes.* Quod igitur naturam ignis spectat ea ex jam antè dictis innotescit, ex quibus hanc descriptionem breviter colligimus: quod sit, substantia corporea simplex, subtilissima; in se spectata summè densa, at fluidissima; ac eminenter calida & lucida; siccaque per essentiam; in Sole potissimum, aliisque astris radicata,

radicata, indeque diffusa per Universum : in mixtis corporibus quibuscunque proximum formarum receptaculum, quod atheri permixtum calidum nativum propriè in animalibus consuevit appellari; formæ cum materia quasi nexus atque vinculum; & organum aptissimum ad operationes. Huic nostræ sententiæ accom- 27.  
modari potest illud, quod *Daneus* habet, in *Phys. Christ. part. 2. tract. cap. 11.* ubi per lucem primo die à Deo conditam elementum ignis intelligens, *Hæc lux*, inquit, *est ille ignis, qui ab iis ipsis Philosophis* (Peripateticos intelligit) *pro quarto elemento in omnium rerum ortu & generatione etiamnum hodie necessario statuitur & agnoscitur.* Ipsi ignem vocant; *Scriptura* ab usu primario & præstantiori veriorique *Lucem* 28.  
*appellavit.* Ac *cap. 9.* eandam causam rerum gignendarum præcipuam & potentissimam agnoscit, (intellige, quatenus naturâ quadam cœlesti perfusa est, quæ formæ rationem obtinet in rebus ipsis,) sed naturalem tamen inquit, id est, in hoc mundi statu constituendo & conservando necessariam; Dei verò ratione tantum organicam & instrumentalem, quia hanc ipsam Deus movet, ciet, & sustentat. Et in fine *cap. ejusdem*, *quod ad hominis vitam*, inquit, (adde aliorum omnium viventium,) *etsi illa ab anima est, anima tamen luce, uti instrumento, adjuvatur.* Cum verò ex prædictis manifestum sit, ignem elementarem, cœlestem, atque insitum, specie reverà unum eundemque esse, hîc quæstio excutienda restat, an igitur omnis calor sit ejusdem speciei? Resp. Calor ut pro qualitate in abstracto sumitur, naturam sequitur subiecti ejus cui inest, cum esse accidentis sit inesse. Hinc qui in specie diversis rebus in- 30.  
est, omnino specie diversus esse debet, quamvis & ab una eademque causa sit prognatus. At si in corpore uno eodemque vel à diversis causis excitetur calor, veluti si quis caleseat & à sole simul & ab igne, reverà non specie modò, sed numero etiam unus ille calor est. Namque, ut *Vallesius* philosophatur in *Philos. sacra, cap. 31.* *Si duo, uterque excludit frigus, utrique ergo erit frigus contrarium: quod si utrique aque, non sunt illi diversi, sed idem, quia unam ani contrarium est. Si verò unicum, non different specie, qui sese augentes confluunt unum numero.*

## QUÆST. II.

*Quid per sphaeralem ignem intelligat Aristoteles? quidque sic de tali sentiendum?*

- Substantiam cælestem ab elementis quatuor, igne, aëre, aqua, terra, penitus diversam esse, ac nobiliorem obtinere naturam, quàm quæ sit elementorum, adeoque quintam quandam esse essentiam, ita manifestè asseruit *Aristot.* in libris *de celo*, ut de hac illius mente dubitari nequeat: (quemadmodum latius patebit in progressu.) Adeoque verum ignem elementarem sub ipsa cæli regione
2. contineri, omnino sibi habuit persuasum. At hunc errorem certè postmodùm correxit, seu palàm manifestum dedit potius, licet intricatam animi sententiam, nec satis veritati undiquaque congruentem, præ se ferre tamen videatur. Quippe *lib. 1. Meteor. cap. 3.* inquit circa terram & aquam esse aërem, atque illud quod licet
  3. ex consuetudine vocemus ignem, reverà tamen ignis non est. Duplicem namque in eo ipso, quod à nobis aër appellari solet, substantiam spectari mox ibidem docet, alteram calidam & humidam, viciniorem terræ, quæ vaporosa dicitur; alteram verò calidam & siccam, eamque altiore, & à terra inagis dissitam, quæ terræ copiosiores habet exhalationes. Sic enim, animadvertere oportet, inquit, ejus quod à nobis aër dicitur, partem illam quæ est circa terram, velut humidam & calidam esse; propterea quòd vaporosa sit, & exhalationem habeat terro: quæ verò super hanc est, calidam esse & siccam. Nam vaporis natura humida calidaque est; exhalatio potentià ut ignis.
  4. Atque in hunc sensum inquit *cap. seq.* Incalcescente à sole terrâ, halitum fieri non simplicem, ut quidam putant, sed geminum, necessarium est: alterum vaporosum magis, alterum magis spirituosum. Ejus quidem quod in terra & super terram existit, humidi halitus, vaporem; terra verò præarida existentis, fuliginosum: è quitus qui spirituosus est, eum caloris beneficio magis attolli; qui verò humentior est, subsidere ob gravitatem.
  5. Atque hæc ratione ait illud omne, quod à lunari ambitu terræ circumfunditur, eleganter digestum esse. Nam statim sub ipsa calis conversione,

inquit,

inquit; situm est, quod calidum aridumque est, quod appellamus ignem siquidem nomine caret, & cuilibet sumida secretioni competit. Atque ita 6.  
 ipsa terra & aqua atque id quod circa ea hærens potentiâ velut aqua est vel ignis, inferunt hunc Mundum Aristoteli constituunt: circa quem elementum primum, quod in superno Mundo Lunæ orbe terminatur, ipsaque corpora quæ in eo sunt, in orbem rotantur: quo motu semper id quod ex infero Mundo, ac sublunari corpore, elemento illi primo, ut appellat, est coharens, disgregatum accenditur, atque calorem efficit: ut cap. 3. jam antè citat. tradit. Corpus namque illud universum, quod supra conversioni subest, veluti materia quadam, quæ potentiâ sit calida, frigida, sicca, humida, ceterasque alias omnes affectiones quæ hac comitantur subeat, sit ac est ejusmodi ratione motus & immobilitatis. Ex dictis igitur manifestum est, id omne quod sub orbe Lunæ aëris & ignis nomine appellari solet, communi nomine vocari aëra: cujus illa pars, quæ ad terram propius accedit, potentiâ *διον ὡς ὕδωρ* velut aqua est; pars altera, quæ longius à terra distat, potentiâ *διον πῦρ* velut ignis esse dicitur. Inferior autem ea Aristoteli statuitur, in qua nubes colliguntur: Cur verò nubes supra in loco non consistant, hanc esse causam existimandum est, inquit, *ὅτι οὐκ ἔστιν ἀπὸ μόνου, ἀλλὰ μάλλον διον πῦρ*, quod inibi non solum aër sit, (nimirum magis strictè dictus,) sed potius ignis. Non absolutè ignem, sed magis 10.  
 ignem esse ait, quàm ut sit aër, quem antea communi nomine aëris quandam partem appellaverat, quem verum ignem haudquamquam esse dixerat. Carere namque nomine ait cap. 4. id quod cuilibet fumosæ excretioni est commune: Attamen quia quod tale est, ex omnium corporum genere maximè succendi ac conflagrare suo apte naturâ potest, ideo sic uti nominibus est necesse. Atque ita apparet, fumosam 11.  
 illam exhalationem cui sub orbe Lunæ ignis rationem tribuit Arist. potentiâ proximè ad naturam ejus ignis accedere, quem ibid. cap. 4. *ὑπερβολὴν θερμῶ* & *διον ζέειν* exuperantiam calidi ac veluti fervorem appellaverat. Quod idem manifestum est ex iis quæ subjungit: 12.  
*Νοσεῖν αὐτὸν οὐκ ὀφείκειν διον ὑπέκκαυμα τοῦτο* hunc veluti succensionis fomitem, sic fumosam illam excretionem vocat, quem modò ignem esse diximus, circa ejus sphaera extremum quæ terram ambit extensum esse, quo sit, ut

- cūm exiguum fortè fortunā motum nactus fuerit, sape sumi in modum inar-  
descat. Nam flamma fervor est spiritus aridi. At certè talis ignis, si  
vel reverā locum sibi vendicaret proximè sub ipso Lunæ orbe,  
haudquaquam elementi rationem obtinere potest, quod magis pla-  
num fiet disp. proximè seq. Sed interim quæ tandem data ratio,  
13. aut quodnam sensus testimonium, quo ignem illum vulgò nomi-  
natum, qui calore ac ariditate squalet in Peripato, seu exhalatio-  
nes illas siccas, quæ longiùs à terra quàm vapores elevari statuun-  
tur, habeamus demonstratas, ne merum cerebri figmentum esse  
credi queant? Certè terram esse aquis graviolem non dubitant Pe-  
ripaterici; quòd si & eadem sit crassiorum partium quàm aquæ, ut  
Plato statuit non absque ratione, quo pacto quæso accidet, ut lon-  
giùs à terra subvehantur exhalationes siccae quàm vapores? cūm il-  
læ sint terrestres substantiæ, hi verò aqueæ. Nimirum, ignis ille sub-  
14. lunaris calidus & siccus est; at terra sicca per naturam, si modò inca-  
lescat talis ipsa quoque redditur: terrestres igitur exhalationes de-  
buerunt saltem fingi altiores, quæ potentiā sint velut ignis. Sed sub-  
lunarem illum ignem sequenti disputatione nervosè solidèque ex-  
tinguemus, quare hīc non entis non fingamus causas: fumosæ ve-  
rò istæ exspirationes iterum subsidant aliquanto nec ultra vapores  
15. aqueos abripiant Philosophorum cogitationes. Quin imò sanè,  
neutiquam attolli usque adeò fumosas exhalationes, ut vel millesi-  
mæ semissem æquent ejus altitudinis, quæ inter superficiem terre-  
strem & orbem Lunæ intercedit, ipsa ratio crepusculorum arguit.  
Qui enim ex crepusculis vel maximum à terræ superficie fuligines  
attollunt, haud altiores eas faciunt 52. miliaribus, qualium Ptole-  
mæus semidiametro terrarum orbis attribuit 3579, hoc est, vix-  
dum miliar. Holland. 14. ut ex iis quæ disp. 3. quæst. 3. à nobis  
16. sunt exposita apparet. Et si Veteribus quibusdam est habenda fi-  
des, nonnulli montes omni exhalatione altiùs assurgunt: Quod si  
vel ita non sit, (nam in sequentibus quid hac in parte sentiendum  
sit videbimus,) quā ratione interim Peripateticorum populus con-  
cordat Dictatori summo Aristoteli, aut ejus dogmata utrinque  
salvant? Is ipse namque 1. Μετεωρ. cap. 3. οὐχ ὑπερβάλλει τὰ πνεύ-  
ματα

ματα τῶν ὑψηλοτάτων ὀρέων, ventos non transcendere editissimos montes, fateri non veretur; cum interim ab omnibus, qui in Peripato sunt magis celebres, materia ventorum fumidæ excretiones statuuntur. At quantum distant montium altissimorum vertices ab orbe lunari! Sed præter omnem rationem cujuscunque tandem ignis sub orbe Lunæ sphaeram esse constitutam, plenius patebit disputatione mox sequente.

## COROLLARIUM. I.

Cur ignis nostras aëre indigeat, ut conservetur?

**I**gnis obturato vase conclusus protinus extinguitur: cujus rei potissima causa hac est, quod aëre non ventiletur. Cum enim ignis noster culinaris sit summus quidam fervor motu corpusculorum minutissimorum in se reverberato excitatus, (quod ex parte non ignoravit ipse Arist.) eâ quidem agitatione continuè alia atque alia corpuscula in materia combustili resolvuntur, ac continuè nonnulla evolant, qua nempe exhalationes faciunt: In horum locum necesse est ut aër succedat, qui suo continuo affluxu causa est, quod continuetur corpusculorum motus, dum superest materia combustilis. Quod si verò libero aëre praecludatur ignis, nulla corpuscula evolare possunt, nec suscitabulum motus aliquod accurrit: quare tandem conquiescunt omnia; ac cessat ita fervor. Similis ratio est in animalibus interclusâ respiratione.

## COROLLARIUM. II.

Cur quando magna incendia fiunt, etiam tranquillo cœlo protinus exuscitetur aliquis ventus qui flammam agitet?

**D**iaabolicâ arte illud fieri protinus existimant nonnulli superstitiosi homines: at causa naturalis subest. In magnis incendiis magna exhalationum copia emittitur, magno igitur impetu aërem undiquaque succedere necesse est: At agitatione illâ aëris exuscitatur ventus.

COROLLA-

## COROLLARIUM. III.

Quid causæ quòd ventres hyeme calidiores quàm æstate?  
& an rectè calidi innati plus habere eo tempore dicantur?

**E**ffatum est Hippocraticum Aphor. 15. sect. 1. probatissima veritas. Causa verò hæc est, quòd frigore hyberno constringantur meatus corporis exteriores, ac coërceantur halitus in corpore ne evaporent, & sanguis ipse atque spiritus intus agantur: qui coërciti calorem intus augent. Et quamvis eâ ratione neutiquam accrescat insiti nobis spiritus, seu vitalis nostri ignis copia, quemadmodum nec humidum augetur radicale; calor tamen qui cum his in corpore conjunctus est, cum magis sit intensus, calidi nativi plus adesse dicitur, nimirum quatenus est calidum: hoc est, calor ipse in spiritu insito & humore radicali hyberno tempore augetur, quamvis non sit aucta subiecti spiritus & humoris quantitas.

## COROLLARIUM IV.

Cur fœnum humidius coacervatum facilè suâ sponte  
incendatur?

**E**x humidiori congerie magna exhalationum copia continuè exurgit; adeòque continua fit aëris per acervum percolatio; sicque continuus minorum corpusculorum excitatur motus, quo crassiora fœni corpora atteruntur. Hinc verò in materia facilè combustibili facillimè summus fervor, quem vocamus ignem, producitur.

## QUODLIBET

An in corporibus mixtis ignis materia rationem habeat?

DISPUTA-



## DISPUTATIO SEXTA

De

## I G N E

POSTERIOR.

## QUESTIO PRIMA.

*An detur propria aliqua ignis elementi sphaera?*

Excepta Peripateticorum est opinio, sub orbe Lunæ: ignem qualemcumque proximè locatum esse, qui incumbat superficiei sphaericæ ipsius aëris, ac superficiei exteriore suâ terminet elementorum universam regionem. Pro hoc duobus argumentis potissimum decertant. 1°. Cometæ, volantes stellæ, alique ignes in sublimi fiunt: Ergo datur ignis supra aëra, qui in talibus corporibus refulget. 2°. Ignis noster naturali motu sursum nititur: Ergo ad locum sibi naturalem, seu ad cognatam sibi ignis sphaeram. Sed quod ad prius attinet: Cometæ infra orbem Lunæ fieri, falsò credit Arist. ut evidenter id docuimus in Theatro Nat. Univ. part. 2. Disp. 4. Quòd si quæ verò corpora cometas æmulantia aut ignes alios ibidem fieri concedamus, haud inde tamen ignem naturaliter ibidem esse, magis consequens haberi debet, quàm naturaliter eundem contineri in profundis terræ cavitatibus. Materia namque sursum evecta, quam fumosam exhalationem vocat Arist. 1. Meteor. cap. 4. quam veluti *ὑπὸ καυμᾶ* cogitare oportet, ut ibid. ait, quia maxime præter cetera corpora apta est accendi, cum exiguam fortè fortunâ motum nacta fuerit, sæpe sumi in modum inardescit: nimirum particularum suarum motu in se repercusso incalescit atque inflammatur. In ipsa quoque media aëris regione, quam frigidissimam Peripatetici constituunt, materiam talem condensari frigore, ac intra nubes ipsas fulgura ac coruscationes gigni, nos docet ipse

N

Arist

4. Arist. quod & experientia confirmat. Si igitur in frigidiore aëre materia talis incalcescit, solaque in se, sine igne illo sublunari, ignem contrahit & ardet, quid opus est excogitare sublunarem illum ignem. Et si quidem, quod ipse Arist. fatetur, 1. *Meteor. cap. 3.* hic apud nos videmus motum posse segregare aërem, atque incendere eatenus, ut ea saepe, qua cientur motu, liquefieri videantur, cur minùs idem fieri queat sine sublunari igne in sublimi? Aut si non inardescant corpora in sublimi, nisi quod sphæralem illum ignem contingant, jam ignis quoque sphæram ad ipsius terræ superficiem pro-  
tendi statuamus, cum suâ saepe sponte scæni cumulus in flammam concitetur: ac divinâ machinâ credamus fieri, quòd non omnia
5. exurantur. Quid quòd secundùm decuplam Peripateticorum proportionem, quam elementis tribuunt, sphæra ignis superficies interior à terræ superficie remota sit haud minùs 1265. milliariibus Holland. ut demonstravimus disp. 3. de Mund. quæst. 3. Quis verò adeò vefanus est, qui meteora ignea in tanta altitudine oriri credat? cum terræ illa proxima cernamus pleraque ac contra omnem sensum atque rationem sit, altissima ejusmodi phaenomena, unius
6. vel alterius milliaria exuperare altitudinem. Quare commodè concludimus contra argumentum primum, ex ipso Aristotele 1. *Meteor. cap. 3.* σημείον δ' ἐκείνόν ἐστι ὅ ἂν τὸπος ἢ ἐστὶ θερμός, ἢ ἐκπιπυρωμένον, & αἱ διαδρομαὶ τῶν αἰθρῶν: καὶ μὴ γὰρ ἢ γίνονται, καὶ τῷ ᾧ, Quòd superius locus nec calidus sit, nec ignitus, vel stellarum discursus sufficiens sunt indicio: illic enim non sunt, sed infero in loco. Ac causam reddimus ignitorum meteororum cum eodem ex cap. 4. ὅτι μὲν ἂν ὑπὸ τῆς κινήσεως ἢ ἀναθυμιάσεις ἐκκαυμένη γινῶσιν αὐτὰ. ὅτι ᾧ ὑπὸ τῷ δια τὴν ψύξιν συρισσάμενον αἶρ' ἐκθλίβεται & ἐκκρίνεται τὸ θερμόν. Interdum quidem motu exhalatio accensa gignit ea: interdum verò ab aëre, per refrigerationem compacto, calidum secernitur, extruditurque. Sed alterum videamus argumentum. Ignis noster sursum fertur, inquiunt: Ergo locum naturalem habet supra aëra: partes enim ad suum totum tendunt naturaliter. Sed rectius, si robur habet illud argumentum, hinc liceat inferre, cælum esse sphæram ignis, cum sursum sit, quòd tendit ignis noster, ubi sensus ipse noster collucentium stellarum illos

illos oculos, ut ait Plinius, ac veluti perpetuò flagrantes illas flammâs, tam vastâ multitudine deprehendit: cùm nullus interim sub orbe Lunæ sensus ignem ullum attestetur. Oportet enim certè iudicia nostra, ac ipse docet Arist. ἔχειν λόγους, οἵτινες πρὸς τὴν αἰσθησὶν ὁμολογούμενα λήγουσιν, habere rationes quæ sensibus consentanea loquuntur. At reverà futile est illud argumentum, pro loco quodam naturali ignis demonstrando. Quod enim sursum vehi cernimus ex igne, id sola flamma est collucens: nam pruna nunquam suâ sponte sursum ferri visa est; nec quicquam ejus ignis, qui in carbone hæret, nisi quatenus is flammæ rationem induit. (quod enim oculorum fugiens obtutum expirat, id ad latera non minus, quàm sursum, diffundi sensu tactus deprehendimus.) At flamma, teste Aristotele, spiritus sicci ardor est; qui spiritus siccus fumus est; nisi Theophrasto credas esse aëre. Si dicas esse aërem, quâ ratione ignis aliquam sphaerâ inde colligis? si fumum esse sentias cum Aristotele, seu siccam ac terrestrem exhalationem, nihil magis efficis: ac insuper quâ ratione eam ad supremum aëris terminum, qui secundum decuplam proportionem 1265 miliaribus à terra distat, docebis elevari? quin potius exilem naçta altitudinem cum pluviis ac ventis recadat in terram? Ac sanè flamma per continentem humidi in siccam mutationem fieri solet: nullo enim propè dixerim tempore eadem manet. ut ipse Peripateticorum omnium Patronus lib. 2. Meteor. cap. 2. docet: At si ne tempore tantillo quidem eadem existat flamma, quâ ratione per tam vastâ aëris intervalla orbem Lunæ propiùs attingit? Et si vel eadem maneret, ita ut non protinus in suis natalitiis perimeretur, qui fieret tamen quòd in aëris naturam non transmutaretur, tam vastâ aëris spatia percurrens, cùm elementa tamen ipsi, qui sphaeralem ignem ponunt, in invicem transmutabilia constituent? Quis verò tandem flammam culinarem vidit ascendentem longiùs, quin protinus exstingui simul cerneretur? Ascendit quidem ipsum flammæ receptaculum, quod fumum esse constat, ob causam quam tradidimus in præced. at iterum descendit suâ sponte eadem materia cùm condensata est; nec naturalem locum sursum petit, sed deorsum. Quin imò flammâs ipsas in sublimi natas cernimus

- deorsum agi sæpenumero, aut in transversum agitari, prout sequuntur ductum sui pabuli, quas tandem cernimus in aëre extinguere. Nonne dicente ipso *Aristotele lib. 1. meteor. cap. 4.* ὑπὸ τῆς λύχνης τιθιμένη ἀναθυμιάσεως, δὲ τῆς ἀνωθεν φλογὸς ἀπτεῖ τὸν κάτωθεν λυχρον, *sub lucernis posita exhalatio à superiore flamma accendit lucernam inferiorem modò extinctam?* At quid dicemus causam esse, cur sic descendat flamma, si naturalis ejus locus sursum est? aut non æquè naturalem ejus locum vel deorsum, vel ad latus esse concludemus, dum deorsum quoque & ad latera moveri flammam cernimus, si talem
13. situm habeat subjectum ejus exhalatio. Certè non minùs validà ratione firmatur inepta illa ac refutatione penitus indigna sententia *Huerti*, jam antè citati, quâ ignem gravissimum ac summè ponderosum, ejusque naturalem sphaeram in centro terræ statuit, atque hæc Peripateticorum frivola opinio. Nunquid enim cernimus exhalationem, quæ suâ raritate sursum tendit, simul atque modò ignem concepit, quando tonitru exoritur, tantâ velocitate atque impetu descendere, ut turres etiam ac ædificia prosterнат? At meliorem, quàm quæ sit ex gravitate desumpta, rationem hîc exco-gitavit *Arist.* cit. loc. vimirum in partem elabuntur, inquit, in æram nonnulla meteora ignea, propterea quòd densatio propellens ea deorsum excutiat. Proinde quoque ipsa fulmina in præceps ferri solent. Horum enim omnium generatio non in accensione sita est, sed in excretionem, qua per
14. extrusionem fit. Sic verò quoque quando flamma sursum fertur, melior reddenda causa est, quàm quæ ex levitate ejus sit desumpta. Sed dicat mihi, quæso, quispiam Peripateticorum, utrùm flamma nostras, aut noster ignis quicumque, ejusdem sit naturæ cum sphaerali igne, an verò non? Si non sit, quæ est illa ratio, quæ ex ascensu hujus, elementi ignis locum superum conantur demonstrare? Si verò esse dicant, ignis qui sit elementum nullus dabitur, nec ad corporum mixtionem uspiam concurrer: nulli enim corpori nostras hic miscetur ignis; sed vorax est, consumens, atque destruens: si cui corpori rectè temperato apponatur, interitus, illius causa est, dum id dissolvit in exhalationes, nil nisi copiam exiguam relinquens cinerum. Quòd si verò talis est sphaeralis ille ignis, elementi

elementi certè rationem nullo modo potest obtinere. Quà verò  
 ratione tandem nostratem flammam elementum esse ignis persua-  
 debunt, ut inde naturalem ignis elementi locum sursum colligant?  
 Nascitur hæc apud nos, ac perit iterum in suis natalitiis, vel ipso  
 teste Arist. Nec ignis ipsa dici potest, qui ab aliis elementis sepa-  
 retur in corruptione misti: quis enim tantam ignis copiam in ligno  
 contineri credat, quantam inde flammam successivè nasci cerni-  
 mus, antequam absumptum sit, aut in carbones penitus conver-  
 sum? Nec ipse Aristoteles flammam ignem vocat qui ex mixto sepa-  
 retur corpore; sed sicci, spiritus id est fumi, nominat ardorem:  
 nimirum summus calor est, in materia evanida fluidaque hærens,  
 quæ refulgere apta est; quemadmodum consistens atque durior  
 materia per similem fervorem candens appellatur. Si igitur nemo  
 descendentem à consinio Lunæ flammam vidit unquam, nemo vi-  
 dit ascendentem eò; nec ratione solidâ ascensus aut descensus ejus  
 talis constet, sed descensum ejus prope terram æquè naturalem ac  
 ascensum videamus, cur natus illi locus proximè sub cœlo tri-  
 buendus est? Vel quo ascensu tandem ignis nostri sphaeralem no-  
 bis ignem ostendent? Sed credant tamen ignei Philosophi, vel si-  
 ne sensu, sine ratione, quin præter omnem sensum atque ratio-  
 nem, ob Mundi fortè aptam quandam ordinationem quatuor ele-  
 mentis sublunarem orbem absolvi, ignemque inter ea summum  
 locum esse nactum, qui sphaeræ in modum elementa reliqua com-  
 plectens orbe Lunæ proximè cingatur. Hic igitur reddenda ratio,  
 quâ vi per aëris profundâ intervalla se dimittat ille ignis, ut in ter-  
 rarum orbe suum munus exequatur, ac mixtioni corporum se sistat?  
 Naturâ suâ sursum ignem moveri ajunt, quod & doctrinæ Aristote-  
 lis consentit. Igitur & naturâ propriâ deorsum tendit; At ita  
 animatus statuatur ignis: quippe motus multiplex, si naturalis sit,  
 non nisi animatis rebus convenit, docente ipso Aristotele. At  
 nemo ex eorum numero, qui suam igni sphaeram tribuunt, hunc  
 ipsum animâ dignabitur. Nec verò tantum animatus foret ignis,  
 si suâ sponte sic deorsum moveretur; sed verè intellectu præditus;  
 dum eâ copiâ, quâ opus est, ac eo tempore cum mixtio institu-  
 enda est,

19. enda est, ad eum locum quo res exigit, se confert. Violentus igitur statuatur ille motus, qui deorsum est, seu naturæ ignis contrarius: quod ipse Arist. fatetur, qui manifestè *lib. 1. meteor.* ignem *ἐκ τῆς φύσεως* deorsum ferri violententer tradit. At à qua causa pellitur deorsum è nativa sua sede, ac præceps agitur ad præfundissimas orbis intimi voragine? Num hinc Intelligentia tingenda forsitan aliqua, quâ moveatur ignis? Hoc enim æquè rationi consentaneum videtur, ac ipse ille locus ignis superus. At eam certè nunquam animo concepit Aristoteles magister. Sed quæro rursus, num & eadem Intelligentia, quæ pro suo lubitu hinc inde ignis aliquas particulas decerpit, & mixtionis causâ concitat deorsum, conservet easdem contra vasti aëris, quem debent pertransire, efficaciam, ne in aëris naturam transmutentur? Sic utique statuere necesse habent, ac æquè prona est assertio. Res enim quæ neque sensum neque rationem ullam patiuntur, neque ex sensu neque ex ratione causas deproinendas poscunt. Sat causæ datum rebus fictis,
21. si figmenta quadrent figmentis. Sed sunt cordatiores alii, qui sine ratione loqui erubescunt. Hi igitur motum igni quendam tribuunt in orbem, quo sphaera ignis, ut & pars suprema aëris, quæ super montes eminet, in orbem rapiatur, motu orbium cœlestium, indeque ignis descensum dependere ajunt. Hunc primus invenisse *Simplicius*, quem ut discerneret à motu qui est à natura, atque eo qui est contra naturam ejus quod moventur, *secundum naturam*, peculiari modo appellavit. Nam, ut exponit *Zabarella*, *lib. de motu ignis in orbem, cap. 8.* *Non est naturalis, sumendo naturalem pro eo, qui fit ab interno principio: non est etiam ita præter naturam, ut naturam oppugnet ac ladat, cum potius eam foveat atque conserveat: sed est modo quodam simili utrique. Quatenus enim non ab interno principio fit, sed ab externo, eatenus simile est motui violento: ea tamen est violentia ad conservandum illata; non ad interimendum; sicuti quando pater vim infert filio ut erudiatur & discat. Quatenus verò est conservativus natura ignis, qua sine ipso non conservaretur, (hoc præsupposito, quod sit exuperantia caloris,) ea ratione videtur potius appellandum secundum naturam, quàm*
23. *præter naturam.* At certè hæc repugnant doctrinæ Aristotelis, qui

φύσει & καὶ φύσει naturā vel à natura, seu naturaliter, & secundum naturam non distinguit, ut manifestum est ex text. 5. l. 2. phys. ubi expresse motum ignis sursum φύσει & καὶ φύσει esse ait. Ac idem 3. de cælo, cap. 2. *Εἰσι πολλοὶ σὺν πρὸς τὴν φύσιν, ἀλλὰ πρὸς τὴν φύσιν* inquit, unum esse eum qui secundum naturam est, necesse est: unumquodque enim secundum naturam simpliciter se habet; at præter naturam multos habet motus: Sed hoc figmentum itidem chimæ tribuamus, (ne illud insuper negemus ullos esse cæli orbes, qui ignem secum rapiant.) Quā verò ratione tandem motus ille ignem dejicit? Nimirum, (proferatur id quod maximè videtur consentaneum,) cū motus ille non simplex ac planè naturalis sit, sed compositus quodammodò ex pulsione & tractione, hinc fit ut partes ignis inæquali velocitate concitæ aliz in alias impingant, rursusque distrahantur, ac impulsæ iterum ab aliis in regionem aëris elidantur, quæ partibus aëris crassioribus primū, moxque aqueis vaporibus, quibus est repletus aër, commixtæ sensim decidunt, ac terram versùs deferuntur. At quot absurda hīc absurdum unum consequuntur! Quid, quæso, primū causæ est, quod ab æquabili motu cœlestis orbis uniformis, quo proximè contingi ignem statuunt, uniformis ipsa ignis substantia, diversitate omni carens partium suarum, secundum partes tamen concitetur diversimodè? Quā verò ratione eliduntur partes ignis deorsum, ut non suā levitate protinus è densiore aëre se eximant, ac suæ eminentiæ fastigium recuperent? Num aquæ etiam nostræ agitatæ ventis ita eliduntur, ut partes quædam cœlum versum rapiantur, aut vel ad nubes usque evolent? quin potius in aquas suā gravitate recidant confestim: (nisi quid calore Solis attollatur.) At certè facilius moveretur aqua sursum, quàm moveri ignis deorsum posset. Si enim lævigata tabula ab aqua attollatur subito, in quantum non accurrit aër protinus, ut repleat intercapedinem, in tantum aqua sursum sequitur, ut ipse Arist. id innuit, 4. de cælo, cap. 5. t. 39. At ignis non deorsum fertur, si vel subtrahatur aër, docente eodem, t. 40. Quin & quā ratione aëri permixtus ignis deorsum rapitur? Num aër quoque in se gravitat? aut pars à parte premitur ut cedat? Id certè contra omnem rationem

ineptè negant eundem, qui ignem aëre multò magis tenuem ac pellucidiorē ipsimet fatentur : cū in diversis mediis tenuitate ac crassitie, seu raritate atque densitate ab invicem distantibus, refractionem necessariò contingere, exceptione omni majus norint illi, quibus *argis* mathematica hīc magis explorata est. Minorem verò certam esse ac indubitatā veritatis multorum saeculorum observationes astronomicæ ostendunt. Tot igitur argumentis, non sophisticè probantibus, sed è solidiore ratione erutis, ipsoque sensu stabilicis, rejiciatur tandem illud Peripatetici ingenii figmentum, ceu naturæ monstrum, nullo planè sensu, nullā ratione stabilitum; sed verè sensui ac rationi omni repugnans, excogitatum absque omni usu, infinitis prægans absurditatibus, ac molimine infausito capita Philosophorum plurimorum agitans in orbem. Sufficiat ille quaternarius elementorum, quibus constet totum Universum, numerus, Timæicā Platoniciæque ratione firmiore demonstratus, quā inter extrema duo, cælum sc. seu ignem, & terram, duo media, nimirum aërem & aquam, solidissimo nexu interjecta esse antehac ostendimus, ut quinto porrò non sit opus. Cœlestia dicam corpora, potissimumque Solem, maximam ignis elementi partem recepisse, indeque veluti à jugi quodam fonte per totum Universum, per elementa cætera eundem fluere ac remeare. Quæ enim crassis constant partibus, vacuitatem quoque in sua constitutione maximam habere; ac tenuiora quidem elementa in crassiorum poros se insinuare statuamus : Sic verò ignem per omnia maximè penetrasse, ut ex Platone diximus, deinde verò aërem, qui tenuitate illi proximus existit, similique ratione cætera deinceps. Dicamus verò suaviorem ac benigniorem illum spiritum, quem ignem vocamus, generationis atque omnis operationis naturalis proximum opificem, (quippe igne efficiuntur omnia, ut lib. de respir. cap. 8. ait. Arist.) in modum quidem atomorum, per reliqua elementa distributum esse, quo generationi atque conservationi rerum succurratur; maximè tamen Solis motum comitari, & ad præsentiam illius veluti vigore quodam indui, seu similitudine naturæ quadam excitari, ac percussio quodam motu agitari, ut calor actu



39. Ior actu excitetur. Similiter in animalibus contingere ob actua-  
lem animæ præsentiam; quod enim Solis facultas majori Mundo  
præstat, id ferè animæ facultas in animali corpore, veluti minori  
Mundo, facere videtur: Ut eo sensu calor insitus *substantia per se*  
*mobilis semperque mobilis* haud inconvenienter à Galeno nominetur *lib.*  
*de tremor. & rigore*, eâ sc. hypothesi assumptâ, (quam illi non con-  
cedimus,) naturam vel animam ab hoc calore non differre. Ignis  
itaque sphæra nulla est peculiaris: sed ut per omnia elementa ipse  
est diffusus, sic proximè cum aëre, tenuitate nempe illi proximo,  
cohæret, cum quo in reliqua se ingerit. Ex aëre verò ignis por-  
tionibus perfuso, universa illa sphæra constituitur, quam propriè  
vocamus Æthera; quæ terræ & aquarum orbem ambiens ad Uni-  
versi terminum extremum se diffundit.

## Q U Æ S T. II.

*Quæ sit ignium subternancorum ratio?*

- ESSE maximos sub terra ignes non indiget probatione: eos quip-  
pe dudum Hecla, Ætna, Vesuvius mons, totque alibi crate-  
res, flammæ in cælum eructantes, evidentissimè prodiderunt.  
De quibus apud *Plinium lib. 2. cap. 106. 107. Vitruvium lib. 2. cap. 6.*  
*Acoftam lib. 3. cap. 24.* aliosque. Quâ verò ratione primùm illic  
orti, quâque hæreant ibidem ac perdurent, non tamen fatifcente  
2. orbe terrarum, operæ pretium est investigare. *Ianus* quidam *Huar-*  
*tus in scrutin. ingen.* novam commentus est opinionem, quâ ignem  
omnium corporum gravissimum, adeòque in intimis terræ visceri-  
bus, ac in ipso terræ centro, naturalem obtinere locum credit. Du-  
plicem verò igni motum tribuens, alterum sursum, alterum deor-  
sum, eum qui sursum est non esse verè naturalem igni censet; sed  
proprium exhalationi cui flamma sit subjecta: ut percunte exha-  
latione protinus descendat flamma. Descensum verò igni per se pri-  
mò naturalem tribuit, hoc inter cætera præcipuo argumento: Ex-  
halatio licet per se levis sit, suâque sponte sursum tendat, incensa  
tamen,

tamen, ac in ignem conversa, tanto impetu tantæque velocitate  
 nititur deorsum, ut etiam turres integras prosterнат, quod in toni-  
 tribus videre est. Si dicas fulmen præceps agi violento motu ob  
 compressionem & expulsionem nubis intra quam conclusum erat: 4.  
 contrà suadet ille, proprio deorsum ferri impetu, hac ratione,  
 quòd cum ipsa exhalatio sit levis, si ignis quoque levis sit, rumpe-  
 tur potius nubes à superiori parte, ac fulmen sursum impetu pro-  
 rumpet. Sed abutentis otio ingenii foret; absurdam hanc opini-  
 onem magna machinatione profligare. Quà quidem ratione ful-  
 mina deorsum ruant, exponemus quando meteora aliquando, dan-  
 te Deo, contemplabimur. Quòd si quid enodatione dignum in-  
 terim censebitur, id sub velificatione disputationis ventilabimus.  
 Sunt autem ignes subterranei haudquaquam verum elementum; 6.  
 sed verè ejusdem cum igne nostro culinari rationis ac conditionis  
 sunt: accensi quidem protinus ab ipso Mundi ortu; &, quod vi-  
 detur maximè probabile, creationis die tertio, cum fulmina toni-  
 truaque Deus ipse excitaret intra terræ cavitates, ut montes sint  
 evecti, ut sint demissi valles, & receptacula sint facta aquis: fo-  
 ventur verò etiamnum, ac suscitantur variis de causis, in materia  
 convenienti, quæ dum absumitur regeneratur. Terra enim per-  
 via meatibus, fumo quoquo versus atque exhalationibus per vis-  
 cera perfunditur, quæ ut diversas qualitates habent, & ad diversa  
 loca, ubi varix virtutes vigent, impelluntur, adhærescunt, ac  
 variorum mineralium naturas induunt. 7.  
 Quin imò constat, quod  
 Fallopius testatur, quatuor annorum spatio locum sulphure effosso, 8.  
 terrâ repletum, rursus ad naturam sulphuris reverti: quod ex-  
 pertum satis esse docet in agro Mutinensi. Similiter bitumen,  
 naphta, alii que succi ignis fomites regenerantur: Leodiensium  
 carbonem quoque novam semper sui suggerunt materiam. Nec ali-  
 ter metalla ipsa denuò suboriuntur excisa, ac si ex perpetua radice 9.  
 incrementum sumerent. Quod de ferro in Ætolia, maris Medi-  
 terranei inter Corsicam & Italiæ continentem Insula, dudum Stra-  
 bo est testatus lib. 5. ubi etiamnum illud copiosum effoditur, magno  
 Ducum Florentiæ proventu. De aliis similiter metallis certissi-

- mam experientiam habemus testem. Salem fossilem regigni apud Indos testatus olim est Clitarchus. De incremento marmorum, quo nunquam defutura sit luxuria, miraculi in modum differit *Plinius lib. 36. cap. 15.* Eâdem ratione igni sua nunquam deficit materia.
10. Cumque illud omne, quod ab igne resolvitur, sursumque evaporat, per pluvias ac ventos recidat in terram, sic optimè terrarum orbis continuè perdurat, ut ignibus tot voracissimis non absumatur.
11. Sed quâ de causa accidit, quòd aquis subterraneis non exstinguatur ignis? Equidem, per propriam substantiam aqua igni contraria non est; nec verò per frigiditatem primò aqua ignem perimit, nam æquè idem præstat aqua calidissima; nec per humiditatem, quatenus est humiditas, deletur ignis, sic enim æquè oleo exstingueretur. Id verò tantùm exstinguendi ignem habet facultatem, quod corpusculorum motum quibus fervor summus excitetur, cohibere potis est. Hinc non omnis ignis aquâ nostrâ vulgari est debilis. Bitumen namque, ac quæcunque ex eodem sunt composita, in aquis ardent; quin & incendia eorum aquis solent ali: cui rei testis *Plinius lib. 2. cap. 106.* *Flagrat in Phaselide, inquit, mons Chimara, & quidem immortalis diebus ac noctibus flamma: Ignem ejus accendi aquâ, extingui verò terrâ, ant fœno Gnidijs Ctesias tradit. Eadem in Lycia Hephestii montes, eadâ flammante tacti flagent adeò, ut lapides quoque rivorum & harena in ipsis aquis ardeant, aliturque ignis ille pluvii. Et cap. seq. In Nymphaeo exit ex petra flamma, quæ pluviiis accenditur, seu, ut loc. priùs cit. ait, juxta gelidum fontem semper ardens Nymphaei crater dira Apolloniatis suis portendit, ut Theopompus tradidit, augetur imbris, egeritque bitumen.* Similiter nec omnis aqua
13. ab igne intacta manet, aut ab incendio immunis est: quæ enim bituminosâ, sulphureâ, aliâve materiâ ad recipiendum ignem eundemque sustinendum promptiore est perfusa, in se flammam illa foveat, non aliter atque in spiritu vini licet cernere. Ita teste *Plinio*
14. loc. proximè cit. In medio mari Hiera insula Æolia juxta Italiam cum ipso mari arsit, per aliquot dies. Et sanè ipsa maris aqua ardet quodammodò in igne, minùsque incendiis exstinguendis apta est, ut refert ipse *Aristoteles*: ac teste *Plinio lib. 2. cap. 103.* *Marinæ aquæ tardius*

tardiùs gelantur, celerius accenduntur. Illustre hujus rei exemplum exstat apud *Dionem lib. 50.* dum in celebri illa pugna Aëtiaca milites Antoniani ignem navium à Cæsarianis injectum marinâ aquâ exstinguere conarentur, majores flammâs excitabant, eoque velut pabulo incendium alebant. Ita aqua Thermarum in agro Parmensi, teste Fallopio, statim ad se rapit visum ignem, nec potest nisi vento aut pannis exstingui, idque ob bituminis & naphthæ copiam. Cur autem vulgaris etiam nostra aqua ignes excitet, exponit *Cardan. de subtilit. lib. 2.* Id autem ferme commune est, inquit, validioribus flammis: unde etiam fabri inspersâ aquâ ignes excitare solent: cum enim ardentior fuerit ignis à frigido incitatur, & ab humido alitur, quorum utrumque aqua inest. Et mox: Aqua solet vehementes accendere ignes, quoniam humidum ipsum quod exhalat pinguis redditur (seu potius incrassatur) nec à circumfuso fumo absuntitur; sed totum ignis ipse depascitur: quo purior inde factus & simul collectus à frigida, alacrior insurgit. Sed hæc de spurio igne sufficiant: qui ut continuè novam invadit materiam, eamque populatur, ita continuè novus ipsemet suboritur, in suis incunabulis mox iterum disperiens. At verus ille ignis, quem elementum appellamus, est immutabilis quoad substantiam, semperque idem manet.

## COROLLARIA

1. Ignis culinaris noster verum ignis non est.
2. Vero igne vivimus.
3. Quamvis à radiis solaribus, igne nostrate, ac animalium fotu, idem effectus sæpe edatur, (v. g. in excludendis ovib,) non tamen inde rectè inferatur calorem horum esse ejusdem speciei.
4. At idem numero calor ab hisce omnibus in uno eodemque subiecto, eodem tempore producit.
5. Calor agit procacitè seu occasionaliter in excludendis ovib. Hinc gallinæ ova anatum excludit.
6. At principalis causa intus sita est.

- mam experientiam habemus testem. Salem fossilem regigni apud Indos testatus olim est Clitarchus. De incremento marmorum, quo nunquam defutura sit luxuria, miraculi in modum disserit *Plinius lib. 36. cap. 15.* Eâdem ratione igni sua nunquam deficit materia.
10. Cùmque illud omne, quod ab igne resolvitur, sursumque evaporat, per pluvias ac ventos recidat in terram, sic optimè terrarum orbis continuè perdurat, ut ignibus tot voracissimis non absumatur.
11. Sed quâ de causa accidit, quòd aquis subterraneis non exstinguatur ignis? Equidem, per propriam substantiam aqua igni contraria non est; nec verò per frigiditatem primò aqua ignem perimit, nam æquè idem præstat aqua calidissima; nec per humiditatem, quatenus est humiditas, deletur ignis, sic enim æquè oleo exstingueretur. Id verò tantùm exstinguendi ignem habet facultatem, quod corpusculorum motum quibus fervor summius excitetur, cohibere potis est. Hinc non omnis ignis aquâ nostrâ vulgari est delebilis.
12. Bitumen namque, ac quæcunque ex eodem sunt composita, in aquis ardent; quin & incendia eorum aquis solent ali: cui rei testis *Plinius lib. 2. cap. 106.* *Flagrat in Phaselide, inquit, mons Chimæra, & quidem immortalibus ac noctibus flammæ Ignem ejus accendi aquâ, extingui verò terrâ, aut sono Gnidius Ctesias tradit. Eadem in Lycia Hephestii montes, tadâ flammante tacti flagrant adeò, ut lapides quoque rivorum & harena in ipsis aquis ardeant, aliturque ignis ille pluvius. Et cap. seq. In Nymphæo exit ex petra flamma, quæ pluviiis accenditur, seu, ut loc. priùs cit. ait, juxta gelidum fontem semper ardens Nymphæi crater dira Apolloniatis suis portendit, ut Theopompus tradidit, augetur imbris, egeritque bitumen. Similiter nec omnis aqua*
13. ab igne intacta manet, aut ab incendio immunis est: quæ enim bituminosâ, sulphureâ, aliâve materiâ ad recipiendum ignem eundemque sustinendum promptiore est perfusa, in se flammam illa fovet, non aliter atque in spiritu vini licet cernere. Ita teste *Plinio*
14. loc. proximè cit. In medio mari *Hiera insula Æolia juxta Italiam cum ipso mari arsit, per aliquot dies. Et sanè ipsa maris aqua ardet quodammodò in igne, nūnùsque incendiis exstinguendis apta est, ut refert ipse Aristoteles: ac teste Plinio lib. 2. cap. 103. Marinæ aquæ tardius*

tardiùs gelantur, celeriùs accenduntur. Illustre hujus rei exemplum existat apud *Dionem lib. 50.* dum in celebri illa pugna Actiaca milites Antoniani ignem navium à Cæsarianis injectum marinâ aquâ exstinguere conarentur, majores flammæ excitabant, eoque velut pabulo incendium alebant. Ita aqua Therimarum in agro Parmensi, teste Fallopio, statim ad se rapit visum ignem, nec potest nisi vento aut pannis exstingui, idque ob bituminis & naphthæ copiam. Cur autem vulgaris etiam nostra aqua ignes excitet, exponit *Cardan. de subtilit. lib. 2.* Id autem sermè commune est, inquit, validioribus flammis: unde etiam fabri inspersâ aquâ ignes excitare solent: cum enim ardentior fuerit ignis à frigido incitatur, & ab humido alitur, quorum utrumque aqua inest. Et mox: Aqua solet vehementes accendere ignes, quoniam humidum ipsum quod exhalat pinguius redditur (seu potius incrassatur) nec à circumfuso fumo absorbitur; sed totum ignis ipse depascitur: quo purior inde factus & simul collectus à frigida, alacrior insurgit. Sed hæc de spurio igne sufficiant: qui ut continuè novam invadit materiam, eamque populatur, ita continuè novus ipsemet suboritur, in suis incunabulis mox iterum disperiens. At verus ille ignis, quem elementum appellamus, est immutabilis quoad substantiam, semperque idem manet.

---

## COROLLARIA

1. Ignis culinaris noster verus ignis non est.
2. Vero igne vivimus.
3. Quamvis à radiis solaribus, igne nostrate, ac animalium foris, idem effectus sape edatur, (v. g. in excludendis ovibus,) non tamen inde rectè inferatur calorem horum esse ejusdem speciei.
4. At idem numero calor ab hisce omnibus in uno eodemque subiecto, eodem tempore producitur.
5. Calor agit procatarticiôs seu occasionaliter in excludendis ovibus. Hinc gallinæ ova anatum excludit.
6. At principalis causa intus sita est.

## DISPUTATIO SEPTIMA

De

## A E R E.

## QUESTIO PRIMA.

*Quæ sit æris elementi natura? qua situs ejus ratio in Universo? & quid per ærem Aristoteles indigitet?*



- Eris atque ætheris variaz redduntur etymologiaz rationes. Plato in *Cratyllo*, seu lib. de recta nominum ratione, triplicem æris denominationem facit. Vel enim 1<sup>o</sup> *ἀήρ* ær dicitur, quod ea quæ circa terram sunt *ἀίρες* elevat, seu, ut alii volunt, quod animalia quædam in ære *ἀίρονται* elewantur, seu quod ipse *κῶρος* levis sit, (*ἀίρω* enim & *κρῖζω* unum idemque denotant.) Vel 2<sup>o</sup> *ἀήρ* Platoni dicitur *ὅτι πνομαῖς αὐτοῦ γίνονται πύοντες*, quod ex illius fluxu generetur spiritus: Poeta enim, inquit, flamina & ventos *ἀήτας* vocant. Fortè igitur ær dicitur, quasi *πνοματόπουν*, spiritus fluens, fluens flamen. 3<sup>o</sup> Aër dictus censerì potest, *ὅτι αἰεῖ πῦρ* quod semper fluat, hoc est, tenuis liquidaque sit substantia, propriis terminis minimè confrens.
2. *ἀήρ* ætheris etymon deducit Anaxagoras, veluti & Cicero, ab *αἰδω* uro, *incendo*, quod superiora igne sint plena, unde idem Anaxagoras ignem & ætherem idem esse censet, teste *Arist.* 1. de celo, cap. 3. 1. 2. 2. & 3. de celo cap. 3. 1. 34. ac 1. meteor. cap. 3. Alii teste *Philandro* in annot. ad *Vitr.* lib. 9. cap. 5. *ὅτι τῷ αἰεὶ θίγειν ἡτοὶ θίγειν* à semper calefaciendo deducunt. *Thoma Lydyat* præleit. astron. cap. 4. dicitur *αἰθὴρ* quasi *αἰδωὺς ἡνπ* astuans ardore aër. At *Arist.* 1. de celo, cap. 3. 1. 22. & 1. meteor cap. 3. æthera appellari docet *ὅτι τῷ αἰεὶ θίγειν* à perpetuo currendo; veluti Plato loc. sup. citat. *ὅτι αἰεὶ θεὶ περὶ τὸν αἰθῆρα πῶν* quoniam semper currit circa aëra fluens, ut ideo, eodem exponente, *αἰεθὴρ* continnè currens circa aëra, seu potius, continnè currens

AER 2

aër, rectè appellari queat. Sic igitur idem denominationis sensus  
est & aëris & ætheris, cùm ille à *continué fluendo*, hic à *continué cur-*  
*rendo* dicatur. Ut autem eadem utrobique etyni ratio, ita una eadem-  
que essentia est, nisi quod puritate ac impuritate ob admixtas ex-  
halationes aër vulgò dictus ab æthere differat: quod ipsum docet  
Plato in *Timæo*, ubi aëris genus aliud purissimum est, inquit, agilis-  
simumque, quem ætherem nuncupant; aliud turbulentissimum, caligine nubi-  
busque obscurum: quod propriè nobis aër appellatur. De hoc verò  
Arist. 1. *meteor. cap. 3.* ejus quod à nobis aër dicitur, partem eam quæ circa  
terram est, velut humidam calidamque esse, quia vaporosa sit, & terra  
exhalationem habeat; eam verò quæ supra hanc est, calidam jam esse & sic-  
cam. Nimirum, hoc aëre impuriore, qui ab æthere distinguitur,  
contineri rursus duo docet: primò illud omne quod aëris nomine  
specialiùs indigitat, quem calidum & humidum pronunciat, nam  
aër velut vapor est, 2. *de gen. & corr. 1. 16.* Secundò illud itidem,  
quod calidum & siccum esse ait, quod ignem dicere consuevimus,  
reverà tamen ignis non est, ut ipse loquitur, 1. *meteor. cap. 4.* Sic  
verò universam regionem, quæ gemino tali corpore expleta est,  
orbe Lunæ proximè claudi perperam persuasum sibi habuit, ut par-  
tim manifestum fiet in progressu. Quòd si autem id, quod præter  
propriam essentiam ipsi aëri accidit, impuritatem nempe, seu ex-  
halationes, calorem, frigus, humiditatem, siccitatem, cogita-  
tione auferas, reverà universi aëris vulgò dicti, ac ipsius ætheris  
una eademque erit essentia. Reverà enim non modò, quod testa-  
tur ipse Aristoteles cit. cap. lib. 1. *meteor. corpus illud quod supra con-*  
*versioni subest, veluti materia quadam est, quæ potentiâ sit calida, frigida,*  
*arida & humecta, cæterasque omnes alias affectiones, quæ has comitantur,*  
*subeat;* sed quicquid insuper tenuioris substantiæ ad cælum usque  
extimum expansum est, ejusdem est naturæ. Nomine igitur aëris  
elementi intelligimus substantiam corpoream simplicem, propriâ  
essentiâ liquidam, tenuem ac subtilem, igne tamen paulò crassio-  
rem, ac quodammodò porosam, adeòque ipso rariorem, obtu-  
tum oculorum fugientem, qualitatis primæ omnis per se expertem,  
mobilitate liquidâ, quæ terrarum orbem undiquaque ambiens hinc  
ad ex-



7. ad extremum usque cælum quoquoersum exporrigitur. Hoc illud elementum est, quod levitate ac tenuitate quodammodò igni simile pronunciat *Bodinus*, quod spirabile, siccum, ac frigidissimum omnium appellat; quod contrà Academici, Peripatetici, ac Arabicæ Philosophiæ Princeps Averroës calidum humidumque (quin humidissimum Peripatetici, quòd difficillimè propriis terminis consistat) testantur. Stoici quoque, teste *Galeno de simplicium vi*, & *Zabarella lib. de region. aëris, cap. 6.* aëra frigidum suapte naturâ prodiderunt: seu aliorum testimonio frigidissimum. *Galenus* ipse nullibi quidem frigidum aërem pronunciat, attamen *lib. 5. de usu partium*, cerebrum magis calidum quàm aërem esse dicit; ac *libro de respirat.* cor indigere refrigerio ipsius aëris; Sic itaque *Galeno* aër calidus non est, quem neque dicit esse frigidum. Videtur autem.
8. talis illi esse, qui facilè utramque patiatür contrarietatem. Nos per se ἀτμός, seu qualitatum primarum omnium expertem, cum *Vallesio* statuimus: calorem actione cæli motuque sui atque ignis beneficio atquirat; at absentiam caloris in subjecto habili reverà frigus sequitur, ut *disp. 4.* exposuimus, ubi siccitatem ac humiditatem è censu qualitatum propriè dictarum ablegavimus: adedque siccum aëra vocamus, quando corporis humidi permixtione caret.
9. Hoc verò elementum vix purum reperitur ullibi; sed ignis antè dicti, qui tenuioris est substantiæ, particulas ac velut atomos in suis quasi poris continet, iisque undiquaque, quà raritatem habet, est refertum. Unius tamen aëris vel ætheris indigitatur nomine, quòd ignis propria sedes sit in ipsis astris, unde tot stellarum collucentium illos oculos, ut *Plinius* ait, cernimus, ac potissimum in ipso Sole: indeque per æthera non aliter diffunditur, ac cum eodem æther se insinuat in aquas, atque hæc cum cæteris in ipsas terras, quæ tamen ob miscellam talem proprià denominatione non destituuntur. Sic igitur aër atque æther unum denotat idemque elementum. Quamvis propriè ætheris vocabulo indigitarint Veteres aëris elementi atque ignis miscellam antè nominatam, de qua inter partes seu materiam Mundi constituti postmodum agemus: Hinc alii æthera ignem, alii verò aërem dixerunt; ipsaque hæc miscella

miscella subtilissimorum corporum, spiritus passim nomine fuit appellata. Quo sensu Plinius lib. 2. cap. 6. Inter hanc terram cælumque, inquit, eodem spiritu pendet, certis discerta spatiis, septem sidera, quæ ab incessu vocamus errantia. Hunc spiritum præced. cap. cum dixerat, quem Græci nostrique eodem vocabulo æra appellant, vitalem hunc & per cuncta rerum inæbileni, totoque confertum. De quo similiter Hippocrates lib. de flat. Omne quod inter cælum & terram intercedit, spiritu repletum est. Seu, ut Thom. Lydyat. prælect. astron. cap. 4. juxta sententias antiquissimas & optimas, easque rationi maximè consentaneas, pronunciat, Aëre refertum esse totum hoc spatium, quod expansum est à terra & aquæ superficie ad usque  $\sigma\iota\gamma\mu\alpha\tau\iota\varsigma$  illum cæli ambitum, tanto subtiliore ac leviori, quanto ad illum accedat propius: seu potius, quanto Solis corpori vicinior existit, tantò magis raro, refertoque copiosiori igne. Solem enim maxima ex parte comitatur ignis, ut antè dictum est: in quo sicuti majori copiâ est radicans, sic majori gurgite promanans inde æra diducit ac rarefacit. Calorem verò ær adventitiû in gradu intensissimo videtur obtinere prope Solem; ab ipso Sole communicatum; remissiozem prope terram aliaque cæli corpora, ad quæ pertingunt radii solares, propter ignis, aliorumque corpusculorum, motus in sese reperiçusos ac reverberatos; remissum verò maxime, quâ longiùs à Sole atque terra aliisque cæli solidis corporibus remotus est, quò enim radiorum solarium liberior transfluxus est, eò minor excitatur motus, aut motorum corpusculorum minor fit in invicem reverberatio, adeoque minor excitatur calor. Ex dictis manifestum est, quid verè per Expansum illud sit intelligendum, quod in creatione prima inter aquas inferas ac superas distinctionem faciens historia creationis innuit, quod unicum agnoscit ipsa sacra Scriptura, haudquaquam variis terminis seu superficiebus, in varias naturas, æris sc. ignis, ætherisque, divisum. Nec vero ignorari potest, quid Aristoteles per æra, speciali modo strictissimèque dictum, seu ut ab igne suo hunc discernit, indigitet: Nimirum hanc impuriorem ac inferiorem ærei expansi partem, quam humidam excretionem seu vaporem nuncupat, potentiâque ut aquam esse dicit. Quod rursum

- sum luculenter indicatur 1. *meteor. cap. 4.* ubi, *Incalescente à Sole terrâ*, inquit, *halitum fieri non simplicem*, ut quidam putant, sed geminum necessarium est: alterum vaporosum magis, alterum magis spirituosum: ejus quidem humidi quod in terra ac supra terram est, vaporem; terra verò sicca existentis exhalationem humidam. Ac eorum quidem eum halitum, qui spirituosus est, beneficio caloris per summa invelhi; humidiores vero subsidere ob gravitatem. Et propterea id omne, quod sublunari ambitu terra circumfunditur undique, eleganter hoc pacto digestum est. Nam statim sub ipsa cœli conversione situm est, quod calidum aridumque est, quod appellamus ignem, siquidem nomine vacat, & cuilibet humida secretioni competit, &c: Sub hac verò natura collocatus est aër. Hic ille decantatus aër est Peripateticorum, qui elementi nomine jactatur, reverà nihil nisi dissoluta seu attenuata aqua, ætheri permixta: sphaera sc. vaporum atque exhalationum, cui similem circa Solem atque Lunam, aliaque astra, dudum observatam esse, alibi docuimus.

## QUÆST. II.

*Quibus regionibus distinguatur aër?*

- A**RISTOTELES *lib. 1. meteor. cap. 3.* quemadmodum id quod vulgò aëris nomine indigitatur, seu quod cœlesti elemento terminari statuit, in duas partes qualitate differentes dividit, inferiorem quidem calidam & humidam, quæ potentiâ veluti aqua est, speciatim illi aër appellata, superiorem verò calidam & siccam, quam potentiâ veluti ignem esse ait; ita rursus hujus inferioris partis duas regiones constituere videtur: causamque reddens cur in superiore aëre, seu superiore dictæ partis inferioris regione, non generentur nubes, inibi non solum aërem, sed potius ignem esse docet: nimirum, quod ibidem humidæ secretioni fuliginosa quædam exhalatio permixta magis sit. At undâ quidem hac distinctione non contentus, termino hæc regiones immutabili ab invicem discernit, tum motu etiam & immobilitate. Nam in orbem circumfusum aër universus, quicumque non intra eam capitur circumferentiam, qua efficit ut tellus

tellus tota sit rotunda, hoc est, quæ per extrema montium cacumina traducitur, fluat est necesse: quod eum ipsius Univerſi converſio ſecum trahat rapiatque. Nam ignis ſupero elemento, id eſt corpori cœleſti, aër autem igni continuus eſt. Unde alteram cauſam colligit, cur nubes illic generari nequeant: nimirum, quòd & ipſo motu inhibeatur, quò minus in aquam concreſcat aër. Nec vero nubes tantùm atque pluvias hac aëris inferiore regione coërcet Ariſtoteles; ſed ipſos quoque ventos: *φάνεται γὰρ ἔνν ἡ τῶν ἀνέμων γένεσις* inquit *ἐν τοῖς λιμνάζουσι τόποις τῆς γῆς, ἔδ' οὐχ ὑπερβάλλειν τὰ πνεύματα τῶν ὑψηλοτάτων ὁρῶν*; Videtur enim ipſa ventorum generatio fieri in ſtagnantibus terra locis, nec ſtatus montium altiffimos tranſcendere. Nos ſimiliter ut Ariſtoteles ſecundùm Poſidonium ex Plinio lib. 2. cap. 23. inferiorem quendam aëris regionem faciliè largimur, terminatam eà altitudine in qua nubi-  
 4. *la ac venti nubesque proveniunt*: Attamen, ſecus atque Ariſtoteles perſuaſum habuit, aut perſuadere eſt conatus, reverà inde purum liquidumque & imperturbata lucis aërem ſtatuiſus: à turbido, inquam, ad Lunam, ad Solem, quin ad extremum uſque cœlum. Nec enim  
 5. hic concedimus Tychoni quoque, illud quod Planetas interfluit, auram quandam eſſe naturæ cœleſtis, & diverſa ab hiſce inferioribus: niſi quatenus hæc aura nobis propior vaporibus & exhalationibus turbata eſt, indeque ſpiſſitudinem majorem habet: id namque ſiderum refractionibus eſt ſatis, quamvis aura cœli cum noſtra-  
 6. te penitus ejuſdem ſit eſſentiæ. Nec video quâ ratione ea Ariſtotelis cohæreat ſententia, ſupra ipſum aëra fumofam exhalationem continuè calore Solis exſpirare, quæ tamen vel deorſum nunquam ruat vel nunquam ſtatus ſupra montium altiffimorum vertices producat. Inferiorem verò regionem aëris, quæ terram cingens at-  
 7. moſphæra univerſa eſt, in mediam & infimam plerique dividunt. Quarum hæc à terra ſe extendit eouſque quò reſiliunt ſolares radii: unde major ſit æſtate, minor verò hieme. At ubi jam remittit calor ex reflexione radiorum ortus, adeoque coëunt vapores inter ſe, ac condenſantur nubes, ibidem mediam conſtituunt. Nam ſicuti  
 reverà non aſcendunt exhalationes ad quantamcūque altitudinem à terra; ſed eò tantùm uſque, quò reflexu radiorum ſubvehuntur;

- ita neque locus condensationis est, ut ait *Arist.* 1. *meteor. cap. 3. prope radios à terra refractos, qui quod calore consistentiam se jungant, vapores in nubem cogi prope terram prohibent. Sed generantur nubium constrictiones, ubi jam radii cessant ideo quod in profundum aëra dispergantur.* De summa autem illa supremæ aëris regionis altitudine, cum ea non nisi termino Universi, seu extremo naturali cœlo terminetur, frustra Philosophi ac Mathematici disceptant: quod enim à crepusculis desumpto argumento de ea perhibetur, id non extremam ejus altitudinem indigitat, sed altitudinis initium, seu atmosfæræ terminum, qui regionem infimam ac mediam complectitur. Reverà enim summi halitus, qui lucis creperæ sunt quasi lampades, queis primo manè radii solares rapiuntur, ac resurgent, ac vespertinis horis retinentur ultimò, sunt regionis mediæ jam dictæ terminus extremus, quo nubila ventique finiuntur, ultra quem est purus atque defæcatus aër. Hunc verò terminum invenit primus *Posidonius*, qui, si habenda fides *Plinio*, non minùs quadraginta stadiorum à terra altitudinem esse prodidit, in qua nubila ac venti nubesque proveniant: hæc verò nondum 1<sup>1</sup>/<sub>2</sub> milliare conficiunt, qualibus *Snellius* in *Eratosthene Batav.* singulis tribuit perticas 1500, quæ singulæ pedes Romanorum habent 12. Incomperta referunt & inextricabilia, ut inquit *Plinius*, qui nubes nongentis stadiis, id est plus quàm 31 milliariibus ejusmodi in altitudinem subire prodiderunt: quos certè una ratio geometricæ collectionis, utut satis largam habeat hypothesin, 10. satis posset refutare. Recepta postmodum exhibitaque est à pluribus, ut *Alhazeno*, *Vitellone*, *Nonio*, & aliis mensura 52 milliari Italicozum, quorum singula 8 stadiis definiuntur, hoc est, 14 circiter *Holland.* milliari. qualia definit *Snellius*, ut supra, unus horæ commodum iter. At *Clavius* libello de crepusculis eandem exhibet 43<sup>1</sup>/<sub>2</sub> milliari. Ital. id est, 12 milliari *Holland.* At certè hi in eo sunt hallucinati in suis demonstrationibus, quod radium à Sole in atmosphæram incidentem spectarint sub unica reflectione tantum, ac si terram semel modò stringens, rectâque ad atmosphæræ terminum supremum sic delatus, reflectione mox hîc unicâ, veluti ex

ti ex horizonte factâ, lucem creperam exhibeat: at certè sic reflexus radius secundò stringit terram, ac iterum ad atmosphæræ terminum pertingens, sicut partim exit, ita partim patitur reflexionem alteram secundâ vice, ac ita lumine debiliori primum lucis creperæ adventum circa terram nunciat in orbem longiùs, quàm Autorum antè dictorum hypothefi fuit constitutum. Hâc verò duplici reflexione spectatâ, si initium crepusculi, (quod Straboni fit Sole 18 vel 19 gradibus infra horizontem depresso,) statuatur fieri Sole 17 grad. ab horizonte distantiam habente, ut iteratis observationibus invenit Tycho Brahe, constabit demonstratione geometricâ, supremum atmosphæræ terminum à terra non exporrigi ad altitudinem 3. milliar. Holland. Quod si vero adhuc plures fieri radii reflexiones concedantur, longè propiùs ad terram illa sphaera se dimittet. Haud tamen adeò pusilla ea est distantia, ut verum sit habendum, quod nonnulli Veteres credebant, infra 8 stadia nùbila & ventos nasci: Ut nec quod statuit Keplerus, ac nonnulli alii, ultra dimidium milliari ac ventos non ascendere: cùm huic assertioni experientia reclamet. Sed quid experientiâ compertum sit in hac materia jam porrò videamus. Olympum supra nùbila ventosque extare credidit Antiquitas: sic enim *Lucan. lib. 2.*

Nubes excedit Olympus:

Pacem summa tenent,

Et Homerus de eodem.

— οὐτ' ἀνέμοισι τίνας σέσται ἢ τέ ποτ' ὄμβρος  
Διύεται,

Neque ventis concutitur, neque imbre rigatur.

At falsum illud esse Philadelphus testatus est, qui veri curiosus indagator ejus verticem ascendit, eumque intra nubes deprehendit. Nec mirum: quippe Xenagoras Eumeli filius, referente Plutarcho in Paulo Emilio Olympi montis altitudinem accuratè dimensus, in perpendiculo illius repperit 10 stadia, & 100 pedes Romanos, seu 1270 passus, qui non nisi trientem milliariis Hollandici exiguâ quantitate superant. Dicæarchum, virum imprimis eruditum, Regum curâ permensum montes tradit *Plinius lib. 2.*

- cap. 65. ex quibus altissimum prodiderit Pelion 1250 passuum, ratione perpendiculi: Se verò non ignarum profitetur, quosdam Alpium vertices longo tractu, nec breviorè 50 millibus passuum assurgere, hoc est, 14 penè milliaribus Holland. quod certè si verum esset, haud dubiè tales supra exhalationes omnes prominerent. Sed altitudinem hanc itinere, hominum usui accommodato, hoc est, per acclivitatem reciproco, judicandam esse non est dubium. Sic verò *Polybius lib. 4.* montes Græciæ maximos, Taygetum, Lucæum, Pernaßum, Olympum, Pelion, Oßam; & in Thracia Æmum, Rhodopen, Dunacen, singulos horum ab homine expedito uno ferè die conscendi; Alpes autem ne quinto quidem die. Quod si verò altitudo montis Pelion, quæ ratione perpendiculi habet 1250 passus, quintuplicetur, dabitur altitudo 6250 pàssuum, seu 50 stadiorum, id est paulò plus quàm 1 $\frac{1}{2}$  milliar. Holland. Sic in Tanariffa, Canariarum insula, mons *el Pico* dictus Hispanis, altitudinis esse diciter 60 milliar. Italicorum, hoc est, 17 propenodiùm milliar. holland. E nostratibus non nemo, (quod à Clarissimo quodam Viro, ac veritatis curiosissimo notatum vidi,) retulit, se in Tenariffa cognovisse, Maurum quendam, qui apud Hispanum herum duram servitutem serviebat, in verticem montis *el Pico* profugem conscendisse, & tertio die in summum apicem pervenisse, ac in planitie satis ampla aquæ stagnum invenisse, in quo ob aquæ motum pisces contineri suspicaretur. Alium quendam, idem ille veritatis solidus investigator audivit, qui suum sodalem cum altero comite in montis verticem conscendisse ipsi asseribat, & ad duas tertias altitudinis equo vestos, reliquum pedibus emensos, ac in vertice qui horæ ambitu patebat invenisse lacum, cujus aqua frigidissima perpetuò movebatur, tanquam ex scaturigine ebulliret. Nives equidem in borea montis plaga conspexisse, totum autem verticem in autumnò & hyeme nivibus tegi. Altitudinem porrò montis in conscendendo judicari ab eodem à radice ad verticem 15 milliaribus, quorum singula horæ 1 $\frac{1}{2}$  iter, plurimâ
17. 18. 19. 20. via per acclivitatem reciprocatione. Hic altissimus habetur montium

tium omnium qui in Universo hæcenus inventi sunt: quem ex intervallo 4 graduum posse conspici notat *Snellius*, (quem veritatis curiosissimum investigatorem proximè citavi,) in suo *Eratoſthene Bat.* atque ita ejus perpendiculum geometricâ solertiâ inveniri docet 3988 perticarum, vel stadiorum 76 $\frac{1}{2}$ , hoc est, propemodum 2 $\frac{1}{2}$ -milliar. holl. at pro refractione ad minimum  $\frac{1}{3}$ -deducendæ, (vertex enim montis in maris superficie per atmosphæram conspectus, longè altior apparet ob refractionem visualis radii, adde-que ex distantia longiore;) vel si unus gradus pro refractione aufe-ratur, ut nempe ad tertium gradum horizontem stringat, absque omni refractione, sic perpendiculo assurgere docet idem *Snellius* ultra 43 stadia, hoc est, ad altitudinem circiter 1 $\frac{1}{2}$ -millior holland.

Interim verò fide dignissimi autores referunt in montium quorun-  
dam cacuminibus quandoque adeò subtilem deprehendi aëra, ut 21.  
spongiis aquâ madefactis opus sit, per quas ducatur spiritus: quod & de Olympo, ex aliorum relatu, refert *Augustin. de Gen. ad liter. lib. 13. cap. 2.* nimirum eos, qui verticem montis Olympi vel sacri-ficiorum gratiâ, vel contemplandorum siderum causâ conscendunt, spon-gias aquâ imbutas eodém deferre, ut ex iis spiritum retrahere possint. De longissima illa catena montium Peruviz, quæ plus 22.  
quàm 500 leucis à Septentrione in Austrum decurrit, narrat *Joseph. Acosta* tantæ altitudinis esse, ut sic cum Alpibus Italiz conferantur, hi casæ humiles, Peruviani palatia excelsa videri possint. Unum horum, nomine Periacacum cùm pertransiret, aërem in vertice ita subtilem & tenuatum, ac humanæ respirationi sic ineptum in-venit, ut nausæa & vomitu serè animam ructaverit. De atho 23.  
monte in hunc modum scribit *Mela lib. 2. cap. 2.* *Athos mons est adeò elatus, ut credatur altiùs, quàm unde imbres cadunt, surgere. Capit opinio fidem: quia de aris quas in vertice sustinet, non abluitur cinis sed quo relinquitur aggere manet.* De ejus altitudine nihil certi, nisi quòd ab Atho insula Lemnos distet 87. mill. pass. circuitu patens 22500 passus, habensque oppida Hiphæstiam, & Myrrinam, in  
onjus forum solstitio Athos ejaculatur umbram, teste *Plinio lib. 4. cap. 12.*

Quod



Quod idem Jambo vulgari notavit *Plutarchus libell. de maculis Lune*: *Αἰὼς καλύψει πλείυρα λήμαντας βοὸς, Aios teget latera bucula Lemnia.* (Videtur enim montis umbra notata fuisse æreâ quadam buculâ, non minori certè intervallo quàm 700 stadiis.) Ex eâ vero umbræ projectione, si Sol tribus gradibus supra horizontem extitisse dicatur, altitudinem montis colligit *Snellius in Eratosthene Bat.*

24. 44 $\frac{1}{2}$ -stadiorum, hoc est, circiter 1 $\frac{1}{2}$ -milliar holland. Ex dictis verò manifestum est, ultimum atmosphæræ terminum, qui est extremum mediæ regionis aëris, saltem ultra unius milliaris altitudinem assurgere: at verisimile esselympidissimum ac inperturbatæ lucis æthera à superficie terrestri distare hæud multò longiùs, quàm 2. vel 2 $\frac{1}{2}$ -milliar. Inferior vero mediæ regionis terminus, nempe qui terram spectat, reverà determinatus dari nequit: non tantum quòd uno tempore altiùs concrecant nubes, alio humiliùs; sed etiam quòd uno eodemque tempore aliæ in remotiore à terra
25. loco, aliæ in viciniore, generentur. Neque enim tantum in summitate ea, quæ ad regionem supream proximè accedit, coeunt vapores; sed ut plurimum humiliore ejusdem regionis parte. Sic namque *Zabarella lib. de region. aëris cap. 8.* cùm ad summitatem usque montis Veneris in agro Pataviano ascendisset, ibidem per totum diem aërem habuit serenissimum, cùm interim circa medium montis nubes vallium conspectum arcebant: Vesperì autem postquam de illo monte descendisset, invenit factam eo die in infera parte magnam pluviam, cùm in montis cacumine nulla pluvia cecidisset. Nec tamen reverà ille montis apex qui unico die conscendi poterat, supra mediam aëris regionem prominebat. Sic in Vesuvii vertice consistentes proximas quasdam nubes pari cum monte altitudine distare à terra animadvertisse, nonnullas etiam ex alto despicere potuisse, refert Keplerus. Ac eòusque sanè nonnunquam nubes se dimittunt, ut summitates turrium nostrarum occultare videantur, ac universam penè regionem aëris infimam ipsa media absorbeat: nihil enim reverà nebulæ apud nos sunt, nisi nubes humiliore loco hærentes: Ut penè supervacaneâ videatur illa nebulosi

bulosi ac impuri aëris distinctio in regionem infimam ac mediam, quam nec agnovit ipse Plato, nec inculcavit Aristoteles. Carbo-  
ne hîc notanda est quorundam frivola opinio, qui mediam aeris re-  
gionem frigidissimam pronunciant: Ut enim propriâ naturâ omni-  
um expers qualitatum est; ita beneficio radiorum solarium calorem  
sanè contrahit. Ac verè quidem frigida vocari potest illa regio,  
respectu ejus aëris qui terræ propior reduplicatos per reflexionem  
habet Solis radios, eoque fortiores, quare magis calet; attamen  
frigus illud aliquo calore directorum radiorum temperatum est. Et  
quamvis quibusdam ejus in locis, sive quòd à Sole longius declinent,  
sive quòd continuata montium exporrigantur agmina, frigus valde  
sit intensum, ac adeò excessu suo sit adversum animalium naturæ;  
ut periculum sit, ne milvus, quod ajunt, qui tempore caniculæ à  
meridie ad vespèram ibi degere solet, congelescat, vel fortè mem-  
bra ejus rigeant, si diuturniorem trahat moram: id tamen alienum  
certè non est ab iis quæ in regione infima cernuntur. Sed veluti in  
eo aëre, qui terræ est vicinus, non levis deprehenditur caloris at-  
que frigoris diversitas, quòd ipse Sol vel magis vel minùs appropinquet;  
vel quod ad Aquilonem seu ad Austrum locus ipse spectet longius,  
aut quod ad Æquatorem atque Tropicos inclinet; si-  
ve quod apricus locus sit, aut quòd perpetuis tegatur umbris; vel  
quod sit paludosus, aut squaleat arenis: ita judicandum est de re-  
gione media, quæ solet appellari. Hinc Alpes pluribus in locis  
perpetuâ canescunt nive, ut etiam æstivis mensibus iter horridum  
existat: Et qui in agro Veronensi montium Baldi vertices lustrâ-  
runt, non minus in illis frigus Julio & Augusto mensibus experti  
sunt, quam maximâ sæviante brumâ. At alibi non tanta est à re-  
gione infima diversitas. Sic enim *Zabarella*, ut ipsemet testatur  
loco antea citato, cùm in monte Veneris esset supra ipsas nubes,  
quas ex alto circa montis medium videret, ac mox per ipsam regio-  
nem nubium descenderet, non tantum non percepit eam frigidissi-  
mam, aut tantum frigoris ex quo injuriâ afficeretur est perpeffus,  
quamvis pro æstivo tempore vestitus esset; sed vix aliquam ani-  
madvertit differentiam frigidioris & calidioris aëris, cùm ad radi-

32. cem pervenisset. Quodd verò infimam hanc regionem attinet, pro variis hâlitibus hæc variè afficitur, nec diu permanet in suis qualitibus: dumque ipso partim aëre nutrimur, quo flamma nostra vitalis sustentatur, hinc sanitatis ipse ac morborum variorum causa est. Nec solis animalibus infestus sæpenumero evadit; sed ipsi quoque vegetabili naturæ. Exemplum à Medico quodam celebriore notatum est, anno 1624, mense Majo, tam malignam auram arbores aspirâsse, ut unicâ die pluribus in locis earum exicaret folia, quæ decidere in Julio; & arborum cortices tam flavos esse redditos, ac si auripigmento conspersi fuissent.
- 

## COROLLARIA.

1. **L** Evitas aëris & ignis, specie differunt.
2. Aër per vitream substantiam difficulter penetrat, ignis facillimè.
3. Hinc vera causa eruenda est, cur, quando in vasis vitreis frigore crescit humor, vasa rumpantur.
4. Cur in aëre obscuro diutius servetur ignis noster quam sub radiis solaribus, non est obscura ratio.
5. Hinc causa redditur cur. Soli exposita quadam citius refrigerentur, quam in umbra.
6. Aër per se minimè est corruptibilis.
7. At nihilominus occulta quadam dispositione varia sæpe morborum genera inducit.
8. Hinc divinum quid morbis inesse rectè dudum pronunciavit Hippocrates.
9. Aërem in orbem rapi motu primi mobilis, falsum est.
10. An aër autor sit quatuor anni temporum? Quodlib.

De

## AQUA &amp; TERRA

## QUESTIO PRIMA.

*Quæ sit natura elementæ Aquæ?*

Nepta quædam Grammaticorum crisis Elemento aquæ dictionis quædam elementa futilia designat: Nam quæ nobis primitiva aqua, nonnullis quasi à qua dicitur, ut pote sine qua esse non queamus. Scaligero Exerc. 325. f. 11. vetus verbum græcum fuit, à quo & lavacro Achelos nomen compositum est: quam eruditionem didicisse profitemur à doctissimo maximoque Poëtarum in primo Georgicæ. Ita Socrates, in Cratylo Platonis, ubicunque dubitat de etymo verborum, ad Barbaros transire solet: Et sicuti τὸ πῦρ, quod ignem notat, Barbaricum esse opinatur, & à Phrygibus ad Græcos dimanasse; ita & τὸ ὕδωρ, quod designat aquam. Sed Grammaticorum hæc ingeniis relinquimus, ut essentiam elementi aquæ aliquanto propius lustremus. Hanc nonnulli summè frigidam existimant, seu frigidorum omnium primum: quæ plurimorum peripateticorum est opinio, eamque dudum tradidit Empedocles & Strato; recte Plutarcho, in lib. de primo frigido: pro qua sententia argumenta vide apud Connimbr. 2. de gen. & corr. cap. 3. quæst. 4. art. 2. Equidem ipse etiam Peripateticæ sectæ Princeps Arist. cit. loco. text. 23. singulis elementis singulas qualitates in gradu eminentiori assignans, aquam frigidissimam pronunciat, sic inquit: Cum simpliciter quatuor sint elementa, unumquodque unius est: Terra siquidem sicci potius est, quàm frigidi. Aqua verò frigidi, magis quàm humidi. Aër humidi magis, quàm calidi. Ignis calidi magis, quàm sicci. At alii terram aquis naturaliter frigidiorē esse rationi magis consentaneum existimant: utpote cum propter gravitatem distet longiùs à cælo

Q<sup>2</sup>

vel ab

- vel ab igne; majoremque gravitatem majus frigus videatur comitari. Ex horum numero Avicenna, Albertus, Thomas, aliique. Nec huic iterum opinioni Aristoteles abnuere videtur: qui *1. phys. cap. 6. §. 54. aër minus*, inquit, *quàm cetera elementa differentias* seu qualitates *sensibiles habet: aqua deinde sequitur*. Ergo certè terra sensibili qualitate frigoris excedit elementum aquæ. Et siquidem ratione motus aut immobilitatis calor atque frigus oriatur, docente *Arist. lib. 1. meteor. cap. 3.* terram utique, quæ inertissima ac penitus immobilis, frigidissimam habendam esse juxta mentem Aristotelis, videtur necessarium. Hanc litem dirimant, ac Aristotelis enunciata vendicent à contradictione, qui ita in mancipia se tradiderunt, ut solidiori metuant Philosophiæ, nisi supra humanam sortem eventus, & ab omni errore immunis, statuatur Aristoteles. Nobis certè nondum satis est perspectum, quâ ratione in corporibus omnino simplicissimis intensum esse aut remissum, dari queat, (ut ita terra vel aqua sit magis vel minùs frigida censenda naturaliter,) si per naturam insit certa quædam qualitas: præsertim cùm ex magni Coriphæi Aristotelis dogmatibus tenendum sit, magis aut minùs esse ob contrarii admixtionem. *5. phys. t. 19.* Nos igitur aquam absente calore quidem judicamus positivè frigidam; at ut perfusa hæc est copiosiore igne, ac magis concitatur motu, sic terrâ eandem dicimus calidiorē. Quòd verò magis tactum feriat frigiditate, hoc inde est, quòd ipsamet quàm terra magis adhærescat, ac cùm tenuior sit ipsâ terrâ, longiùs in poros sese ingerat: quæ item causa est, cur promptiùs exstinguat illum calidi excessum seu fervorem, quem ignem cum Arist. solemus appellare. Quamvis, si rem propriùs examinemus, non tam frigiditate sua ignem exstinguat, (nam & idem præstat calefacta, veluti & oleum majori copiâ affusum;) sed quòd particularum minutissimarum motum sistat, quo producebatur summus calor, adeoque suffocetur ignis. Reverà autem, quatenus fluida existit aqua, ætheris substantiâ, seu aëre atque igne diluitur, per quæ & ipsa mobilis existens contrahit calorem. At si calore omni destituta sit, ipsaque corpora tenuiora, quæ fluidam hanc faciunt & mobilem, ingressu præludantur, consistit

sistit aqua ac fit glacies. Hoc dudum Plato in *Timæo* docuit, qui 14.  
 disertissime de aqua in hunc modum: *Hæc*, inquit, *quando ab igni*  
*destituta ab aëre quoque deseritur, fit levior, & alienis expressis cogitur*  
*in se ipsam: atque ita compacta, si supra terram id contigerit, grando fit;*  
*si in terra, glacies: quæ quidem tunc sunt cum riget coherescitque maxime*  
*gelu. Cum verò minus congelatur, si supra terram accidit, nix; sin in*  
*terra ex rore crassior facta, pruina.* Similiter Hippocrates lib. 1. de victu 15.  
*ratione: Aqua ubi ad extremum iguem devenit, hoc est, ubi penitus ab*  
*igne deseritur, motu distrituitur, qui in ea cessat: (quia concrescit in*  
*glaciem, ut exponit Vallesius, fitque immobilis.)* Ac certè ipsum  
 quoque mare, ut Vallesius inquit, de *Philos. sacr. cap. 1. si calore destitue-*  
*retur, futurum esset penitus generationis ineptum, & concretum frigore:*  
*quin & tota Mundi aqua, nisi à quo concalescat, igne funderetur, (adde*  
*partim aëre,) futura esset glacies.* Si enim primum frigidorum, in-  
 quit, rectè dicitur, nulla frigiditas potest illi esse præter naturam: videmus  
 verò eam aliquando concrescere frigore, haberes ergo id secundum naturam  
 semper, nisi aliquid accederet, quod funderet. Et hoc sanè sensu vi- 16.  
 detur Arist. aquam inter elementa frigidissimam appellasse, qua-  
 tenus nimirum separata ac in se spectatur: quæ quidem ratione  
 glacies existit. Sic namque igni glaciem opponit, 2. de gen. & corr.  
 cap. 3. t. 21. *Ignis caloris est excessus, inquit, proinde ut glacies fri-*  
*goris: Nam congelatio & fervor excessus quidam sunt: illa quidem frigoris;*  
*hic verò caloris.* Igitur si glacies humidæ & frigidi congelatio sit: & ignis  
 calidi & sicci fervor erit. Quamobrem nec ex glacie gigni quicquam, nec  
 ex igni potest. Ac ipse quidem sensus docet, glaciale aquam magis 17.  
 esse frigidam, quàm ea quæ sit antè fusa: unde & *Iob. 24. vers. 19.*  
 ut siccitas, ita æstus aquis nivalibus opponitur. Haudquaquam 18.  
 igitur aqua nostra vulgaris fluida in summo gradu frigida censenda  
 est; sed modico calore temperata, Nec tamen ille calor, licet  
 magis quoque intendatur, naturam aquæ destruit: neque enim aqua  
 tunc cum maximo calore fervet, minùs aqua dici debet, quàm  
 cum summo riget gelu: sed ut calefacta quidem in vapores faciliè  
 dissolvitur; sic contrà frigore constricta summo, in lapideam du-  
 ritiem quandoque transmutatur. Crystallus enim summo gelu

- concrescit ex aquis : quippe glaciem esse certum est, dicente Plinio lib. 37. cap. 2. unde & nomen Græci dedere. Cùm igitur qualitatem utramque, calorem & frigus, eadem aquæ substantia indifferenter sustineat, prout admixtionem aliorum corporum admittit, aut ab iis separatur, ac ratione motus atque immobilitatis, ut ait Arist. apparet per se ad naturam aquæ non spectare, esse calidam vel frigidam determinatè : sed absente quidem omni calore, necesse est naturam aquæ frigus sustinere : quod enim non est calidum, at esse tamen potest, id necessario est frigidum. Humiditatem verò habet aqua per essentiam, ac velut inodum quandam propriæ substantiæ, non verò qualitatem, eaque à natura aquæ propria non potest separari : ut autem densitatem ipso aëre minorem habet, at eodem magis est crassarum patium ; sic contra magis densa seu compacta est quàm terra ; at eadem magis est subtilis. Secundùm dicta igitur, aqua substantia corporea simplex est, frigida quidem positivâ qualitate, at non nisi per absentiam caloris ; humida verò per propriam essentiam ; fluida per accidens, ob tenuiorum corporum admixtionem : densitate ac crassitie media inter aërem & terram. Hæc naturalis suâ gravitate terram quaquaversum diluit, ac passim replet ejus poros atque cavitates : gravitate quidem cedens graviori terræ : at æquè tamen, dato accessu, omni ex parte, ut cum Plinio dicamus, vergens in Universi centrum. Sic verò accidit, ut non modò terra subsidat in aquis, has majori suâ gravitate depellens ; sed & vicissim aquæ in terram se insinuent, e cavitatibus ejus corpora tenuiora levioraque deprimentes.

## QUÆST. II.

*Quid de Aquis, quæ sunt supra Expansum cœli, statuendum ?*

**N**ON modò cum terrarum elemento commisceri aquas, ubi propria item sua habent receptacula ; sed supra firmamentum quoque, pro extremo universi termino, Dei jussu locum occupasse, historia creationis sacra videtur indicare : quemadmodum à nobis pluribus

pluribus ostensum est in *Hexaëm. ad opera diei secundi*. De hisce  
 verò rursum mentionem hîc injicere, haudquaquam alienum est à  
 nostro hoc præsentî instituto. Ac primùm quidem hîc rejicimus 2.  
*Meisnerum*, qui *part. 1. philos. sobr. sect. 3. q. 3.* non φυσικῶς, neque  
 ἀντισυσκευῶς sed ὑπερφυσικῶς supernaturaliter supra firmamentum a-  
 quas detineri putat: quasi verò præter propriam naturam corpora  
 in hoc Universo sint suspensa; ipseque Deus, qui naturæ author  
 est & opifex; naturam frustra esse velit, aut naturaliter non agat  
 ordinariè in naturali hac compage, sed per immediatum suum at-  
 que solitarium concursum. Nos fortè meliorem rationem dedi-  
 mus in *Hexaëmero*, quâ æquè naturalem illic obtinere locum cœ-  
 li aquæ, atque nostræ in terrarum orbe, dici queant. Nec au-  
 diendus hîc *Gorlaeus* quidam est, qui nubes supra Expansum esse in 3.  
 contextu non haberi ait, sed versùs superiores expansi partes. Im-  
 pudentè nimis asserit pro vero, quod fingit ipse, linguæ ignoran-  
 tiam hîc prodens: nihil enim magis planum dici posset, quàm quod  
 habet sacer textus, nimirum Deum divisisse inter aquas quæ sunt  
 מַתַּחַת לַרְקִיעַ sub expanso, ( quod significantiùs ad sensum ac  
 verba Scripturæ nostræ linguâ exprimimus, *van onder aen 't uyt-  
 spanfel* ) & inter aquas, quæ sunt מַעַל לַרְקִיעַ super expansum,  
 ( seu significantissimè & ad Scripturæ verba accomodatissimè,  
*van boven aen 't uytspanfel* : ) quod ἡπάνω τῷ σερβάματι septua-  
 ginta Interpretes vertunt, non aliter quam prout verba originalia  
 sonant, quæ ultro sensum manifestum reddunt: similiterque ver-  
 sio Persica habet, *Az balâ beperdeh*, quod eadem planè verba notat;  
 ac Interpres Arabs *Min fauki-ssemâi* quasi dicas, à superno cæli, vel  
 significantiùs, *van boven des hemels*: namque expansum voca-  
 vit Deus cælum. Nec verò eâ ratione triplices constituuntur a- 4.  
 quæ, ut nonnulli malè inferunt, nimirum, quæ terræ adhærent,  
 ac deinde nubes, tandemque hæ nostræ quas supra expansum esse  
 dicimus: nisi porro quartum genus eodem jure sit adjiciendum,  
 nimirum, ex quæ in hypocaustis ad fenestras destillant, & fortè  
 rursum genus quintum, quod nimirum ad opercula ollarum con-  
 densatur in culinis. Reverâ enim nubes ab aquis terrenis seu no- 5.  
 stratibus



- Aratibus non sunt distinctæ, nec fixam in sua regione sedem habent, ut expanso mediante possent dici separatæ; sed prout vapores continuè ascendunt, ac densati refluunt in terram, ita ab aquis inferioribus illæ pendent, ac cum iisdem rursus coeunt, semperque mediantibus vaporibus cum iis conjunguntur: verèque infra vastam illam ac immensam expansi profunditatem hærent nubes, utpote vix unius, aut sesquialterius milliari intervallo à terra separatæ. Quin nullas prorsum nubes extitisse eo die, quo inter aquas superas & inferas expansum ordinatum est, contendunt aliqui: non enim fuisse locum aptum ajunt colligendis nubibus, etiamnum eo die supra montes stantibus aquis. *Augustinus lib. 11. de civit. Dei cap. ult.* similitudine quadam aquas illas supercælestes adumbrare videtur; nimirum, quasi, *Sicut in μικρόκοσμος supra cor ignea natura locatum est cerebrum frigidissimum; ita in Mundo magno supra cælestes ignes*
3. *aqua sunt posita.* Keplerus *Epitom. Astron. lib. 4. pag. 495.* putat tertiam materiæ universæ à Deo conditæ partem expansam esse in orbem, & Mundo exterius pro mœnibus circumjectam, ex eaque factum esse cælum aqueum, vitreum, seu crystallinum, quod ipsam fixarum orbem esse credit. Utque simul intelligatur quodammodò quæ sit Expansi ratio, cujus mentio fit in Sacris, eleganti similitudine has aquas supercælestes adumbrat: *Sic enim & pueri ludunt, inquit, quandam creationis ideam, excitantes bullas ex aqua & sinegmate, insufflantes aërem: differentia hæc est, quod Deus guttam, ut sic dicam, aqua retinuit intus in centro; pueris aqua gutta ob pondus non manet in centro, nec dividitur à superficie per insufflationem, sed hæret infundo bulla.* Supercælestes illæ aquæ glaciale seu crystallinum cælum ab aliis quoque vulgo appellari solent, quippe verisimile est consistere ibidem aquas, nec diffluere, inferioribus suam efficaciam ad superiora illa non simili ratione, atque ad hæc sublunaria, transmittentibus; (vel ob distantiam fortè longiorem; vel quod ita fortè sit naturæ ordinatum, ut ad inferiora potius quàm ad superiora vires transmittantur;) nec ipso æthere sursum in aquas supercælestes se infanauante. Solido enim termino, nec fluxu dissipabili Mundo opus videbatur. *Libanius de unguent. armat.* ut ipse
- duplices

duplices aquas agnoscit ; ita alteras nullam unquam Philosophiam  
 profanam scivisse statuit. At certè supremum cœli ambitum soli-  
 dum & firmum esse , id est *σφιδὸν* sive *σφίμενιον* , plerique è Græco-  
 rum Philosophorum antiquissimis , post Mosen rectè perceptum ,  
 statuerunt , ut testatur *Lydyas Praelect. Astron. cap. 4.* Equidem *Par-*  
*menides* , τὸ περιέχον τὰ πάντα τείχεος δίκην σφιδὸν ὑπάρχειν , id quod  
 omnia in orbem continet maniorum instar solidum esse constitutum , pronun-  
 ciavit. Et *Anaximenes* τὴν περιφορὰν τὴν ἐξωτάτω γῆνιν *extremam*  
 Universi *circumferentiam* esse terream , hoc est , ejusdem cum hisce  
 inferioribus , seu iis quæ ad terrarum orbem spectant , naturæ.  
 Empedocles quoque *σφίμενιον εἶναι τὸν ὕψιστον ἐξ αἰθέρος* (seu rectius ἐξ  
 ὕδατος) *συμπαγόντος κρυφᾶλλοειδὸς ὡς* , cælum extremum solidum esse , ex  
 aëre , (seu potius ex aqua) *crystalli in modum concreto* statuit. He-  
 bræorum Philosophi aqueum hunc orbem intelligunt , quando  
 apud *Ezechielem cap. 1.* mentio sit expansi illius , quod erat supra ca-  
 pita animalium flammigerorum , quasi specie *crystalli* formidabilis ,  
 (de quo rursus mentio fit *cap. 10. & Exod. 24.*) supra quod solii  
 similitudo specie Sapphiri , ac supra quam solii similitudinem quasi  
 species hominis supernè insidentis , quæ visio similitudinem gloriæ  
 Jehovæ exhibebat. Hunc autem orbem asseverant iidem , teste  
*Bodino lib. 5. Theatr. Nat.* tantum à supremo cælo , seu fixarum orbe ,  
 distare , quantum ab eodem cælo noster Oceanus remotus est :  
 eumque ajunt immobilem esse , ac propterea Dei sedem appellari :  
 sedes enim significat quietem ac tranquillitatem , quæ uni tantum  
 Deo immobili & inmutabili convenire potest. Sed horum non-  
 nulla Hebræorum curiositati relinquimus : nos dari aquas supercæ-  
 lestes , easque *crystalli in modum consistentes* , ut S. Scripturæ  
 consentaneum , ita nec à natura nec à ratione alienum esse , persua-  
 sum hæcenus habemus.


## QUÆST. III.

## Quæ sit natura elementi terra?

**T**erra elementorum omnium gravissima , crassissimarum par-  
 tium , minimè fluida , sicca per essentiam , seu propriam sub-  
 stantiz

R

stantiz

- stantiæ conditionem, caloris per se omnis expers, at calefieri tamen apta, naturâ suâ maximè ad centrum vergit. Unde in primitiva lingua  vocatur, cujus radix ex Arabica lingua nota significat *humilem vel depressum esse*. Cùm verò crassissimas substantiæ suæ patres habeat, vacuitates quoque in sua constitutione maximas relinquit, adeoque tenuiori elemento aquæ præbet aditum, quæ gravitate suâ quaquaversum se in terræ spatia dimittit, ne quid inane detur. Sic verò terra, per se inertissima, ab àquis quasi actuatur, quatenus ad Mundi aptam ordinationem destinata est. Sunt enim quodammodò tenuiora quævis elementa crassiorū quasi *ἰντιλίχισται*, seu actus, aut perfectiones potius seu complementa, aqua terræ, aër aquæ, ignis aëris: quod quidem verbis rectè expressit *Scal. Exerc. 18.* mente tamen ac sensu à vero scopo aberravit: neque enim *aërem existere quasi aqua entelechiam*, propterea, credendum est, quod sit in superiori loco; sed quoniam intimè eandem permeat, ac fluxilem naturam ejus efficit: similiter haudquaquam actus terræ aqua est, ob eam causam, quòd in orbem illam cingat, atque ita complectatur, (cùm formæ munus sit materiam continere,) sed quod quodammodò in modum glutinis contineat; ac sterilem sicque acque particularum terræ naturam cohesioni aptam reddat. Cùm verò ne per aquæ etiam levioerem admixtionem terra fiat liquida, ac diffuset, hinc facilè coacervari potest, & in tumultos collesque consistentes attolli, aut vallibus ac cavitatibus cavari & excidi. Hinc facie externâ non usquequaque plana est; sed clivosa passim ac montosa: intus verò cavernosa, pluribusque pervia meatibus.
5. Quippe non modò angustiores quasi venæ ac pori per terræ substantiam dispersi sunt; sed specus etiam & antra profundissima per intima ejus viscera protenduntur, ac meatus sæpenuerò interminabiles reperiuntur in metallifodinis. Sic verò arida partim prominet, ut conveniens animantibus terrestribus sit habitaculum; partim submersa aquis terra delitescit, ut receptacula constituantur maribus. Hæc verò terræ exterior inæqualitas maximam partem orta videtur die tertio creationis; cùm antea abyssus velut induimentum cooperta esset, montibus nondum supra aquas erectis. Ipsam verò

verò ortus rationem innuit Psalmographus psalm. 104. v. 7. 8. 9. 7.  
 nimirum, quòd increpatione Dei fugerint aquæ, & tonitribus,  
 seu motu & fragore terræ excitatis, divulsæ sint: in altum sint sub-  
 lati montes, & valles se dimiserint: aquæ verò eâ ratione in alveos  
 & conceptacula præcipientes sint latæ, quibus ita præstitutus termini-  
 nus, (factis terræ prominentiis,) ne redire quæant ad operiendam  
 terram. Atque hæcenus de elementis singulis, in se spectatis, 8.  
 quatenus fuere Mundi constituendi proximâ materia: Deinceps  
 verò ad ipsa Mundi constituti corpora, jam actu existentia, prout  
 ex elementis sunt coordinata, disputationis cursum dirigemus.

## COROLLARIA

1. **A**qua reverâ levitate terram excedit.
2. Non tamen terris altiore gerit superficiem.
3. Mixta quadam aquea interim non absque ratione terrestribus aliis sunt ponderosiora.
4. Commune aquarum atque terræ centrum est.
5. Si terra per centrum esset perforata, immissa aqua ad centrum naturalis gravitate deveniret.
6. Nec violento motu eodem moveretur aër aut ignis.

## DISPUTATIO NONA.

De

M A T E R I A M U N D I  
C O N S T I T U T I

seu

## CORPORIBUS UNIVERSI ABSOLUTIS.

in genere.

## Q U Æ S T I O P R I M A.

*Quæ sit materia Mundi constituti?*

- Uemadmodum ex semine & sanguine virtute unius animæ cuncta corporis animalis membra digeruntur, quæ variæ variis facultatibus ac veluti forinis subordinatis instructa sunt; ita ex elementis quatuor, veluti præordinata quadam, Mundi quæ constituendi materia, per unam Mundi naturam seu animam, hujus Universi partes constituentes, veluti membra maximi illius animalis, quod cætera animalia cuncta suo ambitu complectitur, sunt fabrefactæ, & in concinnum ordinem digestæ: quæ singulæ suis formis, vividæque naturâ instructæ, ac per eandem essentiali modo distinctæ sunt, ut in progressu declarabimus. In medio autem totius Universi hæc terræ & aquarum congeries, quam terrarum orbem appellamus, divinâ manu collocata est, quam lymphidissimus æther undique circumfluit, æris nimirum atque ignis miscella quædam, quæ expansa quaquaversum, extimo cæli ambitu crystallino, seu superioribus aquis terminatur. Hanc spiritum vocat Plinius lib. 2. cap. 5. per cuncta rerum inæabilem, totoque confectum. Hujus vi suspensam

cui

cum quarto aquatum elemento, librari medio spatio tellurem. Hoc illud 3.  
 Universi expansum est., quod distinguit inter aquas superiores &  
 inferiores: Quod per terræ & aquarum meatus se insinuans, &  
 à superficie terrarum orbis quaquaversum exporrectum, κατ' ἰζο-  
 χῆν vehiculum quasi ipsius Mundi animæ existit: quò respexisse  
 videtur Plato in Timæo, ubi Animam ejus, inquit, in medio collocavit  
 Deus, perque totum tetendit, hac sc. extensione factâ expansi seu  
 ætheris. Namque, velut inspiratione factâ in ipsam materiam, 4.  
 amplissimam quandam excitavit bullam Deus Opifex, in cujus  
 meditullo hæret fæcalenta terræ & aquarum moles, ac cujus ambi-  
 tus solidior reliqua Mundi corpora complectitur, suspensa limpido  
 ac tenui illo expanso, quod cœli nomine passim appellari solet,  
 quod ipse Deus cœlum appellavit in historia creationis. Hoc cœ-  
 lum respicit Plinius, quando cœlum appellat omne id, quod inani  
 simile vitalem hunc spiritum fundit. Hoc illud cœli corpus est, 5.  
 quod cum incorporeis substantiis affinitatem maximam habere  
 Iamblichus pronunciat: quod spirituale corpus vocârunt veteres  
 Ægyptii Philosophi: quod propter summam subtilitatem meritò  
 spirituale dici posse Zanchius affirmat. Hoc animabilem quendam  
 spiritum per omnia diffusum non nemo appellavit: ac ipse Aristote-  
 les quintam aliquam essentiam, saltem quâ parte longius à Terra  
 distat, esse credidit. Hoc spiritu inter terram cœlumque, seu superio- 6.  
 rem illum Mundi ambitum, pendent, certis discreta spatia, septem  
 sidera, ( præter ea quæ sensui oculorum se subducunt, ) Plinius cit.  
 loc. cap. 6. ait. Diffusiore circuitu, atque à terra distito ma-  
 gis, luminaria illa cœli, quæ fixa dicuntur, seu quæ affixa  
 Mundo vocat Plinius lib. 2. cap. 8. ( quod veluti uni eiden-  
 que orbi infixi, gemmarum instar, immutabilem inter se distanti-  
 am servant, ) disposita cernimus. Non illa, ut existimat vulgus, 7.  
 singula attributa nobis, & clara divitibus, minora pauperibus, obscura  
 defectis, ac pro sorte cujusque lucentia, adnumerata mortalibus: nec cum  
 suo, quaque homine moriuntur; nec aliquem exstingui decidue significant.  
 Non tanta cœlo societas nobiscum est, ut nostro fato mortalis sit ille quoque  
 siderum fulgor: Æterna est cœlestibus natura, ( quippe totis corruptio

8. nulla naturaliter potest accidere,) *intextentibus Mundum, intextuque concretis.* Sic vero staminis in modum circa terræ & aquarum hanc congeriem facto tenuiori expanso, in solidiora cœli corpora reliqua, tum ea quæ errantia sidera dicuntur, tum ea quæ veluti pondera quædam stamini appensa sunt, quæ fixa luminaria vocamus, materia Mundi reliqua digesta est. Quæ quidem cœli corpora solidiora, cum hoc terrarum orbe, primaria Mundi corpora hac disputatione nominabimus: Quorum ordinem, motum, ac naturam impressentiarum paulò propiùs investigabimus.

## QUEST. II.

*Quis sit ordo ac motus primariorum Mundi corporum?*

- DE ordine & motu Mundi corporum, quæ tota jam inde à primo ortu incorruptibilia perdurant, variè disceptatum fuit olim inter Philosophos ac Mathematicos, nec etiamnum satis composita lis est. Reception sententia Antiquorum fuit, terræ hanc & aquarum molem in Universi medio fixam consistere: Unde, *Stat*
2. *vi Terra suâ, vîstando Vesta vocatur.* Plato in *Phædro*: *Magnus utique dux,* inquit, *in cœlo Iupiter,* (quo nomine animam octavæ sphæræ, quæ eadem Universi sit anima, secundùm nonnullos intelligit,) *primus incedens, exornans cuncta, providèque disponens.* Hunc sequitur *Deorum Daemonumque exercitus,* (sic cœli corpora, genitos Deos ut vocat visibiles, nominat,) *per undecim partes ordinatus: permanet autem Vesta in Deorum ade sola.*
3. *Ægyptii, alique vetustiores Philosophi, Solem proximè supra Lunam posuerunt: hoc moti argumento, quòd Luna Solis aspectum hominibus eripat, non item Venus & Mercurius, quos (ob parvitatem diametri visibilis) ideo supra Solem esse crediderunt.* Hos secuti Plato & Aristoteles, eandemque sententiam amplexi olim sunt Democritus, Anaximander, Xenocrates, Eudoxus, Eratosthenes, Callippus, Thales Mileseus, ac Theon ipse Ptolemæi interpres. Ultra Solem proximè nonnulli Mercurium, nonnulli alium ex residuis Planetis constituerunt.
- Plato

Plato in Timæo Mercurium Marti proximum collocavit, adeoque Venere sublimiorem. Similem ordinem indigitavit Autor libri de *Mundo*, qui Aristoteli ascribi solet: *Planetarum multitudo*, inquit, *septeno contenta numero*, (plures Antiquis incogniti fuerunt, sc. qui circa Jovem & Saturnum obeunt,) *in totidem sphaeris collocatur*: adeo ut superioris orbis amplitudo major sit inferioris capacitate: alii verò Planetarum circuli alios continent, omnes verò in fixarum sphaera comprehenduntur: hanc porro continuam semper servant positionem. Phanontis simulque Saturni vocatus circulus. Deinde Phaëtonis Iovisque dictus. Tertius est Pyroëis, Herculis Martisque nomine insignitus. Sequitur Stilbon, quem Mercurio sacrum quidam nuncupant, quidam verò Apollini. Post quem Luciferi stella, quam Veneris nomine alii, Iunonis alii pronunciant. Deinceps Solis orbis. Vltimus tandem Luna ad terram usque fines suos profert. Ptolemæus medium Soli inter Planetas locum assignat, adeo ut nobis in medio Universi constitutis proxima sit Luna, quam sequatur Mercurius, deinde Venus, quartò Sol, ceterique deinceps; quos omnes fixarum sphaera includat. Non desunt, qui Terram ipsam in erraticorum siderum cohortem retulerunt, quam cum socia Luna in locum Solis substituunt, Solem ipsum ad Universi meditullium retrahentes. Hæc fuit antiqua sententia Philolai, Seleuci, Aristarchi Samii, Archimedis, & Eudoxi, quam nostrâ ætate renovârunt Copernicus & Lansbergius. Tycho Brahe, nobilis ille eques Danus, & Astronomiæ Phœnix, Terram Universi meditullio restituit: Soli verò supra Lunæ orbem evecto, reliquorum Planetarum circuitus circumposuit. Atque ita à Variis diversimodè cœlestium corporum ordo immutatus est: Nec eadem ob omnibus assignata motus ratio: Qui primi circa Terram, medio affixam, Planetas suis ordinibus rotari censuerunt, illi homocentricis orbibus acquievêre: inter quos Eudoxus & Callippus, quos secutus Aristoteles. Hic cœlestia corpora simplicissima esse credidit, seu ex aliis corporibus prioribus minimè conflata, utpote simplici circulo volubilia. Sed hæc motuum rationes posterior ætas correxuit, quæ ut phænomena salvari possent, Eccentricos & Epicyclicos orbès, circulosque æquantes, & id genus alia, excogitavit, quæ



- quæ omnia ſubtili ingenio proſecutus eſt Ptolemæus in magna Syntaxi. Sic varios implexosque motus Planetis tribucndos crediderunt, quoniam quandoque propius ad Terram accedunt, quandoque longius recedunt; nunc ſtationarii, nunc directi, nunc retro-
10. gradi evadunt. Alii hac multiplici motus varietate, ac infinitâ penè orbium multitudine diteriti, ſimpliciorẽ motuum rationem mente conceperunt. Sole namque Mundi meditullio affixo, Terrâque in ipſam Solis orbitam evectâ, ſimpliciores circuitus exhibuit Copernicus, ac Univerſi illum motum rapidiſſimum, quem vix humanus intellectus concipit, quo fixa ſidara diurno ſpatio in
11. orbem rotari ſtatuuntur, ſuſtulit. Terra ipſi namque triplici donata motu eſt, primo quidem per Eclipticam, qui annuus vocatur, tum diurno circa proprium axem, tertioque inclinationis, qui omnes æquẽ naturales ſtatuuntur: (ne inſuper hîc plures Terræ motus, qui Copernici ſententiam ſequuntur, attingamus: de quibus pluribus in *Diſſertatione noſtra de vero ſyſtemate Mundi*: ) Circa Terram mobilem porrò Luna ſuas conficit periodos: at reliqui
12. Planetæ proprios circa Solem motus obtinere traduntur. Hoc verò mundi ſyſtema invertit iterum Brahéus, qui circa Solem quidem motus omnibus Planetis, exceptâ Lunâ, at ipſi interim Soli annum diurumque circa Terram, medio affixam, motum tribuit. Nobis ſanè motus ille Terræ multiplex haud ſatis hætenus probatur, quin imò præter omnem rationem fictus judicatur potiùs, cum
13. natura abhorrrere ſoleat à ſupervacuis. Ac certè motus ille Terræ annuus haud leve ἀπορον inducit, ne ipſo quidem Copernico id diffitente, cum tantam Univerſo tribuat immenſitatem, ut univerſa orbis annui diameter, quam ſtatuit Copernicus bis millies millenorum milliarium Germanicorum, omni penè ſenſibili quantitatis ratione carere, & altitudini fixarum comparata in profunditate
14. tanta evaneſcere dicatur. Magis fortè tolerabilis videri poſſet cœleſtium corporum pernix ille motus diurnus, quàm tanta Mundi vaſtitas, quam cum abſurditatem quandam præ ſe ferre non negaret ipſemet Copernicus; ne levi quidem veritatis ſpecie probabilem efficere conatus eſt, hac ſolâ utens excuſatione *lib. 1. Revol.*

cap. 10. Facilius hoc concedendum esse, quàm in infinitam penè orbium multitudinem distrahi intellectum; quod coactos facere eos ait, qui Terram in medio Mundi detinuerunt. Hæc unica ratio Copernici, cur Terræ inotum illum annum, tantamque Mundi vastitatem fingeret. At ratione propriâ deceptum cum esse ostendimus in *Dissertatione de vero systemate Mundi*: ubi Terram in medio detinentes, ac vestigia Tychonis quodammodo legentes, sublati tamen hujus Epicyclis, & Epicyclorum Epicyclis, æquè simplicem, quin imò potius simpliciorum motum dedimus cælestium corporum, ac ille ipse est, quem tradidit Copernicus, utpote qui suis talibus figmentis ne ipse quidem intricatos circularum motus evitare potuit. Tali autem systemate universa Mundi corpora constringimus. Terram fixarum orbis centrum facimus, circa quam rotetur Luna: eandem Sol diffusiore orbe lustrat, singulis annis singulas periodos conficiens. Circa Solem in gyrum vertuntur Planetarum reliqui; strictissimo quidem orbe Mercurius, latiore Venus, uterque tamen intra Lunæ orbem nunquam se dimittens: Mars spatioso ambitu obit, cujus semidiameter ultra Lunæ circuitum exporrigitur, at ipso tamen Solis orbe intercepta; unde Martem Terris propiorem fieri quandoque ipso Sole contingit, quod à Tychone est notatum. Jupiter diffusiore, ac Saturnus spatiosissimo Solem ambiens circuitu, nunquam circulo Solis intercipiuntur. Terram verò proprio vortice circumagi in gyrum, ab Occasu in Ortum, circa suum axem, rationi consentaneum censemus: ut ea solius Terræ volubilitas vastissimis cæli corporibus omnibus rapidissimum illum motum diurnum ab Oriente in Occidentem affingat. [Non caruit opinio hæc nostra suis in ultima Antiquitate Patronis. Quippe tunc pridem fuerunt, ut inquit Seneca Nat. Quæst. lib. 7. cap. 2. qui dicerent, nos esse quos rerum natura nescientes ferat: nec cæli motu fieri ortus & occasus; sed ipsos oriri & occidere. Digna res est, inquit, contemplatione, ut sciamus in quo rerum statu simus: pigerriam sortiti an velocissimam sedem: circa nos Deus omnia, an nos agat.] Hæc ipsa mens Platonis in *Timæo* est, qui Terram, altricem nostram, circa polum per Vniversum extensum alligatam, diei noctisque effectricem & custodem

*custodem esse ait: efficit illa sanè diem noctemque suo circa proprium axem rotatu, quo partes alias Soli objicit, lumineque illustrandas præbet, alias propriâ umbrâ tegit, noctisque adèò tenebris involvit. Sic ipsa Terra distinctiones efficit dierum & noctium, statis-*

19. *que intervallis eorundem vicissitudines observat. Hanc Antiquorum receptam sententiam non ignoravit ipse Aristoteles, qui lib. 2. de cælo cap. 13. t. 76. quidam in centro, inquit, ipsam Terram jacentem volvi; & circa ipsum polum per Universum extensum moveri dicunt, ut in*
20. *Timæo est scriptum. Hanc sententiam amplexi fuerunt olim Heraclides Ponticus, & Ecphantus Pythagoricus: teste Plutarcho lib. 3. de Placit. Philos. cap. 13. quippe, Terra quidem motum statuebant; sed talem quo progredi ac locum mutare non posset: Verùm, quasi in modum rota Zonâ cinctâ circa centrum suum torqueri, ab Occasu in Ortum, differebant. Hoc unico Terræ motu diurno veluti compendio quodam, Natura rerum innumerabilem illam cælestium corporum multitudinem Terris quotidie obversat, quæ incredibili celeritate omnia ab Ortum in Occasum circumvolvi creduntur. Rectèque adèò Nicetas Syracusius, ut ait Theophrastus, (teste Cicerone Academ. quest. lib. 4.) Cælum, Solem, Lunam, stellas, superiora denique stare omnia censet, (motum sc. diurnum illum rapidissimum iisdem convenire negans,) neque præter Terram rem ullam in Mundo moveri, quæ cum circa axem se summâ celeritate convertat & torqueat, eadem effici omnia quasi stante*
22. *Terrâ cælum moveretur. Et sanè, quid tantâ machinatione opus? quem in finem ille tot fixorum siderum motus perniciosissimus, (quo 24. horarum spatio ad minimum 137, 600, 450. milliaria Holland. confici necesse est, hoc est, horis singulis milliar. 5, 733, 352. seu singulis scrup. horar. milliar. 95, 556.) excogitatus est? Nunquid*
23. *Natura levioribus semper, paucioribusque studere solet? Quâ ratione verò ille Planetarum omnium ab Ortum in Occasum raptus, quem violentum potè dixerim, quo motui proprio obniti statuuntur singuli, confectus est? Has omnes ambages, ac Naturæ incommoditates tolit unicus ille Terræ circa suum axem motus: qui, ne quid Terræ minus, quàm reliquis Mundi corporibus primariis tribuendum videretur, insignem Universo Harmoniam præstat.*  
Sic itaque

Sic itaque Terra vertiginem circumponentes, ut Socrates in Phædone loquitur, *sub cælo illam stabilem facimus*: quæ quidem vertigo ipsam Lunam simul abripit in orbem, remissiore tamen motu: Unde eadem Lunæ facies perpetuò obversa Terris cernitur. At circa hunc Terræ & sublunaris orbis verticem continuum, quem divina sapientia Universi medio imposuit, (quem per orbem annuum volubilem constituit Copernicus,) alius Solis reliquorumque Planetarum vortex circumjectus est. Ipse namque Sol, in medio Planetarum agmine, per orbem annuum æquabili incessu properans, circa proprium axem continuè gyrat; non secus atque ipsa Terra, (quod ex motu macularum quæ Solem ambiunt, docuimus in *Theatr. Nat. univ. part. 2. disp. 4.*,) parte quidem Terris obversa semper ab Ortum in Occasum, hoc est, si in Universi centro hæreret ipse Sol, motus totius circa proprium axem esset ab Occasu in Ortum: qui quidem Solis vertex, in ipso quidem Solis corpore concitatissimus, reliquis Planetis eâ ratione se communicat, ut præ cæteris omnibus maximâ celeritate Mercurius, qui Soli proximus, circa ipsum Solem gyrum suum obeat; minori Venus: atque ita consequentes suo ordine deinceps, ut tardissimo tandem motu Saturnus, longissimè à Sole diffusus, circa Solem moveatur. Atque ita universa Mundi corpora motus suos peragunt ab Occasu in Ortum, nullo interim retracta in Occasum raptu. Jovi porro ac Saturno peculiares vertigines circumponendæ sunt, non minùs ex Corpinici sententia, atque nostra, quibus circa Jovem quatuor Planetæ secundarii, ac circa Saturnum duo ejusdem satellites in orbem abripiuntur. Sic igitur inter medium illum Mundi verticem, quo Terra atque Luna in orbem abripitur, extremaque illa Mundi fixa sidera, Sol verè *Planetarum medius fertur, amplissima magnitudine ac potestate*, ut Plinius lib. 2. cap. 6. loquitur, utpote circuitus reliquorum errantium siderum secum abripiens, & quasi meditullium eorundem existens, *nec temporum modo, terrarumque, sed siderum etiam ipsorum, calique rector*. Terra verò sola in ipso Universi medio stabilis hæret, suis librata ponderibus, vertigine circumacta circa suum axem, nunquam propriâ sede dimovetur. Hic

- verò ardua nobis incumbit enodanda difficultas, quâ nempe ratione ingentia illa cœli corpora naturali libramento passim in æthere pendeant, ut non in unum gravitate suâ collabantur? Quem ut expediamus nodum, tot equidem centra gravitatis statuenda sunt, quot sunt diversa cœli corpora per Expansum disseminata: ut eâ ratione partes cujusvis naturaliter in suum undique centrum, in alienum verò neutiquam nitantur, adeoque si pars aliqua per violentiam à Sole, aliove sidere, foret avulsa, eadem ad proprium centrum protinus naturali inclinatione vergeret. Hoc notatum video à magno Copernico, qui lib. 1. *Revol. cap. 9.* Equidem existimo, inquit, gravitatem non aliud esse, quàm appetentiam quandam naturalem, partibus inditam à divinâ providentia Opificis universorum, ut in unitatem integritatemque suam sese conserant, in formam globi coeuntes. Quam affectionem credibile est etiam Soli, Lunæ, cæterisque errantibus fulgoribus inesse, ut ejus efficacia in ea, quæ se representant, rotunditate permaneant, quæ nihilominus multis modis suos efficiunt circuitus. Hanc aliorum quoque sententiam innuit Plutarchus lib. de placit. Philos. inquires: Heraclides & Pythagorici Philosophi asseriebant unamquamque stellam esse Mundum, cui sit sua terra, suus aër, suus æther, in vasto illo & infinito æthere. Sed fortè nondum acquiescit hac datâ ratione Thomas Lydyat, qui præleçt. *Astron. cap. 4.* verè quidem ita responsum profitebitur, sed neque physicè, (utpote ubi non à Dei providentia immediatè, sed à causis naturalibus ratio desumenda est,) nec alioqui satis appositè ad propositam quæstionem, cur ipsum centrum stellæ cujusvis eum
29. situm & distantiam utrinque ab extremo & Medio Universi obtineat? Ipse verò causam refert in diversam aëris seu ætheris raritatem ac densitatem, ut vocat, seu potiùs tenuitatem & crassitiem, ac diversa pondera astrorum, ob majorem vel minorem ignis, ex quo partim illa corpora coagmentata nobiscum statuit, copiam: atque ita fieri credit, ut minus subtilis aër, minus levem stellam vehat, subtilior verò levior: simili modo, quo videmus crassior aqua graviora sustinere pondera; tenuiorem verò leviora tantum. At quænam, quæso, causa hîc à Lydyato redditur, quâ singulis astris suâ hæreat materia, quin potiùs omnis omnium stellarum
30. 31. 32.

larum ignis in unum locum supra aërem supremum evolet? cur non  
 omnis aqua atque terra, quæ in varia sidera digestæ sunt, in unum  
 locum confluunt ad Universi medium? nisi ipse quoque divinam  
 Providentiam immediatam nobis obtrudat. Sed & à ratione pror- 33.  
 fus alienum videtur, tantam tenuitatis atque crassitie in ipso æthe-  
 re puro dari differentiam, ut corpora illa cœli diversissima, lon-  
 gissimis discreta spatiis ab invicem, passim æthera sibi ejusmodi  
 substantiæ modo, seu tenuitate ac crassitie, proportionatum inve-  
 niant. Quinimò, si vel tantam puri ætheris diversitatem, quam 34.  
 nemo facile admittet, ultro concederemus, necesse tamen foret,  
 (quod in Staticis demonstrationem habet geometricam,) ut tanta  
 moles ejus ætheris, in quo corpus unumquodque vehitur, quan-  
 tum idem corpus existit, pondere æquetur ipsi corpori, si fixam  
 per se sedem corpus ipsum obtinere debeat, nec nutare sursum aut  
 deorsum. Quis verò adeò à ratione se abduci patietur, ut aërem, 35.  
 v. g. in quo noster orbis terræ & aquarum hæret, si æquali cum hoc  
 ipso mole cogitetur, pondere æqualem illi esse credat. Ad Anti-  
 cyras mittendus sanè foret, elleboro dignus, qui tantas animo con-  
 ciperet ineptias. Similiter de Luna, Sole, aliisque stellis, judi-  
 candum erit. Ut itaque absurditates hæc evitemus, haud tamen 36.  
 extra oleas vagemur, seu Naturam ipsam transcendamus, ad divi-  
 nam Providentiam immediatam devoluti: gravitatem illam corpo-  
 rum cœlestium, quam indicavimus, seu appetentiam illam natu-  
 ralem, partibus inditam à divina providentia, singulis corporibus  
 cælestibus peculiarem inesse asserimus, à causa quadam secunda,  
 nimirum ipsa cujusvis cælestis corporis forma substantiali, seu na-  
 tura, determinatam, per quam cæleste corpus quodvis ab alio  
 quovis sede separatur: quas naturas omnes, Universi partibus in-  
 ditas, unica illa Mundi anima, quam ordinariam Dei ministram  
 passim inculcamus, potestate suâ continet, adeoque Mundi cor-  
 pora quævis ita coercet, ne temerè fluctuent, aut suâ sede proprio  
 nutu queant dimoveri. Sic ab una anima corporis animalis omnes 37.  
 partes è confuso semine, convenientissimo ordine digestas cerni-  
 mus, ut singulæ pro variarum naturarum conditione, quas omnes

- ipsa anima princeps sibi subditas habet, ordinatum locum naturæ sint, constanterque servant, ut in corpore naturaliter disposito nec cerebrum suâ gravitate deorsum, neque majori levitate sursum  
 39. pulmo nitatur, nec partes aliæ aliis negotium facessant. Sic verè dictum à *Danao*, præstantissimo Theologo, in *Isagog. Christian. ad locos commun. lib. 1. cap. 27.* Mundi hujus formam non modo in quadam externa rerum conditarum pulchritudine consistere, & aptissima earum inter se conjunctione, & collocatione, quæ ordo appellatur; sed etiam in ipsa interna & totius hujus Universitatis, & singularum ejus partium vi & natura, de qua longior disputatio ad Physicos propriè pertineat. Huic igitur disquisitioni, suadente tanto viro, nos ipsos impræsentiarum aliquanto largius immisceamus.

### Q U Æ S T. III

*An primaria Mundi corpora animata sint?*

- N**ON modò singulis Mundi corporibus primariis suam simpliciter naturam universa tribuit Antiquitas; sed naturam vitalem, seu verè animam. Neque enim solum antiquissimi Sapientum Chaldæi, qui solertiâ ingenii astronomiam primi invenisse creduntur, cælestia corpora animata prædicârunt; sed omnes omnino veteres Physiologiæ Principes, tam Græci, quàm Ægyptii, teste ac  
 2. defensore Platone in *Cratylo* & *Epinomide*. Quin usque adèd florentissimorum Atheniensium animis doctrina hæc de cælestium corporum anima infederat, ut *Anaxagoram* (referente *Laërtio* in ejus vita, & *Augustino lib. 18. de civit. Dei cap. 41.*) quòd Solem animal divinum negaret, violatæ religionis reum peragerent. Inter  
 3. Christianos antiquos *Origenes*, aliique, stellas animâ præditas pronuntiârunt; inter Recentiores etiam plurimi: Ac veluti cætera animantia suis quæque in locis, pisces nimirum in aquis, aves in aëre, pecora in pascuis, feræ in montibus & sylvis, convenientem naturæ locum; ita stellas in cælis collocari tradit idem  
 4. *Origenes*, *Eusebius*, ac *Diodorus*. *Thomas Aquinas*, qui cum *Augustino*,

Augustino, Hieronymo, Scoto, aliisque, Mundum hunc universum animal appellare non veretur, cælestia tamen corpora alibi animata esse negat; (quamvis alibi aliter sentire videatur: )  
 at profectò dissidet à propriâ mente, quando substantias spirituales cum corporibus cælestibus uniri proficitur: Quod si enim uniuntur, efficiunt unam hypostasim unius corporis animati: absurdum enim est motum corpori accidentalem efficere, ac si opifex extrinsecus machinam moveret. Hebræorum quoque Sapientes, orbi cuique cælesti, veluti animali animam esse infusam tradunt, à quo perinde moveatur, atque homines ab anima; ac alia quidem cæli animalia aliis subordinata esse volunt. Eò respexisse nonnulli putant Ezechielem in Mercava, seu curru; *cap. 1. vers. 20. & cap. 10. vers. 17.* ubi, cum rotas cælestes moveri dixisset, subjungit, *quoniam spiritus animalis erat in rotis.* Plato in *Timæo*, *Singula*, inquit, *quæ ad seriem temporis pertinebant*, hoc est, nobiliora illa Mundi corpora, quæ volubilitate sui temporum distinctiones faciunt, *corpora nexibus compacta vitalibus evaserunt*: quæ hac de causa cælestia animalia passim vocat. Quatuor namque animalium genera in prima Mundi origine à Deo producta tradit, quibus hoc Universum est expletum. Inter quæ Deorum cælestium, hoc est, astrorum, seu eorum quæ primaria Mundi corpora vocamus, genus primum refert; secundum volatile & ærivoagum; tertium aquæ liquoribus accommodatum; quartum terrenorum animantium genus constituit. *Divini quidem animalis*, hoc est astrorum, *speciem*, inquit, *ex igni maxima ex parte componebat, ut splendidissimum esset, visuque pulcherrimum.* Nec verò prædicta de naturis seu animabus corporum Mundanorum sententia ratione destituta est. Singulis namque cæli corporibus primariis singulas seu peculiarias naturas convenire, factis singulorum docet coagmentata moles, quâ circa proprium centrum conglomerata singula consistunt. Nec enim se ipsa in ordinatam figuram coercet illa Mundi corporum materia; nec materia ipsa cujusque stellæ, v. g. Solis, Lunæ, Jovis, Terræ, &c. à reliquis omnibus, ac singulorum à singulis, propriâ vi se ipsam discer-  
 nit, ordinatamque in Universo sedem servat; nec uniformi ætheri illa

5.

6.

7.

8.



illa distinctio potest assignari, aut diversorum corporum diversæ gravitati aut levitati, primò, ut quæst. præced. exposuimus; nec ab immediata Dei virtute Physico protinus est desumenda ratio.

9. Sed cuilibet propriam præesse seu inesse naturam statuendum est, quâ contineatur atque discernatur stella quælibet ab aliis, ne totus in unum collabatur orbis: quas quidem omnes singularum atque omnium naturas coërcet universalis illa Mundi natura seu anima, quæ summi Opificis ministra, omnia in ordinatissimam seriem digessit, cuictorumque corporum naturas suo quasi sinu fovet ac complectitur: quas singulis corporibus Universi primariis proprias satis ipsæ variorum vires diversæ arguunt, ac qualitates cuius propriæ & effecta demonstrant. Nec verò tantum proprias simpliciter naturas obtinere Solem, Lunam, nostramque hanc altricem Terram, reliquaque Mundi sidera existimandum est; sed reverâ facultate quadam vitali instructa esse: quam nisi haberent præclara illa Mundi corpora, utique beluæ sideribus cœlestibus præstarent, cum id quod vivit, viget, sentit, reverâ præstet iis quæ vita ac sensu destituuntur. Neque enim hîc fidem faciliè inveniet vel ipse Augustinus, ubi muscam propterea quod vivit nobiliorem esse Sole contendit. Ac vitam sanè arguit varius ille cœlestium corporum motus, (qualem solis convellere animatis rebus docet Arist.) qui ad simplicitatem absolutam omnino nequit revocari, ut antea expositum. Quin & absurdum judicari posset non immeritò, cœlestia illa corpora motrice facultate esse prædita; at vitâ interim carere: aut tot è terra & aquis vegetabilia prodire, ipsum verò terrarum orbem vegetabilem naturam nullam obtinere. Vegetabilem autem naturam dico, non formaliter talem, seu quâ verè nutrian-  
tur illa Mundi corpora, ut nonnulli Antiquorum falsò crediderunt, aut plantarum atque animalium corruptibilium instar crescant, vel generent; sed quæ perfectionem aliquam maiorem includat, at eminenter vegetabilis dicenda sit, quod nobiliori modo hæc facultates obtineat, dum veluti è sinu proprio vegetabiles rerum naturas fundit, conservat, ac fovet. Atque ita, cum vegetativa quidem facultas à cæteris, (sc. sensitiva, loco motiva, & intellectu,) *sejungi*

sejungi separarique queat, dicente Arist. 2. de anim. cap. 2. 1. 15. cætera in ipsis mortalibus, addo sempiternis corporibus, ab ipsa, si eminenti gradu sumatur, nequeunt sejungi. Quin vita ipsa per sensum atque  
 14. motum, addo intellectum, ut postea patebit, hisce inest. Namque, ut Arist. ait. cit. loc. text. 13. Cum multifariam vivere dicatur, etiamsi unum tantum istorum insit, nimirum intellectus, sensus, motus & quies secundum locum, motus secundum nutritionem, decretionem, & accretionem, vivere illud dicimus cui inest. Nec enim sufficit, quod  
 15. Theophrastus & Alexander Aphrodisæus cælum corpus animatum nominent, id namque stirpibus commune est; sed verè motu insuper ac sensu viget: rectèque Tullius sidera & animata esse, & sentire pronunciat; eximioque intellectu pollere pronunciare non veremur, ut quæst. proximâ patebit. Animâ verò instructum esse hunc ter-  
 16. rarum orbem, tali ratiocinatione concludit idem Cicero 2. de nat. Deorum: Quod si ea, inquit, quæ à Terra stirpibus continentur, arte natura vivunt & vigent, profectò terra ipsa eâdem vi continetur, & arte natura: quippe quæ gravidata seminibus omnia pariat & fundat ex sese, stirpes amplexa alit, & augeat, ipsaque alatur vicissim à superis externisque naturis. Eundem in modum Seneca quæst. nat. cap. 16. Non esse ter-  
 17. ram sine spiritu palam est, inquit; Non tantum illo dico, quo se tenet, ac partes sui jungit, qui inest etiam saxi mortuisque corporibus; sed illo dico vitali, & vegeto, & alente omnia. Hunc nisi haberet, quomodo tot arbus-  
 18. sis spiritum insunderet? (seu potius quomodo spiritum in iis foveret atque conservaret?) Similia habet Marsilius Ficinus lib. 4. de immort. anima cap. 1. ubi terræ & aquæ, seu terrarum orbi, animam tribuit, quæ sit causa nutritionis & accretionis eorum quæ è terra succrescunt: Tandemque, habent igitur, inquit, animam terra & aqua. Nisi fortè quis dixerit, viventia quæ nos (cum seminibus propriis carere videantur,) ab anima Terra fieri dicimus aut aqua, non ex tali anima nasci, sed  
 19. ex influxibus cælestium animarum. Equidem ex influxu cælestium animarum formas rerum corruptibilium quarumvis dependere verissimum alibi docuimus, at interim certè hic terrarum orbis haud minus suos influxus in alia Mundi corpora refundit; nec ulla ratio est, cur ipse Lunâ, Venere, Mercurio aliisque cæli corporibus, mino-

rem naturæ dignitatem obtinuiſſe dici queat, ut cùm illa ſuos ànimorum influxus habeant, hic ſolus, haudquaquam viliffima Mundi pars; propriâ animâ deſtituatur. Animatum igitur, vel hac ſolâ ratione, Terram, Solem, Lunam, reliquaque aſtra pronunciamus: quamvis ſingula diverſæ ſpeciei animalia exiſtant. An verò ſenſus porro atque intellectus hiſce Mundi corporibus attribuenti ſint, diſquiſitione pleniori porro nunc inveſtigabimus.

#### Q U Æ S T. I V. —

*An Mundi corpora primaria ſenſu atque intellectu ſint inſtructa?*

- O**Rbes cœleſtes, (ſeu ſtellas potiùs) ab Intelligentiis, ceu forma aſſiſtente, moveri, vetus Academicorum opinio fuit, quam Peripatetici, Græci, Latini, Arabes, atque omnes omnino familiæ Philoſophorum, ut *Bodinus* loquitur, mordicus tueri non dubitarunt: eaque ipſa inter Recentiores quoque non infirmi ſubſellii Philoſophos patronos invenit. qua de re apud *Connimbr. lib. 2. de cælo cap. 5. q. 5. Piccol. lib. de calor. motoribus, Scal. exerc. 68. ſ. 1. & 359. ſ. 8.*
2. videre eſt. Non omnes tamen, qui Intelligentias Aſtrorum formas aſſiſtentes faciunt, quæ verè formarum aſſiſtentium ſit ratio ac natura ſatis rectè perceperunt; unde Intelligentias aſtris plurimi non ſecus atque nautam navi, aut aurigam currui, extrinſecus adjectas eſſe crediderunt.
  3. Alii rectiùs formam aſſiſtentem in unam hypoſtaſin cum re ipſa cujus forma eſſe dicitur, uniri cenſent, hoc ipſo autem à forma informante differre, quòd ſeparabilem naturam habeat, ac propriam abſolutamque ſubſiſtentiam habere naturæ ejus non repugnet; & operationum, quæ à materia dependent, per ſe quidem cauſa exiſtat, at non proxima ſeu immediata; ſed mediante propriâ corporis illius, cui aſſiſtere dicitur, naturâ agat: adeòque nullas materiales operationes edat, niſi ad quas materia per naturam actumque proprium ſit diſpoſita; licet interim proprias habeat, nec à materia ipſa dependentes operationes. Hæc verè forinæ

formæ assistentis est conditio; quæ omnino Intelligentiis, si quidem formæ astrorum assistentes sunt habendæ, tribuenda est. Atque hoc sensu, intelligente animâ prædita esse astra nobiliores Philosophi merito censent: quo modo Hebræorum Sapientes quoque orbi cuique cœlesti, ( seu corpori potius primario cuius hujus Universi, ) ut animali animam esse infusam tradunt, à qua perinde moveatur, atque homines ab animâ intellectiva; attamen ad nutum Intelligentiæ superioris. Et sanè, si ab extrinseca Intelligentia Mundi corpora in gyrum agerentur, motus utique eorum, cum sint in naturali loco, non nisi accidentalis esse posset, & si non contra naturam, saltem præter naturam, non secus ac si lignum, superficiæ aquæ impositum, levi vento moveretur. At absurdissimum profectò est existimare eos motus esse accidentales, quibus Universo sua constat incolumitas, neque ex intima corporum natura promanare. Hypostaticam verò ejusmodi unionem Intelligentiarum cum astris respicit Augustinus in Enchirid. cap. 58. ubi, sed nec illud certum habeo, inquit, utrum ad eandem, Intelligentiarum, societatem pertineant Sol & Luna, & cuncta sidera: quamvis nonnullis lucida corpora esse, sine sensu & intelligentia videantur. Huc spectare plurimis videtur illud Iobi. 38. v. 7. Cum laudes canerent simul omnes stella matutina, & jubilarent omnes filii Dei: itemque illud Psalm. 19. Cæli enarrant gloriam Dei: ubi Abraham Aben Esra vocabulum מַסְפָּרִים נֶמֶק non nisi intelligenti naturæ convenire tradit; pro quo voce נֶמֶק matthack usus est Interpres Arabs, quæ propriè ratione uti seu ratiocinari significat, adeò ut Logica ipsa Arabibus proprio nomine נֶמֶק mantthack dicatur. Oportet autem profectò hypostaticam esse unionem; ubi quod Intelligentiæ per se convenit, toti stellæ assignatur: neque enim dum canit nauta navis canere, aut dum vociferatur auriga vociferari currus & equi dici possunt; secus atque cum sola anima ineditabunda est, ipse homo meditari rectè dicitur: quippe, cum intelligens anima, licet existentiam in corpore habeat, ab existentia corporis seu materiæ diversam, subsistentiam tamen absolutam, quamdiù corpori per sensitivam facultatem, quam quodammodo informat, colligata est, non obtinet. Quod

9. si verò Mundi corporibus primariis intellectus talis assignandus sit, in unam hypostasim iisdem unitus, ut ipsa illa corpora dicantur intelligere, sensus utique abesse nequit. Sensum dico, non externos illos, quibus odores, colores, sapes, aliæque externæ qualitates percipiuntur, quippe non sunt illa Mundi corpora convenientibus organis, pro talium sensuum operationibus exercendis, instructa; nec verò talium sensuum ministerio indigent, cum perfectionem quandam in se habeant, nec in finem proprium ferantur; sed internum dico, qui νοῦματα Intelligentiæ apprehendat, eorumque particeps fiat, adeoque ut forma informans eadem corpori communia reddat: ita ut hac sensitivâ facultate mediante, operatio intellectus in ipsa corpora influat, dum ipsa illa facultas materiæ penitus immersa, suæque propriâ naturâ inseparabilis, rationis per intellectum corpori assistentem particeps existit: quemadmodum de facultate illa hominis per se irrationali, at rationi subdita, loquitur *Arist. 1. Ethic. ad Nicomach.* Hæc verò ordinatio naturæ rerum valde consentanea videtur: quippe, quemadmodum animalia quædam, bruta nempe, per sensum internum cognoscunt ope sensuum externorum solummodo, adeoque ad inferiora tantum cognoscendo se reflectunt; homines verò, tum per externos sensus, tum per ipsam rationem cognitionem sensui interno imprimunt, ita ut ab inferioribus partim, partim à superioribus cognitionem hauriant; sic tertium genus animalium dari convenit, quod à superioribus tantum cognoscat, intellectu sc. in sensum influente, quæ nempe eam in se perfectionem obtinent, ut proprio ac solitario bono atque utilitati studere haud necesse habeant. Sed huic magis receptæ de primariorum, quæ vocamus, Mundi corporum intellectu sententiæ se opponunt Recentiorum nonnulla nimium contentiosa ac supra modum intempestiva ingenia, qui dum aliquando magis emunctæ naris videri volunt, sub specie religionis, (heu quàm sordet multis religio!) dictum factum sine ratione sententiam damnandam censent, eamque hæreticam pronunciant: qui nescio profecto annon ipsam Dei gloriam in creaturis ipsius imminuere conentur. Nunquid enim
- magis

magis Deo gloriosum meritò censerì debet, hominem rationali animâ instructum condidisse, quàm si brutis eum planè similem fecisset? aut quænam ratio excogitari potest, quâ decedat quicquam Dei sapientiæ & omnipotentis, si Mundi corpora moveat non immediatâ suâ virtute tantùm, sed per intellectum à se procreatum? In humanis certè majorem artificis laudem extollit, automata fecisse, quàm continuâ extrinsecus assistentis virtute mobilia: quid ni idem in divinis majori laude celebrandum? Quomodo verò  
 13. fatis solidâ ratiocinatione mentis, separatas propriâ naturâ substantias dari, monstrabit Philosophus, nisi motui corporum cœlestium Intelligentias præesse colligat. Nobilissimi certè Philosophi asseverare non verentur, nullum in Universo dari effectum, ex quo sufficienter queat ostendi, Intelligentias existere, præter cœlorum, seu Mundi corporum, motus: quod & ipsum *Suarez* pronunciat *disp. 29. s. 2. §. 32.* Quâ ratione ordo & connexio spiritualium & corporearum rerum constabit, nisi separatæ mentes cum corporibus mundanis, seu intelligibilis Mundus cum sensibili nectatur? Ex ipso illo ordine & connexione Intelligentias invenit Aristoteles; vicissimque nisi essent separatæ ejusmodi substantiæ, non dari naturalem ordinem concludit. *9. Metaph.* At, inquiunt,  
 14. in Natura nihil frustra constitutum est: Cùm verò queat simplex aliqua astrorum natura, omni sensu atque intellectu carens, sufficere ad motus peragendos, haud opus est excogitare plura: ut enim gravia & levia per simplicem naturam moventur mediante gravitate ac levitate; eodem modo astra moveri posse videntur, mediante qualitate, quæ gravitati atque levitati respondeat proportionem. Sed unde, quæso, didicerunt boni viri præclara illa Mundi corpora, quæ totum hominem in admirationem abripiunt, & verè suâ quoque aspectabili excellentiâ enarrant Dei gloriam, non alium in finem esse condita, quàm ut continuâ vertigine converterentur? Nunquid potiori rationi judicari potest, jubiliare astra intellectu, Deoque laudes canere intaminatâ ratione? ut eo sensu  
 15. Deus cœlos intelligentiâ creâsse meritò pronunciarì queat. Quid  
 16. magis absurdum est, quid cum majori saltu, ac diabolica superbia  
 17. cunjunctum

- conjunctum potiùs, quàm ita ſibi placere homines, eoque errore arrogantem animi proprii imbecillitatem implicare, ut non ſatis eſſe videatur iſtis, inter ea omnia, quæ terrarum orbis habet, ſolos ad imaginem Dei conditos eſſe, hoc eſt, intellectu, juſtitiâ, & ſanctitate præditos, niſi inſuper ſupra nobiliſſimas illas Mundi viſibilis creaturas, cœleſtia corpora, inquam, omnis erroris atque enormitatis [ in actione quæ nobis eſt comperta, ſc. motu ] expertia ſe evehant & æſtiment? credantque potiori intellectu nullo in hac rerum Univerſitate, quàm debili illo humano, variſque conſpurcato maculis, eximias Dei laudes, gloriamque excelsam extolliatque prædicari. Sed concedamus, quæſo, ne ipſi quoque contentioſi videamur, non alium in finem eſſe condita vaſtiſſima illa Mundi corpora, quàm ut continuo ſe vertice contorqueant: haudquaquam tamen ratio par dari poteſt motus gravium & levium, dictorumque Mundi corporum. Illa namque non niſi quando extra naturalem locum conſtituta ſunt, deorſum ſurſumve moventur, in naturali autem ſede quieſcunt; hæc verò locum naturæ ſuæ convenientem obtinentia continuâ tamen gyratione rotantur. Nec verò ſatis eſt, quòd inquam, Mundi corpora illa maxima à motu non ceſſare, quoniam propter commune Univerſi bonum agitantur. Hic namque finis eſt eorum motus: at cauſam quærimus efficien-tem. Quin imò verò ex hoc ipſo fine ſolo didiciſſe debebant, verè intellectu prædita eſſe. Ita namque naturâ comparatum eſſe cernimus, ut ea omnia, quæcunque abſque intellectu naturaliter moventur, ſive ſint inanimata, ſive animata ſint, non in commune bonum, ſed propter propriam incolumitatem tantùm moveantur. Cœleſtia igitur corpora, dum motu ſuo ſpectant Univerſi incolumitatem, intellectu prædita eſſe omnino colligendum eſt. Concludimus igitur ex *Scalig. Exerc. 61. ſ. 1.* Aliam formam habere cœlum, ſeu Mundi illa corpora primaria, quæ dat iis eſſe, ſeu quæ ſunt corpora naturalia; ac aliam rurſum eſſe formam, quæ excitat ad talem motum. Et quod perbellè habet idem *Exerc. 68. ſ. 1.* hic ſubnectimus. *Cum quies ſit perfectio ultima corporis naturalis, motus autem perfectio media; & cœlum non egeat perfectione, quæ ſit hoc quod non eſt:*

non est: non est ei data forma naturalis ad movendum ut perficiatur, sed forma voluntaria intellectionis ad movendum ut perficiat: perficit enim nostratia hac, inquit. Seu potius, moventur singula Mundi corpora, Sol, Terra, Luna, reliquaque astra, ut in perfectione sua invicem conservent, ac conserventur.

## QUÆST. V.

*An Mundus ex Orbibus coagmentatus sit?*

**V**Eteres doctrinæ causâ orbes excogitârunt atque nominârunt, quibus rationes motuum exprimerent: eos autem temerè posterior Philophantium ætas solidos ac veluti testudines imaginata est, quibus nempe ipsa Mundi corpora primaria, ut micantes gemmæ sint inserta. Sed ut nullâ ratione est suffulta hæc opinio, ita sponte suâ corrui. Terram nulli inhærere orbi apud omnes in confesso est: sed cur non æquè suâ mole se sustentet Luna, aliaque cœli corpora. Solis motum circa proprium axem ratione antehac innuimus: sed cum versatilis non fixus sit in suo orbe, qui evenit quòd nunquam excidat; aut cur non æquè sine orbe sic versatilis se suâ sede tueatur? Mercurium ac Venerem rotari circa Solem ipsum, omnibus jam dudum est notissimum, certissimumque. Orbes ergo horum Solis orbem intersecant; ac interfectione factâ corpus Solis cum segmento orbis intercepto auferunt ab orbe reliquo: quem usum ergo præstat Soli suus orbis? De Martis orbe idem ex præmissis possumus inferre. Quin imò Planetas obtinere proprias atmosphæras tubo optico compertum est, ac rationibus desumptis ab experientia à nobis demonstratum ad opera diei quartæ: liber ergo æther iis sese circumfundit. Sed neque ipsis stellis fixis, ut dicuntur, orbis aliquis communis assignandus est. Namque Luminaria omnia in Expanso cœli, hoc est, in æthere collocata esse sacra pagina testatur. Ac hisce quoque probabiliter deinde, ubi de stellarum scintillatione differemus, singulis suum vaporosum aërem, densasque exhalationes circumjectas esse ostendemus: ut

non



- non sine ratione antiquissimi Philosophi dixisse videantur, unamquaque stellam esse quasi Mundum, cui suus sit terrarum orbis, suus aër, suus æther, in vastissimo expanso. Nec verò mirum non mutari situm atque ordinem Fixarum, cum verè fixæ hæreant eodem semper loco; & quidem aliæ forsan aliis altiores, nec diurnâ
6. revolutione rapiantur. Orbes igitur corporum cœlestium cum aliquando nominamus, non solidas concamerationes intelligimus, seu cotignationes, quibus Mundi operosa moles sit coagmentata; sed lympidissimi plagas ætheris, quas Planetæ circinato motu permeant, aut quam fixa sidera in orbem circa Mundi meditullium disposita designant. Nec alios profectò cœli orbes, quam quos mens erudita fingit, concepit ipse *Ptolemaus*, qui *Magn. Syntax. l. 3. c. 2.* de suis hypothesibus oratione gravi monet, ne quis in machina cœlesti rem ita se habere credat, quemadmodum Astronomi confingunt: *Haudquaquam enim consentaneum est*, inquit, *conferre humana*, idest, quæ hominum ratio excogitavit, *cum Diis ipsis*, seu cœlestibus corporibus; *aut fidem de tantis rebus ab iis mutuari qua sunt longè dissimilima.* Astronomo hoc unum fati est, si motui corporum calculus respondeat, licet interim hypotheses nec verè sint, nec verisimiles. At Physicorum munus est peculiare, investigare modum motus naturalem.

## Q U Æ S T. VI.

*Quâ ratione Mundi corpora verè harmoniam efficiant?*

- E**A Pythagoricorum sententia fuisse fertur, Mundi corpora sonum ac concentum excitare suo motu: quam refellit *Arist. 2. de calo. c. 9.* Alia autem harmonia Mundo tribuenda est; non, inquam, quæ percipiatur auribus; sed quæ in nexu rerum omnium, ordine ac pulchritudine sita est: de qua ex parte dictum est à nobis
2. disp. 3. quæst. 3. Omnia certè numero, pondere, & mensura, divina sapientia construxit: *pro numero virtutum fecit astra*, ut *Vallesius* pronunciat, & singulorum à singulis distantiam juxta certam proportionem  

dimensus

dimensus est. Hæc Intervalla sunt quæ harmoniam faciunt, non  
 Musica quædam, quæ auditus dijudicat; sed Physica, quæ sensu  
 visus animoque perpenduntur: Ex hac præportione natæ sunt  
 multiplices illæ astrorum figuræ. Nec verò ea intervallo- 3.  
 rum inter Mundi corpora proportio servatur, quæ maximè voluptate oc-  
 los spectantium perfundat, sed quæ communi totius usui sit maxi-  
 mè accommodata, ut Mundi corpora convenienti modo vires sibi  
 mutuo communicare queant. Hæc vera Mundi pulchritudo est,  
 quæ in commune Universi bonum tendit. Hic verus Mundi est 4.  
 concentus: hæc illa harmonia partium, quæ animum attentio-  
 rem incredibili perfundit voluptate. Hanc harmoniam animo comple- 5.  
 xus est Pythagoras, ut rectius notavit Plinius lib. 2. cap. 22. quamvis  
 non exactè satis verbis expresserit, quam malè auribus accommo-  
 dârunt posterî plerique. Sic verò ille: Pythagoras ex Musica ratio-  
 ne appellat tonum, quantum absit à Terra Luna: ab ea ad Mercurium spa-  
 cii ejus dimidium: & ab eo ad Venerem serè tantundem: à qua ad Solem  
 sesquiplum: A Sole ad Martem tonum, id est, quantum ad Lunam à  
 Terra: Ab eo ad Iovem dimidium: & ab eo ad Saturnum dimidium: &  
 inde sesquiplum ad Signiferum. Ita septem tonos effici, quæ diapa-  
 son harmoniam vocant, hoc est, universitatem concentus. In ea Saturnum  
 Dorio moveri; Mercurium Phrygio, Iovem Phrygio: & in reliquis similia,  
 jucundâ magis quàm necessariâ subtilitate. Hæc Plinius.

## DISPUTATIO DECIMA

De

## C O E L O

## QUESTIO PRIMA.

*Quid nomine Cæli variis indiget? Et qua sit etymæ ratio?*



- Oelum tribus potissimum modis dici tradit *Arist. 1. de cælo cap. 9. t. 96.* 1°. Accipitur pro substantia ultimæ conversionis, seu pro corpore illo naturali, quod est in ultimâ conversione Universi, in quo τὰ θεῖον πᾶν omne divinum peculiari modo considerare ipsa credidit.
2. Antiquitas. Hoc fixarum orbem fecerunt plurimi, nimirum Mundi superficiem, ut *Chalcidius in Timeum* vocat, quam ὁραν Græci appellant, velut visus nostri linitem, ultra quem porrigi nequeat, quasi ὁραν, (quod item placet *Ambrosio in Hexaëmero*,) partem sphaerae quam *aplones* vocatur: vel denominatione sumptâ ab ὁραν & ἀνω quod sursum undique conspiciatur, ut vult *Simplicius lib. 1. de cælo.* Alii crystallinum cælum terminum illum ultimum indigitare videntur: sic Autor *lib. de Mundo cap. 6.* Deus in excelsis Mundi situs est, inquit, purus in puro loco: quem verè ὁραν vocamus, διὸ τὴν ὁραν ἵνα τὴν ἀνω inde quod terminus sit eorum qua superius sunt: *Olympum* verò nominamus, διορ ὁλοκαμπή velut usquequaque lucidum. Nobis sedes illa Dei ac Beatorum Cælum ἡμπερίον vocatur, quod è corporum naturalium censu removemus: utpote ipsam universitatem rerum naturalium transcendens, eamque continens. 11°. Cæli nomine indigitatur corpus illud, quod est proximum ultimæ conversioni, in quo Luna, Sol, & nonnulla astrorum collocata sunt: nimirum pro regione Planetarum: hosce enim in cælo esse dicimus. Quod ex utroque hoc cælo superiore, sc. fixarum stellarum & Planetario coagmentatum est, propriè Antiquis στερέωμα *Firmamentum* appellari consuevit,

vit, fortè quoniam sidera solidis firmisque orbibus infixæ crediderunt. Hæc ipsa primi secundique cæli congeries propriè *ἑστέρως*, 5.  
 ex vocis origine, *Cælum* Latinis dicitur. Quippe ut *Plinius* ait *lib. 2. cap. 4.* *Cælum* haud dubiè cælati argumento dictum est, ut interpretatur *M. Varro.* (nisi quis potiùs *Cælum* quasi *καλόν*, quod interiori parte *concauum* appareat, appellatum velit.) Certè lucidissimis illis stellarum corporibus, velut auro, geminis, ac micante pyropo, illa superior Mundi regio cælata, ac variis modis intertexta cernitur: ut admirandum ac speciale quoddam gloriæ ac majestatis divi-  
 næ indicium illic appareat Quò referri solet illud *Psalmodographi*, 6.  
*Psal. 19.* *Cæli enarrant gloriam Dei fortis*: quod verò ibidem sub-  
 jungitur nomine *קוץ*, quod indicare dicitur opus manuum ejus, non Firmamentum propriè, sed æthera seu expansum universum designat: quod ipsum quoque cæli nomine in Sacris appellari consuevit: Expansum namque Deus appellavit cælum, *Gen. 1.* He-  
 bræi promiscuè, & eâdem significandi vi, prædictos cælos, primum, secundum, quodque ex iis est coagmentatum, ipsamque illam expansionem *מים* vocant, de cujus vocabuli origine variè inter se decertant ipsi Rabbini: alique vocem compositam, alii verò simplicem esse contendunt. Eorum qui compositam putant, alii ex *מים* & *אש* esse volunt, quasi *ibi aqua*; alii verò ex *אש* & *מים* igne & aqua: quo etiam nonnullis vocabulum græcum *ὑπερσφαιρα* spectare videtur, quasi compositum ex Hebræo *אש* ignis, idest, lux, seu *flamma*, vel ignis, & *אש*, quasi dicas, ignis sursum: alii verò deducunt ex *אש* obstupuit, & *מים* aqua, quod stupendo modo illic quædam aquæ hæcant. At certè ex ignorantia veræ radice hæc finguntur, neque enim compositionem talem admittit linguæ Sanctæ, aliarumque illi affinium, simplicitas, quæ non nisi in nominibus propriis quandoque compositionem patiuntur. Qui vocabulum simplex esse statuunt, ne ipsi quoque 8.  
 inter se consentiunt. Sunt enim qui à *מים* illic derivent, additâ terminatione dualis vel pluralis numeri: alii à *אש*, fictâ prorsum radice, deducunt; alii à *אש*; alii à *מים* admirari. Sed omnes prædicti falluntur, cum in Hebrææ linguæ reliquiis iis,

- quas peculiari providentiâ Spiritus S. in sacris Bibliis servavit,
9. hoc ipsum vocabulum originem veram non inveniat. Sed hîc, ut alibi passim, incorrupta illa omni ævo Arabum lingua, tanquam pia filia, matri languidæ succurrit, ac radicem genuinam præbet: **שמים** namque, unde & **שמים** *Semâon, calum*, Arabibus, significat *altum esse seu eminere*: unde Hebræorum **שמים** *cali*,
10. quia supra nos eminent, ac si τὰ ὑπερῶτα vocares. Hoc igitur nomine communiter inter corpora naturalia denotatur, quicquid ab hac terræ & aquarum superficie assurgit, & ad extremum Mundi terminum usque exporrigitur: nimirum, *quicquid supra nos est*, (ut communem reddit cæli significationem Chalcidius,) *in qua regione nubila con crescunt, & superius ubi astra sunt*, ad convexam usque
11. totius Universi superficiem. Hoc cælum universum duabus particularibus cælis in sacra Scriptura distingui solet: quorum prius ad eum terminum, sub quo nubila ventique finiuntur, alterum inde ad extremum Universi se extendit: quibus duobus *calum tertium* supereminet, naturam ipsam transcendens, immobilis illa Dei ac Beatorum omnium sedes; civitas illa in quadro posita, quam gloria Dei illustrat, & cujus lucerna est Agnus. IIIo. Nomine cæli intelligimus illud onine quod extremâ Mundi superficie continetur: quod Mundum vel Universum ipsum appellamus. Nos propriè, relictis impræsentiarum aliis cæli significationibus, spectabimus hæc disputatione omne naturale illud, quod à Lunari orbe surgit, ac micantibus refulget astris.

## Q U Æ S T. II.

*An Cæli substantia diversa sit ab elementis?*

**P**Lenisque Philosophis, qui Aristotelis ætatem antecessere, cælum ejusdem naturæ quoad materiam cum hisce inferioribus habitum fuit. Quamvis variorum discrepantes quoque hîc fuerint opiniones, dum alii corpus simplex, alii mixtum; alii huic elemento, alii illi cognatius crediderunt. Empedocles ex quatuor elementis

elementis coagmentatum statuit. *Ægyptii Philosophi aquam seu humorem concretum esse tradiderunt: quo sensu peculiariter crystallinum respicere videntur cælum; namque alibi cælum ignem pronunciant. Alii ex igne & aqua conflatum: quod vocabulo Hebræo indigitari quidam perperam existimant. Diogenes aërem attenuatum pronuntiavit; puta id quod astra interfuit, quod æthera vocamus. Pythagoras, Heraclitus, & Stoicorum series dixere ignem: Pythagoræi tamen plerique Solem nomine ignis indigitarunt: de quibus Arist. 2. de cælo, cap. 13. t. 92. Ii qui Italia partem habitant, Pythagorici dicti, in medio quidem ignem esse ajunt, (Solem intellexere, quem Anaxagoras lapidem ignitum, pronuntiabat, veluti Lunam alteram Terram,) Terram autem unam esse stellarum, ferrique circa medium, &c. Sic Plutarchus de Philolao Pythagorico: Terram in orbem circumvolvi existimabat circa ignem: Et alibi: Ignem in medio collocabat, asserens illum esse Univerſi focum. Hi iidem Pythagorici ab elemento prædominante corpora cœlestia denominarunt: Lunam ac stellas fixas cœlestes terras crediderunt; Martem, Soli simillimum, cœlestem ignem; Venerem & Jovem cœlestem aërem; Mercurium & Saturnum cœlestes aquas. Democritus, Leucippus, & Epicurus, cælum ex atomis conflatum tradiderunt, præsertim ignis naturæ congruentibus. Philoponus, ex Tauri, Porphyrii, & Plotini sententia, Univerſum ex quatuor primis corporibus coagmentatum ostendit; cœli verò quintam essentiam, vulgò dictam, rejecit. Sic ipse Plotinus cælum esse ignem ostendere conatur in libro de cælo: at præter ignem tamen aliquid caterorum elementorum agnoscit, quod testimonio Platonis confirmat. Plato apud Plutarchum de Placit. Philos. statuit τὸς ἀστράς εἶναι μὲν τῷ πλείεσσι μέρει πυρίνους, μετέχοντας δὲ ἐ τῶν ἄλλων στοιχείων κόλλης δίκην, astra quidem maxima ex parte ignea esse; parte verò caterorum quoque elementorum glutinis causâ. At ita idem in Timæo: Divini quidem animalis speciem, inquit, quo nomine cœlestia corpora notat, ex igni maxima ex parte componebat Deus. Proclus in Timæum, Elementa in cælo omnia esse, & in iis quæ sunt sub cælo, & etiam infra terram reperiri statuit: nam omnia ex quatuor*

- tuor elementis constare, non iisdem tamen, nec eodem modo se habentibus: quæ enim in cælo sunt, summitates & excellentias, seu flores atque delicias, elementorum esse, ea quæ sub orbe Lunæ reperiuntur, secundi esse ordinis; quæ verò infra terram esse
7. ordinis postremi, & velut elementorum fæces. Atque ita universa penè Antiquitas materiam cæli à sublunarium materia non se crevit. At unicus ferè solusque noster Aristoteles, ut hinc quoque forsan suæ de æternitate Mundi patrocinium præstaret, cæli corpus diversum ac separatum constituit ab hisce inferioribus, & iis quæ propè nos sunt τοῦτ' αὖ τιμιωτέρην ἔχον τὴν φύσιν, ὅσα περ ἀφίσκει τῶν ὑπὲρ αὐτὰ πλείον, tantò præstantiori naturâ præditum, quanto distantiam sortitum est ab istis longiorem. 1. de cælo, cap. 2. nulli sc. mutationi corruptivæ obnoxium: qua in parte Architam Tarentinum unicum autorem habuisse refert Porphyrius lib. de abst. ab esu carn.
8. cui tamen alii adjungunt Ocellum. Quæ quidem sententia adedò insolens visæ est cæteris Philosophorum, ( Academicorum, Stoïcorum, aliorumque, ) Scholis, ut apud omnes in proverbium abi erit, quinta Peripateticorum essentia. Quippe non modo nobiliori quadam formâ cæleste corpus instructum esse censuit Arist. ( quo sensu ea quoque corpora mixta, quæ nobis hîc vicina sunt, quamvis communem materiam nacta sint, cunctaque ex elementis conflata, nobilitate tamen ac ignobilitatè formarum ab invicem differunt, ) sed toto genere ab hisce inferioribus distinctum: neque enim ex quatuor elementis unum aliquod esse credidit, aut ex iisdem coagmentatum; sed æquæ atque elementa quatuor simplicissimum, ut patet cap. 2. lib. 1. de cælo: adeoque quintum quoddam Mundi elementum, quod primum nobilissimumque, ingenerabile
9. & incorruptibile appellat, 3. de cælo, 1. 2. Quo autem fundamento hanc suam sententiam stabiliat, loco prius citato, operæ pretium est examinare. Præmittit ergo tres hypotheses. I°. Omnia corpora naturalia per se loco mobilia esse. II°. Omnem motum qui secundum locum est, aut rectum esse aut circularem, aut ex hisce mixtum; ac simplicem quidem lationem vel esse secundum rectam lineam, vel circulum: circularem autem eum dicit, qui est circa
- Medium

Medium seu centrum Universi; rectum, qui vel sursum, seu à medio, vel deorsum seu ad medium est. III<sup>o</sup>. Unumquodque corpus simplex uno simplici motu sibi proprio & peculiari naturaliter moveri. Hinc ad argumenta ipsa pro sententia corroboranda accedit: quæ antequam in medium proferamus, hypothesès penitiùs considerandæ priùs sunt. Et quod ad primam attinet, ea certè non est absolutæ veritatis: sed quibusdam corporibus non nisi sub certis conditionibus convenit, esse secundùm locum mobilia. nimirum, 1<sup>o</sup>. Si sint extra naturalem locum, ut gravia & levia: quippe hæc moventur ut ex deteriori conditione ad meliorem perveniant, quam cùm in loco naturali nacta sunt, quiescunt. 2<sup>o</sup>. Si secundùm partes spectentur, tota enim elementa locum non mutant. Quod secundam spectat hypothesin, ea quidem ipsa vera est: at malè declaratur, quando circularis motus intelligitur is tantùm, qui est circa Universi centrum: dantur enim circulares quoque motus, (aut circulari similes,) circa Solem, Jovem, ac Saturnum; quin etiam ad unamquamque stellam spectat sursum & deorsum, cùm singulæ habeant peculiare gravitatis centrum: ut præced. disp. est expositum. Tertiæ hypotheseos sunt duæ partes: quarum prior, non nisi unicum motum unì corpori simplici naturalem esse: quod certè, siquidem corpora cœlestia pro simplicibus secundùm mentem Aristotelis habenda sunt, & quidem circa centrum Universi seu Terram mobilia, omnino falsum statuendum est. Quippe varios & inæquabiles Planetarum circa Terram esse motus, qui non nisi per Eccentricos & Epicyclos exponi possunt, dudum Ptolemæus docuit; ut hac in parte Aristoteles Eudoxi & Callippi homocentricis orbibus acquiescens mirum in modum sit hallucinatus. Quinetiam in iis quæ respectu Terræ sursum aut deorsum moventur, omnino verum non est, simplici moveri motu: id enim licet de terra & igni, extremis elementis, verum esse Aristoteli concederetur gratis; de aëre tamen & aqua haudquaquam verum dici potest. Cùm enim utrique huic elemento, ipsius Aristotelis iudicio, & gravitas & levitas conveniat, diversi utique specie motus attribuendi sunt, quibus tum deorsum tum sursum moveantur: neque



- neque enim idem specie motus dici potest, quo aqua ex terra sursum fertur, & ex aëre deorsum: quemadmodum leve esse sursumque ferri, & grave esse ferrique deorsum, reverà non sunt idem
14. apud Arist. Sed & hypothesin hanc destruunt ipsi Aristotelis Clientes, quando elementis, cum sunt extra naturalem locum, motum rectum tribuunt; cum verò sunt in loco naturali, circularem, ut apud Zabarell. lib. de motu ignis in orbem cap. 8. & 9. videre est. Altera verò tertiæ hypotheseos parte indicatur, unumquodque corpus simplex vindicare sibi motum aliquem peculiarem: Quod equidem, quâ ratione veritati queat conciliari, omnino obscurissimum videtur. Cum enim motus secundum rectam lineam, quam elementis tribuit Aristoteles, non nisi duplex sit quoad speciem, nimirum sursum & deorsum, haudquaquam mente potest concipi, quâ ratione quaternarius elementorum numerus hunc duplicem motum ita queat participare, ut peculiaris singulis obtingat elementis.
15. Deinde si motus aëris, v. g. à motu ignis sursum specie differre sit dicendus, differt vel propter impetus, seu velocitatis aut tarditatis, quæ in motu est, diversitatem, vel propter diversitatem terminorum, vel propter diversitatem mobilium. Non
16. propter diversitatem velocitatis aut tarditatis, ita namque cujusque elementi motus specie à se ipso differret, cum in omni elementorum motu paulatim velocitas intendatur. Sed nec propter terminorum diversitatem specie diversi motus fiunt: cum enim in eadem recta, quæ vel sursum vel deorsum spectat, infiniti termini queant concipi, sequeretur motus rectos esse posse specie infinitos, adeoque infinita elementa; vel elementis singulis è quatuor infiniti motus, specie diversi, convenirent, adeoque elementa quatuor,
17. quin imò singula, forent multitudine infinita. Nec propter mobilium specificam diversitatem, diversi specie motus sunt concipiendi, cum ne ipse quidem Aristoteles specificam convenientiam mobilium requirat, ut motus specie convenient: quemadmodum liquidò apparet ex iis quæ in Theatr. Nat. univers. part. 3. disp. 1.
18. q. 1. ex mente Arist. de unitate motus exposuimus. His itaque quoad hypotheses præmissis, jam argumenta porro ipsa videamus.

Inter

Inter quæ in primam aciei frontem hoc adducitur. 1<sup>o</sup>. Quilibet motus simplex alicui corpori simplici naturaliter ac propriè convenire debet : Atqui datur in rerum natura motus circularis simplex à reliquis diversus : Ergo dari aliquod corpus simplex necesse est, diversum à reliquis, cui naturaliter & propriè ille motus conveniat. Hic verò primùm major admodum infirma est, per ea quæ ad primam & tertiam hypothesin notavimus. 21. Quin ipsa quoque minor falsa est, præsertim si secundum mentem Aristotelis sumatur : neque enim simplici motu circulari circa Terram cœlestia corpora rotantur, quod sanè magis notum est, quàm ut expositione denuò indigeat ; cumque nulla planè ratio excogitari queat, quàm motus circularis simplicissimus corporibus cœlestibus possit assignari, (quod nec secundum hypotheses Copernici possibile est,) sed motus naturalis multiplex iisdem assignandus sit, patet concludendum esse potius, cœlestia corpora simplicia non esse ; sed potius composita, & verè animata. 22. Ut secundum argumentum proferat Philosophus, duo præassumit. 1<sup>o</sup>. Motum qui contra naturam est, contrarium esse motui, qui est secundum naturam. 2<sup>o</sup>. Unum motum uni tantum esse contrarium, quod probatur 10. *Metaph. cap. 6.* Hinc ita argumentatur : Aut motus ille circularis, quem in cœlesti corporeprehendimus, convenit cœlo naturaliter, vel contra naturam. Si quis contra naturam statuatur, eum ad absurdum deducit hunc in modum. 23. Vel cœlum præsupponi debet esse ex elementis aliquod, vel ab elementis diversum : Non ex elementis aliquod : esto enim v. g. ignis : erit igitur hoc pacto naturalis motus ignis qui sursum est, contrarius motui in orbem, & motui deorsum : atque ita unus duobus foret contrarius, quod absurdum. Si diversum 24. ab elementis statuatur cœlum, dicaturque motus in orbem illi esse contra naturam, erit igitur alius illi naturalis, nimirum qui vel sursum vel deorsum est : at si motus sursum illi naturalis statuatur, erit vel ignis vel aer ; si motus deorsum, erit terra vel aqua. Statuendum ergo cœlum naturali motu circumvolvi, adeoque ab elementis diversum esse. Sed ut præcipuos tantum argumenti refece- 25. mus nervos. 1<sup>o</sup>. In primo dilemmate illud præsupponit, quod non-

- dum est concessum, imò quod est manifestè falsum, sc. in cælo circularem simplicemque circa ipsam Terram deprehendi motum.
26. 2<sup>o</sup>. Non est sufficiens partium enumeratio: fortè enim quispiam statueret nec naturalem esse cælo illum motum, nec contra naturam; sed præter naturam esse: ac simili modo cælo convenire, quo perpetuus ille motus in orbem sphærali igni assignatur à Peripateticis.
27. 3<sup>o</sup>. Si vel concederemus motum illum esse simplicem, cæloque naturalem esse, non tamen inde sequitur, quod maximè intendit Arist. nimirum, ergo cælum esse corpus aliquod simplex: eadem enim ratione sequeretur lapidem corpus simplex esse, cum motu simplici deorsum ruat: nec sequitur, si quidem non sit unum aliquod ex elementis, ergo ab elementis omnibus distinctum: Nam & animalibus, quæ apud nos sunt, naturalis motus convenit, diversus ab eo qui est elementorum: at interim ex elementorum substantia conflata esse Aristoteli certissimum habetur. Quidni in cælo eandem esse rationem dici queat? 4<sup>o</sup>. Quin &, si simplex corpus esse, ac naturaliter in orbem rotari cælum aliquis concederet, non tamen sequeretur, diversum esse corpus ab elementis.
28. Statuatur enim v.g. ignis. At, inquit, huic motus sursum naturalis est: non ergo quo in orbem rotatur. Respondeo, hæc minimè pugnare: Neque enim hi diversi motus elemento secundum eandem conditionem tribuuntur. Est enim alia ratio motus elementi quando extra naturalem locum est; alia cum ad naturalem locum jam devenit: alia quando ad perfectionem tendit; alia quando obtinet plenariam perfectionem: alia si secundum partes à toto divisas spectetur; alia si secundum universam molem, quâ in naturali sede constitutum est.
29. Atque ita ipse Zabarella lib. de motu ignis in orbem cap. 8. Ab hac nostra sententia, inquit, non videntur alieni fuisse illi præci Philosophi, qui dixerunt motum elementorum naturalem esse illum qui in orbem fit: viderunt enim hoc motu elementa superiora conservari, & particularis ignis apud nos genitas ideo ascendere, ut cum toto ignis elemento circumducta converterentur: ex hoc enim judicârunt magis esse præcipuum in elementis motum in orbem, quam motum rectum, cum viderent cum elementis competere jam integram suam naturam & perfectionem obtinentibus, rectum

rectum verò in illis non dari, nisi ut constitutis in statu imperfectionis & existentibus extra sua loca naturalia. Ideo dixerant naturaliores esse igni motum in orbem quam motum rectum. Similia habet Zabarella ibid. cap. 9. Quibus ipsi Peripatetici satis manifestè declarant, eidem elemento pro diversa conditione diversos motus naturales esse. Quæ insuper ab Aristotele in medium proferuntur argumenta, pro quinta cæli essentia demonstranda, ex jam dictis facile solvi possunt. Quæ omnia suo quoque modo prosequitur ac refellit Thomas Lydyat prælect. astron. cap. 1. & 2. Unicum hoc addimus. Nisi substantia cæli diversa sit ab elementis, cælum erit corruptibile. At cælum omnis corruptionis expers est. Ergo. Equidem majoris consequentia haud satis firma censeretur potest. Neque enim ipsa elementa sunt corruptibilia, ut demonstratum est in præcedentibus: Quod si igitur cælum unum aliquod ex elementis diceretur, v. g. ignis, quidni foret penitus incorruptibile. Sed neque si ex pluribus conflatum elementis statuatur cælum, corruptibile protinus dicendum erit. Nexus quippe formarum cælestium cum materia firmitus haberi posset, quam qui à causa naturali queat solvi: præsertim cum in hisce quidem inferioribus non omnia ex æquo corruptioni obnoxia cernantur. Videmus enim aurum v. g. difficulter spoliari sua forma: at quæ causa dari potest, cur non item quædam esse queant corpora similia, quæ virtute naturali nequeant dissolvi? Sed minorem absolute falsam protinus peculiari quæstione ostendemus. Cum igitur nulla satis valida ratio ab Aristotele adducta sit, pro quinta cæli essentia salvanda: quatuor autem Universi elementa sufficiant, quæ sola ab Antiquitate penè tota cognita fuerunt, iisdem rectè acquiescimus: Cælique adeò substantiam ab elementis haudquaquam diversam pronunciamus, ipsique Platonis sententiæ, superius expositæ, subscribimus. Nobiliores tamen singulis corporibus cælestibus, quam quæ elementorum sunt, inesse formas statuimus, quibus singula in sua specie constituuntur: quemadmodum in iis quoque, quæ nobis sunt viciniore, rem habere cernimus.

## Q U Æ S T. III.

*An cælum sit incorruptibile?*

- A**ffirmat Aristoteles ac Peripatetici: at rationes quæ probabilitatem saltem præ se ferant, hæcenus desideratæ sunt. In cœlo contraria non habere locum ajunt: At quicquid corrumpitur à contrario corrumpitur: In cœlo ergo corruptio non datur. Verùm enim verò absque sensu & omni ratione præsupponunt in cœlo contraria non inesse, ut thesin demonstrent, quâ cælum nulli obnoxium mutationi statuant. Sed aliquanto propius hypothesin consideremus. Non jam omnes contrarietates (quas recenset *Arist. 2. de Ortu & inter. cap. 2.* calidum, frigidum; siccum, humidum; grave, leve; durum molle; tenax, friabile; asperum, læve; crassum, tenue; quibus addi potest rarum, densum;) hîc seorsim singulas excutiemus; nec futilem de motus contrarietate, an in cœlo locum habeat, movebimus hîc quæstionem: veritatis inquirendæ studium propositum habebimus; non cavillandi cum *Patricio tom 4. discuss. Perip. lib. 6.* captabimus occasionem: id verò solum, an in cœlo qualitates primæ, ac præcipuè calor atque frigus, insint, in præsentia videbimus. Quod ad calorem attinet, hic certè cœlo neutiquam videtur denegandus. Quâ enim ratione Sol calefacit hæc inferiora, nisi ipsemet formaliter sit calidus? Lumine & motu illud fieri ajunt: at quo pacto lumine produci queat calor, omnes qui majori ingenuitate pollent, se ignorare profitentur: qui verò rerum umbras sectantur, ne quid usquam videantur ignorare, frivolas ineptasque hîc comminiscuntur rationes. Ingenuè *Zabarella lib. de calore cælesti cap. 10.* in fine, *Non est mihi verendum, inquit, confiteri, me illud ignorare, (quomodo lumine producat calor,) qui me nihil aut pauca scire profiteor, quum sapientissimus quoque Philosophus Aristoteles se id nescire tacite confessus sit.* Nos causam quidem dedimus in præcedentibus; at talem, quæ ipsius Solis atque ignis per æra dispersi quoad naturam arguit affinitatem: adeoque Solem maxima ex parte igneum ostendit: qui sc. familiaritate quadam ignis

ignis particulas dispersas quaquaversum, quando ipse præsens est, ad motum ac vigorem concitat: At interim directè simul agere, ac propriâ caliditate, maximè videtur sensui ac rationi consentaneum. Dum calorem verò partim censent motu excitari, quæro 6. quânam ratione motus imprimatur aëri? per radios asserere relinquit quæstionem æquè dubiam: nimirum, quonam pacto radius, qui Aristoteli non est corporeus, aërem atterat ac moveat? ne jam dicam solo simplicique motu corporum tenuiorum potiùs produci frigus, quàm calorem, quòd flabella docent. Nec ubivis sanè 7. astris ipse Aristoteles calorem denegat: sic namque 1. Meteor. cap. 3. quærens cur non in supero loco, ac longiùs à Terra diffito, consistant nubes? subdit, eò namque magis, ut nubes consistant convenire videtur, quòd locus à terra remotior est, & magis frigidus, διὰ τὸ μὴ ἔτις πολλοῖον εἶναι τῶν ἀστέρων, θερμῶν ὄντων, &c: propterea quod neque adeò prope stellas consistent, qua calida sunt; neque prope radios a terra refractos. Ita 2. de gen animal. cap. 3. τὴν τῷ ἡλίου θερμότητι & τὴν τῶν ζώων Solis 8. & animalium calorem nominat, quem ab igne distinguit, nimirum eo qui illi experientia caloris & veluti fervor dicitur, priùs citato loco. Atque ita Ioh. Grammaticus in 1. Meteor. c. 4. Et clam se ipso Aristoteles his assensitur, inquit, qui corpora cœlestia constare volunt ex quatuor rerum elementis, sidera tamen ex igne plurimo esse, nimirum vero illo ac beneficio. Plutarchus quoque de Placit. Philos. lib. 2. cap. 11. 9. Aristotelem cœli corpus ex igne, vel ex caloris frigorisque mixtura confluxisse scribit. Certè antiquissima hæc est de calore Solis aliorumque cœli corporum sententia, Pythagoreorum, Caldæorum, Ægyptiorum, Platonis, atque veterum omnium Græcorum, similiterque Arabum, quorum Schola dudum illam Peripateticorum ineptam opinionem, quâ cœlum qualitatibus expers fingunt, prope modum delevit. Ea verò de calore cœlestium corporum sententia ex Hebræorum arcanis, qui Naturæ primi principesque fuere scrutatores, rebusque nomina pro cuiusque natura indiderunt, dimanavit: ii namque ideo Solem, quòd esset calidus, מִן נֹמִן nominârunt. Frigus verò cœlestibus quoque corporibus adjunctum esse, ex eo manifestum est, quòd non omnes æquè intensum ha-

- beant calorem: at remissio est à contrario, docente ipso Arist. Cælo igitur contrariarum hæ qualitates insunt: ac falsa est per consequens hypothesis, quâ omnis corruptionis expertum cælum colligebat Arist. At instat tamen: *Omnes Philosophi*, inquit *lib. 5. Metaph. & 1. de gen. ac corr. cælum æternum statuunt, quasi Deorum sedem.* Hic equidem apertè cum Bodino fide Scriptorum opus esse dicimus. *Plutarchus* enim, qui Philosophorum placita congeffit, Academicos, Stoicos, Epicureos, Mundum corruptibilem asseruisse tradit. Ipsique Hebræi, qui ex fonte veritatis exactam constitutionis Universi cognitionem hauserunt; universum Mundum, cælumque adeo ipsum, ortum fuisse ac interitum pronunciant. Ab hisce verò ad omnes populos certissimas rerum antiquitates traditas fuisse *Porphyrinus* testatur. Nimis verò crasse sollicitus est Aristoteles, dum Diis immortalibus, ut ait, non nisi immortalem locum convenire credit: veritus fortasse, ne destructo cælo Deus ipse è sublimi sede decideret. At certè, qui totum Universum ipsemet perfecit & absolvit, ipso dicente Aristotele, non eget sustentaculo: nec ei quod est incorporeum locus ullus assignari potest.
14. At nullam in cælo tot seculis mutationem esse observatam ait. Hic cum *Fieno de Cometa anni 1618.* respondemus: *Possunt maxima generationes & corruptiones, maximaque permutationes in cælo fieri, etiamsi à nobis non conspiciantur: hoc visus nostri debilitas, & immensa cæli distantia, faciunt. Nec magis permutationes aut generationes ullas in hoc Mundo inferiore videremus, si in cælo Luna essemus constituti, (in quo tamen nunc propter viciniam & propinquitatem admirabiles quotidie fieri animadvertimus,)* quàm modò videmus in cælo. Similiter *Puteanus libell. de eodem Cometa: Homines, & bruta, arbores & stirpes, urbes & ades, oriuntur & pereunt: imò, ut pereant. Sed quantilla hæc, sit tanquam membra Orbis censeantur? Manent interim regiones & maria, montes & flumina; passimque, tanquam non mutetur, moles hæret. In cælo quidam ad eundem modum varietas ludat?* Quin ab Antiquis dudum mutatio cæli memoriz est prodita. Præclarus enim ille & exercitissimus Astronomiz excultor *Hipparchus*, qui annumerare posteris stellâs ausus, ac sidera ad normam expangere, *novam stellam & aliam in ævo suo genitam*
15. 16.

nitam deprehendit: ejusque motu, quâ die fulsit, ad dubitationem est adductus, annie hoc sapius fieret, moverenturque & ea quas putamus affixas: ut Plinius refert lib. 2. cap. 26. Non jam antiquissimas multorum 17.  
 fabulas, quibus mutationes in cælo contigisse feruntur, commemorabo: quæ licet veritatem nullam habeant, falsum tamen ostendunt memoriæ non esse proditum, mutationes in cælo contigisse. 18.  
 Quæ verissima certissimaque sunt hîc attexamus. Nostrâ ætate, inquam, tot jam stellis novis, tot cometis cælestibus sæpius exortis, iterumque absumptis, notissimum & extra omne dubium habemus, in cælo mutationes, saltem rarefactiones & condensationes, habere locum; adeoque cælum incorruptibile haudquam statuendum esse: de qua re pluribus à nobis actum est in *Theatr. Nat. univ. part. 2. disp. 4.* Circa Lunam pluvias ac nimbos, circa Solem maculas atque nubes, rem Antiquis inauditam, nostra ætas quotidie deprehendit: pluraque forsân sæcula futura dabunt manifesta, quæ ignorantia tenebræ hætenus involuta tenent. Nec verò ipse Aristoteles pertinax videri voluit in iis quæ 19.  
 de cælo protulit: sed ad certiora inquirenda stimulum ipse addidit posteritati. Si quis, inquit, 2. de cælo cap. 5. 1. 34. exactiores necessitates invenerit, invenientibus gratias agere oportet. Et cap. 3. text. 17. excusatione utitur, quod fortè veritatem ipsam in cæli arcanis recludendis, non attingat, quoniam *eminus facere inquisitionem conamur: eminus verò non adeò loco; sed multò magis eo ipso, quod eorum, quæ cælis accidunt, per paucorum sensum habeamus.* Ipsi igitur quoque Aristoteli 20.  
 agamus gratias, quòd saltem dubitandi occasionem, in iis quæ ad cælos spectant, posteris præbuerit, ipsamque adeò veritatem majori diligentia investigandi. Sicque finientes ea quæ propositam concernunt quæstionem, statuimus ordinaria cæli corpora quoad tota quidem expertia esse mutationis corruptivæ, non secus ac terrarum orbis; at quoad partes interim mutationes varias admittere.

Q U Æ S T.



## QUÆST. IV.

*De Luce seu Lumine corporum cælestium.*

- L**ucem hîc qualitatem realem vocamus in corpore per se luminoso : Lumen verò propriè illius imaginem & repræsentationem statuimus in alio quocunque subiecto, (quamvis sæpe hæc vocabula promiscuè sumantur :) adeoque intentionalem qualitatem, seu speciem repræsentativam luminosi corporis ipsum lumen pronunciamus : de cuius natura alibi prolixius agendum. Hîc verò an nativam lucem stellæ quâlibet obtineant, obiter excutiendum est.
2. Lunam quidem à Sole mutuari lumen, quo illustrat terrarum orbem, omnibus notissimum existit; at interim nativæ lucis quippiam habere plurimi contendunt: quos refellit *Galileus de Galileis in Nuncio sidero*. Quippe lumen illud imbecille, quod circa novilunia pars à Sole averfa exhibet, à Terra ipsa per reflexionem fieri docet: quod verò tempore Eclipsæ adesse Lunæ cernitur, à Sole provenire. Similiter Venerem atque Mercurium naturâ suâ corpora obscuriora esse, & Lumine solari refulgere, exposuimus in *Hexæmetro*. De Jove quoque idem alii contendunt: ut ibid. exposuimus. Nec à ratione alienum est, omnes Planetas, præter Solem, hac naturæ proprietate inter sese convenire. De stellis fixis nihil quidem habeo, quod asseverem. Nec enim sequitur, quòd; nisi nativam lucem obtinerent, lumen in iis sphæricis segmentis, pro vario ad Solem situ, cresceret & decrederet: sunt enim Sole altiores, adeoque continuè lumen, si quod à Sole mutantur in nos reflectunt; cumque Terræ umbra ad eas non exporrigatur, in eam ipsam non incurrunt, nec ut Lunæ evenit, eclipsin unquam patiuntur: Quod idem dici potest de Planetis, qui superiores appellantur, Saturno, Jove, & Marte. Est tamen valde verisimile, Fixarum corpora suâ luce refulgere: ut eâ ratione ignis levissimus majore sui copiâ ad regiones Mundi superas evectus videatur, qui magnam exhalationum vim continuè eructat, densissimasque atmosphæras circa corpora stellarum efficit, quas sequenti quæst. indicabimus.
  - 3.
  - 4.
  - 5.

dicabimus. Præ cæteris verò omnibus cæli corporibus Sol ipse 6.  
 inexhaustus luminis fons quidam, & origo copiosa existit: quem  
 suo lumine univèrsa Mundi corpora illustriora reddere, verò simil-  
 limum videtur. *Hic lucem rebus ministrat, ut cum Plinio dicamus, ex*  
*lib. 2. cap. 6. aufertque tenebras: hic reliqua sidera occultat; hic vises tem-*  
*porum annumque semper renascentem ex usu natura temperat; hic cæli tristi-*  
*tiam discutit, atque etiam hominum nubila animi serenat: hic suum lumen*  
*cæteris quoque sideribus fanerat, præclarus, eximius, omnia intuens.* Huic  
 nunquam luminis scaturigo deficit: nec enim eclipsis ejus est reve-  
 rà lucis illi ingenitæ, aut luminis ab eo promanantis, defectus;  
 sed negatus ejusdem, ob Lunæ corpus tenebrosum interpositum,  
 conspectus. Hic tandem quaestio excutienda est, an lumen omni- 7.  
 um astrorum sit ejusdem speciei? Ad cujus enodationem opus est  
 distinctione. Si enim lumen pro luce nativa sumatur, utique in  
 specie diversis astris existens specie idem esse nequit: proprietates  
 enim rerum specie differentium inter se differre est necesse; quin  
 imò accidentia communia, si in subjectis specie diversis insint, spe-  
 cie ab invicem divisa sunt; cum enim accidentis esse à subjecto pen-  
 deat, specifica quoque ejusdem differentia ab eodem desumenda  
 est. Quòd si lumen accipiaturs repræsentativè, seu ut in alio exi- 8.  
 stit, & ab alio promanat, ita licet in corporibus specie diversis re-  
 præsentetur, specie tamen idem est, si ab eodem specie sit ortum:  
 v. g. quod in Luna, Venere, Mercurio, specie diversis corpori-  
 bus, refulget Solis lumen, ab iisque reflectitur, specie idem esse  
 dicimus: quippe non est qualitas realis diversis hisce subjectis per  
 se inhærens; sed intentionalis, seu unius ejusdemque objecti velut  
 in diversis speculis repræsentatio. Quòd si verò lumina à corpori- 9.  
 bus specie diversis diffusa recipiantur in subjectum idem, specie  
 diversa sunt: ex præmissa nostra hypothesi, quâ lumini esse inten-  
 tionale attribuimus: quippe cum sit imitatio & repræsentatio cor-  
 poris luminosi, utique specie distinctorum lucidorum lumina in  
 medio eodem specie distincta sunt; ut lumina solo numero distin-  
 ctorum lucidorum, in idem subjectum recepta, numero quoque  
 distinguì necesse est. At iis certè, quibus lumen est realis qualitas, 10.  
 licet

licet vel à specie diversis corporibus sit ortum, in uno aliquo subiecto existens, numero unum esse statuendum est: quemadmodum de calore diximus Disp. S. quæst. 1. §. 30.

### QUÆST. V.

#### *Quæ sit stellarum Scintillationis causa?*

- SCintillatio stellarum vocatur illa luminis earundem in orbem scripsatio, quâ tremulos quasi radios diffundunt: Hujus causa
2. admodum obscura est, & à variis varia redditur. Nam I<sup>o</sup>. quidam causam referunt in longissimam Fixarum à nobis distantiam. Quorum nonnulli putant visum nostrum ad tantum intervallum non sine titubatione ac conturbatione exporrigi. Quam sententiam dubitativè exponit *Arist. 2. de cælo cap. 8. t. 48. Visus. longè se extendens*, inquit, *convertitur ob imbecillitatem: qua quidem fortasse causa est, ut & stella fixa micare, vagantes autem non micare videantur. Vaga namque stella sunt propè, quare visus sui compos ad illos accedit: ad fixas autem longissime se extendens, ob longitudinem tremit: tremor autem ipsius facit, ut hac motio stella ipsius esse videatur: nihil enim interest, an moveatur visus, an id quod cernitur.*
  3. Sed hypothesis illa, unde hæc diducta ratio, sc. visum emissionem radiorum ex oculo ad objectum fieri, dudum è Philosophorum Scholis est explosa: neque in ea sibi constat ipse *Arist. qui lib. 2. de anima*, visionem receptione fieri
  4. docet. Alii hanc potiùs causam reddunt, quòd species à re visa missæ per longissimi spatii intercapedinem deficient, ac præ tenuitate vix jam valeant sensorium imbuere: ita autem fieri ajunt, ut dum ex iis visionem elicere potentia conatur, labore fatiscat ac tremat: Eum verò tremorem in causa esse, ut videatur astrum per scintillationem moveri.
  5. Sed sive emissionem sive receptionem visionem fieri dicas, à distantia non posse sumi causam scintillationis hisce manifestum redditur. Primò namque omnes ejusdem magnitudinis ac claritatis stellæ fixæ æqualiter scintillarent: quia eandem
  6. distantiam habere judicantur. Deinde, minores stellæ magis micarent,

carent, quàm majores: quippe in remotis ejusmodi objectis visionis angulus distantiae vicem supplet, adeoque quæ majori angulo cernuntur viciniora apparent: quod in Opticis monstratur. Cumque inter Martis visibilem diametrum, ac diametros stellarum primæ magnitudinis, non admodum magna intercedat discrepantia quoad quantitatem, quid quæso causæ est, cur non æqualiter, aut proximè tantundem Mars scintillet atque maximæ Fixarum? Alia igitur causa inquirenda est, quæ scintillationem stellis tribuat. Eam verò II<sup>o</sup> alii, inter quos Cardanus, petendam esse censent à motu diurni velocitate. Sed assertionis nulla ratio probabilis affertur. Ac primùm cum de cæli illo motu dubitetur non immeritò, an detur, quem nos non sine ratione antea rejecimus, meliori ratione hunc doceri prius est necesse, quàm inde scintillationis eruatur ratio. Sed demus ultro, moveri cælum motu hoc diurno: haud tamen inde causa requisita potest elici. Neque enim ea cæli diurna circumgyratio vibrantium radiorum pugnant excitare potest: cum enim radius non nisi spiritale seu intentionale esse habeat, radius utique radio haudquaquam resistit, nec realem intersectionem efficit: nec enim radii, colorumque species, per exiguum foramen in obscurum conclave transmissæ invicem conturbant, aut mutationem ullam intersectione patiuntur; sed absque omni obstaculo mutuo liberè penetrant, nec reflectionem aut crispationem à se patiuntur invicem, sed colores objectorum proprios in objecta charta singulæ suo modo repræsentant. Nec verò radii ab eodem lucido prodeuntes ob sui lucidi mutationem semetipsos poterunt interfecare, ut eâ ratione scintillantem corruscationem faciant: nam radii secundum rectas lineas à luminoso corpore protenduntur, quare loco corporis mutato, haudquaquam permanere potest radius, usque dum promotus lucido alius, velut undulatione factâ in subjecto densiore, sc. aëre vel æthere, interfecet eundem. Sed hæc si vera causa sit, cur non æquè scintillat Saturnus, satis rapidâ permicitate motus? cur quandoque Mars scintillat leviter, ut à Scaligero notatum, minori tamen circulo, minoreque adeo celeritate motus? Cur magis aliquando Venus? Quin imò cur non

- omnes Planetæ multò potiùs scintillant, quam Affixæ, si ex motu oriatur scintillatio? nam illi lumen magis tremulum effundere censendi sunt, cùm tremor sit compositus ex duobus motibus contrariis, quales posito diurno cæli motu Planetis assignandi sunt. Rursum verò, quænam causa assignabitur cur ejusdem celeritatis, claritatis, & magnitudinis stellæ, invicem vicinæ, non eandem scintillationem habeant? Cur, inquam, inter eas quæ vicinæ polis sunt, aliæ magis crispant lumen, aliæ verò minùs? similiter & inter eas quæ Æquatori sunt viciniore? Et cur nonnullæ quæ sunt polis propiores, majorem scintillationem exhibent, quàm nonnullæ quæ ad Æquatorem spectant propius? cùm ad Æquatorem tamen rapidissima celeritas existat; minor verò cæli raptus sit ad partes polo propiores, ubi sc. circuitus absolvitur eodem intervallo temporis,
12. quo longè majori propè Æquatorem. Hæc igitur rejectâ ratione alii III<sup>o</sup>. non esse eandem in omnibus scintillationis causam asserunt. Ita namque Scaliger Exerc. 63. *Stella quæ sunt in Lactea* (albicans per cælum exporrecta plaga est, ex vastissima ac confertissima stellarum minutissimarum multitudine, Galaxia, seu via lactea dicta; non vapor è Terra assurgens, seu meteorum, ut seq. quæst. dicemus,) *non crispant lumen suum: Parvitas igitur causa est, vel debilitas. Quæ ad polum, minùs vibrant: afferemus his pro causa tarditatem. Quæ in Oriente aciem tremulam quatiebant, eadem in cæli verticem ubi*
14. *successere, minùs id agunt: Hoc à vaporibus evenire judicandum est.* Verùm enim verò, quod parvitatem aut debilitatem stellarum incuset Scaliger, temerè ac sine ratione fit: parvis nempe rebus natura æquè inest, & aptitudo, eaque magis sæpe vegeta, magisque disposita, quàm majoribus: hinc alibi in cælo minores quasdam
15. stellulas magis scintillare cernimus, quàm alias majores. Debilitas igitur visus culpanda potiùs, quàm in cælo minutissima non tam exactè comprehendimus, Quòd si verò nulla scintillandi facultas à natura data sit quibusdam, non parvitati aut debilitati illud assignandum est; sed naturali constitutioni. Causa verò scintillationis in iis, ubi locum habet, est investiganda. Porro ad polum minùs scintillare ait stellas, ob motum diurnum tardiozem. At
16. cælo

cælo motus ille non videtur convenire : quem si tamen largiamur , non esse causam scintillationis antea ostendimus. Tandem à vaporibus crispationes stellarum orientium augeri docet : at sanè interim cur in cæli vertice non cesset scintillatio , ex alia petendum ratione est. IV<sup>o</sup>. A corpusculis quibusdam ergo , visui ac stellis interjectis , alii causam accersent. Quippe , veluti fumus visui & objecto visibili interjectus tremulam objecti speciem exhibet ; ita interjecta aëris & vaporum corpuscula variè agitata , astrorum tremulam nobis exhibere speciem existimant. Et sicuti tremulus aër , ob vaporosam excretionem , extremos Solis radios nobis tremulos præbet , ita & eundem tremulam præbere stellarum imaginem. At certè nimis dissimilia hæc sunt : Neque enim fumus , & aër 17. tempore sereno , præsertim qui vertici imminet , ejusdem sunt crassitici : attamen vel cælo serenissimo stellæ nobis verticales scintillant. Haud verò existimandum est , idem quod ob fumum oculis nostris proximum , ac valde constipatum , visibili objecto evenit , corporibus quoque longissimè distantibus ob exhalationes subtilissimè diductas , ac veluti in aëris substantiam conversas , evenire. Quod autem Solis radii Terræ vicini tremuli dicantur , nihil 19. aliud est , quàm exhalationem crassiore stipatamque , fumo vulgari non absimilem , vi æstuantis Solis è Terra eductam , tum ob magnam crassitiem ac densitatem , tum ob exiguam à visu distantiam , coruscationem aliquam efficere , quando Solis splendore perstringitur : in exhalatione enim ejusmodi crassa reflexiones radiorum solarium multiplicantur , aut variæ lucis & umbræ fiunt mixturæ , præsertim si ex obliquo , non è directo , Soli objectus vapor conspiciatur : quod idem juxta Solem horizonti proximum , præsertim tempore verno , solet accidere. At de superiore aëre , ac debiliore stellarum lumine idem non est asserendum. Et si quidem ob talia interjecta corpuscula scintillatio stellarum oriretur , simili ratione scintillare deberent tum fixæ omnes , tum ipsi quoque Planetæ. Deinde , magis micarent stellæ tempore æstivo , quando densiora ac copiosiora corpuscula in aëre obversantur , quàm rigidâ ac serenissimâ brumâ. Cui tamen utrique experientia reclamation. Quin 20.

- tamen interjectæ exhalationes nonnunquam scintillationem stellarum augeant, haud penitus negamus. V<sup>o</sup>. Alii verò scintillationis causam referunt in celerrimam stellarum circa axes proprios circumvolutionem, & dissimiles earundem figuras, variosque colores, quòd aliæ partes rariores sint, aliæ densiores, veluti in Luna quoque maculæ apparent. Circa axem enim commotæ, aliæ quidem velocius, aliæ tardius, mox rariorem mox densiorem partem oculis obicere creduntur: adeoque prout maculæ vel plures sunt, vel major circumvolutionis est celeritas, pluresve anguli, ita magis scintillare. Simili penè modo quo trochus variegatus, dum celerrimè circumagitur, colorem confusum, ac veluti diffusum crispantemque exhibet. Hæc sententia forsan nonnihil probabilitatis habere videbitur, partimque scintillationis causam reddere, quam scilicet ex ipsis stellis eruit: at difficultates tamen graviores itidem adjunctas habet, quàm ut planè queat rei satisfacere. Namque maxima illa corpora incredibili celeritate circa suos axes contorqueri deberent, ut momentis singulis illâ sui circumvolutione vel centies vel sæpius maculas angulosque mutarent. Nec rationi consentaneum haberi potest, angulares figuras stellis esse assignandas: quibus certè ad motum minus aptæ redderentur, quas tantâ celeritate circumvolvi natura voluisset. VI<sup>o</sup>. Censent ergo alii scintillationis causam radiorum Solis ad visum nostrum reflexioni adscribendam esse. Quæ certè ratio haudquaquam potest obtinere locum in systemate Copernicano; ubi tanta Fixarum à medio Universi distantia statuitur, ex dimensione Lansbergii, quæ irrat Solem apud fixas vel omnino insensibilem obtinere anguli visionis quantitatem, ita ut omnino non appareat, vel si appareat, diametrum tamen offerat quantitate 5. minutis tertiis minorem: ita ut visualis angulus Solis vix sexagesima pars sit visionis anguli, quo stellas sextæ magnitudines è Terra contuemur: adeoque Sol apparet prope Fixas neutiquam granum papaveris exæquare queat. At quæ à tam pusilla quantitate Solis apparente luminis communicatio proveniet? quæ radiorum permixtio? quæ tandem reflexio? Nobis equidem, qui Terram Universi medio affigimus, Solis quantitas non ita

non ita prope stellas fixas imminuitur: adeoque ratio vero similior videri potest; ac eò quidem magis plausibilis, quòd fortè causa inde reddi posset, cur non æquè scintillent Planetæ? nimirum, quia propriâ destituantur luce, adeoque proprios radios cum radiis solaribus commiscere nequeant. Sed tamen causa nondum sufficit, 25.  
 si quidem purus & æquabilis æther stellas proximè ambire statuitur. Radius enim Solis cum radio stellarum quâ ratione ita commisceri queat, vel improprie loquendo, ut crispet lumen, seu scintillationem præbeat, non satis mente potest concipi. Nihil enim est in lympido æthere, quo figantur aut sistantur radii, qui nec invicem obsistunt, aut reflexionem seu crispationem in se faciunt. Intenditur quidem stellarum lumen, lumine solari; at æquabiliter, quippe nulla causa est diversitatis, & æquabili semper modo purissimo ætheri commixtum Solis atque stellæ lumen communicatur. VII<sup>o</sup>. Causam igitur scintillationis tandem referimus 26.  
 in materiæ densioris è corpore stellari ejaculatæ ac elicite, ipsas stellas singulas atmosphæræ instar, non tamen æquali quantitate ac densitate omnes ex æquo, ambientis copiam; quæ radios lucidos stellæ Solisque permixtos variè vibrat, ac reflexione variâ refundit, dum continuè pars alia assurgit, aliæque ad suam originem gravitate propriâ refluit, ac quasi ventis, ut in atmosphæra nostra fieri assolet, agitur diversimodè. Hanc stellarum crassiorum materi- 27.  
 am, ipsas stellas ambientem, exactè satis conspicatus est telescopio suo Galileus de Galileis in Nuncio sidereo, ubi inquit: Annotatio-  
 ne dignum est discrimen inter Planetarum atque fixarum stellarum aspectus: Planeta enim globulos suos exactè rotundos & circinatos objiciunt, ac veluti lunule quadam undique lumine persusa orbiculares apparent. Fixa verò stella peripheriâ circulari nequaquam terminata conspiciuntur; sed veluti fulgo-  
 res quidam radios circumcirca vibrantes atque admodum scintillantes, consimili tandem figurâ prædita apparent, cum perspicillo ac dum naturali intuitu spectantur. Ex qua observatione manifestè docetur, non solum- 28.  
 modò immateriale lumen à fixarum corpore diffundi aut reflecti; circumlucens enim lumen tubo demitur, ut idem Galilæus testatur: sed verè materiam quandam illuminatam circa stellas fixas obser-  
 vari.



- fari. Quæ quidem alibi copiosior ac densior, alibi minùs copiosa rariorque existit, ac circa unam eandemque stellam non semper uno eodemque modo sese habet, ut circa terrarum orbem evenire
29. cernimus: à qua diversitate scintillationis oritur diversitas. Atque ita verè Scaliger ait Exerc. 63. *Cùm stellis omnibus globi figura sit, videntur tamen radiata adeò, ut in picturis eam sibi speciem vendicarent. Id ex luminis vi sese spargentis, non sine quodam motu, qua sit propria natura siderum ejusmodi.* Motus certè rei immateriali convenire nequit, sed materialiac corporeæ, nimirum, quam ipsa substantia stellarum
30. spargit. Quamvis autem ipsos quoque Planetas propria atmosphæra cingat, tenuiores tamen illæ exhalationes sunt, quod aspectus per tubum docet, qui teste Galilæo superiùs citato loco, Planetarum globulos exactè rotundos & circinatos deprehendit, secus ac fixarum stellarum, in quibus fixis majori copiâ existens ignis, (unde propriâ luce fulgent, secus ac Planetæ qui sunt præter Solem,) crassiores fuligines eructat. Ac licet circa Solem quoque eædem crassiores sæpenuerò oberrent, quod maculæ solares testantur, leviozem tamen, quæ inde exoritur, crispationem luminis intensius Solis lumen absorbet; quod etiam de Luna dici posset, quæ vicinas quoque stellas integras abscondit. Dictam verò scintillationis causam per intervalla juvat altera forsan, gyratio nempe, utcunque celeris, stellarum fixarum, circa proprium axem, quæ clariore quasdam stellarum partes cum obscurioribus seu maculosis confundit, ac crispationem subinde eâ ratione intermiscet.
32. Cui utique tertiam conjungi quandoque, ab exhalationum in nostrum aërem evectarum reflexione & refractione mutabili variaque desumptam, quâ intendatur scintillatio, haud admodum absurdum judicamus. Quippe, ut Scaliger inquit cit. loco, *de aëris vaporosi motu non est dubitandum: quatis enim speciem & dispergit,* eo modo quo diximus. Atque ita verum esse potest, non unam esse scintillationis causam: Alias verò forsan, melioresque sequens ætas
33. dabit. Macti ergo ingenio esse cæli interpretes, rerumque natura capaces, ut cum Plinio hortemur: Argumentum in natura repertum est, quo statos siderum labores animo volventes, nostræ necessitati mortales geniti ignoscamus.

QUÆST.

## QUÆST. VI.

## Via Lactea quid sit?

**I**Nterea quæ in cælo oculis nostris conspicua deprehendimus. non prætereunda Galaxia, seu Lactea Via, est, ab albedine ita dicta, de qua Ovid. lib. 1. *Metamorph.*

*Est via sublimis cælo manifesta sereno,*

*Lactea nomen habet, candore notabilis ipso.*

Vulgo γαλαξία, itemque ὁ τῷ γαλακτος ἢ γαλακτίας κύκλος *Lacteus* *circulus* dicitur: *Arist.* 1. *meteor. cap. 8.* τὸ γάλα *Lac* appellat. Ipse *2.* *circulus* (à Septentrione in Austrum exporrectus, ac cælum quasi in duo hemisphæria dividens,) fertur per *Sagittarium* atque *Geminos*, ut *Plinius lib. 18. cap. 29.* ait, *Solis centro bis æquinoctialem circulum secans, commissuras eorum obtinente hinc aquilâ, illinc caniculâ.* Plenius regionem hujus circuli & ductum describit *Manilius lib. 1.* De hu- *3.* jus natura & origine diversimodè passim fabulantur Poëtæ: nec inter Philosophos de eodem satis constat. Ex lacte Opis, vel Junonis ortum nonnulli fingunt, cujus portio in eam cæli regionem sit effusa, dum Hercules illud sugeret, ut refert *Cal. Rhod. Antiq. lib. 6. c. 7.* Aliis via est, in qua Apollo adversus Gigantes pugnavit. *Aristoteles* cit. loc. Pythagoricorum nonnullos viam statuisse ait, productam *4.* à stella quapiam, deferente locum suum, in ea cæli conflagratione, quando Phaëton malè Solis curiūm regeret: alios verò eorundem Solis antiquam viam credidisse. Aliis via animarum est; *Circulus Beatorum* copia refertus; sedes Heroiū; via ad divum *Jacobum* ducens. *Ovidio* cit. loco

*Hæc iter est superis ad magna testæ Tonantis.*

*Theophrastus*, referente *Macrobio*, de *Somnio Scipionis*, eam Cæli Zonam densiorem esse credidit, & compagem duorum hemisphæriorum. Non defuere, qui locum transpirationis Mundi crediderunt, ne extinguatur ignis: ac per hunc purgari ipsum Mundum. *5.* *Diodorus*, referente *Macrobio*, coacervatum ignem esse dixit, in unam curvi limitis semitam. Alii refractione seu reflexione visus

- nostri ad ipsum Solem, fieri putarunt: quam sententiam nonnulli Hippocrati attribuunt; at ea variis rationibus rejicitur ab *Arist.* cit. loco. Sed neglectis hisce opinionibus, Aristotelis sententiam,
6. quæ dudum fuit receptissima, examinabimus. Is ergo ipsi cælo Viam Lacteam non tribuit, sed inter meteora eam refert, ac in aëre esse statuit, quippe ex calida & sicca exhalatione, eum in locum eversa, seu quæ à densissimis, plurimis, ac maximis stellis, quæ circa eam regionem sunt, attracta sit, constare: quam perinde se habere ad universam illam cæli Zonam ait, ac crinitum si-  
 7. dus se habet ad stellam unam: perpetuari verò continuâ vaporum attractione, quam sidera circa eam cæli regionem frequentia efficiant. At profectò, si inter meteora hic circulus referendus esset, non tanta utique figuræ ductusque seu processus constantia foret, nec idem ad amussim locus ac situs, non eadem semper quantitas, quam perpetuò servari animadvertimus, ut ne vel minima mutatio in eo tot jam sæculis sit orta: In meteorologicis enim omnia inor-  
 8. dinatè fiunt; nec idem semper observatur modus. Et quod tandem solidissimè refellit Aristotelem, parallaxi circulus ille lacteus, siquidem esset in aëre, haudquaquam destitueretur, cum ne ipsa quidem Luna altior omni parallaxi careat: At huic eventui reclamationem  
 9. tot ætatum constans experientia. Ad verum propiùs accedunt omnes qui in cælestem regionem Galaxiam transferendam censent. Philoponus hanc credidit colorem proprium illius partis cæli, cujus causam tradere non sit in nostra potestate. At alii rectissimè ingentem multitudinem stellarum, asserunt, quarum lumen nobis tantum, non itidem figuræ singularum distinctè in cernendi sensum cadant; quam equidem sententiam nunc certior experientia, per telescopiorum usum, probat. Nec penitus Antiquis ignorata fuit ipsa veritas. Quippe *Anaxagoras* ac *Democritus*, ut refert *Arist.* 1. *Meteor. c. 8.* Galaxiam quorundam siderum lumen esse dudum  
 10. statuerunt. Haud verò interim ferenda est sententia *Fr. Piccol. lib. de meteor. cap. 9.* quâ ut sententiæ Aristotelicæ quodammodò patrocinetur, duplicem viam lacteam constituit: cælestem quidem alteram; alteram verò elementarem, ac inter meteora referendam: quarum

quarum illa hujus causa sit, hæc illius sit effectus. Quamvis enim 11.  
 copiosiores stellæ copiosiores halitus elicere è terra possunt, non  
 tamen illi halitus sic ordinatum situm atque ordinem perpetuò ser-  
 vabunt atque ipsæ stellæ: cùm exhalationes sint instabiles, ac va-  
 riis modis agitentur; variisque causis copia earum augeatur atque  
 minuat: ac ipsa certè parallaxis manifestè tale meteorum prode-  
 ret. Quod si verò numerosa talis cœlo insit multitudo siderum, 12.  
 quam inesse certò constat, quis tandem audacissimæ arrogantia  
 mortalis ad certum numerum stellarum multitudinem expander?  
*Vix conicimus*, ut cum Sapiente dicamus, *ea quæ in Terra sunt, &*  
*quæ ad manus sunt laboriosè invenimus: Quæ autem in cœlis sunt quis perve-*  
*stigabit?* Majora sanè ac nobiliora magni nostri Dei atque genitoris  
 opera credamus, quàm imbecillis noster sensus ea comprehendit.

DISPUTATIO VNDECIMA

De

TERRARUM ORBE,

QUÆSTIO PRIMÆ.

*Cujus figura sit nostra hæc Terra & Aquarum moles?*



Edes homini regnumque hæreditarium, à Deo su-  
 premo rerum omnium Monarcha, assignata est hæc  
 terræ & aquarum moles, quam solius Terræ no-  
 mine sapius consuevimus indigitare: In hac scru-  
 tator operum Dei, & admirator gloriæ divinæ,  
 imperium exercet ipse homo in animantia cætera  
 quævis, quæ ipsa hæc congeries sustentat ac fovet. Ne igitur pe-  
 regrini habeamur in natali solo, patrique regni inutiles hæredes,  
 imperii

- imperii quoque nostri limites, & amplissimi regni tractus, situsque ratio ad animum revocanda erunt propius. Varias Terræ figuras assignârunt antiqui Philosophi. Alii enim planam crediderunt, inter quos Empedocles, & Anaximenes: alii cavam, ut Democritus; similiterque Heraclitus, qui Terram *καρσοειδῆν* *scaphæ in modum excavatam* pronunciavit: alii *κυβοειδῆν* & *τετραγώνου* *cubicam & quadrangularem*: alii *πυραμοειδῆν* *pyramidalem*, seu in fastigium assurgentem dixêre. Quos omnes solidè refellit Cleomedes lib. 1. *circularis inspect.* Non defuerunt alii, qui *τυμπανοειδῆν* *tympano similem* prodiderint, ut Leucippus: Alii *κυλινδροειδῆν* *cylindri figura æmulam* pronunciârunt, velut Anaximander. Quipsi quoque argumentis à Cleomede productis facîle refutari possunt.
3. Nos terram & aquas in unam sphæram seu globum conglomeratas esse statuimus, (unde terræ & aquarum Orbem dicimus,) omnibus undique gravitatis suæ nisu vergentibus in centrum: sic naturali pondere stare pendentem, ut ait Plinius, *librantem per que pendeat.*
  4. Quam quidem figuram, ut dudum consensus Sapientum confirmat, sic ratio & experientia demonstrat. Prius namque Sol reliquaque sidera orientia emicant ad Orientem sitis propius; posterius ad Occidentem longius remotis refulgent: citiusque Persis Sol illucescit quàm Hispanis. Persæ namque ad Orientem habitantes, ut Cleomedes inquit lib. 1. *quatuor horis dicuntur primi Solis jactus excipere, antequam Iberi excipiant Occasum habitantes.* Ideo nec nox diesque quævis eadem toto orbe simul: oppositu globi noctem, aut ambitu diem afferente. Multis hoc cognitum experimentis, inquit Plinius lib. 2. cap. 71. In Africa Hispaniaque turrium Annibalis; in Asia verò, propter piraticos terrores, simili specularum præsidio excitato: In quædam prænunciarios ignes, sextâ horâ diei accensos, sæpe compertum est tertiâ noctis à tergo ultimis visos. Simile exemplum subjungit ibidem: Alexandri cursor Philonides, ex Sicione Elin mille & ducenta stadia novem diei consecit horis: indeque, quanvis declivi itinere, tertiâ noctis horâ remensus est sapius. Causa quoddam euntium Sole iter, eundem remeans obvium contrario præter-
  6. vertebat occursum. Plinianis hisce exemplis rei veritatem optimè adumbrantibus, ratione temporis rudiori calculo designati, fortassis

tassus ex parte ignoscendum est. Pulcherrimum quoque illud quod subjungit, si non nimis rigide spectetur tempus: Ad occasum navigantes, inquit, quamvis brevissimo die vincunt spatia nocturnae navigationis, sc. in contrariam plagam institutæ. Luculentissimum in hanc rem experimentum narrat Antonius de Herrere in descrip. India Occid. seu navigat. austral. Jacobi le Maire. Cum ad civitatem Bandam pervenissent, à præfecto illius loci omnia illorum bona arresto gravata & detenta fuisse narrat: Accidit hoc, inquit, ipso Sanctorum omnium festo, secundum computationem nostram; secundo autem, si nostra gentis computationem spectes. Ratio diversitatis est, quod è patria tellure Occidentem versus tendentes, Terra jam globum unà cum Sole obivissemus, ideoque semel minus nobis occidisset Sol, quam nostratibus. Is verò qui ab Occidente Orientem versus profecti fuerant, semel plus ortus fuit Sol: quod ipsum 24. horarum discrimen importat. Ideoque computationem nostram mutare coacti fuimus, & omisso unico die, Martis nempe, à die Luna ad Mercurii diem saltum fecimus, ita ut sex solummodo dierum esset hac septimana. Adeoque ipsa Terræ & aquarum globositas jucundum Theorema suggerit, quo homines uno eodemque temporis momento natos, ac unà rursus mortuos, multitudine dierum vitæ ab invicem discrepare posse pronunciamus: seu Problema docet ipsa solvere, quod septimanam die mulctare jubet, nulla temporis particulâ deperdita. Eandem verò Terræ per Orientem & Occidentem figuram orbicularem arguunt Eclipses Lunæ: quæ si duobus observentur locis, inter Orientem & Occidentem ab invicem distantibus, ipsumque deliquii initium notetur in loco qui ad Orientem magis vergit, horâ noctis quâcunque, v. g. quartâ, idem in loco Occidenti magis vicino eandem horam quartam antevertet, pro ratione distantiae, quæ inter duo illa loca intercedit: horarum verò in priori loco excessus declarat ibi Solem prius occidisse, quàm in posteriore. Atque ita Defectus Solis ac Luna vespertinos, ut ait Plinius lib. 2. cap. 70. Orientis incolæ non sentiunt; nec matutinos ad Occasum habitantes: meridianos verò sæpius. Nobili apud Arbela, inquit idem, Magni Alexandri victoriâ Luna defecisse noctis horâ secundâ prodita est, (nempe cum jam ipsa supra Horizontem longius extaret,) eadem-

11. *eademque in Sicilia exoriens.* Similiter inter Austrum ac Septentrionem orbicularis Terræ figura sese prodit eo, quodd non eadem ubi-  
vis sub diversa latitudine spectentur astra: progredienti namque ab  
Austro ad Boream plures ab hac parte perpetuò apparentes stellæ  
conspici incipiunt, quæ antè occidebant; à parte verò australi  
quædam semper occultari, antè in conspectum provenire solitæ:  
contententi verò hinc ad Austrum contrariâ ratione evenit. Atque  
ita accidit ut nobis septentrionalis plagæ sidera nunquam occulten-  
tur; contrâ meridianæ nunquam oriantur: rursus hæc ab iis qui  
sunt Austro propiores cerni nequeunt, terrarum globo contra me-  
dium aspectum sese attollente.
12. Navigantium cursus inter Septen-  
trionem & Austrum hæc maximè declarant & ostendunt, subito  
conspicuis, & veluti è freto emergentibus sideribus, quæ post  
convexum globi latitabant antè; aliisque rursus globi se conden-  
tibus anfractu, quæ extabant. *Septentriones*, inquit Plinius cit. loco,  
*non cernit Trogloditice, & confinis Egyptus: nec Canopum Italia, &*  
*quem vocant Berenices crinem, &c: Adeoque manifestò fastigium curvatur,*  
*ut Canopus quartam fere partem signi unius supra terram eminere Alexandria*  
*intuentibus videatur: eadem in Rhodo terram quodammodò ipsam stringere;*  
*In Ponto omnino non cernatur, ubi maximè sublimis septentrio: Idem à*
13. *Rhodo absconditur; magisque Alexandria.* Sic eadem propioribus sub-  
limiora in cælo videntur, humiliora magis remotis. Et quæ nunc  
vertici nostro innuinent stellæ, in aliam Terræ devexitatem trans-  
gressis versùs Boream aut Austrum subsidunt, & aliæ ibidem ad  
culmen verticis se tollunt: nec ubivis terrarum eadem servantur  
dierum noctiumque magnitudines. Quæ certè omnia nisi in sphæ-  
rica figura accidere non possent.
14. Similiter cùm in mari, quocun-  
que terrarum loco, terram versuiter instituimus, primùm pro-  
montoria se produnt, cùm littora maris culmine interjecto etiam-  
num occultantur: deinde culmen ipsum prætervectis humiliora
15. quoque visui se pandunt. In ipsa quoque navi quæ è tabulato non  
cernuntur, malum conscendentes cernimus, tumore maris supe-  
rato: cùm è portu solvimus, ipsa primùm scapha occultatur;  
postmodum & ea quæ ad malum attinent: ad littora cum ap-  
propin-

propinquat navis, primùm vela in conspectum se attollunt, inferioribus fastigio aquarum abditis; mox ipsa quoque scapha altius emergit. Quæ omnia globosam orbis terrarum manifestè arguunt figuram. Hanc ipsa quoque Terræ umbra demonstrat: quam-  
 16. cunque enim umbræ partem Luna patiens Eclipsin intercepit, orbiculari semper figurâ lumen evanescit, ac recuperatur. Globosa ergo terræ & aquarum est figura: non tamen ita ut & glabra dici queat: habet enim passim prominentias, ac iterum declivitates, ut figura esse pineæ nucis nonnullis apud Plinium dicatur. Orbem certè  
 17. dicimus Terra, inquit ipse, globumque verticibus includi fatemur. Neque enim absoluti orbis est forma in tanta montium excelsitate, tanta camporum planitie; sed cuius amplexus, si capita linearum comprehendantur, ambitu figuram absoluti orbis efficiat. Et, ut cum Eratosthene dicamus, σφαίροειδὴς ἢ σφύρασσα, ὥς ἐκ τόβου ᾗ, ἀλλὰ ἔχει τινὰς ἀνωμαλίας, Globosa quidem est universa: non tamen quasi torno rotundata, habet enim  
 18. quasdam inequalitates. Quin ipsum quoque mare universum terris est humilior, seu breviores rectæ sunt è centro orbis ad aquarum, quàm ad terræ superficiem, traductæ: hæc receptacula præbente  
 19. ipsis aquis; illis verò in decliviora loca confluentibus, interimque se in sphæricum tumorem attollentibus: quod, singulari providentiâ Dei, artifex natura ita formâsse credi debet, ut aridâ passim prominente, habitacula convenientia darentur animantibus. Sic  
 20. verò ad miraculum non redit, quomodo etiamsi conglobetur, extremum tamen mare nunquam decidat, aut terram tegat: nempe, margine velut obice evectioris terræ intercludi, totaſque omni ex parte aquas in centrum vergere existimandum est: ideoque nec reverti ad operiendam terram aquis altiore, nec decidere, quoniam in interiora omnes aquæ liquores nituntur. Apage ergo illorum nugæ, ut cum Thoma Lydyæ dicamus, qui mare terrâ altius esse somniant, quod non solum cum Hebræorum literis, tum alibi, tum secundo mandato Decalogi moralis pugnat è diametro; sed neque ipsi Aristoteli, cuius doctrinæ maximè interfuit, in mentem venit. Ac multo magis ridiculum hinc deprehenditur Francisci Patricii novi Philosophi deliramentum, negantis aqua omni ex parte vergentis in centrum, ut Plinius loquitur, superficiem rotundam esse,



- dam esse; sed planam: quod alioqui ipsam navigiis trajici non posse, utpote medio altiore, diceret. Cui quidem homini, inquit ille, cum usque ad  $\alpha\gamma\alpha\mu\epsilon\tau\epsilon\tau\alpha\varsigma$  fuerit, ut non intellexerit, quid esset rotundum, sed pro ea gibberum sive protuberans acceperit, introitus in Scholam Platonis &
21. Philosophorum prohibendus fuerat. Ipsa verò illa terrarum scabrities, quam montes ac declivitates inferunt, haud multum ad eò demit orbis globositati: Nam, ut *Abulfeda*, præstantissimus Geographus Arabs, colligit, ea ratio statuitur altissimorum montium ad terræ diametrum, quæ est septimæ partis grani ad cubitum, qui 24. digitorum sit, hoc est, quæ 1. ad 1008. (habent enim singuli digiti grana 6.) Seu, cum diameter terræ ex dimensione *Snelli* sit 2178. mill. holland. altissimi autem, qui in Universo sunt reperti montes, antehac à nobis demonstrati vix  $1\frac{1}{2}$ -aut 2. milliar. æquare altitudinem, erit sanè ratio protuberantiæ altissimæ ad ipsum orbis terræ & aquarum diametrum haud major quam 1. ad 1089. quæ certè insensibile quid demit exactissimæ globositati Terræ: ac multò certè minus, quam vel maximæ in Luna prominentiæ, quas tubus opticus, non secus ac vastissimas appendices, ad oram Lunæ nobis exhibet, rotunditati ejus auferre quicquam oculi judicio videtur.
22. Perinde enim est propemodum, ut inquit *Cleomedes*, præsertim si minores aut mediocres spectentur montes, ac si in pila sit pulvisculus quispiam: & eminentia circa globulos platanorum, non prohibent eos esse globulos. Est ergo, ne vel ipsa quidem inæqualitate prohibente, globosa terræ & aquarum moles: quam Orbem ideo
23. convenienter appellamus. Ex dictis autem facile colligitur magnitudinis ex terra & aquis congestæ esse idem centrum. Nec verò gravitatis centrum multum diversum esse potest in utrisque, cum passim aquæ terram penetrent, ac mutuo implexu invicem jungantur: hæc sinus pandente, ut *Plinius* loquitur lib. 2. cap. 65. illà verò permeante totam, intrà, extrà, suprà, venis ut vinculis discurrentibus, atque etiam in summis jugis erumpente. Sed de communi centro pluribus agit *Clavius* comment. in cap. 1. *Sphæra* *Ioh. de S. Bosco*. *Fromund. metcor.* lib. 4. cap. 1. art. 2. *Connimbr.* 2. de cælo. cap. 14. quæst. 3. *Copern.* lib. 1. *Revolut.* cap. 3. & ibid. in notis *Mullerus*. Quare in eandem rem hæc
- plura

plura non adjicimus. Cessat quoque illa *ingens pugna literatorum con-* 24.  
*træque vulgi*, ut Plinius cit. loco ait, *circumsundi terra undique homines,*  
*conversisque inter se pedibus stare, & cunctis similem esse cæli verticem,* si-  
*mili modo ex quacunque parte mediam calcari: illo quærente cur non decidant*  
*contrà siti: tanquam non & ratio præstò sit, ut nos non decidere mirentur illi.*  
Nec argumentis hoc investigandum ampliùs; sed experimentis du-  
dum satis id habemus exploratum.

## QUÆST. II.

*An Terra sit in Univerſi medio? punctique rationem habeat?*

**T**ERRAM in medio Univerſi eſſe ſitam ex eo docet Cleomedes,  
ſimiliter ac Ptolemæus, quod neque ad Ortum, neque ad  
Occaſum; neque ad Septentrionem, neque ad Meridiem accedat  
propiùs; nec ad verticem vergat, nec à vertice longiùs recedat.  
Ac inter Ortum quidem & Occaſum medio loco ſitam eſſe Terram  
inde patet: quòd ſi ad Ortum eſſet propiùs, umbræ ſurgente Sole  
forènt breviores; vergente ad Occaſum in longius protenderentur:  
quò enim lucida corpora viciniore vertici exiſtunt, eò breviores  
fiunt umbræ; quò longiùs à vertice remota ſunt, eò longiores.  
Similiter, cùm ſtellæ ſunt in Ortu, majores cernerentur ob vici- 2.  
nitatem; quàm cùm ſunt in Occaſu. Quin & diei tempus quod in-  
ter ortum Solis intercedit & meridiem, duratione minus foret,  
Sole breviori intervallo conſcendente ad Meridiem: imò, eo quod eſt  
à Meridie uſque ad Occaſum. Contraria verò evenirent omnia, ſi  
ad Occaſum propiùs accederet. At nihil evenit eorum omnium:  
Terra ergo inter Ortum & Occaſum inediat. Nec ad Septentrio- 3.  
nem magis ſita eſt: ſic enim umbræ magis ad Septentrionem ver-  
gerent. ſi ad Meridiem, eòdem quoque umbræ inclinarent, cùm  
oriante, tum occidente Sole. At nihil horum evenit: ſed orien-  
te Sole circa æquinoctia, ad æquinoctialem occaſum umbræ decli-  
nant; Occidente verò circa ea loca Sole, ad æquinoctialem ortum.  
In hybernis ſolſtitiis oriante Sole ad æſtivos occaſus umbræ pro-

A a

tendun-

- tenduntur; occidente ad æstivos ortus: In solstitiis æstivis exurgente Sole, ad occasus hybernos concedunt umbræ; occidente
4. Sole in hybernos ortus, Si propius ad verticem accederet, cœli hæmisphærium supra terram nunquam appareret, nec extaret semicirculus Zodaci, aut dimidium Equinoctialis: quare Sole etiam in Equinoctiali consistente, dies tamen minor foret ipsa nocte. Si longius à vertice recederet, contraria evenirent omnia. Non igitur ad verticem propius acclinat Terra, aut ab eo longius reclinat: Cùmque neque propius ad Ortum aut Occasum, nec ad Septentrionem aut Meridiem accedat, tenere ipsum Mundi medioximum
  5. necesse est. Rectè ergo Plinius lib. 2. cap. 69. Terram esse mediam Mundi, haud dubiis constat argumentis; sed clarissimè æquinoctii paribus horis: nam nisi in medio esset, aequales dies & noctes haberi non posseprehenderunt & dioptra, quæ vel maximè id confirmant: cùm æquinoctiali tempore ex eadem linea ortus & occasus cernatur; & solstitialis ortus per suam lineam brumalisque occasus: quæ accidere nullo modo possent, nisi in centro esset sita. Hæc porro si in se spectetur, aut ad mensuram nostram revocetur, reverà puncti rationem nequit obtinere: est enim satis ampla, tot regionibus ac regnis distincta, tot circumfusa inaribus, tot interfusa fluviis, tot gestans sylvas ac deserta spatiosa; tot lacus ac stagna habens, tot elata in cœlum & ardua aspectu iuga;
  7. tot humani ingenii machinamenta gerens. Mensuras autem variorum varias, quas orbi terrarum tribuunt, & mensurandi rationes, passim extant, apud Cleomedem de circular. theor. lib. 1. Ioan. à. S. Bosco cap. 1. & Clavius ibid. Franc. Maurolyc. lib. 3. Cosmographia, Rob. Huesium de globis part. 3. cap. 2. itemque Snellium in Eratosthene Batavo, ubi ipse Veterum mensurandi modos examinat, & ad trutinam τῆς ἀκρίβειας expendit: accuratissimam verò solertissimamque suam dimensionem exponit, quæ unius gradus amplitudinem in maximo circulo definit 28500. perticarum quantitate, quarum 1500. milliar. unū hollandicum absolvunt, quod est commodum unius horæ iter: adeoque gradus unus illi continet milliar. holland. 19. ambitus verò totus milliaria 6840. ipsaque terræ dimetiens est milliar. 2178
  8. Nec verò si ad orbem Solis aut viciniorum Planetarum referatur

Terræ

Terræ moles, omnis ejus quoad sensum evanescit quantitas. Diametro namque Solis ad diametrum Terræ se habente ut 11. ad 2. dum Sol pedalis nobis cernitur, in loco Solis existente oculo cerneretur Terra instar  $\frac{2}{11}$  unius pedis. Hinc & distantia inter centrum Terræ & ejusdem superficiem diversitatem aspectus Solis importare potest 2. scrupulorum. Hæc tamen vasta Terræ moles, si cum Universi vastitate seu fixarum orbe conferatur, evanescere videtur penitus, ac insensibilis puncti rationem obtinere. Cum enim Terra sit in Universi medio, centrum quidem Terræ centrum quoque Universi erit, & planum universum cælum bisecans per Terræ centrum transibit. At ubique terrarum è convexo Terræ cæli dimidium conspiciamus. Adeoque planum illud, quod visus super Terræ superficiem diffunditur ad extremum usque cælum, nullâ sensibili quantitate dissidet ab eo plano, quod per Terræ centrum exporrigi concipitur: nec intervallum illud quod inter Terræ centrum ejusque superficiem intercedit, sensibilem ullam rationem obtinet ad ipsam cæli quantitatem: quod utique non eveniret, nisi Terra in Universi medio defixa, ad complexum universi cæli, puncti instar se haberet. Seu ut planius dicamus: nisi Terra, cum stellarum fixarum orbe comparata, tantillam obtineret quantitatem, quæ planè evanescat, ipsa inter centrum Terræ & ejusdem superficiem distantia, officeret cœlestibus observationibus exactius instituendis: at observationes, quæ ex suprema terreni globi superficie instituuntur, perinde sese habent, ac si in ipso centro Terræ essent institutæ, nec ullam parallaxin inferunt. Hinc duæ stellæ rubicundæ, altera Tauri, altera Scorpii, è diametro oppositæ, ita in quibusvis Terræ tractibus se habent, ut unâ oriente altera occidat, & contrà: quod sanè est indicium, oculum ubivis in convexo Terræ consistentem non secus se habere, ac si ipsum Terræ centrum, quod & Universi centrum est, teneret. Evanescentem hanc terrarum orbis, respectu cæli, quantitatem ipsæ quoque fixæ arguunt: quarum ex quæ in cælo minime distincte cerni possunt, demonstrantur ab Astronomis ad minimum majores decies & octies universo terræ & aquarum orbe: At minimæ stellarum puncto

- puncto similes apparent, si in Terra visus eas assequatur: quam ergo rationem obtineret hic terrarum orbis, si è stellis fixis ipse spectaretur? Profectò visum omnem penitus effugeret, licet vel
13. luceret instar Solis. Quemadmodum ergo amphorarum centena millia, si secundum se spectentur, magnitudinem ingentem habent; at si cum mari toto comparentur, omnino rationem nullam obtinent sensibilem: ita Terra, si per se spectetur sola, satis amplam videtur obtinere quantitatem, cujus sc. diameter est 2178. milliar. seu 3, 267, 000. partiarum; at perit ejus quantitas propemodum, collata orbi Solis, in ipsa autem Univerſi vastitate prorsus evanescit. Hoc ergo illud punctum est, ut Seneca exclamat *præfat. Quæst. natur. quod inter tot gentes ferro & igni dividitur. Mundi punctus*, inquit Plinius lib. 2. cap. 68. (*neque enim est aliud Terra in Univerſo*;) *hæc est materia gloria nostra, hæc sedes: hic honores gerimus, hic exercemus imperia, hic opes cupimus, hic tumultuatur humanum genus: hic instauramus bella etiam civilia, nutuis cadibus laxiorem facimus terram.*
15. Et ut publicos gentium furores tranſeam, hæc in qua conterminos pellimus, furtoque vicini cespitem nostro solo affodimus, &c: Punctum est illud, ut iterum cum Seneca dicamus, in quo navigatis, in quo bellatis, in quo regna disponitis: minima etiam cum illis utrinque Oceanus occurrit. Sursum ingentia spatia sunt, in quorum possessionem animus admittitur: at ita minimum secum ex corpore tulit, si sordidum omne deterſit, & expeditus levisque ac contentus modico emicuit.

### QUÆST. III.

#### *Qua sit Orbis Terrarum descriptio?*

- A**ccuratam Orbis descriptionem tradere Geographorum munus proprium est: nos rudi Minervâ solùm nonnulla eò pertinentia perstringemus: Antiquitus terrarum orbis in quinque Zonas fuit distributus, cujus divisionis primus autor dicitur Parmenides, ut
2. ex Posidonio refert Strabo. Mediam duasque extremas Zonas inhabitabiles crediderunt: illam, (quæ utrique Tropico interjacet,) propter

propter continuum Solis æstus, eamque torridam dixerunt; hæc,  
(orbicularia circa polos segmenta, Zodiaci verticibus descripta,) propter perpetuum frigus, quæ frigida appellatæ sunt: Quæ verò utrinque inter torridam & frigidas interjacent, temperatas nominârunt, commodeque habitabiles existimârunt. Hæc Zonas ter- 3.  
rarum orbis indigitat Poëta Ovid. 1. Metamorph. inquit:

*Vtque dua dextrâ cælum totidemque sinistrâ  
Parte secant Zone, quinta est ardentior illis:  
Sic onus inclusum numero distinxit eodem  
Cura Dei, totidem plaga tellure premuntur:  
Quarum qua media est non est habitabilis æstu;  
Nix tegit alta duas; totidem inter utramque locavit,  
Temperiemque dedit mixtâ cum frigore flammâ.*

Quamvis autem duas temperatas zonas, commodeque habita- 4.  
biles, Antiqui constituerint, habitatæ tamen terræ regiones uni-  
versas temperatâ zonâ boreali constrinxerunt. Strabo quantitatem  
habitatæ terræ inter Occidentem & Orientem definit 180. gradi-  
bus, seu semisse Æquatoris; at quantitatem inter Austrum & Sep-  
tentrionem vix ultra 42 gradus extendit, quippe cujus initium de-  
signat parallelo ab Æquatore  $12\frac{1}{2}$  grad. ad Boream distante, termi-  
num verò parallelo qui transit per loca Britannia borealiora stadiis  
circiter 4000, id est, gradibus  $5\frac{1}{2}$ . Ptolemæus eandem quantita- 5.  
tem, sc. 180. grad. ab Occidente in Orientem exporrectam exhibet,  
quam Meridiano qui per insulas Fortunatas, & eo qui per Sinarum  
Metropolin ducitur, definit: At quantitatem inter Austrum &  
Septentrionem 80 ferè gradibus extendit. Quippe initium illius  
statuit parallelum, qui ultra Æquatorem vergit ad Austrum gradi-  
bus 16. min. 25. finem verò parallelum constituit, qui per Thylen  
ducitur, gr. 63. ab Equinoctiali vergentem versùs Boream. At- 6.  
que ita cum terra habitata longius inter Occidentem & Orientem  
quantitate excurreret, quàm inter Austrum & Septentrionem, il-  
lam Geographi appellarunt longitudinem, hanc verò latitudinem.  
Aristoteles verò contrâ lib. 2. de cælo cap. 2. Terram secundum loco-

- rum differentias considerans, superumque & inferum secundum polos designans; latera verò Orientem & Occidentem, Aequatore quasi cingulo cincta: longitudinem Terræ inter Austrum & Septentrionem nominat, latitudinem verò ab Ortu in Occasum. Hanc verò universam tellurem habitatam insulæ in modum Oceano cinctam exhibet *Dionysius Afer* initio *Perieges.* Similiterque insulam fecere ante hunc *Homerus* & *Eratosthenes*, (quem teste *Eustathio* *Dionysius* in plurimis secutus,) ut apud *Strabonem* constat; & post eundem *Mela*. Ad Boream nempe dictæ illius insulæ mare glaciale constituerunt, Saturnium & mortuum dictum *Dionysio*; ad Orientem verò Eoium, quod *Sericum* vocatur, alluit; ad Meridiem Indicum *Ptolemæo* dictum, quod vulgò rubrum solet appellari, & *Æthiopicum*; ad Occidentem Atlanticum mare insulam claudit. Hanc insulam quoque tradit *Autor. lib. de Mundo, cap. 3.*
8. *Habitatam terram, inquit, in insulas & continentes divisit plurimum hominum sermo, ignorantium universam illam esse insulam unicam, Atlantico mari circumfusam. Multas autem & alias, interjecto freto huic appositas, longè sitas esse vero simile est, partim hac majores; partim etiam minores: nobis vero omnes, præter hanc, è conspectu remotas. Nam quod insulis nostris accidit undique, ut nostra maria eas alluant, idem habitata quoque terra contingit ratione maris Atlantici. Complures item alia terra insula rationem habent in universo mari sita: eorumque nonnulli prægrandes, prægrandibus circumfusa maribus. Plures ejusmodi insulas in mari spatioso sitas, at incognitas, respicit *Seneca*, ubi inquit: *Veniens annis secula seris, Quibus Oceanus vincula rerum Laxet, & ingens pateat tellus, Tiphysque novas detegat Orbes, Nec sit terris ultima Thyla.* Verè autem plures ejusmodi maximas insulas habet *Oceanus*. Quippe inventa jam pridem & descripta *America*; inventaque australis illa diffusissima tellus, quam senior ætas fortè recludet. Multa, ut *Seneca* ait *lib. 7. quæst. nat. cap. 31.* *venientis avi populus ignota nobis sciet. Multa seculis tunc futuris, cum memoria nostri exoleverit, reservantur. Pusilla res Mundis est, nisi in illo quod querat omnis Mundus habeat. Unde scio, inquit idem *lib. 5. quæst. cap. ult.* *annon aliquis magna gentis in abdito dominus, fortuna indulgentiâ sumens, non contineat intra terminos arma? an patet classes ignota***
- 9.
- 10.

ignota moliens? Nostram verò hanc insulam, *unam ipsam aliqui existentem*, ut *Dionysius* ait, *homines in continentes tres partiti sunt: Primam quidem Lybiam*, (seu *Africam* nunc vulgò dictam,) *pòst verò Europam, Asiamque*. Quæ quidem partes singulæ quibus terminis ab invicem distinctæ pridem sint, *Geographorum scriptis exhibetur*. Ex Oceano autem majores quidam sinus (ne quid de insulis minoribus dicamus,) influunt in ipsam hanc tellurem. Ab Occidente quidem ex Atlantico mari vastissimus ille per fretum *Herculum*, qui *mare mediterraneum* vocatur, quòd inter Europam, Africam, & Asiam interjaceat. A Ineridie ex mari Indico se inter terras ingerunt sinus *Persicus & Arabicus*: quorum hic propriè *mare rubrum* appellatur: non à rubedine aquarum aut arenæ, ut nonnulli putant; sed ab *Edom*, (quo nomine dictus fuit *Esau*,) & posteris ejus *Idumæis*, qui eum terræ adjacentem tractum occuparunt. *Edom* enim *rubrum* notat: hinc mare *Idumæum* à septuaginta Interpretibus ἰσχυρὰν *rubrum* redditum est. A Septentrione verò ex Oceano *Scythico* mare *Caspium* infundi voluerunt *Strabo*, *Mela*, *Plinius*, aliique. Sed hunc errorem experientia jam certior redarguit: dudumque aquam maris *Caspii* dulcem esse deprehendit *Alexander Magnus*, ac post eum *Pompejus*, ut apud *Solinum* *M. Varro* testatur. Mare hoc præruptis & excelsis rupibus magna ex parte clausum creditur, unde flumina tantâ vi devolvuntur, ut cum ad præcipitia pervenerint, aquam in mare, ne consperso quidem littorè, tam longè ejaculentur, ut littus quasi flumine contactum exercitiis sit pervium, referente apud *Strabonem* *Eudoxo*. Maxima certè flumina in hoc mare undique se exonerat, cumque inter medias terras situm sit, non tamen augetur aquis, certissimo argumento, eas per occultos ac subterraneos meatus, & veluti voragines quasdam absumi, ut ad alia maria deferantur; quod & frequentiores in eodem vortices coarguunt. Minores sinus hic non perstringemus; nisi quod & sinus nomine indigitari mereatur dudum, ille Antiquorū lacus *Flevus*, de quo apud *Plinium* lib. 4. cap. 15. qui nunc australe mare nobis, *de Zuyder Zee*, vocatur: quo mania hujus nostræ urbis *Hardervicenæ*, impetuosè satis aliquando, quatiuntur. Plenior exactior-



exactiorque orbis terrarum descriptio ex intima Geographia habenda est.

#### QUÆST. IV.

*An America Antiquis fuerit cognita?*

- N**on dubitasse Veteres de aliis insuper Terrarum tractibus majoribus, præter nostram Asiam, Africam, atque Europæ continentem, manifestum est ex iis quæ à nobis sunt prolata quæst. præced. Nec verò defunt argumenta, quibus statuamus cognitam Antiquis fuisse novum illum orbem, qui nobis ab Americo Vesputio, Inventore novo, dicta est America. Apud Platonem in *Timæo* Atlantidis insulæ memoria est, quam fuisse quondam contra fretum Herculeum, Africam & Asiam majorem, Ægypti Sacerdotes Soloni Atheniensi, (qui ante natum Salvatorem vixit annis circiter sexcentis,) narrant. Quam quidem historiam ita refert Plato: *Traditur vestra Atheniensium civitas, inquit Sacerdos quidam Soloni, restitisse olim innumeris hostium copiis, quæ ex Atlantico mari profecta propè jam cunctam Europam Asianque obsederant. Tunc enim erat fretum illud navigabile, habens in ore & quasi vestibulo ejus insulam, quam Hercules columnas cognominatis: ferturque insula illa Libyam simul & Asiam fuisse major, per quam ad alias proximas insulas patebat aditus, atque ex insulis ad omnem continentem è conspectu jacentem, vero mari vicinam. Sed intra os ipsum portus angusto sinu fuisse traditur. Pelagus illud mare, terra quoque illa verè erat continens. In hac Atlantide insula maxima & admirabilis potentia extitit Regum, qui toti insula illi, multisque aliis, & maxima terra continentis parti, præterea & his quæ penes nos sunt dominabantur. &c. Post hac ingenti terra motu jugique diei unius & noctis illuvione factum est, ut terra dehiscens vestros i los in omnes bellicosos homines absorberet, & Atlantis insula sub vasto gurgite mergeretur. Quam ob causam innavigabile pelagus illud propter absorbita insula limum relictum fuit. Similiter Diodorus Siculus lib. 5. Phœnices ait, vetustissimis inde temporibus, cum extra columnas Herculis Africæ litora legerent, ingentibus vento-*

*rum*

rum procellis ad longinquos in Oceano tractus fuisse abreptos, ac per multos dies vi tempestatis jactatos tandem ad insulam pervenisse ingentis magnitudinis, in alto Oceani pelago contra Africam Occalum versus jacentem: cujus solum amœnum ac frugiferum, & amnibus navigabilibus irriguum, sumptuosisque ædificiis instructum. *Aristoteles quoque lib. admirand. cap. 8.* In mari extra Herculis columnas insulam à Carthagenensibus, (qui à Phœnicibus fuere oriundi, unde & Pœni nominati sunt,) inventam refert, quæ sylvas haberet, & flumina apta navigiis, distitisse verò per plurimum dictum itineris spatium. Cum autem plures Carthagenenses felicitate loci illecti incolis immiscerentur, mortis pœnam constitutam à Ducibus, inquit, si qui eò adnavigassent. Carthagenenses verò aditu illius insulæ ceteros Europæos prohibuisse tradit ipse Diodorus. Non potuit profectò ea insula alia fuisse, si fictus & magnitudo spectentur, quam ea, quæ nunc America dicitur: nec facile vel Egyptii Philosophi, vel Solon, qui, teste Strabone lib. 1. librum de ea conscripsit, vel Plato, aut Diodorus, de ea tam luculenter somniare potuissent, aut commentis suis tam prope ad ea pervenire, quæ nunc sera experientia docuit. Nec temerè Auctor lib. de Mundo, præter hanc nostram, quam tribus partibus, Europâ, Asiâ, & Africâ, distinguimus, alias insuper maximas insulas in vasto Oceano sitas tradit. Non desunt qui opinantur regionem Ophir, è qua Salomoni auri magna copia tertio quovis anno afferebatur, esse eam Americæ partem, quæ nunc Peru dicitur; nec, præter ipsam vocabuli affinitatem argumentorum pondere carent: quamvis minus aliis hæc placeat sententia, quam neque ipsi pertinaciter urgeamus. Hoc unicum notatu dignum adjiciam, quod *Marinus Siculus* refert, repertum in novo orbe nummum aureum veterem, effigie Augusti insignitum, eumque Romam ad Pontificem fidei ergò missum per Joh. Ruffum Episcopum Consentinum. Nec prætereundum quod Hispani referunt, in valle, quæ Cautem dicitur in Chili provincia, oppidum esse quod Imperiola nominant, idèò quod in plerisque domibus & portis repererunt Aquilas bicipites effictas, quales insignia Romani imperii habent.

## QUEST. V.

## De Longitudine &amp; Latitudine Terrarum Orbis.

- L**ongitudinem orbis terrarum inter Occidentem & Orientem Geographis constitui, Latitudinem verò inter Austrum & Septentrionem, contrario modo atque Aristoteli, in præced. à nobis dictum est. Sed cogitare quispiam potest, quâ ratione in orbiculari Terræ figura longitudinis seu latitudinis fixus terminus sit constitutus, cum in globo per se nec principium sit, nec finis; & ubique principium ac finis queat concipi? Hic equidem natura per se nihil præfigit: sed ab institutò humano res tota desumenda est. Latitudinis ergo initium ipse Æquinoctialis circulus Geographis antiquitus fuit designatus, à quo utrinque Austrum & Septentrionem versùs in Meridiano numerantur gradus, latitudinis tum Australis tum Septentrionalis mensuram exprimentes, cuilibet locorum debitam. Longitudinis verò terminus non omnibus unus idemque est: unde maxima inter Geographos quoad longitudinis mensuram discrepantia. Ptolemæus longitudinis initium posuit Meridianum, qui per Fortunatas insulas traducitur: At quæ sine Ptolemæo Fortunatæ insulæ, haud satis manifestum est. Vulgaris est opinio, per Fortunatas insulas indigitari Ptolemæo eas, quæ hodie Canariæ dicuntur. At veritati illud minùs consentaneum videtur. Fortunatas enim insulas Ptolemæus collocavit inter gradum 10<sup>o</sup> & gr. 16. latitudinis boreæ: Canariæ autem haud minùs quàm 27 gradibus ab Æquatore distant. Magis verisimile videtur, pro Fortunatis Ptolemæi insulas Hesperias, quas Capitis viridis appellant, accipiendas esse, quippe quæ ad Ptolemæi latitudinem propius accedunt. Pro qua sententia hoc quoque argumentum dari potest: quòd Geographi Arabes & Persæ, (inter quos Aben Jounis, & Aben Schater,) initium ducant ab extremo littore regni Numidiæ, seu Africæ. At fatentur illi suum initium longitudine abesse ab initio Ptolemæi gradibus 10. Abest autem occidentalissima penè insula Canariarum, quæ Madera dicitur, vix 5. grad. At
- Capitis

Capitis viridis insulæ 10. gradibus remotæ sunt. Hodierni Geographi plerique longitudinem locorum numerare consueverunt ab insulis Flandricis vulgo dictis, quæ & Azores appellantur, ac speciatim ab ea, quæ S. Michaëlis nominata est; medio fere loco inter Europam & Americam sita. Ubi directè acus magnetica boream spectat; tendenti autem inde ad Occasum, eadem deflectit ad Occasum; tendenti verò ad Ortum, ad Ortum quoque ipsa se inclinât; admirandæ virtutis magneticæ evidenti argumento.

QUEST. VI.

*Quæ sit Habitantium Terra distinctio? quæ accidentia*

EX Latitudinum respectu nomina Habitoribus Terræ tributa sunt, quibus vel *Periaci*, vel *Antiaci*, vel *Antipodes*, dicuntur. *Periaci* sunt, qui sub eodem Meridiano æqualem utrique, vel septentrionalem simul vel simul Australem, latitudinem habent, mediante inter eos Mundi polo. His simul eadem temporum anni ratio est; at dies cum noctibus permutant invicem, ut cum unis sit meridies, alteris media nox existat. *Antiaci* sunt, qui sub eadem Meridiani medietate oppositas latitudines habent æquales, alteri nimirum ad Septentrionem, alteri ad Austrum vergentes: ita ut *Æquator* inter eos mediet. Hi contraria anni tempora participant; at utrinque dies diebus, noctes noctibus respondent, nisi quòd cum alteris existit dies maxima, alteris existat minima. *Antipodes* sunt, qui sub eodem Meridiano oppositas latitudines æquales habent, intercedente inter eos utrinque Mundi polo: adeoque pedes invicem obversos gerunt. His omnia contraria accidunt, anni tempora, dies & nox, ortus & occasus; communem habent Horizontem; sed in oppositis degunt Hemisphæriis. De Antipodibus olim à *Lactant. l. 3. Inst. c. 24. & August. l. 16. de civitat. Dei c. 9.* inepta quæstio, (qualem pugnam supra inter literatos atque vulgus ex Plinio notavimus,) ex disciplinarum Mathematicarum mera ignorantia nata est: quæ tantam barbariem innoxit, ut, quod nobis est

- bis est imprimis in memoratu dignum, circa annum Christi 745. Bonifacius Episcopus Moguntinus Virgilium Episcopum Salisburgensem velut hæreticum insimulavit coram Pontifice Zacharia, non alia de causa, nisi quod Virgilius Antipodes statueret. Re tandem ad Bohemorum Regem delatâ, indeque ad Pontificem factâ appellatione, bonus Virgilius propter Antipodes, cum hinc absurdæ & ineptæ consequentiæ deducerentur, hæreseos damnatus est. Vsq̃ue adeo magna vis inest, ut cum Keckermanno exclamemus, bonorum studiorum ignorantia, etiam ad excarnificandas hominum conscientias!
- 

## C O R O L L A R I A.

- I. Pavimenta ad libellam perpendiculi exporrecta longius, reverâ plana non sunt?
  - II. Columnæ perpendiculariter erectæ superioribus partibus divaricant ab invicem.
  - III. Vnum idemque vas plus aqua recipit ad radicem montis. quàm in vertice ejusdem.
  - IV. Nullibi unquam in terrarum orbe perfectum contingit æquinoctium.
  - V. Quin & Nycthemera ipsa inter se inæqualia sunt.
  - VI. Sol nobis & Antipodibus quandoque totus simul conspicitur.
  - VII. Nec mirum est quod habet Plinius lib. 2. cap. 13. Lunam defecisse utroque super terram conspicuo fidere.
  - VIII. Luna minimum luminis habet quando plena dicitur, plurimum quando conjuncta Soli nobis non resulget.
- 

## P R O B L E M A

De motu maris, falsedine ejusdem, & origine fontium, disquirendum permittimus.

DISPUTA.

# MUNDI CAUSA EFFICIENTE & FINALI,

Ejusdemque

AFFECTIONIBUS.

QUESTIO PRIM A.

*Quid de Mundi causa efficiente sentiendum?*

**N**ON una Philosophorum antiquorum de Mundi causa efficiente fuit opinio. Nonnulli enim casu & fortunâ; temerario nimirum atomorum infinitarum, per infinitum inane ab æterno volitantium, concursu ac coalitu, Mundi vastam molem esse coagmentatam censuere, ut Democritus, Leucippus, & Epicurus. At certè nemo tugarium vile aliquod temerario lapidum jactu congestum vidit unquam: quis verò credat operosam pulcherimamque Mundi machinam fortuito concursu atomorum potuisse concinnari? Et sanè, cum eorum, quorum causa aut mens aut natura esse potest, casus & fortuna sint causa, idque tum demum cum eorum aliquid sit ex accidente: nihilque quod ex accidenti sit ea antecedit, qua sunt per se, (ut docet Arist. 2. phys. cap. 6.) manifestum uique, quod qua ex accidenti causa est, sit posterior ea, qua per se est: adeoque casus & fortuna mente & naturâ erunt posteriora: ut colligit ibid. 1. 66. Quare si quàm maximè cœli, seu Universi, causa sit casus, mentem & naturam, cum aliorum multorum, tum hujus Universi priorem esse causam necesse est. Empedocles quatuor elementorum cœcâ conspiratione, dominante lite & amicitia, Mundum constitui asseruit. Quæ quidem opinio, extrinsecus considerata, fabula quædam & poeticum commentum esse nonnullis

- videtur: cum & in *Proem. Metaph. cap. 2. Arist.* inquit, Philosophum esse amatorem fabularum. Certè summum Deum non ignoravit Empedocles: quippe ab hoc ipso, seu divina mente, Un-
4. versum prodire, atque in ipsum ut in finem redire agnovit. *Vetus Janè sermo fuit, à majoribus proditus inter omnes homines, ut pulchrè piè-que Autor libri de Mundo cap. 6. ait, universa tum à Deo, tum propter Deum constituta esse: nullamque naturam satis per se instructam ad salutem esse posse, quæ citra Dei præsidium sua ipsa tutela sit permissa, Ac divinè Augustinus lib. 11. de civit. Dei cap. 4. Mundus ipse ordinatissimâ suâ mutabilitate & mobilitate & visibiliùm omnium pulcherrimâ specie, quodammodo tacitus, & factum se esse, & non nisi à Deo ineffabiliter atque invisibiliter magno, & ineffabiliter & invisibiliter pulchro, fieri se potuisse proclamât.*
5. *Plato in Timæo luculentissimè Deum summum, Mundi opificem agnoscit, eaque reverâ mentis acie, & lectione eorum quæ à Chaldeis, Egyptiis, Hebræis consignatæ erant, invenit, vidit, & penitiùs aliquanto introspectit, ut neque nos acutiùs vidissemus, nisi seipsam veritas à cælo nobis ostendisset, ut de Platone loquitur Scalig. Exerc. 61. f. 3. Qui tamen perperam Platonem repræhendit, quòd Deum Mundi genitorem quandoque nominet: ac si nulla sit diversitas inter eam generationem, quâ Philippus Alexandrum genuit, aut filium ab æterno progeniit ipse Deus, & eam*
6. *quâ produxit Deus Mundum. Certè, quâ ratione idem ab errore purgat Averroem, Exerc. 3. quòd Mundum à Deo genitum dicat, eadem nos Platonem meritò tuebimur: Intelligit enim cælum à Deo genitum, non hoc generandi modo, qui fit cum transmutatione & tempore; sed nobiliori ratione: nec tamen tali, quâ suam ipsius essentiam diverso subsistenti modo expressit; sed quâ insignis artifex, si materiz haberet absolutam potestatem, pulcherrimum opificium exstrueret, ex proprio conceptu; aut præclarus scriptor animi commenta nitidissimo stylo seu carmine adumbraret. Unde passim Deum ipsum, quem Mundi genitorem nominat, *Δευουργὸν* & *Πατὴρ* appellat. Ac præter mentem Platonis est omnino, quòd plures cum Scaligero eidem affingunt: statuisse æternum chaos, quòd demum in origine Mundi sit in ordinem digestum. Nempe hanc opinio-*

opinionem non absque errore ex Timæi illo loco colligunt, ubi quicquid erat quod in cernendis sensum cadere posset, assumpsisse Deum, inquit Plato, non tranquillum & quietum, sed temere agitatam & fluitans, idque ex inordinata jactatione redeisse in ordinem: quem errorem pluribus perstrinximus disp. 3. quæst. 1. Certè prima rerum omnium materia, quam ex nihilo produxit ipse Deus genitor, nullâ naturâ per se continetur, motuque omni prorsus destituta est, ut alibi docuimus; nec illa Philosophi naturalis contemplationi, sicuti nec ipsamet creatio, se subicit: unde *difficilem & obscuram speciem eandem* vocat ipse Plato, quam *invisibilem* pronunciat, & *informem sinum* or nium *capacem*, qui modo quodam ambiguo & vix explicabili divina & int. *igentis natura* fiat *particeps*, hoc est, qui sit quidem ens per participationem, & ab ipso Deo dependens, at modo qui naturali intellectu lumine sit inperceptibilis: Ipse comprehendit per se, inquit, nullo n. o potest. Quare, in Mundi ortu secundum rerum naturam declarando, ad eam materiam protinus sermonem transfert, quæ in cernendi sensum incurrebat, nimirum ipsa elementa, eaque in ordinem à Deo redacta esse ait: (quod ipsum nec à nostra religione Christiana alienum est: ) Superiora enim hisce principia, hoc est simpliciora, Deo nota ipsemet pronunciat, atque ei qui Dei sit amicus. Nullus profecto ad hoc usque tempus, inquit, elementorum generationem ostendit; sed quasi notum sit, quid sit ignis & reliqua, sic de illis verbis facimus, eaque Mundi primordia constituimus, cum nec syllabarum quidem, nedum elementorum vicem tenere apud homines mentis quoquo modo compotes debeant. Nos vero in presenti nihil de principio universorum, sive principii, sive quomocunque aliter id appelletur, dicendum putamus. Cui quidem disputationi nihil aliud impedimento est, nisi quod difficile sit presenti disputandi modo, hoc est, secundum naturam disserendo, quæ de his videntur exprimere. Non agnovisse verò Platonem chaos aliquod æternum, ex eo manifestum est, quòd nonnisi unicam æternam substantiam, nimirum Deum solum, rerum omnium opificem, agnoscat. Sic enim in Timæo, ubi genituram temporis describit: Erat, & erit, inquit, quæ nati temporis species sunt, non rectè æterna substantia asignamus. Dicimus enim de illa, est, erat, & erit; sed illi reverà solum



solum esse competit: Fuisse verò, & fore deinceps, ad generationem tempore procedentem referre debemus. Motus enim quidam duo illa sunt: *Aeterna autem substantia, cum eadem semper & immobilis perseveret, neque senior seipsa sit unquam, neque junior, neque fuit hactenus, neque erit in posterum;*

12. &c. At certè indigestum illud chaos Platoni statuitur fuisse, nec ampliùs est: non ergo fuit ab æterno. Quin &, ex dictis verbis, id omne, cui motus convenit, Platoni ab æterna substantia distinguitur, & ad temporis restringitur conditionem: quod igitur non tranquillum & quietum; sed temerè agitaturn & fluitans, ex inordinata jactatione in ordinem redactum esse ait, id utique æternum haudquaquam esse credidit. Unicus igitur Deus Platoni est æternus, qui in ipsa temporis origine Mundi quoque ipsius primordia ex nihilo constituit. Quin nec ipse Aristoteles, qui Platone longiùs plerumque à religionis nostræ veritate abest, ignoravit Deum esse Mundi conditorem; (quamvis productionis modum haud satis percepisse videatur:) & quod agnovit mente, verbis effectus est, ut inquit Scaliger. Is enim *οὐρανὸν ἀπαλάσσειν* inquit 2. de gen. & corr. cap. 10. ὁ θεὸς τὸ ἅλον ἰνταλῆν ποιήσας τὴν γένεσιν *Deus universum complevit, continuâ factâ generatione.* Similiter Sect. 30. probl. 5. Deus, inquit, instrumenta nobis duo dedit, quorum opera instrumentis extraneis utimur. Ipsam verò mentem Aristotelis pulcherrimè exponit Averroës, 1. de calo, ubi, referente Scaligero Exerc. 61. f. 3. Non dicit, inquit Averr. non esse generabile simpliciter; sed hoc modo, quem vulgò dicimus: quippe è contrario & subiecto præexistente. Nam qui putant cælum esse primam causam, dicunt esse non generabile simpliciter: At non sic qui dicunt esse creatum à prima causa. Sic igitur Aristoteles, Averroë interprete, Mundum à prima causa productum statuit, ut vel ex nihilo ortum credat, vel ab essentia divina promanasse: quod enim generatum est, nec tamen è contrario ac subiecto præexistente generatum est, id vel ex nihilo generatum esse statuendum est, vel ab essentia genitoris promanasse: quæ quidem posterior opinio Aristoteli tribuenda videtur, quam eidem Avicenna, Simplicius,
16. Thomas, aliique multi assignant. Quicquid sit, in eo saltem est hallucinatus Aristoteles, quod æternam Mundo productionem conveni-

convenire ratus sit : sive ex necessitate naturæ, seu æterna emanatione, ortum, sive liberè productum ab æterno (neque enim libertas voluntatis divinæ cum æterna productione pugnaret, ut nobiliores nonnulli Philosophi censent,) sententia illius innuat. Verè enim *Pererius de nat. princ. & affect. lib. 5. cap. 7.* Nihil reperiri & fingi potest, quod sit magis contrarium doctrinæ Aristotelicæ, & quod omnes ejus artus & nervos vehementius elidat, quàm Mundi creatio : quâ sc. lumine Scripturæ illustrati, principium Mundo convenire, fuisseque ante Mundi primordia æternam Dei Sapientiam, solâ fide tenemus. Verè tamen interim unicum Deum Mundi opificem agnovit Aristoteles : ut ex dictis liquet. Similiter Averroës, Simplicius, Philoponus, Ammonius, aliique magni viri : neque numero pauciores, neque autoritate inferiores iis, qui desipere maluerunt, (statuentes Deum ea, quæ per se existunt, solummodò gubernare ac moderari,) Deum Mundi creatorem agnoverunt, ut monstrat Scalig. Exerc. 3. Et profectò, si Dei nutu gubernentur omnia, ut cum Scaligero dicamus, id quod nemo mentis compos negare potest, necessariò sequitur, eundem omnium fuisse effectorem. Nam si non fecit : igitur ab alio factum acceperit, vel mutuo, vel commendato, vel vi, vel emptione, vel deposito, vel locato, vel legitimâ possessione, vel in vacuam venerit possessionem, vel jussu tanquam minister, aut servus, aut mercenarius à Domino. Quæ omnia mera uirga sunt, eaque impia. Eundem verò esse Mundi conditorem & conservatorem seu gubernatorem philosophicè à nobis demonstratum est, Disp. de primo motore, Theatro Nat. univers. inferenda. Et profectò si à Deo Mundus non esset conditus, à se ipso esset : nempe, vel ut nullo modo esset factus, quo sensu Deum à se ipso esse dicimus ; vel ut à semetipso fabricatus. At nihil à se ipso fieri potest : actus enim simul foret & potentia. Quod si autem nullo modo procreatus esset, omnino esset independens, & *αὐτάρξης* absolutè : quare & à semetipso moveretur. quod absurdum esse demonstravimus Disp. de motore primo. Sed neque ; ut ab anima & intellectu assistente proximè moveretur Mundus, ita ab iisdem procreatus dici potest. Qui enim Mundum procreavit, is sine Mundo fuit *αὐτεξέστης*, ac prorsum indepen-

17.

18.

19.

Ea non  
est Theatr.  
Nat. univ.  
pars 4.

20.

- dependens: qui verò sine Mundo fuit independens, ac penitus per se subsistens absolutè, is procreando Mundum viliorẽ sui sortem non admisit, nec per creationem se materiæ immiscuit, ut factus sit ejusdem anima; nec eidem sese ita colligavit, aut vires ad corpoream essentiam, cui junctus sit, restrinxit, ut nec plures posset Mundos condere, nec alium movere (quod de motore primo statuebat Arist.) ut factus sit assistens intellectus. Nempe, ut rem totam paucis complectamur, ipse Deus Opt. Max. produxit Mundum: *ac mentem quidem animæ, animam verò corpori dedit*, ut Plato in Timæo loquitur, *totumque ita Mundum constituit, ut pulcherrimum natura opus optimumque foret.*
21. Liberrimè autem ipse Mundum procreavit. Nihil enim erat à quo cogeretur: Nec ex necessitate propriæ naturæ ejus, seu per emanationem, Mundus prodiit: sic enim ipsa procreatio, ipseque Mundus procreatus ad essentiam illius pertineret; cumque actus sit omnino simplicissimus, ipsa procreatio, seu Mundus procreatus, foret ipsamet illius simplicissima essentia. quod certè est omnino absurdissimum.
22. Eleganter Marfilius Ficin. comment. in Timæum cap. 14. ubi Platonem affirmasse asserit, Mundum non ex se existere, sed ex causa; non quidem fortuita, sed ex certa; non ex naturali duntaxat, sed intellectuali; non ex intellectu per modum naturæ determinato, sed potius voluntario; non voluntatè ex naturali quodam instinctu impulsæ, sed libera. *Nihil enim magis liberum est, inquit, quàm quod per se est, & per se agit omnino: neque tamen contingente aliqua voluntate. Nihil enim contingens, ubi idem est voluntas, atque necessitas. Nihil iterum violentum, ubi idem est vicissim necessitas & voluntas.*
23. Hanc verò Dei libertatem circa Mundi procreationem, à Platone agnitam, multis ibidem ostendit idem Marfil. quam & eo manifestam reddit Plato, quòd Deum genitorem in hunc modum deos genitos, seu altra, affantem introducat: *Dii orii ex Diis, quorum opifex ego & pater sum, hac attendite, quæ à me facta sunt, ita ME VOLENTE indissolubilia sunt: Omne siquidem quod vincitum est solvi potest. &c.* Et mox: *VOLUNTAS MEA majus præstantiusque vobis est vinculum, ad vita custodiam, quàm nexus illi, quibus estis tunc, cum gignebamini, colligati.* [Consilium autem

autem voluntatis divinæ ἀνθρωποπατὼς loquendo innuit Plato, quando inquit: Cū excogitasset Deus, invenit nihil eorum &c. Hac RATIONE (διὰ δὲ τὸν λογισμὸν τὸνδε, sic alibi, τὰδε διανοοῦναι,) mentem quidem anima, animum verò corpori dedit, &c.] Sic ergo liberrimā voluntate quoque conservat Deus, quæ liberè produxit: nec sine ipsa Dei voluntate conservante, nexus rerum ullus servaretur, sed in nihilum relabarentur universa. Nempe, Dei conservatio, quatenus immediatè Deum ipsum spectat, qua seriem causarum omnium, à se, et ipso productarum, & in commune Universi bonum conspirantium, sustentat, & existentiae durationem iis tribuit, est ipsamet creatio, cū utriusque terminus sit esse & subsistere: At ratione tamen differunt, quòd nempe conservatio sit rerum actu existentium, creatio verò earundem ex nihilo prodeuntium. Hæc verò conservatio divina, est ipsa quoque Dei gubernatio, & ad actiones rerum singulas concursus; nec enim actus hi in Deo, vel à Dei voluntate, ut in Deo sunt, distincti sunt: Utpote qui actus est, reverà simplicissimus. Sic verò pulchrè huc quadrat illud Orphēi μὲν οὖν καὶ τῶν πάντων οἴκα κρατύνεις. Solum horum omnium tu regis habenas: Quippe solus ipse Deus conservator, solus ipse Deus rerum omnium creator. Cujus concurrendi, gubernandi, conservandi, creandi actus simplex, ut in ipso Deo esse dicitur, est ipsamet illius simplicissima essentia. Nec verò magis Dei providentiam, concursum & cooperationem, tollit Mundi anima vel intellectus, quàm ipsa illam tollit anima humana, & intellectus homini à Deo attributus. Creavit autem Deus Universum eo ipso temporis principio, quod ab æterno Dei sapientia prædestinaverat: quare nec voluntas ejus immutata est creatione. Ac penitus inepta curiositas existit animi humani, quā scire avet, quidnam causæ sit, cur non sit multò antè Mundus conditus, quàm fuit conditus: Ut enim ipsi Deo nec præteritum, nec futurum assignari potest, cui nempe solum præsens convenit; ita nec æternitati. Omnia namque quæ æternitati comparantur in ipsam confluunt æternitatem, ut in unum centrum. Est enim, ut Plotini inquit, æternitas vita manens in eodem, universum præsens semper habens, neque nunc quidem hoc aliquod, postea verò aliud; sed omnia si-

- mul: neque nunc alia, postea verò alia; sed τὸ αὐτὸ ἀμενέμεν indivisibilis finis. Et ut Aristot. æternitatem definit 1. de cælo, 1. 100. finis, seu terminus infinitum rerum tempus, ipsamque infinitudinem complectens. Verè ergo dictum à Sapientibus Ægyptiorum lib. 4. div. sap. cap. 3. Primus opifex autor est Vniuersi, atque hoc ipsum ille infinitate quadam immotus antecedit. Nec enim aliquando incæpit, cum antea non esset: sed finis est atque principium omnium eorum quæ sunt. Priorque iis secundum omnem rationem, quam efficiens ad id quod efficitur obtinet, nempe cuius vi res efficitur & conservatur. Neque tamen dicimus tempore priorem. Quod si verò vel sexcentis annorum millibus diutiùs durâisset Mundus, & rursus sexcenties millies totidem annorum millibus, nihilominus eadem curiositas mortalium animos posset æquè divexare.

## QUÆST. II.

## Quis sit Mundi finis?

- Qui olim fortè fortunâ Mundos gigni crediderunt, ac vicissim interire, ii nullum Mundi finem agnovère: sed vanitate propria dudum, hæc opinio evanuit. Finis autem Mundi vel constituendi est, vel constituti. Illum respicit Augustinus lib. 11. de civit.
2. Dei, cap. 21. ubi tria quadam maximè scienda de natura nobis, oportet rimari, inquit, quis eam fecerit? per quid fecerit? quare fecerit? Deus dixit, Fiat lux: & facta est lux: & vidit Deus quia bona est. Si igitur querimus, quis fecerit? Deus est. Si quare fecerit? quia bona est. Nec autor, inquit, est excellentior Deo; nec ars efficacior Dei verbo; nec causa melior, quàm ut bonum crearetur à bono. Ipsa ergo Dei bonitas communicanda creaturis finis fuit Mundi constituendi. Quem nec ignoravit D. Plato, qui in Timæo, declarans, quam ob causam ille rerum Autor generationem & hoc Vniuersum constitueret? Bonus erat, inquit, Bonus autem nullâ unquam aliqua de re invidiâ tangitur. Ergo cum livor ab eo alienissimus esset, omnia sibi quantum fieri poterant, famillima fieri voluit. Si quis hanc, inquit, gignendi Mundi causam præcipuam à prudentibus viris acceperit, rectissimè profectò accipiet. Omne certè bonum sui communi-
  - 3.

communicat. Cum meritis pronunciamus: meritissimè ergo, qui est summum bonum, qui est ipsa bonitas, semetipsum aliis communicavit. Cum verò præter ipsum nihil esset, cui se communicaret ipsa bonitas, omnipotentia emicuit, quâ ex nihilo optimum produxit ipsa opificium; nec sapientia delituit, quâ pulcherrimum hoc ipsum condidit. Cumque per ineffabilem potentiam ac sapientiam desideratum finem consecuta esset Dei bonitas, probavit ea suo beneplacito quæ fecerat: quippe bona vidit Deus omnia. Constituti verò Mundi finis ultimus est ipse Deus, procul omni dubio: rectissimèque proditum est ab Antiquis, ut Autor *lib. de Mundo* inquit, *universa tum à Deo, tum propter Deum constituta esse.* Ipse enim verè α est & ω, primum & ultimum, principium & finis rerum omnium: ipse omnia est in omnibus. A Deo, ex Deo, per Deum omnia sunt, & ad eundem omnia tendunt. A Deo certè omnia virtute infinita sunt ex nihilo producta; ex seipso autem, ut æterno exemplari, ac bonorum omnium fonte simulachrum constituit divina sapientia; (nam profectò, qui ex nihilo fecit, habuit in se actu eminenti bona omnia, quæ reliquis communicari poterant: quod enim facit, facit quatenus actu habet id, quod accipit illud ipsum quod fit: ) per Deum rursum omnia sunt, utpote non nisi Dei verbo, quod ipse Deus est, progenita. Illud ergo à quo, ut effectrice causa, ex quo ut exemplari & bonorum omnium fonte atque scaturigine, & per quod, nullo organo indigens, facta est hæc tota rerum universitas, est perfectissimum & omnium optimum. Quod si verò omnium optimum, erit omnium finis ultimus: finis enim omnis boni rationem habet; & ad bonum diriguntur omnia. Quod ergo omnium bonorum summum est, ac bona in se cuncta comprehendit, id finis ultimus habendum est. Quin &, cum quicquid est sit propter aliud, quàm propter se, excepto uno Deo, ut inquit *Scaliger. Exerc. 250.* Ergo omnia propter illud unum sunt, quod non est propter aliud. Omnia ergo erunt propter Deum: qui verè omnia propter semetipsum operatus est, *Prov. 16.* Sed an igitur Deum bono aliquo augment, quæ à Deo propter Deum sunt producta? Haudquaquam ita statuendum est. Qui

- enim infinitè bonus est, qui ipsa bonitas consummatissima, non potest ullo bono major fieri; sed bona omnia eminenter in se comprehendit. Ita verò propter Deum omnia sunt, ut gloria illius manifesta fiat creaturis. Verè namque jam inde à creatione Mundi τὸ θεοῦ διὰ τῶν βιῶν id quod de Deo cognosci potest, naturali intellectus lumine, manifestum redditum est creaturis: dum ex iis, quæ fecit, invisibilia ejus perspicere queunt, tum potentia ejus, tum divinitas: ut meritiò inexcusabiles habendi sint, qui cum Deum norint, ut Deum tamen non glorificaverunt, eique gratias egerunt, ut philosophatur Apost. ad Rom. 1. Ex ipso igitur Deo est, quicquid ad Deum refertur: ipsaque Dei gloria in creaturis ejus, veluti in speculo, resplendet: ut invisibilis Dei visibilis quædam imago sit expressa nobis, cujus diligentiori intuitu in cognitionem Dei quantamcunque devenire possumus. Finis ergo Mundi primarius est ipse Deus ac ejusdem gloria: cui alium subordinatum tradunt, quando totum Mundum hominis causâ conditum pronunciant. Quæ quidem sententia, inter vetustissimos Philosophos patronos dudum habuit. Sic enim Trismegistus lib. de pietate & Philosophia: Primum Deus, inquit, secundum Mundus, tertium homo: Mundus propter hominem, homo verò propter Deum. At hanc sententiam rejicit Bodinus Theatr. Nat. lib. 5. ubi Dei potentiam, sapientiam, majestatem admirabilem, in siderum cælestium descriptione, magnitudine, ornatu, multitudine, intervallis, decursu, concentu, figura, contemplanis, apud se attonitus hæret; ac insuper vim, officia, naturas cujusque stellæ, homini nondum satis perspecta, animo perpendens, in quæstionem devolvitur, An igitur cælestia hominum causa condita sint? Respondet autem: Perinde esse, ac si quæras an homines pecorum causa creati sint? Cum enim finis præstabilius sit iis, quæ ad finem diriguntur, quis nisi valde amens, inquit, putet terrestria cælestibus, elementaria sideribus, tenebras luci, effecta causis ipsis præstare? Eo tamen errore, inquit, arrogans hominum imbecillitas implicatur, ut stellas ac sidera, à quibus utilitates incredibiles accipiunt, propter se conditas arbitrentur. Equidem, reverà non omne quod alteri utilitatem ac emolumentum præstat, illius gratiâ existit: sic enim Deus propter reliqua

reliqua omnia foret, utpote qui rebus cæteris insignem utilitatem præstat, ipsumque esse rebus omnibus, & existentia durationem, largitur: at ita rebus cæteris inferior esset dignitate, quod absurdum ac blasphemum. Similiter non omne id, quod propter aliud  
 15. quid esse habet, utilitatem illi quoque & emolumentum præstat: Nemini enim dubium videbitur, quin homo verè finis sit mortali-  
 lium, omniaque animantia propter hominem sint condita. At quid utilitatis, quæso, percipit ex culicibus, pulicibus, cimicibus, serpentibus, atque id genus aliis, hominum etiam salutem infestis animantibus. Nugacissimum profectò pulicem hominis causâ conditum dicere, ut inutilem ejus sanguinem exugat: miseri  
 16. verò ac verè infelicitis judicii est, existimare cimicem in eum finem esse conditum, ut noctu ex importuno somno nos exitet, ad preces cœlitibus fundendas. Ne jam ergo morsus animalculorum talium, ac culicum susurrus & aculei offendant hominum id genus, quod tantas inde percipit utilitates. Addant chiragram, podagram, luem Hispanicam, ut utilitas euadat major: quam nos libenter cum Aristippi incommodis commutaverimus. Sunt & lau-  
 17. rata ingenia quadam, inquit, Scalig. Exerc. 250. sibi ignava, aliis maligna, quæ jussu Dei venena serpentibus comparata profiteantur, ut ea sint calcæria nobis ad fortitudinem, patientiam, temperantiam. Etenim, si ita est, inquit, ne aggrediantur vipera infantes, quibus nulla est in animis  
 18. tutio, in corporibus munimentum. Quod si ergo hæc sunt propter hominem creata, non tamen illi afferunt per se utilitatem; vicissimque alia, quæ homini utilitatem præbent, non tamen propter hominem existunt: ex sola utique utilitate finis rerum non est æstimandus. Sic enim neque ipse Deus finis rerum omnium existimari posset. Cùm verò finis omnis rationem boni dicitur habere, non omne bonum sub utilitate continetur, sed partim est jucundum, partim honestum & decorum, ac naturæ rerum consentaneum. Ex quibus manifestum est, si vel maximè astra propter hominem  
 19. condita esse statuamus, non inde tamen necessariò propter hominem condita esse concludendum, quod illi sint utilia: nisi homo forsan propter vermes similiter pediculosque factus dici queat.

Hem



- Hem verò pulchra conditio pediculorum! Sed interim reverà sidera propter hominem creata judicamus & asserimus, siquidem illa
20. quatenus sunt corpora naturalia considerentur. Homo enim quatenus intelligenti animā instructus est, naturā omni propriè dictā est præstantior, & ad divina propiùs accedit: Quod neque ignoravit ipse Aristoteles, qui 1. de part. animi. cap. 1. animam intellectivam physicæ considerationis esse negat, quòd non sit natura, quæ principium sit motus naturalis, quam extrinsecus advenire ac
21. divinam esse asserit. 2. de gen. anim. cap. 3. & 1. de anima cap. 4. In astris verò duplex esse distinguendum est, alterum alteri subordinatum, & in unam subsistentiam conjunctum, velut & in homine: naturale sc. seu animale, & intellectuale. Quatenus spectantur astra, ut corpora naturalia, seu animalia simpliciter, homine quidem toto ignobiliora sunt; at nobiliora tamen animali humano, quod humano intellectui subordinatum est: verèque ita dici possunt astra propter hominem creata; licet interim & propter semetipsa. At quatenus considerantur eadem, ut nobilior iisdem præest intellectus, sic ipso homine nobiliora sunt; nec verè propter hominem creata dici possunt. Quin ipse quoque homo, si spectetur
22. gradu ignobiliori, seu sine intellectu, nimirum quatenus est animal humanum; subordinatum intellectui, propter ipsum intellectum factus est, nec ita rerum dominus existit: at, si secundum gradum eminentiorem, hominem spectemus, non nisi propter Deum factus est, & ordine eodem, quamvis secundum gradum differente ab illo, ac paululùm inferiore, habendus est cum ipsis astris ut sunt intelligentiā donata. Nec enim ipse propter astra est conditus; ut nec astra, quatenus intellectu prædita, sunt propter hominem: sed utrumque genus non subordinatè, sed coordinatè concernit Dei gloriam. Ita neque canis propter equum est, nec equus propter canem; sed æqualiter uterque propter hominem. Sic verò jubilo angelico sunt inchoata Dei visibilia, cùm stellæ matutinæ Deo
23. laudes canerent; & humanæ rationis symphoniā, laudibus angelicis permixtā, universus rerum conditarum ordo fuit consummatus. Sic quoque minor paulùm homo factus est Intelligentiis Angelicis;
- sed

sed gloriâ & majestate coronatus est. Sed manet difficultas, satis  
ardua, quâ ratione corpora quævis naturalia propter hominem cre-  
ata dici queant, cum ipsemet ex omnibus utilitatem non percipiat? 24.  
Id verò optimè declarat Scal. superius cit. loco: Homo propter Deum,  
inquit, propter hominem Mundus factus est, ut nempe naturalium cor-  
porum compages est: quando & habitatio, & cibi, & alia, propter  
animalia. Animalium verò princeps homo. Non erat autem futurus homo  
princeps, nisi talis: quippe in medio. Non potuit esse medius, nisi inter  
extrema. Igitur extrema facta sunt, ut esset medius. Propter medium igitur  
facta sunt. Extremorum autem & eorum, quæ medium inter & ex-  
trema, sunt sita, si deesset aliquid, daretur in formis vacuum: quod longè  
majus esset in natura flagitium, quàm vacuum in quantitate, sive corpore.  
Quid enim absurdius, quam medium sine extremis. Quare & Napellus, &  
ex adverso Mus ille factus est: non necessitate Deum cogente; esset enim illa  
Deus: sed à Deo in rerum ordinem proficiscente. Quia cum sit omnia, &  
præter omnia, sui ipse plenus, non vult dari in suis operibus vacuum: quia  
in se nullum habet. Ipse enim est verum ens, vacuum autem non ens. In-  
telligo nunc vacuum, inquit, defectum specierum. Igitur qui volunt ad  
hominis usum facta omnia, sunt hostes veritatis, &c. E contrariis compo-  
situs homo, non ad suam utilitatem, patitur caloris corruptionem; sed ad in-  
teritum. Quapropter quid mirum, si serpentis conficitur veneno? Est enim  
id externum adversarium; sicut internum frigus & siccitas: à quibus vita  
fundamenta quatuntur. Altra tamen ipsa, de quibus antè cœpera- 25.  
mus dicere, quatenus sunt corpora naturalia, verè ita propter ho-  
minem sunt condita, ut insignem illi præbeant utilitatem, lumina  
spargendo, vires ac facultates fundendo per hæc inferiora, quibus  
plantæ atque animalia generantur, nutriuntur, augescunt: sic-  
que alimenta homini, animalium mortalium principi, conficiunt  
ac subministrant. Verè ergo omne id quod viribus naturæ conti- 26.  
netur, propter hominem est conditum: eâ tamen ratione maxime,  
quod, ut pulcherrimæ structuræ dominus ac princeps esset homo,  
extrema ipsa, inter quæ sunt multa homini adversa atque noxia,  
ita aptè inter se consociata sint, ut nullus ullibi in Universo sit de-  
fectus, seu vacuum in speciebus. Sic nempe omnia invicem sub- 27.

D d

ordinata

- ordinata sunt, & collateraliter concatenatim invicem cohærent, formis aptè inter se coordinatis, ut nulla queat rerum species perire, aut fieri ullibi luxatio, quin Universum non sit Universum amplius, nec Mundus verè Mundus dici queat, nec homo princeps regni aptè ordinati ac perfecti. Hæc ipsa Mundi plenitudo est, & perfectio essentialis, quanta Dei beneplacito in creaturam potest cadere, unius facultatis, omnia in unum colligantis, robore coercita, ne sit per solam aggregationem coagmentata quædam moles. Hic verè mundi finis est internus, quem rerum ordinem, & *ἰσοτάξια*, seu concentum alii appellant, in quem constituendi Mundi finis, antea à nobis dictus, incidit. Hæc vera Mundi harmonia est, quæ maximè distantia, & invicem adversa, eleganti ordine ac modo inter se comparata sunt: non secus ac in Musica, si discordantes soni concordantibus convenienter misceantur, jucundissima existit.
29. *συμφορία*. Sed paucis ea quæ ad Mundi finem spectant contrahentes, hunc vel internum vel externum esse dicimus: Internus, seu constituendi ejus finis, est ipsa Dei bonitas, communicanda seu communicata creaturis, quam ipsum Mundi *πλήρωμα*, & perfectio ejusdem absoluta repræsentat, ut Mundus à Platonicis haud præter rationem Dei statua vocetur: quippe bonus ab optimo, magnus ab infinito, intelligens à sapientissimo, pulcher à pulcherrimo est conditus. Et quod elegantur *Molinaus de cognit. Dei* §. 24. Cum nihil sit, quod potius debeat pingi, & imagine exprimi, quàm quod pulcherrimum est, Deus qui est primum pulchrum, voluit suam ipse imaginem ducere: & ut in *Minerva Phidiaz*, ipse artifex similitudinem sui indelibilem operi suo impresit. Externus Mundi finis, quem antè Mundi constituti nominavimus, propior quidem, homo est, quatenus nimirum Mundus omnium corporum naturalium, ut naturalia sunt, in unum est coordinata moles. Cui fines alii quàm plurimi subordinati sunt, eorumque alii aliis coordinati. Ultimus verò finis, ac primarius, ipse Deus gloriosus est, æternâ gratiarum actione celebrandus.

## QUÆST. III.

*Quæ sint præcipua Univerſi affectiones?*

**V**T ortus Mundo naturaliter non convenit, ita nec interitus: quare ortum & interitum ejusdem è naturalium affectionum numero expungimus. Quid autem, ex præſcripto religionis, & chriſtianiæ noſtræ fidei, de Mundi ortu & interitu tenendum ſit, tum Diſp. 1. hujus tractatus, tum in *Hexæmero* expoſitum. Affectiones autem Mundi præcipuæ ad quantitatem vel qualitatem referuntur. Ad illum ſpectat unitas & magnitudo; ad hanc figura. Mundum ergo unum eſſe dicimus: minimè adducti rationibus, quas habet *Ariſt. 1. de cælo cap. 8. & 9.* quæ certè nihil probant. Quin imò abſurdiſſimum eſt, & impium, quod itidem inculcat *12. Metaph.* ſi plures eſſent Mundi, plures itidem motores primos dari inde conſequi. Haudquaquam enim formæ aſſiſtentis inſtar Deus Mundo ſeſe alligavit, ut alibi docuimus, quod falſo habuit perſuaſum *Ariſt.* Et ſi in infinitum plures Mundos unus ille Deus decreviſſet facere, id utique in ejus, qui eſt actu infinitus, foret poteſtate, ac unicuſ eorundem omnes ſatis ac ſufficienter movendi poteſtatem obtineret. At unum tamen eſſe Mundum rationi maxime videtur conſentaneum: ut, veluti eſt pulcher à pulcherrimo artiſce, ſic unus ſit ab uno. Cùm enim, ut *Marsil. Ficin. comm. in Tim. cap. 16.* loquitur, *Mundus hic in cæteris, quoad fieri potuit, Mundum intellectumque divinum reſerat, adeò, ut qui formas in hac materia concipit, quaſi divinum vultum intueatur in ſpeculo: certè in ipſa etiam unitate omnium eſſectricæ atque ſervatrice repræſentat illum, ut Architecti unius unum ſit opus. Unus igitur Dei unius eſt Mundus.* Rejicimus ergo deliram *Anaximandri* opinionem, qui infinitos & innumerabiles Mundos naſci & interire ſtatuit. Ipſumque *Epicuri* delirium explodimus, qui Mundos verè infinitos ſomniavit; & futile *Origenis* commentum, qui ante hunc Mundum alium fuiſſe credidit, & poſt hunc ipſum fore alium. Neque ſomniare licet, inquit iterum *Ficin. plures Mundos quaſi pilas, alios extra alios. Sic enim divinum opus diſſipatum foret: atque inter Mundos ſpatia vacua forent. Probabilius exiſtimabis,*

D d 2

inquit,

- inquit, si quot orbes fingis per vacuum sparsos, tot excogitas sphaeras potius intra sphaeras, ut qualibet sphaera sit Mundus in Mundo. Universumque opus unum sit, atque invicem ordinatum, nihilque vel vacuum vel ordinis unionisque expers reperiat. Atque eo sensu rectè Heraclides & Pythagorici Philosophi asseruerunt, quamque stellam esse Mundum, in vasto illo, & infinito, ut illi ajunt, aethere: ut Plutarch. de plac. Philos. refert. Unus ergo Mundus esto, & quidem verè unus: non veluti acervus, aut per aggregationem facta moles; sed sicut ipse Artifex est ipsa & essentialis unitas, sic unus Mundus sit per se, seu per essentiam: per unam nempe formam, seu animam, in veram propriamque
8. unitatem ordinatus. Sic demum Mundi naturalis est affectio ejusdem unitas. Atque càm ratione, ut Mundus ipse esset animalis absoluto simillimus, ut plato in Timaeo habet, ex eo quod solus atque unus esse, idcirco neque duo, neque innumerabiles, procreati sunt; sed unus Mundus
  9. unigenitusque factus est & erit. Vastissima verò Mundi magnitudo est. Illud namque corpus quod corpora reliqua omnia in se contineat, vastissimum esse constitutum est necesse, verèque ab infinito opifice maximum. Haud tamen ipsum infinitum est, (quod pluribus probare est conatus Arist. 1. de celo cap. 5. & 6.) id enim naturali corpori repugnat, in quo materiàm determinando forma se determinat, adeoque molem efficit determinatam. Rejiciatur ergo
  10. hinc opinio Seleuci, qui Mundum per se infinitum esse credidit: quæ Pythagoricorum itidem sententia videtur, ut ex obliquo innuit Philosophus 2. de celo cap. 13. text. 72. unde & infinitum æthera di-
  11. xerunt, ut antè ex Plutarch. est relatum. Quæ autem Mundi magnitudo sit, ac quanta ejus vastitas, humanus intellectus sanè difficulter explorabit. Rectèque huc referri potest ille locus Sap. 9. vers. 16. Vix conijicimus ea quæ in terra sunt, & quæ ad manus sunt laboriosè invenimus, quæ autem in cælis sunt, quis pervestigavit? Figura autem Mundo sphaerica est maximè conveniens, de qua rursus multis Arist. 2. de celo cap. 4. Maximo enim & capacissimo corpori maxima capacissimaque sub eodem terminorum ambitu figura convenit, perfectissimo perfectissima: sic enim maximè est capax, uniformis, sibi que simillima. Quæ ratio Mundi partes quoque

singulas

singulas concernit : unde absolutissima quævis Mundi corpora, Sol, Terra, Luna, cæteraque sidera, cùm in se sint totum ac perfectum quid, tali formâ conspiciuntur. *Præcipua verò mundana hujus sphaera causa est*, ut *Marsilius Ficinus* inquit, *quod & orbicularis est divini Mundi natura : qua in se ipsam intelligendo & amando reflectitur.* *Motionis verò sphaerica ratio est, tum figura ipsa, qua motum recipit : tum mundana ipsius anima, qua movet, intima per intellectuales species revolutio.* Nec aptius, concipiendi nostro modo, figuræ ulli Deus ipse comparari potest, quàm rotundæ : unde rogatus non nemo, ut Deum definiret, Deum esse sphaeram dixit, cujus centrum sit ubique, superficies nusquam. Hâc ergo figurâ quoque, quantum fieri potest, repræsentat creatura Mundi ipsum Creatorem : in qua sicut nullibi est primum aut postremum ; ita nec in Deo est principium aut finis. Huc tandem referendæ sunt Positionum Differentiæ : quas, velut animato corpori, Mundo quoque tribuit *Arist.* 2. de cælo. cap. 2. at suo tamen modo : de quibus multis agit : *Piccol. lib. de Mund. cap. 33. & aliquot sep. cap.* Nos, frustra oblectante *Scaligero Exerc. 67.* (ubi cælum quidem animal fatetur, dextrum verò & sinistrum illi denegat, ) cum Pythagoreis dextrum primò ac sinistrum Universo designamus. Ac dextrum quidem facimus australem plagam ; sinistrum verò septentrionalem. Omnia namque Mundi corpora absolutissima, seu primaria quæ appellavimus, ab Occasu rotantur in Ortum : Terra quidem circa suum axem ; Planetæ quoque singuli per suos orbes : nec ullum est, quod in adversam partem obnitetur : meritò ergo dicto modo dextrum & sinistrum Mundo assignamus. Anteriora verò, partium respectu, ea sunt habenda, quæ aliis ad Ortum sunt, quatenus ad Ortum vergunt ; posteriora, quæ respectu aliarum partium sunt ad Occasum, quatenus sunt ad Occasum : Absolutè autem si spectentur partes, quemadmodum in sphaera non est primum & postremum, ita nec in ea antè vel post locum habet. Sursum verò, ut ad universa spectat (singulis namque cæli corporibus sursum & deorsum peculiariter accommodari potest, quatenus habent proprium gravitatis suæ centrum, ) cœlestes regiones nominamus ; deorsum

- verò orbem terrarum, velut ipsum Mundi medioximum. Sic
19. Cleomedes Mundo sursum & deorsum tribuit, haud sine ratione. Quocumque enim in terrarum orbe loco sumus constituti, intuemur cælum nobis imminens à vertice: Quod certè non contingeret, nisi undique cælum vertici incubaret; Mundique medium esset infra. Ac illud quidem absolutè infra existit, quod æqualiter ab imminente cælo quaquaversum distat. Ab hoc quod undiquaque sursum vergit, suprà nominandum est. Hanc nostram sententiam divini verbi autoritas confirmat, quæ inde cælo, quod omineat, seu supra nos sit elevatum, nomen dedit, ut antè exposuimus: hæc itidem quæ sunt in cælo, suprà esse; quæ in terra, infrà dicuntur. Sic humilem nostram sortem agnoscamus: ac gloriam canamus Deo in excelsis.



SYLLA-

## S Y L L A B U S

Disputationum ac Quæstionum primariarum,  
quæ hoc tractatu enodantur.

## DISP. I. De Mundi essentia, &amp; ejusdem constitutione.

Resp. *Cornelio à Thiel. Anno. M. DC. XLIII. 5. Januarij.*

- Quæst. 1. Quæ sit origo Vocis *Mundi*? quæ significatio ejus?  
 2. An *Mundus* rectè dicatur τὸ πᾶν *Univèrsum*?  
 3. Quæ sit *Mundi* definitio?  
 4. Quid lumine naturæ de *Mundi* ortu & interitu sit cognitum?  
 5. An *Mundus* potuerit esse ab æterno creatus?

## DISP. II. De Forma Mundi.

Resp. *Ioh. Gulielmo Kestio. 4. Februari.*

- Quæst. 1. An aliqua sit *Mundi* forma substantialis?  
 2. An *Judicii Philosophorum antiquorum Mundi formæ* universalis stabiliatur?  
 3. Quæ sit *Univerſi* forma? & quâ ratione constituta?  
 4. An aliqua & quænam *Mundi* sit *Intelligentia*?  
 5. Quibus potissimum argumentis *Mundi anima* vacillare videatur?

## DISP. III. De Elementis in genere, Prior.

Resp. *Petro Leonardi Schirten. 11. Februari*

- Quæst. 1. An aliqua & quænam *Mundi* constituendi fuerit materia?  
 2. An *elementa Mundi* sint numero quatuor?  
 3. Quænam sit *elementorum* proportio?  
 4. Quid de formis *elementorum* statuendum?

## DISP. IV.



## DISP. IV. De Elementis in genere, Posterior.

Resp. Gualthero Hegeman. 6. Martij.

- Quæst. 1. An certę Elementorum sunt figurę.  
 2. An elementa in invicem sint transmutabilia?  
 3. Quid de qualitatibus elementorum primis tenendum?  
 4. Quid de gravitate & levitate elementorū statuendum?  
 5. Unde elementorum raritas & densitas, tenuitas ac crassities, originem obtineant?

## DISP. V. De Igne, Prior.

Resp. Jac. Martini à Sevedar. 11. Iunij.

- Quæst. 1. Quæ sit ignis elementi essentia.  
 2. Quid per sphæralem ignem intelligat Aristoteles?  
 quidque sit de tali sentiendum?

## DISP. VI. De Igne, Posterior.

Resp. Gerlaco Gerlaci. 24. Iunij.

- Quæst. 1. An detur propria aliqua ignis elementi sphæra?  
 2. Quæ sit ignium subterraneorum ratio?

## DISP. VII. De Aëre.

Resp. Conrado Spielman. 6. Iulij.

- Quæst. 1. Quæ sit aëris elementi natura? quæ situs ejus ratio in Universo? & quid per aërem Aristoteles indigitet?  
 2. Quibus regionibus distinguatur aër?

DISP.

## DISP. VIII. De Aqua &amp; Terra.

*Resp. Adolpho Marck. 19. Iulij.*

- Quæst.** 1. Quæ sit natura elementi aquæ ?  
 2. Quid de aquis, quæ sunt supra expansum cœli, statuendum ?  
 3. Quæ sit natura elementi terre?

## DISP. IX. De Corporibus Universi absolutis, in genere.

*Resp. Ioanne VVeingio. 10. August.*

- Quæst.** 1. Quæ sit materia Mundi constituti ?  
 2. Quis sit ordo ac motus primariorû Mundi corporum?  
 3. An primaria Mundi corpora animata sint ?  
 4. An Mundi corpora primaria sensu atque intellectu sint instructa ?  
 5. An Mundus ex orbibus coagmentatus sit ?  
 6. Quâ ratione Mundi corpora verè harmoniâ efficiant?

## DISP. X. De Cœlo.

*Resp. Ioanne VVeldenero. 19. August.*

- Quæst.** 1. Quid nomine cœli variis indigitetur ? Et quæ sit etymi ratio ?  
 2. An cœli distantia diversa sit ab elementis ?  
 3. An cœlum sit incorruptibile ?  
 4. De luce seu lumine corporum cœlestium.  
 5. Quæ sit stellarum scintillationis causa ?  
 6. Via Lactea quid sit ?

## DISP. XI. De Terrarum orbe.

*Resp. Ioan. Grevenstein. 25. August.*

- Quæst.** 1. Cujus figuræ sit nostra hæc terræ & aquarum moles ?  
 E e 2. An

2. An Terra sit in Univerſi medio? punctique rationem habeat?
3. Quæ ſit orbis terrarum deſcriptio?
4. An America Antiquis fuerit cognita?
5. De Longitudine & Latitudine Terrarum orbis.
6. Quæ ſit Habitantium Terræ diſtinctio? quæ accidentia?

DISP. XII. De Mundi cauſa efficiente & finali,  
• ejusdemque Affectionibus

*Reſp. Conrado Spielman. 30. Auguſt.*

- Quæſt. 1. Quid de Mundi cauſa efficiente ſentiendum?
2. Quis ſit Mundi finis?



218  
ANTONII DEUSINGII  
*Med. ac Philos.*

EXEGESIS  
APOLOGETICA.

*ſeu*  
LOCORUM QUORUNDAM,  
*Quæ* in Scriptis illius, per mutila quædam Excerpta, ob-  
ſcuritatem habere viſa ſunt, collocatione factâ  
præcedentium ac conſequentium,  
EXACTA DECLARATIO.

*Adverſus nonnullos*  
ARTICULOS  
*ſeu*  
CASUUM POSITIONES,  
A Viro quodam Clariffimo temerè ac impru-  
denter confictas,

*Quibus præcipiti ſed irritò conatu Philoſophemata illius ad  
Forum Theologicum traducebantur; ac peſimarum hæ-  
reſium & heterodoxiarum in Theologia, in-  
audito reo, inſimulabantur.*

Elenchum ſequens Pagina exhibet.



CRONINGÆ,

Typis JOANNIS NICOLAI Typographi, 1647.

## E L E N C H U S

1. De subsistentia animæ humanæ , & ratione unionis ejusdem cum corpore.
2. De immediata Dei Providentia : ac Anima Mundi.
3. De Animabus ac Intelligentiis Astzorum.
4. De Intelligentiarum Ordinibus.
5. De Spiritu Dei , qui Gen. 1. ferebatur super aquas.
6. De singulari ac supernaturali unionem hypostatica divinæ & humanæ naturæ in una Christi Salvatoris persona.
7. Epilogus.

# CANDIDO & EQUO LECTORI

S. P. D.

ANTONIUS DEUSINGIUS.



**S**I fama Viri & existimatio (benevole Lector) cum vita illico periret, ut vita melior hominū cum meliori fama interit; supervacaneum omnino foret, pro defensione mei chartis ultra quicquam illinire. Præterquam enim, quod Amplissima Facultas Theologica Leidensis, supra omnem hæreseos ac heterodoxia in Theologia censuram ac suspicionem judicio suo dudum me posuerit, evidentissimè insuper alia complura, eaque publica, dum hætenus sub numinū divini gratia vitali isthac aurâ fruor, documenta rerum ac eventuum, de mea, quam abundè nunc probatam habet Orbis, integritate & loquuntur & testantur. At verò, cum post funera, virtutū vel vitij, indeque pendentis vel honoris vel infamiae, vestigia non deleantur; necessum duxi, saltem pro virili mea monumento quodam publico à me illa amoliri, quæ passim Clarissimi ac celeberrimi Antagonistæ mei scriptis publicis, ad posteritatem adnitentibus, inserta sunt, iniquius subinde, ac omnino præter meam mentem, meos sensus ac opiniones in gravissimos errores detorquentia. Haud verò grave istud institutum meum fore Clarissimo illi viro, veterique Collega meo, nullus dubito, qui sanè ipse, ut vir Christianus est, meliora mea dogmata omnino oprat, quàm fortassis illa antehac ex nimia præcipitantia concepit. Ac sanè, quantum fieri potest, hic mitissimè in ipso id censeo cupio ac flagito ab omnibus, quod nimium quandoque insatè claris atque manifestis meis verbis, arripiendo illa sequiis, ballucinatū sit, cum variū negotiū in functione publica districtum otio non abundare verisimile existimem, ut sat attentè aliquando aliena, positaque extra mensem Theologicam, non vacet perlustrare: quæ subinde, cum fortasse ipsi primâ fronte duriora videantur, protinus intensiore quodam Zelo inhibere allaborat. Sic ergo hanc Apologiam meam, antehac à me in lucem editam, recudipatio, ut quicquid antehac personam concernebat propius,

pius, ejusque in me actiones qualescunque, id ipse ultro perpetua oblivionis indelebili litura coercere instituerim: non nisi ea ipsa publico nunc exhibens, quæ meram veram disquisitionem continent; ac ita rei litterariæ accommoda, simulque propugnanda famæ meæ ac religionis incolumitati confirmanda potius, quam impugnanda cuiusque violentia, injuriæ, destinata sunt. Hac autem ratione non nisi locorum quorundam, fortè difficiliorum, (quæ corrigenda videbantur in meis scriptis publicis,) meliorem explicationem, collatis præcedentibus & consequentibus, exhibeo: simulque cum animi affectum mei luculenter probo, quo in personam odium nequaquam foveo; cum quo, pro intimo candore illo animi, qui virum christianum decet, ut ut antè læsus multifariam, in gratiam redire opto. Interea plus sapè mihi juris est, ac erit in perpetuum, meri memetipsum, atque vindicare famæ ac religionis meæ incolumitatem ab injuria, quam me ac famam meam insectari juris est cuiquam adversario. Ignosco autem penitus, ex corde intimo, temeritati, imprudentiæ, erroribus, ac nimia præcipitantia: ac qui me vitâ meâ aequè ac confessione membrum Ecclesiæ orthodoxa probo, Ecclesiæ equidem membro ac consorti religionis, Collega meo veteri inquam, amoris mei ac candoris dexteram hic porrigo: dum saltem non indignum me amore meliorum, quos orthodoxa cordi est religio ac probitas, hac dissertatione exegeticâ ostendo. Equidem utrimque Homines, si quid delinquimus, nos ipsos agnoscamus, qui labi per naturæ inbecillitatem possunt; at eâ supra malos illos genios per Dei gratiam prærogativâ eminenti altius evectos, quod ad integritatis semitam queamus revocari. Dissentiamus verò liberè, ac sine bile interim, in iis ubi normam certam nobis sacra Pagina non exhibet; nec, quæso, dominemur liberis ingeniis, quibus ut vel Mundo huic dominari debeant à Creatore datum est. Per consequentias, qui necesse solent, vel ipsa saluberrima Religionis nostra dogmata in hæreses accipere Hæreticis familiare est; at consequentias ejusmodi, cum rationis nexu careant, haud est difficile elidere. Quod si quid culpa passim intercurrat ex immoderatis actionibus, per sortis nostræ, dum sumus homines, infirmitatem, irascamur equidem à parte altera, at non peccemus. Tunc verò irascentes non peccabimus, si modum ira nostræ faciamus, ac non in odium inexpiabile finamus eam consenescere. Nequaquam sanè pertinet ad dogmata Religionis nostræ, permulta atque speciosa philosophicè vel theologicè rimari; sed pendet à dogmatibus Religionis nostræ Philosophiam.

loſophiam ac Theologiam ipſâ praxi exercere. Hoc verò, præſens non ſucats  
 praxi pignus erga eos, qui quadam in me durius tentarunt, hoc ſanè anime  
 candidioris verèque in me theologiçi indicium, Theologo item meo offero &  
 conſecro. Hoc unum interim obnixè rogo, ne quis invideat tranquillitatem  
 meaſ conſcientia, & incolunitatem meaſ ſame: quam, non tam ut oppo-  
 nam me Antagoniſtæ meo, contra ea, qua ſunt ſequius inſerta paſſim ejus  
 ſcriptu, quàm ut defendam me ex iis qua à me ſuere prodita, Apologiâ iſt-  
 hac meâ (quod certè pietatis atque honeſtatis ſtudio omnino flagitat,) planè  
 ſarram ac intemeratam meo jure probo. Vale, Candide & æquitiſ ſtudi-  
 oſe Lector, & dum in noſtra iſthac fortè incidis, ex æquitatè rem dignoſce.  
 Excerpta autem mutila, qua aliquando tandem prodierunt, ſenſus admo-  
 dùm diſtortos atque intricatos mentientia, non niſi in contextu meo, quem  
 dabis ac ſignabis hac Apologia, reſpice. Datum Groningæ. 20. Septembris.  
 Anno 1647.



ANTONII



ANTONII DEUSINGII  
 Med. ac Philos.  
 EXEGESIS  
 APOLOGETICA.  
 seu  
 LOCORUM QUORUNDAM,  
 Quæ in Scriptis illius, per mutila quædam Excerpta, ob-  
 scuritatem habere visa sunt, collatione factâ præ-  
 cedentium ac consequentium,  
 EXACTA DECLARATIO.

ARTICULUS. I.

*An evitare posset, aut Nestorii hæresin, de duabus in uno Christo personis, aut Apollinaris, qui assererat Christo fuisse pro Anima rationali Spiritum Deitatis, quisquis asserit, animam humanam, absque animali humano, esse substantiam in suo genere perfectam & completam, & ratione propria subsistentiam absolutam: Adæque non uniri naturali unione cum corpore humano, ut formam informantem; sed unione hypostaticâ tantum cum animali humano in unam subsistentiam.*

APOLOGIA.



Nestorii hæresin, aut Apollinaris impiam opinionem, nunquam mihi in mentem venisse, pie ac religiosè testor: Deumque conscientia meæ testem ac iudicem hîc invoco, ac vindicem æquissimum. Quàm concinnè autem, quàm solidè, ac prudenter, ex meis philosophematis, ejusmodi hæresium latibula eruere conatus fuerit D. Collega meus, ex iis quæ subjungam fiet manifestum.

2. Disputatione Metaph. octava th. 29. talia à me prolata sunt:

*Anima*

*Anima humana* (addit ipse D. Antagonista *absque animali humano*, sic alibi cum Plotino voco naturale illud corpus, sensitivâ facultate pollens, cui rationalis anima, formæ rationem habens, jungitur, ut fiat una hominis subsistentia, quâ homo est,) *est substantia creatâ, incorporea, in suo quidem genere perfecta & completa, & ratione propria subsistentia absoluta*: Omisit autem vir Clariss. quod est immediate à me additum: nempe, *at determinata ad corpoream substantiam, & ad animam cum eadem subsistentiam*. Certè ignoravi hæcenus, quod ignoret etiamnum, in Theologia nostra in controversiam vocari, an anima rationalis, separata à corpore post obitum, (quippe creandò infundi, & infundendò creari, adeoque non existere, antequam cum corpore uniatin, quæ Platonicorum est opinio, manifestè professus sum Theat. Nat. univ. disp. 7. §. 43.) an, inquam, illa subsistentiam absolutam habeat, quatenus nimirum sine corpore in se ac per se subsistit, ordinata tamen ad substantiam corpoream, ita ut in unam subsistentiam denuò cum ea conjungatur. Perfectam verò in suo genere substantiam appello, quæ licet sit communicabilis alteri substantiæ, ejus tamen essentia non repugnat actu eidem non communicari, ut colligi potest ex Disp. Metaph. 8. th. 11. ubi manifestè talem substantiam quoque ad incompletæ substantiæ genus retuli. Animam verò humanam completam substantiam esse, dico; sed iterum in suo genere: haudquaquam verò completam simpliciter. Quæ enim simpliciter completa est, eadem ita incommunicabilis existit, ut in unam cum alia substantia nequeat coire subsistentiam, ut Fonseca lib. 5. Metaph. cap. 8. q. 5. §. 3. innuit. At ego animam humanam determinatam esse dixi ad substantiam corpoream, & ad unam cum eadem subsistentiam. Nempe substantiam completam voco ibid. th. 16. quæ substantiam habet alteri substantia ita incommunicabilem; (notate, non dico omnem omnino esse incommunicabilem, sed saltem ita incommunicabilem, ) ut nullius alterius substantia accessu essentia illius ac substantia propria queat fieri magis absoluta ac perfecta. Certè non nego hominis totius essentiam ac subsistentiam magis absolutam ac perfectam esse, quàm solius animæ est subsistentia; sed ipsam essentiam animæ propriam dico non fieri magis perfectam. Num verò

vid. Theat. Nat. univ. part. 2. disp. 6. §. 21. (in marg. pag. 269.) item Dissert. de Anima Iustin. pat. sin.

3.

Nov. edit. part. 2. disp. 6.

4.

5.

- pugnat cum Religionis nostræ Orthodoxia, propriam animæ essentiam ac subsistentiam, si in se spectetur, non fieri magis absolutam ac perfectam, quando denuò cum corporea substantia conjungitur in unam personam, quàm erat dum à vide illam unionem expectaret? Hæc sanè illa rationalis animæ prærogativa est, quam qui negabit, animam negabit esse separabilem. Hæc rationalis anima distinguitur à forma, quæ è potentia materiæ educitur, quæ propriè natura appellatur Phycis. Hæc enim id non est, quod esse dicitur, nec essentiam eam habet, quam habet, nisi quatenus conjuncta est materiæ, sine qua non habet propriam subsistentiam, quâ unquam fiat quoddam *ὀνείδιστος*: at rationalis animæ solius hæc prærogativa est, quòd à corpore soluta, ad modum individui subsistat, essentiam per se quodammodo completam obtinens, semperque servans, propriasque habens operationes, determinata interim ad unam personalem subsistentiam cum corpore deposita.
7. Quin imò, propriam quodammodo in ipso corpore habere subsistentiam, non sine ratione possumus asserere, seu, ut pronunciat Clariss. D. Burgersdicius. (ne hic in fronte citey eos, qui alibi hæreseos cujusunque insimulari possunt,) lib. 2. Inst. Metaph. cap. 16. th. 4. *per se subsistit in corpore*, alio modo quàm *forma quæ solummodo sunt informantes forma*, cum hæc solum per se non subsistant, ut ibidem ipse declarat: quæ quidem peculiaris animæ qualiscunque in corpore subsistentia probatur cit. loc. th. 1. ex ejus operationibus à materia non dependentibus. Et clariùs idem Colleg. Phyc. disp. 29. th. 3. *Anima intelligens etiam tum, cum in humano versatur corpore, quod est hominis materia, sine ope ac causalitate corporis subsistit*. Quis verò unquam in Academia Lugd. Bat. huic Philosopho, ac ibidem Professo-ri, super hac materia unquam movit difficultatem? Similiter verò Rev. Walæus in Ethic. pag. 99. mentem humanam *solutam ac liberam* pronunciat, à corporeis nexibus, etsi corpori sit conjuncta; nec à corpore *inaccessari* dependere ait. Atque ita Suarez disp. Metaph. 34. §. 28. 29. 30. docet modum illum positivum ac realem, à quo anima rationalis separata habet ut subsistat, illi non de novo acquiri per separationem; sed habere eundem à principio creationis in corpore: ad-  
eoque

eoque non modò extra corpus, sed in ipso quoque corpore propriam habere subsistentiam, cui non repugnet informativa illa unio cum corpore, quã homini confert unam hypostasin. Neimpè, 9. cum subsistentia seu subsistere variis modis dicatur, frequens & utilitissima ratio est, quã sumatur pro esse per se, id est, non in aliquo, à quoid, quod sic est, in illo suo esse pendens: Hac significatione, inquit Fontana lib. 5. Metaph. cap. 8. q. 5. s. 4. dicimus non solum omnes primas substantias predicamentales, personasque divinas subsistere, quòd in nulla res sint tanquam forma, aut partes; sed etiam ipsam divinam essentiam, que per modum formæ tribus divinis personis communis est, imò & animam rationalem (NB) etiam dum est in corpore, ut forma in subjecto, in composito autem ut pars in toto, subsistentiam habere, quod nec divina essentia à divinis personis, nec anima rationalis à materia, aut toto composito, in suo esse pendens. Ratione hujus subsistentiæ propriæ animam rationalem absolutam esse diximus: Et talem absolutam subsistentiam simpliciter substantialem appellavimus disp. Metaph. 8. th. 6. quam à personali distinguimus ibidem: Nec aliter sentit præclarum illud Reformationis organum Calvinus, Instit. lib. 1. cap. 5. §. 5. quando suas animæ partes à corpore separatas demonstrat, ac eos perstringit, qui præposterius argutius dediti frigidum illud Aristotelis dictum libenter obliquo flexu traherent, tam ad immortalitatem animæ abolendam, quam ad eripiendum Deo jus suum. Nam, quia organica sunt, inquit, animæ facultates, hoc prætextu alligant eam corpori, ut sine eo non subsistat. Similiter Alstedius lib. 6. Pneum. part. 4. c. 2. vocat Animam nostram formam per se subsistentem: Et subjungit quòd sit substantia per se subsistens, demonstratur ab operatione intellectus, quam absque organo corporeo per se exercet, ut est contemplari immortalia. Additque, Sic igitur *ἡ ψυχή* anima est fundamentum immortalitatis ejus non minimum. In quem sensum illud etiam quadrat, quod idem Calvinus lib. 1. Inst. cap. 15. §. 2. exprimit: Nisi anima essentialiter quiddam esset à corpore separatum; non doceret Scriptura nos habitare domos luteas, & mortis migrare ex tabernaculo carnis; exuere quod corruptibile est, ut tandem ultimo die reportemus mercedem, prout se quisque gesserit in corpore. Similem animi conceptum exprimit præstantissimus Danæus loc. comm. part. 3. lib. 1. cap. 10. ubi cum Augusti-

vid. Differt. De Animæ Immort. s. 16. & seqq.

10.

11.

- pugnat cum Religionis nostræ Orthodoxia, propriam animæ essentiam ac subsistentiam, si in se spectetur, non fieri magis absolutam ac perfectam; quando denuò cum corporea substantia conjungitur in unam personam, quàm erat dum àvide illam unionem expectaret? Hæc sanè illa rationalis animæ prærogativa est, quam qui negabit, animam negabit esse separabilem. Hæc rationalis anima distinguitur à forma, quæ è potentia materiæ educitur, quæ propriè natura appellatur Phylis. Hæc enim id non est, quod esse dicitur, nec essentiam eam habet, quam habet, nisi quatenus conjuncta est materiæ, sine qua non habet propriam subsistentiam, quâ unquam fiat quoddam *ὄντως ὄν*; at rationalis animæ solius hæc prærogativa est, quòd à corpore soluta, ad modum individui subsistat, essentiam per se quodammodò completam obtinens, semperque servans, propriasque habens operationes, determinata interim ad unam personalem subsistentiam cum corpore deposito.
7. Quinimò, propriam quodammodò in ipso corpore habere subsistentiam, non sine ratione possumus asserere, seu, ut pronunciat Clariss. D. Burgersdicius. (ne hîc in fronte citem eos, qui alibi hæreseos cujuscunque insimulari possunt,) lib. 2. Inst. Metaph. cap. 16. th. 4. *per se subsistit in corpore*, alio modo quàm *forma quæ solammodò sunt informantes forma*, cùm *ha solùm per se non subsistant*, ut ibidem ipse declarat: quæ quidem peculiaris animæ qualiscunque in corpore subsistentia probatur cit. loc. th. 1. ex ejus operationibus à materia non dependentibus. Et clariùs ideim Colleg. Phyl. disp. 29. th. 3. *Anima intelligens etiam tum, cùm in humano versatur corpore, quod est hominis materia, sine ope ac causalitate corporis subsistit*. Quis verò unquam in Academia Lugd. Bat. huic Philosopho, ac ibidem Professori, super hac materia unquam movit difficultatem? Similiter verò Rev. Walæus in Ethic. pag. 99. mentem humanam *solutam ac liberam* pronunciat, à corporeis nexibus, *etsi corpori sit conjuncta*; nec à corpore *necessariè dependere* ait. Atque ita Suarez disp. Metaph. 34. §. 28. 29. 30. docet modum illum positivum ac realem, à quo anima rationalis separata habet ut subsistat, illi non de novo acquiri per separationem; sed habere eundem à principio creationis in corpore: ad-  
eoque

eoque non modò extra corpus, sed in ipso quoque corpore propriam habere subsistentiam, cui non repugnet informativa illa unio cum corpore, quã homini confert unam hypostasim. Nempe, 9. cum subsistentia seu subsistere variis modis dicatur, frequens & utilitissima ratio est, quã sumatur pro esse per se, id est, non in aliquo, à quo id, quod sic est, in illo suo esse pendeat: Ilac significatione, inquit Fonsæca lib. 5. Metaph. cap. 8. q. 5. s. 4. dicimus non solum omnes primas substantias predicamentales, personasque divinas subsistere, quod in nulla res sint tanquam forma, aut partes; sed etiam ipsam divinam essentiam, que per modum formæ tribus divinis personis communis est; imò & animam rationalem (NB) etiam dum est in corpore, ut forma in subjecto, in composito autem ut pars in toto, subsistentiam habere, quod nec divina essentia à divinis personis, nec anima rationalis à materia, aut toto composito, in suo esse pendeat. Ratione hujus subsistentiæ propriæ animam rationalem absolutam esse diximus: Et talem absolutam subsistentiam simpliciter substantialem appellavimus disp. Metaph. 8. th. 6. quam à personali distingimus ibidem: Nec aliter sentit præclarum illud Reformationis organum Calvinus, Instit. lib. 1. cap. 5. §. 5. quando suas animæ partes à corpore separatim demonstrat, ac eos perstringit, qui præposteris argutiis dedidi frigidum illud Aristotelis dictum libenter obliquo flexu traherent, tam ad immortalitatem animæ abolendam, quam ad eripiendum Deo jus suum. Nam, quia organica sunt, inquit, animæ facultates, hoc prætextu alligant eam corpori, ut sine eo non subsistat. Similiter Alstedius lib. 6. Pneum. part. 4. c. 2. vocat Animam nostram formam per se subsistentem: Et subiungit quod sit substantia per se subsistens, demonstratur ab operatione intellectus, quam absque organo corporeo per se exercet, ut est contemplari immortalia. Additque, Sic igitur *ἡ ψυχή* anima est fundamentum immortalitatis ejus non inimum. In quem sensum illud etiam quadrat, quod idem Calvinus lib. 1. Inst. cap. 15. §. 2. exprimit: Nisi anima essentialē quiddam esset à corpore separatum; non doceret Scriptura nos habitare domos luteas, & morie migrare ex tabernaculo carnis; exuere quod corruptibile est, ut tandem ultimo die reportemus mercedem, prout se quisque gesserit in corpore. Si nihilē animi conceptum exprimit præstantissimus Danæus loc. commun. part. 3. lib. 1. cap. 10. ubi cum Augusti-

vid. Dissert. De Animæ Immort. s. 16. & seqq.

10.

11.

- no & Thoma animam hominis, substantiam spiritualem, subsistentem pronunciat: Et ibidem rationem reddit, cur hominis anima extra corpus subsistat, hanc nempe, quod anima brutorum sit tantum quoddam humorum temperamentum, & syncretismus, (de qua re hic disquisitionem nullam instituiimus;) Anima vero hominis, inquit, est per se se ipsa. seu ut ibid. cap. 16. ait: quanquam animantium brutorum animæ, corpora eorum movent, cient, agunt; realiter tamen, & per se separata à corporibus, tanquam essentia, non subsistunt. &c. At, solus homo animam habet substantivam, quæ exuta corpore vivit tamen, habet eandem & spirituales naturam, ac ingenium suum & indolem vivaciter tenet, quia substantialiter in corpore vivit. Anima inquit, hominis realiter subsistit, & dat esse, subsistere, & vivere corpori. Ita Gennadius de Eccles. Dogm. cap. 16. solum, inquit, hominem credimus habere animam substantivam, quæ exuta corpore vivit, & sensus suos atque ingenia vivaciter tenet. Et
12. profectò, quantum ego judicare possum, inter novos Theopyschitas referri vult Antagonista meus, ac à Socini schola produisse censerì: quippe tales ipse refert select. Disp. 15. th. 2. qui immortalitatem animæ evertunt, tradendo spiritum ad Deum redire, esseque divine particulam auram, quæ nullam habet extra Deum in se aut per se subsistentiam: me verò reprehendit, quod dicam animam habere in se ac per se subsistentiam, hoc est, ut mea verba sonant, esse ratione propria subsistentia absolutam: adeoque, quod inde necessariò inseritur, esse substantiam in suo genere perfectam ac completam.\* Dum verò propriam animæ rationali subsistentiam tribuimus, haudquaquam essentiali illius cum corpore unionem tollimus: namque subsistentia absolute non redit omnino incommunicabilem, ut docet Suarez disp. Metaph. 34. s. 5. §. 60. sed ipsam animam determinatam esse dicimus, ad corpoream substantiam, & ad unam cum eadem subsistentiam, quod perperam omisit Vir Clariss. quod nisi additum à nobis esset, haud sine ratione forsan Paracelsi futes opiniones ac deliria quisquam nobis imputaret. Ex ea autem mea assertionem facile apparet, me statuere animam humanam reverà etiam incompletam esse substantiam, & quidem partem humanæ essentia; non verò totum hominem seu personam humanam absolutam, ut Plato voluisse quibusdā videtur. Cum enim persona sit
- suppositum

suppositum ratione prae dictum, ut innuimus disp. 8. Metaph. th. 17. Suppositum autem definiatur, *Substantia completa omnino determinata in suo genere*, ut est apud Fons. lib. 5. cap. 8. q. 5. §. 3. seu, *substantia qua subsistit ad modum totius absolute, integram nempe, ac incommunicabilem substantiam essentia seu natura conjunctam habens*, ut nos definivimus disp. 8. Metaph. th. 16. 17. utique animam humanam, quam determinatam esse dixi ad aliam substantiam, & ad unam cum eadem substantiam, pro supposito propriè dicto Scholasticis ne quidem habui; sed simpliciter pro *ὁρισμένη* aliquo, seu subsistente, quod interim *ἑνωμένη* sit corpori unitum: (quam eandem esse receptissimam & orthodoxorum Theologorum sententiam, partim ex antè citatis constat, partim mox plenius fiet manifestum:) multò ergo minùs animam humanam habui pro tota hominis essentia, seu pro humana persona. Atque hæc quidem mea sententiæ dudum potuit cognosci manifestius, ex Theatr. Nat. univ. disp. 8. §. 13. 14. Unde & manifestè ibid. disp. 7. (nov. Edit. part. 2. disp. 6.) §. 14. de Anima humana in hunc modum sum testatus: Neque verò ea sola per se homo est; sed humano corpori juncta hominem constituit. Quà verò ratione hinc aspergatur mihi nefanda illa hæresis de duabus in uno Christo personis, aut de spiritû Deitatis pro anima rationali, nemo cordatior facile concipiet. Cui sanè absurdissimæ consequentiæ, manifesta mea verba contrarium ostendunt, disp. de Mundo 9. q. 4: §. 8. ubi dixi intellectivam animam, licet existentiam in corpore habeat, ab existentia corporis, seu materia, diversam, (ita quoque Burgerfd. coll. Phys. disp. 21. th. 7.) seu, licet in humano etiam corpore sine ope ac causalitate corporis subsistat, (ut ait idem disp. 29. th. 3.) substantiam tamen absolutam, quamdiu corpori per sensitivam facultatem colligata est, non obtinere. Quin &, non omnem substantiam completam, & quæ ratione propriæ substantiæ absoluta est, completam simpliciter; aut simpliciter absolute substantiæ pronunciamus: sed potest aliqua esse in suo genere completa, veluti humana anima, quæ interim in alio genere sit incompleta, seu imperfecta, nempe in genere humano, ut innuimus eadem Disp. Metaph. 8. th. 11. Nec verò ita completam substantiam unquam dixi mentem humanam, quin ex ea atque corpore

nov. edit.  
part. 2.  
disp. 7.

15.

16.



- no & Thoma animam hominis, substantiam spiritualem, subsistentem pronunciat: Et ibidem rationem reddit, cur hominis anima extra corpus subsistat, hanc nempe; quod anima brutorum sit tantum quoddam humorum temperamentum, & syncretis, (de qua re hic disquisitionem nullam instituiimus;) Anima verò hominis, inquit, est per sese *visita*, seu ut ibid. cap. 16. ait: *quancquam animantium brutorum animæ, corpora eorum movent, cient, agunt; realiter tamen, & per se separata à corporibus, tanquam essentia, non subsistunt. &c.* At, solus homo animam habet substantivam, qua exuta corpore vivit tamen, habet eandem & spiritualem naturam, ac ingenium suum & indolem vivaciter tenet, quia substantialiter in corpore vivit. Anima inquit, hominis realiter subsistit, & dat esse, subsistere, & vivere corpori. Ita Gennadius de Eccles. Dogm. cap. 16. solum, inquit, hominem credimus habere animam substantivam, qua exuta corpore vivit, & sensus suos atque ingenia vivaciter tenet. Et
12. profectò, quantum ego judicare possum, inter novos *metopsychitas* referri vult Antagonista meus, ac à Socini schola prodigiis censerì: quippe tales ipse refert select. Disp. 15. th. 2. qui immortalitatem animæ evertunt, tradendo spiritum ad Deum redire, esseque divina particulam aura, qua nullam habet extra Deum in se aut per se subsistentiam: me verò reprehendit, quod dicam animam habere in se ac per se subsistentiam, hoc est, ut mea verba sonant, esse ratione propria subsistentia absolutam: adeoque, quod inde necessariò infertur, esse substantiam in suo genere perfectam ac completam.\* Dum verò propriam animæ rationali subsistentiam tribuimus, haudquaquam essentiali illius cum corpore unionem tollimus: namque subsistentia absolute non redit omnino incommunicabilem, ut docet Suarez disp. Metaph. 34. s. 5. §. 60. sed ipsam animam determinatam esse dicimus, ad corpoream substantiam, & ad unam cum eadem subsistentiam, quod perperam omisit Vir Clariss. quod nisi additum à nobis esset, haud fine ratione forsitan Paracelsi futeles opiniones ac deliria quisquam nobis imputaret. Ex ea autem mea assertionem facile apparet, me statuere animam humanam reverà etiam incompletam esse substantiam, & quidem partem humanæ essentia; non verò totum hominem seu personam humanam absolutam, ut Plato voluisse quibusdà videtur. Cum enim persona sit
14. *suppositum*

suppositum ratione præditum, ut innuimus disp. 8. Metaph. th. 17. Suppositum autem definiatur, *Substantia completa omnino determinata in suo genere*, ut est apud Fomsec. lib. 5. cap. 8. q. 5. §. 3. seu, *substantia qua subsistit ad modum totius absolute, integram nempe, ac incommunicabilem subsistentiam essentia seu natura conjunctam habens*, ut nos definivimus disp. 8. Metaph. th. 16. 17. utique animam humanam, quam determinatam esse dixi ad aliam substantiam, & ad unam cum eadem substantiam, pro supposito propriè dicto Scholasticis ne quidem habui; sed simpliciter pro ipso aliquo, seu subsistente, quod interim in *notatiōe* sit corpori unitum: (quam eandem esse receptissimam & orthodoxorum Theologorum sententiam, partim ex antè citatis constat, partim mox plenius fiet manifestum:) multò ergo minùs animam humanam habui pro tota hominis essentia, seu pro humana persona. Atque hæc quidem mea sententia dudum potuit cognosci manifestius, ex Theatr. Nat. univ. disp. 8. §. 13. 14. Unde & manifestè ibid. disp. 7. (nov. Edit. part. 2. disp. 6.) §. 14. de Anima humana in hunc modum sum testatus: Neque verò ea sola per se homo est; sed humano corpori juncta hominem constituit. Quà verò ratione hinc aspergatur mihi nefanda illa hæresis de duabus in uno Christo personis, aut de spiritu Deitatis pro anima rationali, nemo cordatior facile concipiet. Cui sanè absurdissimæ consequentiæ, manifesta mea verba contrarium ostendunt, disp. de Mundo 9. q. 4: §. 8. ubi dixi intellectivam animam, licet existentiam in corpore habeat, ab existentia corporis, seu materia, diversam, (ita quoque Burgerfd. coll. Phys. disp. 21. th. 7.) seu, licet in humano etiam corpore sine ope ac causalitate corporis subsistat, (ut ait idem disp. 29. th. 3.) subsistentiam tamen absolutam, quamdiu corpori per sensitivam facultatem colligata est, non obtinere. Quin & non omnem substantiam completam, & quæ ratione propriæ subsistentiæ absoluta est, completam simpliciter; aut simpliciter absolute subsistentia pronunciamus: sed potest aliqua esse in suo genere completa, veluti humana anima, quæ interim in alio genere sit incompleta, seu imperfecta, nempe in genere humano, ut innuimus eadem Disp. Metaph. 8. th. 11. Nec verò ita completam substantiam unquam dixi mentem humanam, quin ex ea atque corpore

nov. edit.  
part. 2.  
disp. 7.

15.

16.

- naturali, cui jungitur, fieri unum quid per se, apertè asseruerim; ut partim patet ex prædictis, partim clarius patebit in progressu.
17. Licet ergo *anima Christi* (ut revertamur eò, quò ab Antagonista revocamur) ratione propria subsistentiæ absoluta fuerit triduo mortis, simpliciter tamen *absoluta subsistentia non fuit*, ut de Angelis pronunciamus, Disp. Metaph. 8. th. 28. sed ad ipsum corpus determinata, cum quo unita rursus *unam subsistentiam* humanæ naturæ constituit: Sed hæc ipsa prætergressus fuit. Vir Clariss. fortasse curis variis advocatus minùs præsens. Haudquaquam ergò Christi anima sola, quæ humanæ in Christo naturæ pars est, quæ glorioso ejus corpori unita existit, persona colligi debet aut potest ex nostris Thesisibus.
18. Quemadmodum neque totam Christi humanam naturam, seu Christum totum hominem, quæ hominem, personam statuendum volumus: quippe, (nota, quæso, candide Lector, quàm immeritò turpissimæ hæreseos Nestorianæ me suspectum reddere conatus fuerit Antagonista meus) *humanam & divinam Christi naturam supernaturaliter unitas esse, in unam eandemque personam*, manifestè profiteor th. 18. disp. Metaph. 8. ex qua eadem Disputatiohe cavillandi hæc occasio arripitur. Veluti ipsam quoque *subsistentiam persone divinitatis secundæ, seu substantiam ejusdem modum, ita esse mutatum* assero, ibidem th. 15. secundum dogmata nostræ Religionis, ut ipsa illa persona communicabilis sit reddita naturæ Christi humane, non mutata interim vel essentiâ divinâ, vel ejusdem existentiâ, vel subsistentiâ eidem essentiâ propriâ, quæ unica essentia divina, in tres personas est distincta. (confer. quoque th. 13. & 14.) Hæcne cuiquam sapiunt, infandam aliquam Nestorii opinionem? Quid quæso sanctius, quid clarius à me dici potuisset, quo non modo Nestorianam illam, sed omnem omninò hæresin, in hac materia rejicerem. Quid verò magis iniquum proferri potuisset, quo manifestissima nostra mens, eaque ὁρθόδοξοὺς suppresseretur, ac detestanda nobis hæresis aspergeretur, quam quod per imprudentiam commentus fuit D. Collega meus? Et sanè contradictionem in adjecto implicat, quòd ex *unione anima humana cum corpore*, quan à me non satis convenienti modo exprimi contendit, illam Apollinaris hæresin

hæresin elicit, quâ Christo *anima humana* denegatur. Ac  
 quotus quisque interim nostrum ita accuratè singula verba pon-  
 derat ubique, (præsertim in succincta & apboristica doctrina, quæ  
 nequaquam ostentationis causâ, sed pro tyronibus eorundem ro-  
 gatu, ad excitandam magis diligentiam & animi vigorem, est ex-  
 hibita, quæ ut mens nostra plenius perquireretur, publicæ subje-  
 cta fuit ventilationi,) ut nihil sit omnino, quod fortè à contentio-  
 so, vel à minus æquo animo queat carpi: quòd si verò inaudita  
 parte alterâ, vel neglectis & omissis reliquis ejusdem scriptis, quæ  
 meliorem mentem lueulenter produnt, hinc protinus hæreseos su-  
 spicio sit concitanda, ac censura exigenda, quotus quisque tandem  
 non Philosophorum modò, sed Theologorum quoque reperietur,  
 cui non similis aliquandò unâ mecum censura expectanda foret.  
 Certè pollicebor, nullum mihi oblatum iri, vel accuratissimi ma-  
 ximèque probati Scriptoris scriptum, ex quo non simile quid possem  
 ei, quod ex meis scriptis præstitit Collega meus. Profectò, ne  
 sanctissimi quidem illi viri, qui inspirante ac dictante Spiritu S.  
 monumenta nobis tradiderunt; impias malorum hominum cavilla-  
 tiones potuerunt evitare. Sed videamus illam unionem animæ cum  
 corpore, quam Collega meus reprehendit. Animam humanam  
 non uniri naturali unionem cum corpore humano, ut formam informantem,  
 conatur inferre ex mea mente; sed unionem hypostaticâ tantum, cum ani-  
 mali humano, in unam subsistentiam. Vellem equidem loca mea as-  
 signata esse: certè talis contextus, nisi admodum mihi labilis me-  
 moria, nullibi in meis scriptis reperietur. Non uniri naturali unionem  
 cum corpore, nullibi à me pronunciatum est; nec unionem naturalem  
 ullibi unioni hypostaticæ, (si supernaturalem illam in Salvatore nostro  
 excipias,) opposui: nimis ἀπαίδευτος locutus essem, si locutus  
 essem ita unquam. Contrà verò Disp. Metaph. 8. th. 30. Animam  
 humanam determinatam esse naturaliter, (naturaliter, inquam) ad sub-  
 stantiam corpoream, asserui, cum qua in unam coit subsistentiam: Pro  
 quo, si D. Antagonista hypostaticam unionem accipiat, utique non  
 errabit. Quamvis enim suppositum & subsistens distinguantur Meta-  
 physicis, ut apud Suarez. disp. 34. li. 5. §. 58. 59. Fonseca. lib. 5.  
 Metaph.

Metaph. cap. 8. q. 5. f. 3. 4. videre est, *hypostasis* tamen in abstracto, & *subsistentia*, ut & *hypostasim habere* & *subsistere*, non similiter distincta sunt, ut patet ex Fonseca cit. loc. (nisi quod apud Scholasticos, in divinis tantum, non sit unus idemque usus utriusque, ut ibid. f. 5. docetur :) unde & *hypostatica unio* Metaphysicis talem propriè unionem denotat, quæ actualem subsistendi modum inferat, primis nimirum substantiis per se convenientem. vid. rursum Burgerisd. Metaph. lib. 2. cap. 2. th. 3. 5. & 6. ne ab iis, qui hæreseos fortè suspecti esse queunt, imprimis opem mutuare sit necesse.

23. Et ne fallacia quæ delitescat, non utrique dixi unionem animæ cum corpore, seu cum animali humano, esse unionem *hypostaticam*, (nimirum, talem credo D. Antagonistam respicere, quæ ex duabus naturis, per se subsistentiam simpliciter absolutam habentibus, fiat una hypostasis, seu subsistentia;) sed dixi, *animam humanam coire cum substantia corporea in unam subsistentiam*: quod eodem sensu pronunciat Suarez disp. Metaph. 34. f. 5. §. 30. *uniri hypostaticè toti homini seu personæ hominis; quamvis non uniantur hypostaticè corpori*. Seu evidentius fortassis Facultas Theologica Basleensis in Respons. ad Dan. Sennert. de origine & natura animarum in brütis: *Anima rationalis, inquit, ut maxime corpori sit conjuncta, & ὁμογενὴς united; tamen est à corpore separabilis, ita ut etiam extra corpus sit ὁμογενὴς aliquod*.
24. Quid clarius à Theologis orthodoxis pro nostra sententia aut loquendi modo dici posset? quid magis apertis verbis pronunciari? Hæc verò mea est sententia, cuius æquo Judici satis plana, ex anima rationali, (quæ etiam sola extra corpus ὁμογενὴς aliquod est, hoc est, substantia in suo genere completa ac perfecta, & ratione propriæ substantiæ absoluta; at interim communicabilis, seu determinata ad corpoream substantiam,) atque eo cui ipsa per naturam necitur, unam constitui personam: (excipe in Salvatore nostro, ubi supernaturale quid habere locum ipse monui, citatâ, quam & respexit Antagonista, disp. Metaph. 8. th. 18.) adeoque hominem non esse unum quid per accidens; sed unum quid per se. At interim existimo cum Suarezio cit. loc. *animam humanam non uniri personæ hominis tantum, ut mendicantiem ab illa subsistentiam; sed potius, ut qua*

ut qua constituat ac conferat illam, saltem ex parte, & quidem principaliter. Quo sensu ex Danæo antè diximus: *Animam hominis realiter subsistere, & dare esse, subsistere, ac vivere corpori*: quatenus nimirum corpus est hominis. Equidem animam humanam non esse naturam propriè dictam, ut naturam nobis definit Arist. 2. phys. sed divi-  
nam potius, & extrinsecus advenire, seu è potentia materiæ mini-  
mè educi, pluribus docuimus Theatr. nat. disp. 7. §. 23. & 36. Ac  
disp. 2. q. 2. pag. C. 2. cùm formam naturalem non esse separabilem, nisi  
secundum rationem tantum, inculcet Arist. 2. ph. t. 12. inde constare  
dixi, mentem humanam formam naturalem non esse: utpote quæ reverà se-  
parabilis existat, nec in materiæ potestate lateat. Eandem tamen supre-  
mæ mortalium formarum, quam phantasiam nonnulli vocant, seu  
ipsi animali humano, non modò per operationem, sed & per naturam  
connecti, cùm ipsa sensitiva corpori, seu materiæ, ut forma in-  
formans unita, in potentia sit, ad recipiendam ac sustinendam ani-  
mam rationalem, dixi ibid. disp. 8. §. 10. & disp. 2. de mund. q. 3.  
§. 12. Seu, ut Coroll. 20. Append. disp. 2. Theatr. Nat. mentem  
expressi, ita assistit anima rationalis, ut ex corpore, sensitivâ animâ seu  
supremâ illâ formarum materialium instructo, hoc est, ex animali humano,  
& ipsa rationali anima fiat unum per se; sitque ipsa rationalis anima ratio  
essentia hominis, quæ homo est. In eundem sensum dixi disp. Metaph. 8.  
th. 30. eandem formam informanti analogiâ respondere, ad animal huma-  
num ordinatam, hoc est, quemadmodum ex forma illa physica, quæ  
propriè Physicis in genere formarum natura dicitur, ipsaque mate-  
ria, corpus naturale per se unum constituitur; ita ex anima ratio-  
nali, quæ naturam propriè dictam transcendit, & corpore sensiti-  
vâ facultate instructo, fit unus per se homo, naturam omnem pro-  
priè dictam essentix nobilitate superans. Atque ita manifestè ibid.  
th. 31. animam humanam animali humano formaliter (formaliter inquam)  
unitam pronunciaui. Ac manifestissimè Append. disp. 2. Theatr.  
Nat. Univ. Coroll. 12. *Anima rationalis*, inquam, seu mens huma-  
na, forma hominis utique est; at totò genere diversa à reliquis formis omni-  
bus. Eandem mentem reddidi Theatr. Nat. Univ. disp. 7. §. 44.  
ubi animam rationalem dixi formam hominis, atque per eam esse id quod

Nov. edit.  
part. 2.  
disp. 6.

Nov. edit.  
part. 1.  
disp. 1. q.  
2. §. 10.

Nov. edit.  
part. 2.  
disp. 7.  
Nov. edit.  
part. 1.  
disp. 5.  
128-99.

26.

Nov. edit.  
part. 1.  
disp. 5.  
pag. 93.

Nov. edit.  
part. 2.  
disp. 6.

- homo appellatur. Est enim certè anima humana hominis ipsius forma, non autem corporis, ut cum Danæo dicam, ex part. 3. loc. com. cap. 10.
27. *rectè tamen huic corpori adaptata.* Nempe aliud est esse formam Logicis dictam, aliud esse formam physicam. Animam intelligentem esse formam hominis logicè sumptam, seu quâ homo verè homo est, ac unum quid per se, nullibi negavimus; sed apertè pluribus in locis asseruimus. At verò eandem esse formam physicam, id utique negamus apertissimè, quippe cum non educatur è potentia materiæ, nec inseparabilis existat, nec quoad existentiam ac proprias operationes à materia dependeat: quam ipse Arist. proficitur *ὁυαθηρ ιπαιρις* 2. de gen. anim. cap. 3. quam idem *physica considerationis* esse negat. 1. de part. anim. cap. 1. Ut verò tandem uno verbo absolvam, non aliam mente concepi animæ humanæ cum corpore unionem aut verbis ullibi expressi, quam qualem tradit Clariss. D. Burgerfd. (qui in Acad. Lugd. Bat. haud ita pridem cum summâ laude docuit,) Colleg. phys. disp. 29. t. 9. & Instit. Metaph. lib. 2. cap. 16. th. 4. nisi quod ego assistentis formæ, ex mente Antiquorum eam esse conditionem statuam, quam ille animæ humanæ ibidem tribuit, quando hanc medio modo se habere ait inter formam assistentem & informantem. Videatur disp. nostra de Mund. 2. q. 3. §. 8. usque ad §. 15. & disp. 9. q. 4. §. 2. & seq. itemque disp. Metaph. 8. th. 30. quibus locis assistentem formam indigitavi satis manifestè, non quæ simpliciter assistit, ut nauta navi, (quæ utut rectè forsan actus dici queat; minùs tamen propriè forma est:) sed, quæ assistendo informat, ut ajunt: seu *qua non per appetitum simpliciter, praelectionem, & ad libitum assistit, sed per naturam & propriam conditionem, sicut Intelligentia cælo*, ut loquitur Piccol. lib. de cælo, cap. 20. de quibus Intelligentiis Cælestibus formis astrorum assistentibus sentit Averroës teste Fort. Licet lib. 3. de ort. anim. hum. cap. 14. magis suis corporibus unitas esse, quàm formæ naturales materiæ huic sublunari: adeoque *ὁυατικῶς* omnino unitas esse: quam quidem posteriorem formæ assistentis rationem Veteribus fuisse cognitam & usitatam, ignorâsse vel disimulâsse videtur Burgerfdicius, solam priorem respiciens, ut patet ex disp.

De formæ  
assistentis  
ratione  
vid. Dis-  
sert. de  
union.  
Anim. cum  
corpore  
§ 19. 30.

ex disp. phys. 20. th. 7. unde non reipsâ, sed verbis tantum à nostra sententia dissentit, quando animam intelligentem formam assistentem esse negat : ad amissim autem congruit nobiscum, quando Coll. Phys. disp. 29. th. 9. dicendum, ait, animam intelligentem esse quidem formam assistentem; sed talem tamen, qua quia toti corpori unita est, non solum sit principium intellectus, sed etiam conferat essentiam humanam. Hæc eadem sententia est Nobiliss. ac Rev. D. Marefii Loc. v. th. 49. ubi Anima rationalis illi dicitur esse forma hominis non tantum assistens sed etiam informans : & quia indivisibilis, inquit, tota in toto corpore & tota in qualibet parte; & quæ ut ἐξωθεν & extrinsecus venit, ita existit extra corpus & remanet post animal, ac nobilissimarum quoque operationum suarum tum capax est : quicquid contra Sociniani negent, non tantum revocantes Psychopannychitarum errores, sed etiam animarum immortalitatem evertentes, &c. Quod autem in illo ipso unionis modo declarando, nec à Clariss. D<sup>o</sup> Burgersd. vel aliis quos citavi, nec à me ipso, noviquid prolatum sit, sed ipsam mentem Aristotelis exhibitam, & antiquissimæ Philosophiæ dogma, solidamque veritatem, multis, si videbitur necesse, potero docere. Eandem verò, quàm nos exhibuimus de anima humana sententiam, si non tam nuda verba, quàm res ipsa inspiciatur, fuisse aliorum item maximorum, ac procul omni dubio orthodoxorum Theologorum, ex jam antè dictis manifestum est : hoc verò interim Philosophorum esse certum est, majori ἀκρίβειā loqui in rebus Philosophicis, ac vocabulis uti in Philosophia usitatis. Prædictam quoque illam nostram sententiam mente denuò concepit, ac verbis satis clarè innuit Danæus Isag. Christ. ad loc. com. part. 3. cap. 10. quando Animæ definitionem ab Arist. traditam, l. 2. de Anima, tum generatiliorem esse, tum etiam periculosam asserit : Nam, inquit, alligat animam corpori, quod de anima hominis verè dici non potest. Nempe, ἑτερίτης non significat nisi id, quod est perfectio alterius, & quod non habet aliud esse, quàm hoc, ut sit alterius complementum, ut est apud Zab. de mente humana, cap. 7. at anima rationalis etiam aliquid absolutum est, absque relatione ad corpus. Verè enim, ut Walæus in compend. Ethicæ ait pag. 99. mens humana soluta ac libera est à corporeis nexibus, etsi

29.

vid. Dissert. de Anim. Hum. unio ne cum corpore.

30.

Confer. Diss. de Anim. Hum. substant. s. 7. 8.



31. *corpori sit conjuncta.* Hæc ergo mea mens ex meis scriptis satis clarè innotescit: quam si hic tandem fuerit assecutus Clariss. D. Collega meus, utique non ita temerè, non ita præcipitanter deinceps innocentem conscientiam hæresum suspicionibus gravabit; sed ex officio sacro, etiam alibi, si quid obscuriùs videri queat dictum, non doctrinâ modo, sed exemplo quoque suo, aliis commendabit Christianam charitatem, quæ pallio candidiore errores quoque leviores, si qui observari possint, debet tegere, & præsumptos lapsus potius in minùs exquisita ἀκριβείᾳ descriptionis, quæ faciliè unâ distinctione queat emendari, cogitare, quàm in sententia errores. Interim hoc addam ex Rev. ac Clariss. D. D. Marefii loc. v. th. 50. *De Anima natura, origine, ac facultatibus disputare non esse Theologicis instituti.* Ilac enim, inquit, potius supponit quàm trahat Theologus. Eadem meus est Calvinus lib. 1. Inst. cap. 15. §. 6. Nimis igitur intempestivè atque imprudenter falcem misit in alienam messem Vir Clar. ac sanè pessimè ἐχέριστος hic illi cessit.
- 32.

## ARTICULUS II.

*An absque periculo, ad conservandas, & in ordinem cogendas naturæ particulares, Universi partibus indicas, & librandam corporum etiam cælestium molem, negatâ immediatâ Providentiâ divinâ, inculceatur unica Mundi anima, ut ordinaria Dei ministra: eaque animans Mundum universum; atque illum faciens unum animal, ut forma assistens, hypostaticè unita, singulis in Universo atomis enter, potenter, ubique præsens?*

## APOLOGIA

Quærit porrò Vir Clarissimus: *An absque periculo, &c. negatâ inquit immediatâ Providentiâ divinâ.* Hæc quamvis thesis esse videatur, seu potius hypothesis, adeòque veluti indubitata præsupponatur, consequentiæ tamen potius illatæ ab Antagonista, rationem obtinebit, ne quâ re nimium arguere Collegam nostrum videamur. At interim quid verè sentiam de Providentia divina, haud difficulter notum esse potest cuivis æquo Judici ex mea Disp. de Mundo

Mundo 12. q. 1. §. 26. 27. ubi Deum Opt. Max. (quem disp. de primo Motore pluribus ex ipso lumine naturæ demonstravi unicū, simplicitissimū, omnipotentem, immensū sine quantitate, sine loco ubique præsentem, sine tempore sempiternum, &c. Creatorem ac conservatorem omnium, à quo dependent reliqua, tum quoad esse, tum quoad conservari, tum quoad operari) hunc Deum Opt. Max. inquam, pronunciavi cit. loc. liberrimā voluntate conservate omnia, quæ libere ex nihilo produxit: nec sine ipsa Dei voluntate conservante servatum iri rerum nexus, &c. sed in nihilum reditura cuncta, &c. Creationem nempe, gubernationem, & ad singulas singularum rerum actiones concursus Dei agnosco ibidem, & pronuncio: quæ quidem omnia, ut in Deo sunt, nec ab invicem, nec à simplicissima & immutabili divina essentia, ipsæque Dei liberrima voluntate distingui, ibidem manifestè contendo. Optimèque conspirare illam Dei Providentiam cum secundis causis monstro. Provocare equidem hic possem ad fidem integerrimam Nobiliss. & Ampliss. Viri, D. D. Wynbergii, Curatoris nostri illust. Gymnasii, D. Piscatoris, aliorumque Clarorum Virorum, qui in publicis meis disputationibus dudum, antequam de ulla machinatione Cloppenburgii potuissim somnare, cum fortè argumenta eò me pertraherent, super hac materia prolixiorem meam expositionem audiverunt, quæ nempe ratione immediata Dei providentia cum secundis causis optimè conspiraret: quæ res, ut in Philosophia quoque locum habet, ita philosophicè à me exposita est, ne in alienam messem me immitterem. Provocare possem vel ad ipsam D. Antagonistæ mei conscientiam, an non, cum sua hæc gravamina coram Synodo urgere institueret, (judiciis, seu potius præjudiciis, tacite ad Positiones suas passim conquisitis,) ipsique D. D. Curatori Wynbergio, me planè inscio, institutum suum aperiret, an non, inquam, eo ipso tempore sit monitus ab Ampliss. D. Curatore, ut prudenter antea curaret mentem meam rectius explorari, quò in ipsis thesibus consentiremus; se nempe dudum quoad illam Dei Providentiam mentem meam ex me ipso cognovisse, longè aliam, quàm cerneret notatam in D. Collegæ mei Casuum Positionibus. Sed quid opus longiùs ad aliorum testimonia recurrere, mox ipsa mea scripta, dudum edita, priusquam ista lis moveri mihi cæpit, uberiùs

- meam mentem dabunt manifestam. At interim hoc antè inquiremus, undè tandem illam thesin eruat collega meus? Dicam quantum possum conjecturâ assequi. Animam Mundo designavi: Ergo immediatam Dei Providentiam sustuli. Hoc nempe argumentum mihi motum fuit aliquando, fortasse, ut nunc suspicari possum, ipso D. Antagonistâ meo suppeditante rationes. At sanè, si ego unquam in hunc modum argumentatus essem: Homo per rationalem animam dirigitur; ergò circa singulas hominis âctiones non habet locum immediata Dei Providentiâ& concursus, meritò me dudum heterodoxiâ damnâset aliquis, qui sanè magis tali casu, quàm hoc nostro, de Ecclesia fuisset meritis. Dum verò hâc me parte urget Vir Clariss. dubitare sanè possum, annon ipse ad eorum
5. gregem sit transgressus, qui ab Ecclesia nostra discesserunt. Sed magis fortè manifestus error invenitur disp. 9. q. 2. §. 32. ubi ab immediata Dei Providentia non esse desumendam rationem ordinis corporum cœlestium in Universo innui. Verùm enim verò, & illi æquiores Judices ex solis iis quæ ibid. sunt prolata, meliorem mentem faciliè invenient. Ratio nempe ex natura rerum, (quippe naturales rerum causæ Physico reddendæ sunt,) eruenda pronebatur §. 28. quâ ingentia cœli corpora naturali libramento passim in æthere pendeant, ut non in unum collabantur omnia? Hic proximam quidem causam, eamque instrumentalem, dedimus, quòd nempe peculiare gravitatis centrum habeant corpora cœlestia quævis: Hoc verò ita constitutum esse diximus ibidem cum Copernico, à divina Providentia Opificis Universorum. Verùm enim verò, cum Physico non satis sit, scire omnia à Deo pendere, omnia à Deo dirigi, conservari, gubernari; sed causæ naturales quoque, à Divina Providentia ordinatæ, sint investigandæ propius, (sic nempe Medicus quoque non ignorans sanitatem ac morbos à Deo esse, eorum tamen causas naturales investigat, & convenientibus remediis, divinâ rursus providentiâ, ac ipsâ Dei manu, concurrente, morbos profligat,) potuisset fortè nobis aliquis objicere, *Verè quidem ita responsum*, (notate Lectores, *Verè dixi ita responsum*, §. 30. nec enim Dei providentiam negavi unquam, aut in dubium vocavi,)

vocavi,) sed non physice. Dum ergo nolumus ibidem §. 32. ob-  
 trudi nobis Providentiam divinam immediatam, hanc certè non nega-  
 mus, aut excludimus; sed scopo Physici non satisfacere assevera-  
 mus. Unde disp. eadem 9. quæst. 3. §. 3. Physico, inquam, ab im-  
 mediata Dei Providentia non esse protinus desumendam rationem. & ibid. q.  
 2. §. 30. in physicis non à Dei Providentia immediate, sed à causis naturali-  
 bus rationem desumendam esse. Certè, ut ridiculum foret, si quis legis pe-  
 ritus pro fundamento casus cujuscumque ita aliterve decisi, auctoritatem alleget.  
 Principis, ut non nemo ait, nec unà legem aut decisionis rationem demon-  
 stræt: haud secus & Physici jure meritoque vident eos, qui dicunt hoc vel illud  
 opus à Deo præstari, nec tamen ex ordine accursu rerum causam particularem  
 indigitant, undè res oriri potuerit. Profectò si omnium rerum causas  
 mihi Philosopho protinus desumere sufficeret à Divina Providen-  
 tia, sine qua equidem reliqua entia nec fieri possunt, nec esse, nec  
 operari, (ut ipse professus sum De Opificio Mundi disp. 2. q. 3. §. 18.  
 disp. de mot. primo §. ult. & alibi pluribus in locis;) vel unà horà  
 plures Physicos efficerem, quàm unà pluvia nascuntur spongiæ:  
 Nec multum laboris insumendum foret, in reddenda ratione Physica  
 continui incrementi velocitatis, quod est in motu gravium &  
 levium, fluxus & refluxus maris, proprietatum magnetis, &c.  
 Equidem sententia orthodoxa, de divina Providentia, quâ Deum  
 non tantum primum movens, sed & secundum, & tertium, &c.  
 prout subalterna media ipse disponit, reverenter agnoscimus, non  
 tollit aut denegat, ut dicamus cum Danæo, ex Isag. ad loc. comm.  
 part. 1. lib. 1. cap. 32. cuique rei eas vires, quas Deus indidit, vel ad  
 opus aliquod faciendum, vel ad subserviendum alterius operi. Nempè ut  
 mox subjungit: Tantum virium & potentia & facultatis, etiam retentâ  
 Dei providentiâ, relinquit cuique rei, quantum Deus ipse illi tribuit, con-  
 cecit, & inesse voluit. Hoc tantum infert divina Providentia im-  
 mediata, (dicam cum eodem Danæo ex cit. loc.) in Sole, in semine,  
 in grano, in rebus singulis, vires ipsas quas habent, à Deo esse, non ab  
 his ipsis rebus; & eas à Deo in singulis earum actionibus cieri, & promove-  
 ri, & vivificari: quoniam alioqui in his ipsis rebus illa vires jacerent mortua  
 & inutiles, nisi Deus eas excitaret, & efficaces redderet, quoties agunt,  
 quoties

7.

quæst. 1.  
 partis  
 quart.  
 Theat.  
 Nat. univ.

8.

9. *quoties Deus illis, velut secundis causis, utitur.* Secundas ergo causas dum inquiri, præter illam Dei immediatam Providentiam, huic certè nihil derogo, utpote cum illæ huic minimè adversæ sint, sed ab ipsa Dei Providentia, eidem subordinatæ, ac cum ipsa Dei Providentia, sic volente Deo, optimè conspirent: Unde cit. disp. 9. q. 2. §. 36. *gravitatem, seu appetentiam naturalem, partibus inditam à divina Providentia, singulis corporibus cælestibus peculiarem esse assero à causa quadam secunda.* Ubi manifestum est, me ad unum eundemque effectum constituendum, non modò causam secundam, sed ipsam simul Dei Providentiam concurrentem agnoscere. Ac manifestè sum professus d. 2. de Mund. q. 1. §. 17. *Me nihil divina potentia, nihil divina providentia, nihil inquam omnipotentis ejus conservationi, nihil gubernationi derogare, dum in Mundi constituto ordine, secundas causas divino numini subordinatas trado.* Omnia namque providente, & tum operante, tum permittente Deo fieri, dixeram ibid. §. 11.
10. Similiter disp. 9. q. 4. §. 12. *Nullam excogitari posse rationem, quæ decedat quicquam Dei sapientia & omnipotentia, si mundi corpora moveat non immediatâ suâ virtute tantum, (N. non dico, non movere immediatâ virtute suâ, sed Deum movere non immediatâ suâ virtute tantum,) sed per intellectum à se procreatum.* Qui sanè animi mei sensus ὁρθοδοξώτατος & similiter jam dudum potuisset elici ex disp. mea de Mund. 1. q. 5. §. 17. ab eo saltem, cui animus affectum fuligine non admodum fuisset obfuscatus, ubi ipsam conservationem, quæ creatura omnis à Creatore necessario dependet, esse ipsammet continuam creationem pronunciaui: ita autem Vniversum, quoad esse, à Deo dependere, dixi disp. de mot. primo. quæst. 4. §. 8. *ut includatur in essentia illius dependere, nec sine dependentia essentia ejusdem sit perfecta:* at operari præsupponit esse, quod Philosophis est notum. Cùmque ex Platone dixi disp. de Mund. 1. th. 7. *Mundum esse animal, idque intelligens, reverà divinâ providentiâ constitutum, itemque conservationem, ut in Deo est, à creatione non distinguui, quis æquus Judex, cui non vacillat ratio vel animus, non faciliè intelligit, me immediatam Dei Providentiam agnoscere? quamvis non ita immediatam simpliciter, ut media, seu secundæ causæ, excludantur.* Et quid tandem clariùs, ac
- Refor-

Reformata nostra Religioni magis consentaneum pronunciare potuit, quàm quod à me prolatum est disp. de Mund. 1. th. 11. ubi conservationem Mundi ejusdemque gubernationem, quatenus ad Deum spectat, immediatè à summo Deo proficisci, & cum ipsa coincidere creatione, totidem pronunciavi verbis; quatenus verò ad creaturam dirigitur, ordinariè quidem causarum secundarum, à Deo constitutarum, & ab eodem dependentium, fidei commissæ esse. Ubi sanè dùm secundas causas pono, immediatam Dei providentiam non tollo. De hac item divina providentia satis clarè & exactè sum locutus dudum in Theatr. Nat. Univ. disp. de Fato, q. 1. §. 6. ubi Fatum divinum dixi esse æternum æternæ Providentiæ decretum, quo Deus omnia quæcunque in hoc Universo geruntur, infallibiliter, ac summa cum futuri eventus, ab æterno prædestinati, certitudine exequitur, dum vel unamquamque creaturam ad operationes concitat, secundùm naturæ cujusque convenientem rationem, vel extraordinariè suâ virtute effectum in destinatum à se finem dirigit: ita ut bonam quamvis actionem vi Fati sui approbet, excitet, promoveat; malam verò actionem abominetur, eamque vel prorsus impediat, vel ad fines bonos dirigat. &c. Ad Providentiæ Dei duo spectare dixi ibid. §. 8. 1°. Præscientiam, quâ Deus omnia præscire dicitur, &c. 2°. Dei vim sustentantem omnia ac gubernantem. Ut rectè Providentia in Deo vi dicatur & potestas omnia videndi, sciendi, sustentandi, gubernandi. Hac vi Deum causas secundas (N.) impellere, trahere, ita tamen, nisi miraculosè agat, ne in sitam rebus virtutem ac propensionem rerum naturalem pervertat: ab hac divina Providentiâ omnem actionem naturalem dependere, ut naturalis est; ut bona, ab eadem dirigi, &c. Quid magis christianè, quid magis orthodoxè de immediata divina Providentiâ à me dici potuisset, quàm id quod protuli ex ipsa etiam Philosophia? Ex quibus omnibus tandem manifestum est, quo sensu sint accipiendæ ea, quæ ex lib. de Mundo, qui vulgò Aristoteli tribuitur, notavi disp. de motore primo q. 4. §. 10. Primus ille Mundi Opifex in summo loco ita residet, ut interim numinis ejus vis per omnia diffusa. &c. Certè nunquam mihi in mentem venit, Deum otiosum illic residere, ac solummodò per secundas causas omnia administrare, ut ex antè allegatis liquet; sed proprio nutu, propriâ cooperatione, proprio concursu simul omnia dirigere.

Hh

12.

Nov. edit.  
part. 1.  
disp. 18.

13.

Theatr.  
Nat. univ.  
nov. edit.  
part. 4.

Nov. edit.  
part. 2.  
disp. 7.

- gere. Confer. Theatr. Nat. Univ. disp. 8. §. 41. in fine. Hoc tantum indicare volui, quamvis sint motores varij subordinati, ad unum tamen rerum omnium conditorem & conservatorem, etiam naturæ lumine recurrendum esse, à quo omnia dependeant, à quo omnia dirigantur. Interim ad gloriam Dei agnoscendam maximè id spectare credidi, cum Autore lib. de Mundo, (sive Aristoteles is sit, sive Theophrastus, ut videtur alijs) Deum non omnia immediatè simpliciter, hoc est, sine medijs, peragere; (simili ratione atque cum ex nihilo quid producit:) sed innumerabili penè ministrorum, seu casuarum secundarum, exercitui, à Deo condito, quarum concursu ordinariè Mundum regit ipse Deus, quibusve *tanquam suæ providentiæ & decreti instrumentis*, ut Danæus antè cit. loc. ait, *Deus utitur*, diversissima munia ita distributa esse, ut omnia quæ ex ordine naturæ fiunt, veluti in regno ordinatissimè disposito, ordinatissimè peragantur. Neque verò interim in solo cælo essentiam divinam esse credidi; (ne hîc nova detur cavillandi aliqua occasio,) sed in cælo esse dixi, eâ ratione, quâ sacra Scriptura in cælo Deum collocat, Psalm. 113. 5. & alibi; quâ patrem nostrum invocamus, qui in cælis est. *Hanc sedem Deo*, ut cum Molinæo dicam, ex tract. de cogn. Dei, §. 28. *non modò Scriptura tribuit, sed & omnium gentium constans sententia. Nam etsi essentia Dei complet omnia, nec ullis terminis circumscribitur, insitum tamen est homini, divinis meditant, mentem, quantum potest, à terrenis summovere, & ad cælum attollere. &c. Nec immeritò humana ratio Dei solum locavit in cælo. Nam qua Deo, qui omnia movet, potest esse habitatio convenientior, quam corpus illud, per quod omnia movet? Quanam patri luminum sedes aptior, quam regio per se lucida, & insitâ luce semper perspicua?* &c. Sic ergo in summo loco residere Deum Mundi opificem asseruimus: ubi verò propriè loquendum nobis fuit, disp. de mot. prim. quæst. 4. §. 45. & seq. *immensum esse demonstravimus, ita tamen ut partibus careat ac omni divisione, §. 44. Adeòque §. 47. Immensitatem habere partibus carentem ac penitus indivisibilem pronunciamus: ac totum quidem in toto universo esse, totumque extra totum esse ubique, &c.* Prædictam autem meam mentem de Dei providentiâ circa illum Autoris lib. de Mundo locum, rectius

rectius agnovit Ampliff. Facultas Theol. Leid. disp. 9. Theatr. Nat. Univ. q. 2. §. 7 eamque idèd ne verbo quidem attigit, multò minùs ullà hæreseos aut heterodoxiæ notâ insignivit, cùm dudùm aliquando ob graviores rationes iudicium super eo tractatu, à me illa rogaretur: certè neminem, qui vel perfunctoriè modò mea perlustravit, modò æquus illi fuerit animus, potuit in hisce mea mens latere.

Uno verbo tandem omnem rem expediam. Alia Dei Providentia est immediata, quæ omnes causas secundas excludit, seu quæ est sine medijs, veluti, quâ omnia ex nihilo creavit Deus: Alia immediata Dei Providentia est, quâ Deus quidem proximè conservando, gubernando, & operando, cum rebus omnibus concurrat; at interim conspirat cum secundis causis à se ordinatis. Prior providentia immediata simpliciter est, tùm respectu Dei, qui proximè concurrat, tùm respectu mediorum, quæ hîc excluduntur: Atque hanc Deo essentialèm, & immediatam ejus potentiam voco, disp. de Mund. 2. q. 1. §. 10. Posterior secundùm quid immediata est, sc. respectu Dei tantùm: quâ nempe Deus voluntate suâ, consilio, & operatione, conspirat cum singulis singularum rerum actionibus, non exclusis interim secundis causis. Illam Deo attribuo, quandò

supernaturaliter agit; Hanc, quandò agit secundùm ordinem naturæ, ab ipso Deo constitutum. Illam, quæ simpliciter immediata est, respicio, quandò Deum non omnia immediatè, seu sine medijs aut secundis causis, efficere pronuncio: qui sensus meus manifestus esse potuit æquioribus iudicijs, tùm ex antè cit. locis, tùm ex iis quæ expressi disp. de Mund. 2. q. 1. §. 11. 12. 13. 14. 15. 16. 17.

Hanc specto, quandò ad singulas singularum rerum actiones concursus Dei statuo, disp. 12. de Mund q. 1. §. 25. 26. 27. Ubi Deum

Opt. Max. (quem disp. de primo motore pluribus ex ipso lumine naturæ demonstravi, *unicum, simplicissimum, omnipotentem, immensum sine quantitate, sine loco ubique præsentem, sine tempore sempiternum, & c. Creatorem ac conservatorem omnium, à quo dependent reliqua, tum quoad esse (NB) tum quoad conservari, tum quoad operari*) hunc Deum Opt. Max. inquam, pronunciavi cit. loc. *liberrimâ voluntate conservare omnia, qua libère ex nihilo produxit; nec sine ipsa Dei voluntate conservante serva-*



- tum iri rerum nexus, &c. sed in nihilum reditura universa, &c. Creationem nempe, gubernationem, & ad singulas (NB) singulorum rerum actiones concursum Dei agnosco ibidem, & pronuncio: qua quidem omnia, ut in Deo sunt, nec ab invicem, nec à simplicissima & immutabili divina essentia, ipsaque Dei liberrima voluntate distingui, ibidem manifestè contendo: Optimèque conspirare illam Dei Providentiam cum secundis causis commonstro: ut neque Mundi anima vel intellectus magis eam tollat quàm
10. anima humana, vel intellectus homini tributus. Similia disputatione de Fato, & alibi, manifestissimè inculco. Adeoque omnino, luce meridianâ clariùs, immediatam Dei Providentiam assero, quâ nempe Deus ipse immedatione & virtutis & suppositi concurrit ubivis; licet eam interim in ordine naturæ à Deo constituto non ita immediatam admittam, ut producat Deus naturales effectus sine mediis ab ipso ordinatis. Nimirum non esse Physici, inculco sæpius, confugere ad talem Dei Providentiam immediatam, quæ media excludat, aut
11. secundas causas, cùm est reddenda causa naturalis. Atque ita disp. de Mund. 2. q. 1. §. 11. *Omnia quidem Providentia divina adscribenda censemus*, pronuncio: quid enim, inquam, non providente, & tam operante, tum permittente Deo fieret? At, inquam, non omnia immediatè Deus efficit, hoc est, sine mediis vel secundis causis: Unde, quod addo, nequaquam in ordine rerum naturalium sanâ ratione inferitur, *Hæc Deus facit, ergo non natura*. Verè enim, ut inquit Augustin. lib. 7. de civ. Dei cap. 30. *Deus quacunque creavit, sic administrat, ut suos exercere & agere motus sinat: causa necessaria agunt necessariò*, in-
22. quit, *contingentes contingenter, libera liberè*. Sed fortè causam magis prægnantem reperit in meis scriptis Vir Clariss. quâ ausus fuerit ita confidenter hanc hypothesin altruere. Immediatam Dei providentiam à me negari. Excusamus ergo intimos assertionum nostrarum recessus, ne fortè temerè ac sine omni ratione tanti criminis nos insimulâsse videatur. Equidem suggeri videtur, inter tot præclara loca, qui ἐξ ὁλοκλήρου meam mentem, de immediatâ Dei providentia loculenter produnt, locus aliquis obscurior, vel forsan manifestè tollens, ut sentit D. Antagon. meus, immediatam Dei Providentiam. Nim. Append. disp. 10. *Theatr. Nat. Univ.* (quam de Fato & Ideis inscripsi.)

inſcripſi, ) q. 3. §. 2. 3. hæc mea verba habentur : Univerſi verò Natura mens ſocia tribuitur ab ipſo quoque Ariſt. ut patet ex eodem c. 6. l. 2. Phyl. Neque verò ipſum ſine ratione. *Vides enim*, ut Cardanus inquit lib. de Deo & Univerſo, *papilionum alas quàm pulchrè & ad amuſſim coloribus diſtincta ſint : tum pardorum, pantherarum, felium, totque aliorum animalium pelles, &c. quid ſorum tot ſpecies adeò elaboratas, ut ſummâ diligentia nec pictor inſignis ad unguem eos exprimat? Quid igitur? an ab opifice Natura, intellectus & ſenſus experte, hæc quæ propriè ad ſenſum, atque eundem valdè purum, pertinere videntur, facta erunt, aut fieri potuerunt? An ſummi opificis cura tam parvis ac numeroſis rebus deſtinabitur? Ille flores cyclaminis, trigeminosque Iovis, goſſipii, iridis, colchici, erica, hyoſcyami, totque aliarum herbarum, illene culmos albi ellebori, aut totam denique præoniam nobis diſtinguet, ſc. immediatè? Abſit, inquit. Namque ut Ariſt. lib. de mund. cap. 6. Ne ex hominum quidem principum dignitate eſſe dixeris, cuilibet operi incumbere, ut v. g. exercitus, aut urbis, aut domus moderatori : & ſi quidem fasciculum ſarcinarium componere, vel vilius aliquod negotium, quod ad magnum regem ſpectet, abſolvere uſu venerit, ne quidem mancipium quodvis indifferentur illud obiret. Quapropter, ut mox ſubjungit, ſi è dignitate Regis haudquaquam foret, Xerxem ſunçãoe propriâ administrare omnia, & abſolvere quacunque facta cuperet, longè minus id ipſum Deo convenit. Quare anguſtius decentiusque eſt, Deum ſummo in loco reſidere, ipſam verò vim ejus, quæ per omnia penetrat, Solem movere & Lunam, totumque cælum circumagere, cauſamque eſſe incolumitatis iis quæ in terra ſunt. Intellectum igitur ſeu mentem Naturæ univerſi præſſe necesse eſt, ut per ipſam Naturam omnia tam eleganter, tamque certo ordine perficiantur. Hæc ea ſunt, quæ dicto loco recitavi, quæ talem fortè, qualem præſupponit Vir Clariff. in mente mea hæreſin coarguunt. Certè, ſi idcirco Deus utitur cauſis ſecundis, quod non ſit de ejus dignitate ad minima deſcendere, ut ea ſine mediis efficiat; eâdem prorfus ratione ſequi videtur, immediatū Dei concurſum in minimis perficiendis, non decere majeſtatem tanti numinis. Hæc fuiſſe ſola ratio videtur, quâ meritò Collega meus, immediatam Dei Providentiam negari à Philoſopho, cenſuerit.*

- Vreum enim verò, quàm iniqua oscitantia sub ratione minùs equa delitescat, attendat, quæso, Lector magis candidus & æquus.
25. Si quid ullibi, si unico hoc loco, à me dictum esset durius in hac materia, aut si loquendi modus aliquis obscurior exhibitus, nunquid Christiana charitas suaderet, nunquid ipsa æquitas exigeret, ut in meliorem sensum is acciperetur? cùm loca tot, meridianâ luce magis clara, in meis scriptis passim extent, jam antè partim indicata, quibus mea mens cuivis æquo Lectori abundè satis potuisset innotescere. Nunquid in iis etiam, quæ ipse Spiritus S. dictitavit, nunquid in ipsa S. Scriptura, inquam, nonnulla occurrunt magis ardua, ac primâ quidem facie propemodùm pugnântia, quæ, cum aliis, cum clarioribus, collatione factâ, plana evadunt, & æquiore explicatione mitescunt? Eâdem sanè illâ disp. de Fato q. 1. (ne denuò tot evidentissima loca antè memorata attingam,) ita clarè, ita perspicuè, de divina Providentia, eaque immediata, eram locutus, (ubi nempe de exagendi propriè locus erat & occasio,) ut candidiori animo nulli, cui non nimiùm dominantur affectus, obscurum esse posset, quid mente reconditum gestarem. Illic enim §. 6. dixi: ipsum Deum secundum aeternum aeterna providentia decretum omnia, quacunque in hoc Vniverso geruntur, infallibiliter, ac summa cum futuri eventus, ab aeterno prædestinati, certitudine exequi, (notate, Deum ipsum, inquam, omnia exequi.) Eundem Deum, causas secundas impellere, trahere, &c. asserui, ibid. §. 8. quibus sanè luculentissimè Deum Opt: Max: non solùm principii instar, sed & cooperando concurrere testatus sum, (quod alibi item clariùs à me pronunciatum est:) Ac plura ibidem cerni possunt, quæ orthodoxi animi mei, in hoc negotio testimonium manifestum mihi
27. queant exhibere. Quæ ergò violentia hæc est, mi Collega, quam conscientiz meæ intentare studes, vel quæ imprudentia potiùs animi tui, quâ obscuriora verba, alieno loco reddita, obtrudis? quæ verò sunt clarissima, quæ evidentissima, quæ proprio loco sunt proposita, non simul tradis, non admittis: *Judicio Amplissimæ Facultatis Theolog. Leid. hæc dudum submissi*, quando item anathema pronunciavi in ipsa dedicatione, (tunc quoque antè alibi à te præ-

te præter fas & æquum laceſſitus in meliori conſcientia,) quicquid contra Reformam Religionem ſerio à me prolatum judicari poſſet; ac Palinodiâ deſtruere teſtatus ſum, quicquid contra eandem temerè excidiſſet: quæ ſanè mea verba, meaque mens non potuerunt te latere, Vir Clariffime. Ac ipſa Rev. Facult. hunc locum non notavit, (ut nec eorum quicquam unde heterodoxias derivare antea conatus eras, præter unicum Scripturæ locum, alio reddendum ſenſu, ubi in rei ipſa à te ipſo minime diſſentiebam,) qui omninò non fuiſſet prætermittendus: rectius nempe procul dubio, longèque candidius de mea mente ex eadem diſputatione judicare potuit. Hoc ſanè obſervare debuiffes, mi Collega, vel certè non diſſimulare, dum maniſeſtis meis locis noluiffi acquieſcere, ſed potius iſdem prætermiſſis corradere obſcuriora, me citatâ quæſt. 28.

3. à §. 15. uſque ad §. 27. ad ſolam mentem Ariſtotelis reſpicere, non tam ex mente propria pronunciare; & quidem illic de Ideis agere, non de immediata Dei Providentia. Ex propria enim ſententia cùm locutus eſſem de Ideis, in divina mente exiſtentibus, ibidem §. 13. 14. quo nempe modo ipſa ratio, ſacra lucerna lumine illuſtrata, eas atteſtetur, quas antè ex Platonica doctrina conſtitueram: ſubjungebam mox §. 15. Hanc eandem de Ideis in mente divina exiſtentibus ſententiam, verbis modò à Philoſophia Platonica alienis occultatam, elicit Patricius. tom. 3. diſcuſſ. Perip. lib. 5. ex ipſius quoque Ariſtotelis dogmatibus, ad ſola tamen animata reſtriſſam, &c. at nos generatim hoc loco eandem ex Ariſtotelis mente aſtruemus. Id verò, quod ibidem pollicebar, exequi aggreſſus ſum §. 16. 17. 18. 19. 20. ubi rerum ſpeciebus ſingulis impreſſa eſſe idearum veſtigia, (quam rationem ſeminariam vocabam,) ex mente Ariſtotelis, citatis ex eodem locis paſſim ordine monſtrabam: At eam rationem ex ejusdem mente aſſerebam §. 21. naturæ particulari eſſe inditam à natura univerſali, (ſeu ipſa Mundi anima,) utpote cùm ea hujus Univerſi cauſa dicatur ab Ariſt. 2. phyſ. cap. 6. Ac tandem concludebam §. 22. Rationem ergo illam, quam rectè formam, ſpeciem, vel ideam impreſſam appellamus, ſecundum Ariſtotelem in anima Mundi, totius Univerſi architectrice eſſe, &c. antequam eſt in natura particulari, &c. Univerſi verò Natura mentem.

30. *mentem sociam attribui, ab ipso quoque Aristotele, ostendebam §. 23. ex cit. cap. 6. lib. 2. Phys. Quâ verò ratione naturali solâ, (nam per rationem, sacræ lucernæ lumine illustratam, ipse antea ideas demonstraveram in divina mente,) idem videretur colligi, ex Cardano recitabam, ipso nempè sensu, ipsis verbis ejusdem: quam sententiam Cardani, ratione rursus naturali illustrabam ex Autore libri de Mundo, verbis ac sensu ex eodem redditus. In quibus recitatis locis, quid verum esset, quid falsum, quid quâ ratione accipiendum, quâ ratione limitandum, haud denuò exponebam: utpote cùm illud satis notum esse posset ex propria mea mente, satis clarè paulò antè, ejusdem nempe disputationis quæst. 1. tradita. Eam certè tamen unico vocabulo adjiciebam limitationem, (quam Cardanū, ipsumq; Autorē libri de Mundo, respexisse opinabar, ne vel eos ipsi Deo rerū quarumcunq; administrationem denegâsse crederem,) summum Deum in universi ordine constituto non perficere singula immediatè, nimirum sine concursu providæ alicujus naturæ, de qua locutus eram ex Cardani mente, seu sine mediis naturalibus.*
31. *Sententiam verò Aristotelis in hunc modum tandem concludebam, §. 24. 25. Intellectum igitur seu mentem Naturæ Universi præesse necesse est, ut per ipsam Naturam omnia tam eleganter, tamque certo ordine perficiantur. Hanc verò mentem ab ipso summo Deo essentialiter non distinguit Arist. unde sæpenumero Deum Naturamque conjungit, &c. Si igitur hac Naturâ, vel animâ Mundi, mens superior est, secundum ipsum quoque Arist. rectè ex illius dogmatibus asserimus, rationes illas, seu formas, aut ideas intellectuales, originaliter atque essentialiter in mente divina esse; atque inde representative, seu per participationem atque imitationem, inferi animæ Mundi, ejusdemque naturæ quæ mente dirigitur, ab hac verò naturis particularibus, &c. Quæ omnia sanè ibidem simpliciter ad mentem Aristotelis à me prolata esse, meridianâ luce magis clarum est, collatione factâ præcedentium, quæ ibid. serie continuatâ à §. 15. usque exposuimus; Ubi sanè hoc summo perè demiror, siquidem omnino illa meæ menti absque hæsitazione ulla affinguntur ab Antagonista, quòd non æquè, rigidus ille meorum scriptorum censor, arripuerit occasionem me Stoicæ hæreseos insimulandi, quatenus ex ipso quoque Aristotele*

Aristotele proposui, *mentem* Universi ab ipso summo Deo essentialiter non distingui. Equidem opinionem illam Aristotelis, utut falsam, 32.  
 ibi tamen non perfringo, utpote alieno loco: at alibi pessimo iudicio sic statui, pronuncio; nempe Theatr. Nat. Univ. disp. 2. fol. B. 2. & ex professo sententiam eandem *impiam* ac *blasphemam* demon-  
 stro, disp. 2. de Mundo, quæst. 3. Quod si verò hîc licuerit sine refutatione *impiam* alterius sententiam citare, non ex mea mente, quid quæso causæ est, cur non licuerit idem paulò antè, ubi ipsa etiam verba aliorum recitavi, sine limitatione agere? Ex dictis 33.  
 verò manifestum esse potest, nihil eo loco, quem pessimâ ratione contra me notavit Vir Clarissimus, ex mea mente, ut nec meis verbis esse proditum, aut animo conceptum, nisi quod Deus Opt. Max. dum immediatè quidem, tribuendo vires, & cooperando, cum rebus singulis concurrit, non immediatè tamen, sine causis naturalibus, operetur ordinariè; sed secundarum utatur causarum ministerio in Universi ordine. Quòd si ergo hoc saltem meæ item 34.  
 menti applicem, *Ideas* illas *intellectuales*, *qua originaliter in mente sunt divina*, inde per participationem atque imitationem qualicunque ratione inferi Mundi anima ejusdemque natura, ab hac verò naturis particularibus, ac inde semini: non magis utique in Dei providentiam immediatam impingam, quàm si dicam, Deum Opt. Max. qui ut conservat ipse omnia ita omnia calore perfundit at illuminat ipse, facultatem tamen illuminandi atque calefaciendi inseruisse Soli, indeque lumen communicasse diaphano, &c. aut si à me dicantur Sol & animalia progenerare animalia, dum interim Deus ipse facultate suâ omnipotenti omnia producit ac conservat. Si verò & ulterius tam rigidè aliorum verba mihi obtrudenda sint; multùm sanè differunt, non esse de dignitate numinis divini, Deum omnia administrare, ac perficere *immediatè*, (quod vocabulum pro mitiganda sententia, quam ipse duriores non ignorabam, veluti ex mente etiam eorum, quorum verba citabam, ac imprimis Cardani, adjeci,) nempe sine medijs, seu causis secundis, id est, absolutè solum; & Deum omnia administrare ac perficere simpliciter; (concurso sc. secundarum causarum non excluso:) Hoc sanè modo Deum agere con-

35. stanter affirmamus, at illo modo agere in ordine naturæ meritò negamus. Si enim sine homine, v. g. actionem quamvis humanam perficeret ipse Deus, utique Deus autor peccati foret statuendus, (quod cogitare est blasphemum:) at dum Deus Opt. Max. cooperante etiam homine perficit humanas actiones, facile Adversariorum nostrorum consequentias elidimus. Quin imò comparatio proposita citato loco, verbis ac sensu aliorum, inter summum Deum ac Regis alicujus secularis regimen, non longiùs extendenda est, ex nostra quidem mente, quam ipsa Dei ac Regis comparatio ex nostra mente idem patitur. Hicque non minus quàm alibi passim, proverbio vulgari locus esse debet: *Omne simile claudicat*. De Deo passim, id pronunciaui, ab eo dependere omnia, tum quoad fieri, tum quoad esse, tum quoad operari, quod de nullo Rege unquam
36. à me dictum est, nec ulli convenire potest. Simili comparatione usus fui Disp. de Mund. 9. q. 4. §. 12. inter artificem humanum, ipsumque Deum Opt. Max. quæ nec ipsa undiquaque quadrat: *In humanis*, inquam, *majorem opificis laudem extollit, automata fecisse, quàm continuâ extrinsecus assistentis virtute mobilia: quid ni idem in divinis majori laude celebrandum?* nempe automata fecisse, quæ continuâ extrinsecus assistentis virtute non indigeant. Hic certè si quis colligat, me Dei quoque omnem concursum ac cooperationem cælestibus corporibus adimere, veluti in humanis automatis continua assistentis virtus non requiritur, ecce quantam ille mihi injuriam intendant: eodem namque paragrapho quousque comparatio sit extendenda liquidò apparet, quando nullam rationem excogitari posse, inquam, *quâ decedat quicquam Dei sapientia & omnipotentia, si Mundi corpora moveat non immediatâ suâ virtute tantum*, (N. dum automata voco Mundi corpora, non dico, non moveri eadem interim per immediatam Dei virtutem; sed cùm hic Dei concursus rebus omnibus communis sit, dico movere ipsum Deum Mundi corpora immediatâ suâ virtutè, at *movere non immediatâ suâ virtute tantum*,) *sed per intellectum à se procreatum*. Prædictam sanè hanc comparationem si in excerptis suis prætermisit D. Antagonista meus, satis rigidus inquisitor, utique veritus fuit ne ex eodem paragrapho sinistra inter-

interpretationis posset argui. Sed ut ad illam comparisonem, quam perstringit, nunc revertar: si vel ipse meis verbis ac sensu proprio asseruissem illic loci, (ut omnino feci disp. 2. de Mund. q. 1. §. 9. ubi commodior illius rei locus erat, at ubi item clarius mentis expositio accessit,) non esse de dignitate numinis divini, circa res minutulas versari *immediatè*, id est, sine mediis, vel secundis causis, utique non pratermissem, vel negligenda voluissem, quæ ad illius effatū meliorem declarationem faciunt, quæ prolixè addidi cit. loc. (disp. 2. de mund. q. 1.) §. 10. 11. 12. 13. 14. 15. 16. 17. ubi id indigitavi luculentè, Deum naturalium effectuum naturales ordinasse ac constituisse causas, dum ipse operatur omnia in omnibus: adeoque non dixissem illud ideo, quòd sint minutæ; sed quòd, dum ordini naturæ sunt insertæ ab ipso Deo, & ad causas naturales restrictæ, earum concursu fiat, (cooperante interim Deo Opt. Max.) ut *παρὰβόλαις* passim in talibus contingant, ac variæ sæpè numero qualitatū enormitates rebus insint. Ac minuta verè nulla res est, nisi quatenus secundarum causarum concursu producit, & ratione earundem vilescit: quod enim à solo Deo fit, id omnino magnum ac pulchrum est, utpote creatione ac miraculosè productum: Nec enim profectò minor Dei sapientia ac potentia refulget in formica, quàm in elephante. Similis verò loquendi modus in sacris non est insolens: *beati qui sunt mundo corde; beati pacifici*, &c. non quod tales sint; sed *quia Deum videbunt; quia vocantur filij Dei*, &c. Quæ quidem rationes, si vel additæ non essent, non eo minùs vera foret ipsa thesis. Simili ratione dici potest, non esse de dignitate Dei, versari circa minima quævis sine mediis: nempe, quia sic errorum, qui contingunt passim, autor esset ipse Deus: dum ergo minima dicuntur, res naturæ viribus à Deo subditæ, ac qualitatū seditate, quàm à secundis causis contrahunt, deformes, quæ tales sunt, intelligendæ. Huc respexisse credo Scaligerum, (neque enim hunc ita impium vel æthior fuisse quisquam arbitratur, ut eos fingere videtur Antagonista meus, quos immediatam Dei providentiam negare perperam insinuat,) Exerc. 68. f. 1. ubi, *Quòd si non Intelligentia una propria mobili primo attribueretur*,



inquit, sed Deus pro motore, ne in alijs quidem callis opus esset motore particulari: eodem namque motu moveret omnia: Quod & quibusdam novis nostri sæculi Theologis persuasum ita fuit, ut & vulgò discipulis suis persuaderent, lapidem non a forma propria, sed à Deo moveri. Qui tam fuerunt imprudentes, ut contemnerent rationes, atque sophismata esse dicerent, appellarentque perniciem, ac canum sinceram religionis: tam bonarum artium ignari, ut non viderent, sese hac superstitiosâ sanctâque agrestitate, non solum comitem (N.) sed etiam autorem facere Deum sedissimarum actionum.

40. Heu absona ac insipida verba! quæ profectò nisi cum mica salis accipiantur, vehementissimè stomachum rigidiori Censori subvertent. Quàm pulchrè autem, optime Scaliger, velut ex tripode, prospexisti hunc nostri sæculi Theologum; ut admodum appositè pro me locutus vidcaris! Ut autem ipla quoque Scaligeri verba duriora mitigemus: Unum idemque dictum plurimum sæpe sensu differt, pro diversitate animi, unde proficiscitur. Sanguis Salvatoris nostri ut veniret super se ac posteros suos vovebant Judæi; idem nos piis votis à Deo contendimus: At sensu longè diversissimo. *Mibi absit gloriari*, inquit Apostolus, *nisi in cruce Domini nostri Iesu Christi*: In eadem sola gloriari se fatentur Pontificii, quando, *ô sancta crux, ave*, inquirunt, *spes unica*. Apostolum damnabit, credo, Antagonista meus, ut damnet Pontificios. Optimè Fortunius Licetus libr. 1. de ortu anim. hum. cap. 9. difficultatem hanc à D. Collega meo concitatem expedit, quando illud imprimis in memoriam esse revocandum, ait, *Platonem, ac sectatores ejus*, (qualem se exactissimè præbet Autor libri de Mundo, sive is fuerit Aristoteles, sive alius quisquam, haud multum ipso Aristotele inferior,) *cavè legendos esse*: namque ut plurima ab antiquis Theologis, Mercurio, Orphico, Homero, Empedocle, Pindaro, Sybillis, & aliis dicta, sine ulla rationis indagazione, solâ talium virorum autoritate freti, in suis operibus inferuerunt; ita quæ ipsi suâ Minervâ protulère, ob phrasin sermonis, altissima mysteria non omnino adæquantem, non sic ad unguem, ut verba sonant, sunt intelligenda: illud enim maxime verificatur in doctrina Platonis, quod & in sacra Scriptura, in qua verba non habent efficaciam ex se plene significandi sensus ineffabiles: *litera occidit, sensus autem vivificat*. Certè si vidisset
- 41.
- 42.

vidisset unquam meus Censor antiquos illos Philosophiæ Antistites ac Coriphæos, Platonem, Aristotelem, aliosque: non ita promptè in sectatorem maximorum Virorum, (quorum doctrinam admirata fuit omnis posteritas quæ fuit antè nos, admirabiturque omnis quæ post nos erit,) insurrexisset: cùm vel ipsa horum scripta collata eorundem scriptis, (quod & in S. Scriptura fieri debet,) meliorem mentem passim prodant. Meliorem certè hoc in loco mentem agnovit ipsamet Facultas Theologica Leidensis, quæ (judicium à me rogata dudum super Theatr. Nat. Univers. quo cavillationes D. Collegæ mei etiam illo tempore inhiberem,) ne digito vel obiter periculum notavit, ex hoc loco metuendum. Sed ut ea 43. perpendamus plenius, quæ noster Adversarius perstringit. Haud equidem desunt alii magni Viri Philosophi, qui eodem unà nobiscum utuntur loco ex Autore libri de Mundo, at meliori quàm is à D. Collega nostro nobis attributus fuit, sensu. Idem Fort. Ligeus suprâ cit. loco, ut exponat, quâ ratione à Platone in Epinomide dicatur, *Animatum à nemine quam à Deo fieri posse*: & ab ipso Autore lib. de Mundo, *Deum esse rerum omnium genitorem*: loca locis confert; ipsumque à nobis ex eodem Autore citatum locum adducit, veluti priori repugnantem quoad apparentiam: tandemque, re pluribus exactius examinatâ, subjungit: *Hæc omnia diligentius contemplari volumus, ut apparet, ex Aristotele, aliisque antiquis Philosophis, ac omnino duce Naturâ, de efficientia Dei nos nihil aliud posse asseverare, nisi quod ad omnes effectus peragendos concurrat ut causa prima, & universalis; non proxima & immediata, sine qua tamen inferiora hæc agentia peculiaria nihil omnino possent efficere; at ubique generationes rerum referendas esse in agentia hæc immediata, utpote univoca & ejusdem nature.* Ac paulò post: *neque conveniret divina natura statui causam immediatè producentem omnia viventia, quare & vermes pulicesque, & alia fæda & turpissima animantia.* Ex quibus sanè manifestissimum est, quomodo 44. Philosophis (omnibus etiam orthodoxis Theologis assentientibus,) rectè dicatur *Deus non immediatè ac proximè producere* quidvis. Cùm enim illud opponatur τῷ à nemine produci quàm à solo Deo, seu illi dicto, quo asseratur; *Deum esse unicū rerum omnium genitorem;*

- ac interim pro rata habeatur, proprobeturque ipsa sententia quâ omnia ab ipso Deo fieri, ipseque Deus rerum omnium genitor pronuntiatur: utique sensus erit Deum non solum, sed unâ cum causis secundis in Natura constituto ordine operari: ipsasque naturales operationes, quamvis referendæ sint ad naturales causas, sine Deo tamen, velut causa prima ac universali concurrente ac ubivis cooperante, ab inferioribus hisce agentibus non posse produci. Cumq; extra controversiam sit, non fuisse nostrum Licetum ita impium, qui vel ignorârit, vel negârit, omnia à Deo esse condita: utique verba illa, quibus non convenire aît, divina natura, statui causam immediatè producentem omnia viventia, quare & vermes pulicesque & alia fæda & turpissima animantia, non secundum rigorem à Collega in eo affectatum, accipienda sunt; velut nec illa non esse de dignitate Dei, &c, ex Autore libr. de Mundo. Qui enim fatetur omnia à Deo esse creata, is utique novit Deum esse causam immediatè producentem vermes pulicesque, & cætera omnia quæ fæda & turpissima animantia dicuntur. Sensus ergo necessariò ita accipi debet, ut antè à me est expositum. Sed dabo fortè alios Autores, qui dum utuntur eodem, quo nos usi sumus, ex Autore libri de Mundo exemplo, (ut Naturæ operationem operationi divinæ subordinatam explicent, ac, veluti non est de dignitate regis cuncta functione propriâ administrare, ita multò minùs idipsum convenire Deo, declarent) manifestissimè tamen interim de immediata Dei providentia, quam meus vocat, testantur. Sic enim Fernelius lib. 1. de abdit. rerum causis, cap. 10. Deus qui sapientissimus est, inquit, quique res & curare potest & vult, magna sc. curabit solum; parva autem, quorum est cura facilior, per ignaviam aut inertiam negliget? Ac paulò post: Summus ille rerum opifex, dum singula conderet verbo & spiritu oris sui, simul illis vires inspiravit procreatrices, quibus fieret admirabilis rerum series & continuatio. Deum porro quacumque genita sunt omnia conservare, sacra testantur litera, in quibus passim Deus rerum omnium lex & vita nominatur: quale quod à Paulo dictum est: Deum, qui vitam & omnia dat omnibus, non longè abesse ab unoquoque nostrum, in ipso nos vivere, nos moveri, nos esse. Nil est, inquit Dionysius, in substantiis, quod ipsius omnipotentis divina virtus non tulerit

tusetur atque contineat. Stabilem hanc rerum conservacionem sic plenius expressit. Quaecunque sunt, omnia eadem ratione & ut essent, & ut bene essent acceperunt: Sumque & bene sunt, ab eo, qui ante est, ut sint & ut bene sint consecuta. Nam in ipso sunt & bene sunt, & cum ex ipso initium acceperint, in ipso servantur, atque in ipsum finiuntur. Mox verò Natura ipsius ministerium, à Deo ordinatum, eidemque subordinatum, exponens, Quaecunque Natura legibus existere dicimus, inquit, eadem primum processerunt à Deo, qui certe nunc admodum pauca proxime, (NB) nec cælo, nec naturâ, nec semine interveniente ingenerat; sed conditis Natura legibus omnia per cælum administrat. Quâ autem id ratione efficiat, pulchre Arist. exemplo declarat libro de Mundo. Quapropter, (inquit,) si è dignitate regis haudquaquam esset, Xerxem functioni propriâ, &c. Quo exemplo, si tollat immediatam Dei providentiam, quam vocat noster, aut si per omnia Xerxis regimen regimini divino in hoc Naturæ constituto ordine simile esse credat, prorsum meo quidem iudicio contradicit præcedentibus: quod profectò haud ita temerè tanto viro imputandum est. Quod si vero vel in Liceto, vel in Fernelio etiam, circa immediatam Dei providentiam desiderari quippiam queat, (nec enim ignoro haud omnes Pontificios in omnibus circa hanc materiam nobiscum consentire,) ex citatione saltem illius loci ex Autore libri de Mundo, id illis impingendum censi nequit: quin imò, quâ parte dissentiant, exinde quod hunc locum citent non liquet ex ipsorum scriptis: hoc verò liquet manifestè, talem hosce sensum tribuisse Ethnico Autori, quo orthodoxis optimè consentiat. Quo argumento vel ab Ethnicis desumpto convincere pervicaces Adversarios omnino gloriosum est. Haud aliter perfectò quàm Cardanus (licet hic fortasse minis æquo sensu, nobis inexplorato,) vel ut Autor libri de mundo, loquitur Burgersdicius Coll. Phys. disp. 24<sup>a</sup>. Append. 1. th. 8. ubi efficientem causam spontaneæ generationis investigaturus, Causa efficiens, inquit, non remota aut universalis, (ea enim parum aut nihil confert ad generationis spontaneæ notitiam,) sed propria & proxima, non est Deus, &c. Etenim. Deus non aliter concurrit ad procreationem inquit eorum qua sponte, quàm quæ ex semine propeniant. Atqui Deus non est causa proxima eorum quæ ex semine

48.

49.

50.

- semine gignuntur*, (nempe nobiliorum corporum;) *ergo multò minùs eorum quæ suâ sponte oriuntur*; (utpote viliorum:) Ac si diceret, si Deus ad suam gloriam illustrandam ordinem Naturæ constituit, ac adeò de dignitate Dei non est, ipso ita volente ac decernente, ut in hoc constituto Universi ordine omnia solo nutu suo, velut in creatione prima, administret; sed in rebus nobilioribus quidem sat manifestè ministrantes causas adhibeat: multò minùs, de Dei dignitate erit, aut majestati ejus consentaneum, res ignobiliores, ac propemodùm vilissimas, immediatè, absque secundarum causarum ministerio producere: ac omnino inconveniens erit, *summi curam Opificii* (qui equidem omnia creavit, & cujus conservatio continua est creatio,) *tam parvis ac numerosis rebus destinari* immediatè, ut nempe mediis naturalibus in iis producendis atque conservandis non utatur.
51. Certè non veretur illic Burgerstdicius pronunciare, Deum non esse *proximam*, sed *remotam* prædictarum rerum causam, adeoque illas non *immediatâ suâ Providentiâ*, sed per media à se constituta ordinare: sensu nempe meliori, quàm quo ille meus sat acerbus Collega ea ipsa, si à me eodem modo essent prodita, arriperet. Certè dicitur Deus causa non proxima & immediata, quia, ut loquitur idem Burgerstd. Metaph. lib. 2. cap. 11. §. 8. *cùm sit causa universalis, solummodò concurrat ad actionum substantiam; formalis autem ratio actionis* (sub qua delitescit omnis vitiositas quæ actionibus subest,) *secundis causis imputanda est*. Atque ita rectè Providentia Dei in talibus non immediata dici potest, quia, ut Calvinus loqui solitus fuit, mediis vestita est. Ad prædicta autem illa Burgerstdicii, non ab simili ratione prolata, quàm quâ à Cardano & Autore libri de mundo quædam duriuscula prolata vindentur, nemo ex Theologis Leidensibus censuram stringere unquam instituit.
52. Cordatiores enim illi probè noverunt, cum Alstedio Pneumat. part. 1. cap. 5. comm. ad Reg. 7. *Alio modo etiam sumi hos terminos MEDIATE & IMMEDIATE, pro causa scilicet qua agit vel per media, vel sine medijs*. Et hoc modo negamus, inquit Alstedius, Deum omnia per seipsum in omnibus operari. Nam Deus indidit vires naturales creaturis, per quas producere possint sua effecta, ut igni vim urendi, animali vim generandi: ita ut non rectè sen-

serint

serint & locuti sint quidam Philosophi (seu potius Theologo-Philosophastri,) qui dixerunt neque solem lucere, neque ignem calefacere, neque panem alere, neque animal generare; sed Deum in solo lucere, in igne calefacere, &c. Nam hoc modo, inquit, multa tribuuntur Deo, ipsius maiestate (NB) indigna; & tollitur subordinatio inter causas superiores & inferiores; & denique contra experientiam disputatur, qua testatur omnibus & singulis creaturis inditas esse peculiare vires, quas exercere possint, quando & ubi opus est. Quid verò magis clarè pro sententiæ Liceti, Fernellii, ac adeò ipsius Autoris libri de Mundo confirmanda atque declaranda dici posset? Sed ipse tandem Ethnicus ille Autor suam mentem prodat de divina providentia, quâ certè longè meliori est imbutus, quàm ex eodem nostris meditationibus affingere conatur noster ille Censor. Ita namque cit. cap. 6. (ubi non esse de dignitate numinis divini innuit, propriâ functione administrare singula) vetus sermo est, inquit; à majoribus proditus inter omnes homines, universa tùm à Deo, tum propter Deum nobis constituta: nullamque naturam per se satis instructam esse ad salutem, qua salutari ejus auxilio destituta sit. Vnde veteres nonnulli adducti sunt, ut dicerent hac omnia Deorum esse plena. Et mox: Cunctorum, quæ existunt, cùm servator est Deus, tum verò eorum omnium, quacunque in hoc Mundo quomodocunque perficiuntur, (ἡς, inquit, ὁ πᾶσι δ᾿ ἄποτι καὶ τῷ κόσμῳ (ὀφθαλμοῦντων),) idem genitor est. Ac summatim porrò omnia pronuncians: Quod in navi gubernator est, inquit, quod in curru agitator, quod in choro præcentor, quod denique lex in civitate, & dux in exercitu, hoc Deus est in Mundo: nisi sub hoc discrimine, quod labor & motus multiplex illos exercet, & cura angunt varia; eam huic illaborata succedant omnia, omnis molestia experta, citraque corporis infirmitatem: quippe cui in loco stabili inmotoque collocato, omni motu & circumagere pro arbitratu liceat, quicunque libitum est, & quomodo libitum est: idque diversis in formis simul ac naturis. Id autem ratione simili facit ille, atque lex civilis: quæ immobilis ipsa existens in utentium animis, regit omnia ad Rempubl. attinens. Et mox: Deus nobis lex est: in omnem illa quidem partem ad æquilibrii in vergens: nullam correctionem admittens, nullam varietatem, quippe quæ potior sit illis legibus quæ in tabulis perscriptæ sunt. Ejus enim auspicijs perenniter & compositè præcæmis,

- universus hic celi ac terra ordo regitur & administratur. Tandemque in fine libri concludens: Deus ( ut vetusto verbo est proditum, ) ait, *principium & finem & media rerum omnium tenens, rectâque lineâ incedens, operatur ille quidem secundum naturam, è vestigio comitem habens Iustitiam, divina legi vindicem, simul atque sanctionum ejus quicquam pratermissum*
56. *est.* Hæc D. Collegæ meo viam sternere ad Atheismum videntur: quæ certè nisi tandem satis aptè capitibus Religionis nostræ orthodoxæ quadrare credat, ( an cum ratione renuat fateri, doctioribus dijudicandum relinquo, ) in eo solo fallor, quod meliorem Ethnico auctori posse assignari mentem ipse credam, aut mitiùs ejusdem quædam verba duriora exponi; quàm rigidâ censurâ quis existimaret: interim quæ mea mens sit propria de divina Providentia, ex multis passim propriis meis locis manifestè constat. Non magis profectò hæreticus censeretur debet, aut ab orthodoxia in religione alienus, qui fortè duriùs ab Ethnico prolatam sententiam mitigare quodammodò studet, quàm calumniator censeretur posset, si quis inconulti cujuspiam viri calumnias pallio charitatis Christianæ studeret tegere. Dum ergò meliorem mentem tribuendam credidi
57. *Autori libri de Mundo, ( quo utinam nemo Christianorum pejus de divina providentia sentiret, ) in dogmata nostræ religionis ipse non impingo: ut nec quando disp. 2. de Mund. q. 1. §. 9. divinè dictum ab Autore lib. de Mundo, Deum esse genitorem omnium, pronuncians, quacunque in hoc Vniverso quocunque modo perficiuntur, subjungo, quasi ex Autoris mente ea meliori, non esse de dignitate numinis divini, ut immediatè, seu sine ministris, omnia exequatur. Ad sensum nempè Molinæ, mox §. 10. hæc eadem restringo propius, qui lib. de cognit. Dei, Potentia sua, inquit, imitationem posuit in cælo Deus, suspendens hac inferiora a superioribus. Quam quidem Molinæ sententiam profiteor in sensum nostrum optimè quadrare, quo solum Mundo formam indidisse Deum Opt. Max. statuimus, qua simili virtute Mundum dirigat, ac cælestium interventu disponat inferiora, ad nutum Creatoris, ac si ipse Deus potentia suâ immediatâ & essentiali, nempè sine mediis seu secundis causis, secundum æternum suum decretum hanc Mundi*
58. *machinam dirigeret. Ubi tandem §. II. paucis animi sensum proprium*

prium depromo, talia subjungens. *Omnia quidem providentia divine ascribenda censemus: quid enim non providente, & tum operante, tum permittente Deo fieret. At non omnia immediate Deus efficit. Nec sanã ratione infertur: Hac Deus facit, ergo non Natura. &c.* Ubi protinus apparet, quid intelligam, dum dico, *non omnia immediate Deum facere: nimirum, multa facere, quæ nempe in hoc Universi ordine peraguntur, concurrente interim naturâ.* Nempe ad navigationis actum ipsa navis conspirat; at navem gubernator dirigit. Ac *Gubernator quidem est Natura creator ejus*, ut pulchrè Theodoretus inquit, *nec quam ipse fecit naviculam destituit.* Hæc quidem mea mens est, longè melior profectò, quàm eam fingit D. Collega meus, ipsoque Sole meridiano magis ex quàm plurimis meis locis, manifesta. Errores ergò suos ferant ipsemet Cardanus, ac Autor libri de Mundo, si quidem nulla iis gratia in oculis tam rigidi censoris; At mea mens ex propriis meis verbis judicetur: quibus dum immediatam Dei providentiam luculenter astruo, concursus Dei in secundis causis, per modum actionis, ita clarè testor, ut nihil unquam clariùs pronunciare potuisset ipsemet Antagonista. Aliud profectò veritatis ingenium est; aliud simulationis figmentum. Ex propriis meis verbis facillimè cordatus Lector poterit dignoscere: *Quid solidum crepet, & picta testoria lingua.* Vim infert conscientia meæ, ac qualem prodat in se animum, iudicio aliorum hic relinquo, qui neglectis, qui suppressis locis meis, meridiana luce magis claris, obscuriorem quendam sensum in mei contumeliam obtrudit. Dum verò ita passim constantissimè divinam Providentiam agnosco ac profiteor, ut nullam dari actionem asseram, ad quam non ipse Deus voluntate suâ & consilio, gubernando, dirigendo, cooperando concurrat, ut ex locis antè citatis manifestum est: num magis contra dogmata Religionis nostræ Reformatæ peccavi, asserendo Mundi quendam Animam, quâ Mundus divinâ voluntate, divinâ ordinatione, in ordinem coërceatur, quàm si per propriam animam animal quodvis dirigi dicamus? *Quid periculi*, inquam, fingi potest, *si ad conservandas & in ordinem cogendas naturas particulares, Universi partibus inditas, ut meam sententiam refert D. Collega meus ex disp. 9. de*



Mund. q. 3. §. 8. 9. verbis interim ex suo cerebro depromptis, & *librandam corporum etiam celestium molem* (minimè negatâ, sed omnino præsuppositâ immediatâ Dei Providentiâ, à qua tamen Physico non protinus sit desumenda ratio,) *incolletur unica Mundi anima*, ut

61. *ordinaria Dei ministra?* Equidem in ipsa hac opinione mea Philosophica de Mundi anima non adeò sum pertinax, facillèque meam hanc sententiam deponam, si quidem ea doctioribus cum ratione absurda videatur: At nondum video, me latum unguem declinâsse ab orthodoxia nostræ Religionis. Certè plures orthodoxi Theologi Mundi quamdam animam inculcant, inter quos Combachius, Alstedius, Aslacus, &c. quam ut non tradit Sacra Scriptura, ita sanè nec eidem refragatur. Et si Theologis ipsis eam liceat asserere, sine Spiritus S. revelatione, quid ni Philosophis conditionem ejus propius investigare liceat? Certè doctissimus Combachius Phys. lib. 2. cap. 1. q. 2. *animam Mundi Platoniam* admittit, quam non usque quaque exprimit ut à Platone factum, dubius in re obscura de Platonis mente: à me verò nihil absque Platonis autoritate de eadem est prolatum: quod verò est prolatum, haudquaquam contradicit sacræ paginæ; quamvis nec eadem comprobetur, cum ad singulares disciplinas Scriptura S. propriè non descendat. Quòd si verò quispiam hinc consequentias eliciat, (quas ipse non concedam, quas satis solidè, rescindam, si modò proponantur,) ac periculosi quid exinde inferat, næ idem ipse faciet, quod vel hæreticus præstiterit ex integerrima maximèque salutari Religionis nostræ doctrina. Quàm verò cautè illam Mundi animam tradiderim, apparet ex cit. disp. 2. de Mund. q. 1. Quin ipse Rev. D. D. Triglandius, cum aliquando, (post factam Viris eminentissimis inscriptionem meam Theatr. Nat. Univ.) mentem illi super hac materia exponerem, ita ut me Deum Mundi animam cum Stoicis haudquaquam constituere agnosceret, sed creaturam aliquam, ab ipso Deo constitutam, ac subditam divinæ Providentiæ: *sententiam hanc tolerari posse* respondebat, quamvis nec illius Rev. nec opinio vulgaris, hac in parte mihi consentiret. Atque hac de causa factum esse credidi, quod eâ moderatione usa sit Ampliff. Facult. Theolog. à me rogata aliquando

videri  
nunc po-  
test si exae-  
meri no-  
stri Reco-  
gniti  
sect. 2.

63.

aliquando iudicium de iis, quæ in Theatr. Nat. consignaveram, ut sententiam hanc de Mundi anima, velut Philosophicam, & quæ Religionis nostræ capita non concerneret, noluerit attingere; sed solum ille error notaretur, quod contra receptam Theologorum nostrorum sententiam Spiritum Dei, de quo Gen. 1. quem cum præstantissimo Theologo Danæo Spiritus Sancti effectum pronunciabam, pro illa Mundi Anima acciperem: In quo de loco Sacræ Scripturæ iudicio Amplissimæ Facultatis acquievi. Sed hac de re inferius dicendi dabitur occasio. Porro, absque illa communi forma Universi, quam Mundi animam (adeoque, *quæ animet Mundum Universum, atque illum faciat unum animal*, ut habet meus Censor,) & secundam causam à Deo ordinatam appellavi, non posse evitari Stoïcismum asserere disp. 2. de Mund. q. 1. à §. 18. usque ad §. 28. contra Philosophos, (quippe cum Theologis secundum dogmata Theologiæ nostræ me consentire penitus, in iis, quæ pugnare contra Mundi animam dicuntur, pluribus docueram ibid. §. 10. 11. 12. & seq.) eos, inquam, qui vim morticem aliquam communem passim rebus omnibus tributam vocant, cuius virtute contingat, ut etiam gravia ferantur sursum aliquando, ad evitandum vacuum. Hunc enim motum à natura gravium particulari non oriri certum esse supponebam, & apud omnes in confesso; quod si verò Deus ipse, negatâ causâ secundâ, vis illa foret communis, rebus indita, utique natura foret ipse Universo insita, adeoque ipsa Mundi anima: quod certè cōinceret cum Stoïcorum opinione. Aliâ ergò ratione saltem animi conceptus à Philosophis esse effereudos, innuebam, si sit rejicienda Mundi anima, ne contradictionibus se implicent, aut impias fovere pergant opiniones. Quod autem Mundi animam à nobis dictam, *ordinariam Dei ministram* alicubi appellaverim, non est quod me hæreseos, aut ullius heterodoxiæ suspectum reddat, ac si quid Deo deroget aliorum ministerium. Quis enim negat Deum ordinariè in Universi regimine causarum secundarum ministerio uti: ut ministrorum Dei ingens sit exercitus, seu numerosa cohors, quorum operâ naturalia effecta solet edere? At ministerium aliud

- est, quo carere quisquam nequit: hoc Deo nequit obvenire ab ulla creatura, (cum ipse sit αὐτάρκης,) nec unquam à me assignatum fuit. Aliud, quod liberè voluntas Dei ordinavit, quæ delectata fuit suo opere, sine quali ministerio ipse Deus quidvis potest
67. facere. Atque eo sensu Deum Opt. Max. *Natura autorem & opificem* pronuncio, qui *Natura* haudquaquam alligatus, per *Naturam* quidem, cui mirabiles ipse insevit facultates, operatur ordinariè; at sine *Natura* tamen & supra *Naturam* potest omnia, cum ea quæ *Natura* sunt concessa ab eodem, tum ea, quæ *Natura* facultates omnes transcendunt, disp.
68. de Mund. 2. q. 1. §. 16. confer. § 14. 15. Certè si absurdum non sit, sed divinæ veritati consentaneum, Deum in extremo etiam iudicio usum ministerio Angelorum, qui nempe colligant electos, ab ipso Deo missi, Matth. 24. v. 13. & qui injustos colligant, eosque conjiciant in fornacem ardentem, Matth. 13. v. 41. 49. An absurdum magis judicari potest, vel hæreseos latibulum, Deum in *Naturæ* quoque ordine ministros habere constitutos ordinarios. Equidem Calvinus lib. 1. Inst. cap. 14. § 5. expressè inculcat Deum Opt. max. imperium suum in Mundo per Angelos exercere ac administrare; ac ideo dici nunc Principatus, nunc Potestates, &c. Et ibid. § 6. varia Scripturæ exempla adducit, quibus ostendat Deus, se eorum quos custodiendos suscepit, tutelam Angelis suis delegare. Cur autem per Angelos potius, quàm per se sine illorum opera ac ministerio potentiam suam declaret Deus, pulcherrimè exponit ibid. § 11. Certè auxiliares Angelos gubernationi suæ passim assumit Deus, non quòd egeat, sed quòd velit: vult autem quia bonus, & non contentus (ut Damascenus ait,) *sui contemplatione*, fecit etiam quibus bene faceret, & qui bonitatis suæ participes essent, Angelos,
70. *Mundum, Homines.* Et velut ex Seneca citat Lactantius lib. 1. c. 5. *Deus* (qui est Deus ordinis, unicè nobis religiosè colendus & adorandus) cum prima fundamenta molis pulcherrimæ jaceret, ut omnia sub ducibus suis irent, *Ministros regni sui Deos* (idest Intelligentias,) genuit seu produxit. An autem verisimile videri potest, Deum passim in levioribus etiam rebus Angelorum ministerio uti, in universa autem Mundi machina gubernanda, ac *Naturæ* ordine conservando, ejusmodi

modi secundas causas non adhibere? Rectè huic rei accommodare licet id Calvini Inst. lib. 1. c. 5. §. 4. *Itane vero ad regendum quinque pedum vermiculum toti caelestis sapientia thesauri concurrunt: universitas mundi hac prerogativa carebit?* vel an hìc fortè potiùs divinæ Providentiæ tale ministerium quicquam derogaret, quàm alibi ubivis? dum certè & ministri ipsi, ac ipsum ministerium, & id quod ministerio dirigitur, à Dei nutu pendet, & per concursum ac cooperationem Opificis supremi sustentatur. Inter tales ergo Dei ministros si 71. Mundi Animam quis referat, si porrò formas aliorum assistentes, quâ, quæso, divini verbi auctoritate erroris tandem convincetur? Certè Alstedio Phyl. part. 1. cap. 3. *Natura dicitur esse p<sup>ri</sup>ma Dei ordinaria rebus insita: quæ eadem ibid. filia Dei, θεία φωνή, itemque Mundi anima dicitur.* Et ne quis fortè solius Dei in rebus naturalibus operationem intelligat: *consideramus hìc, inquit, naturam corpoream, & altà voce dicimus, esse spiritum τὸ πᾶν τοῦ Ὑποκόσμου Universi, qui corporibus huius Mundi implantatus sit & insitus.* vid. idem part. 2. Phyl. cap. 3. Reg. 5. ac ibidem in comm. Porrò quòd Mundi anima animet Mun- 72. dum Universum, ac illum faciat unum animal, ut forma assistens, non cohærent satis ex nostris; nec, perfunctoriè transiliens, in hisce meam mentem, seu Philosophiam Platoniam, quâ nunquam Mundi anima ejusdem forma assistens appellatur, percepit D. Antagonista meus, qui certè tutiùs se Theologicis immiscuisset, quàm nostris hisce Philosophicis: quæ ut sine omni culpa conscientia, aut noxa Religionis à nobis sunt prolata; ita sine omni crimine, aut Philosophiæ damno graviore, à nobis ipsis possunt repudiari. Debuisset saltem D. Collega meus antea conferre mecum, & in sententiam exactiùs inquirere, quam ipsa mea charta exhibere potuisset, antequam absurdas inde consequentias eliceret. Paucis 73. dicam id quod res est, Optime Lector, Novationes omnes, & Novatorum nomina, ita odio semper habui, ut cane pejus & auge ab iis abstinuerim, ac religio penè fuerit in Philosophicis meis quicquâ meis rationibus munire, quod non item Veterum auctoritate confirmarem. Hinc in Theatr. Nat. Univ. circa principia corporum naturalium & affectiones declarandas, ita Aristotelem constantissimè

- stantissimè secutus sum, ( nisi quod inter principia ejus ac normam Christianam nullam esse discrepantiam ostendere conatus sim, adeoque illa tutò in philosophia Christiana posse reservari, ) ut vix latum unguem ab ipso Aristotele recesserim, quin contra plurimorum Interpretum intempestivas correctiones, geometricâ veritate
74. dogmata ejusdem quandoque stabiliverim. Hinc cum ad specialem partem Physices priorem, quæ de Cœlo vel Mundo Aristoteli inscribitur, progressum cogitarem, cernens graviore Aristotelis in hac materia, ( præsertim quoad religionem Christianam ) *παρεκβάσεις*, Platonem intermiscui frequentius, quem ad divina propius adnotum non sine ratione judicamus: qui præsertim in Timæo suo, è Chaldæorum, Ægyptiorumque libris, non solum fabulas, sed etiam fulmina veritatis contemplatus, ut de eo loquitur Scalig. Exerc. 61. l. 3. quæ verbo legisset, posuit. Atque ita à Novatoribus averso mihi, ac contentionibus, quæ inde oriuntur, & ad nobilissimam Antiquitatem, ipsosque omnium doctiorum unanimi consensu Philosophiæ Principes converso, idem accidit, quod
75. dici solet: *Incidit in Scyllam, qui vult vitare charybdim*. Hæc verò, ( ut ipsius nostram mentem depromamus, ) nostra de Mundi anima, ( propriè ita dicta, quæ nempe sub naturæ conceptu, ut in Physicis natura usu venit, continetur, ) & forma assistente, seu Intelligentia Mundo præstituta, ( quam ab illa distinguimus, non verò cum eadem, similiter ut noster hic, confundimus, ) ex dogmatis Platonis Philosophicis sententia fuit, quam hujus Principis Philosophiæ verbis expressi, disp. 2. de Mund. q. 3. §. 20. usque §. 25. Nimirum, Naturam Universi quandam circa corpora dividuam esse, hoc est, corpora Universi quævis, suis formis propriis instructa, convenienti inter se coordinatione, ac naturarum subordi-
76. natione coherere. Hujus verò ordinis causam conservantem, & omnes rerum species in ordinatam seriem necentem, naturalem sc. & à divina providentia constitutam, eidemque subditam, appellavi illam Mundi animam, per quam fieri Mundum unum per se corpus naturale credidi, seu, ut Plato in Timæo loquitur, maximum illud animal, quod animalia reliqua cuncta comprehendit: Confer.

Confer. disp. de Mund. 2. q. 1. §. 27. & seq. *Formam* verò illam *assistentem*, quam Mundi mentem seu intellectum appellavimus, quam perperam confundit D. Antagonista cum prædicta illa Mundi anima, mediante eâ animâ cum corpore uniri exposuimus, eâque mediante materiales operationes exercere: de qua unione, (quam *hypostaticam* vocat Antagonista) ex nostra mente clariùs pronuntiavimus, disp. de Mund. 2. q. 3. §. 13. 14. Nimirum, eandem esse rationem majoris Mundi, quæ est minoris, opinati sumus cum Platone: quippe veluti homo partim ex corpore & sensitiva anima constans, ad genus corporum naturalium refertur, & animal humanum, subordinatum intellectui, vocari potest; per mentem verò ipsam, animalis hujus formam, ad imaginem divinam propiùs accedit: simili ratione in majori Mundi cum Platone rem concepimus, ut ita per intellectum seu mentem, animæ mundanæ superadditam, imprimis verum dici queat, quod habet præstantiss. Molineus tract. de cogit. Dei §. 24. Cum nihil sit quod potius debeat pingi, & imagine exprimi, quàm quod pulcherrimum est, Deus qui est primum pulchrum, voluit suam ipse imaginem ducere: & ut in Minerva Phidia ipse artifex similitudinem sui indelebilem operi suo impressit. Atque ita Plato in Timæo, *Fas* neque erat, neque est, quicquam nisi pulcherrimum facere eum, qui est optimus. Cum igitur excogitasset, invenit nihil eorum quæ secundum naturam aspectui subjecta sunt, si expers intelligentia sit, intelligente alio, totum toto, pulchrum unquam fore, intellectum verò alicui sine anima dari non posse: Hæc ratione mentem quidem animæ, animam verò corpori dedit, totumque ita Mundum constituit, ut pulcherrimum naturâ opus optimumque foret. Ac postea, Cum illud à se factum sempiternorum Decorum simulacrum moveri & vivere pater ille qui genuit animadverteret, delectatus est opere. Planè in eundem sensum Trifnegistus (quem tantam Trinunius Dei cognitionem habuisse ex ipsius scriptis constat, quantam, præ dolor, Christianorum plurimi non assequuntur,) in Dialogo Asclepio loquitur: Qui novit se, inquit, novit & Mundum, ut memineris quid partibus conveniat suis, quibus utendum, quibus sibi inserviendum sit, laudes gratæque maximas agens Deo, ejus imaginem venerans, non ignarus se secundum imaginem Dei esse, cujus sunt imagines due,

79. *duæ, Mundus scilicet, & homo:* Prædicto igitur modo *hypostaticam unionem* (quam tamen circa Mundum hoc ipso vocabulo nunquam expressi,) assistentis Mundi formæ cum corpore mundano me concipere nequaquam inficias eo: at interim ex illo *hypostatica unionis* vocabulo nulla in me sequior suspicio est concitanda; nec ad supernaturale negotiū, in Salvatore nostro, vel personis divinis, abripiendum est vocabulum aliquod, quod, ut rei philosophicæ hoc loco ex conceptu meo est accommodandum, ita per se planè philosophicum existit, & ex Philosophia ipsa primitus traductum ad Theologiam.
80. Profectò mirum est; si nunc vocabulum *Hypostaseos* penitus Philosophiæ à Theologis extorqueatur, quod è Philosophia arreptum, ab imperitis hominibus primum ad divina perperam accommodatum olim creditum fuit, ut patet ex iis quæ à Socrate lib. 6. Hist. tripartitæ traduntur; à qua voce nonnulli Patres ita abhorruerunt, ut venenum subesse suspicatus sit Hieronymus, cum nominantur tres in Deo *hypostaseis*; quam necessitate extortam fuisse olim, testatur Augustinus, propter humani eloquiū in re summa inopiam, non ut exprimeretur quod est, sed ne taceretur quomodo tres sint, Pater, Filius, & Spiritus. videatur hac de re Calvin. lib. 1. Inst. cap. 13. §. 5. Equidem non probo nimiam Hieronymi in hoc negotio severitatem, cum subinde utiles loquendi forme, ac significantia vocabula assumendæ fuerint, quibus inanis loquacitas hæreticorum comprimeretur; at interim si imperiti rerum philosophicarum absolutè juris theologici efficiant, quod per necessitatem mutuati Veteres Theologi fuerunt à Philosophis, similiter non laudo. Illam verò Mundi animam, quam ex mente nostra non satis aptè adumbravit Antagonista, *singulis in Vniverſo atomis, enter, potenter, ubique præsentem* ipse è proprio suo conceptu pronunciat: nam certè illa verba illumve sensum in meis nunquam vidit, nunquam inveniet. Nimiam videtur Mundi animæ cum Deo fingere affinitatem, quam mente nunquam ipsimet concepimus, aut per negligentiam quandam, seu ἀκυρολογίαν verbis expressimus. Deum solum ens esse per essentiam, sæpius inculcavimus: quin neque propriè ens esse, (ne concretum quid in Deo cogitemus,) sed essentiam,

essentiâ, tû alibi, tû disp. de mot. prim. q. 4. §. 3. ex Scaligero monstravimus. *Soli Deo esse convenire originaliter, à se & propter se, rebus verò cateris illius primi entis quadam participatione*, professi sumus disp. de Mund. 1. q. 3. §. 15. Adeoque Deum ens esse independens, reliqua entia omnia à Deo dependere, non uno in loco inculcavimus, Ac ipsam quidem *Mundi animam*, non secus atque reliqua entia, tû quoad esse, tû quoad operari, à Deo dependere, apertè pronuntiavimus disp. 2. de Mund. q. 3. §. 18. Ipsamque Mundi Intelligentiam à Deo esse conditam, speciatim monuimus, ibidem q. 4. §. 16. Similiter *potenter* esse, absolute, soli Deo convenire scimus, qui ipse sua est omnipotentia; at interim & Regibus potentiam tribuimus, & rebus naturalibus, & artificiosis machinis: ut si *potenter* esse Mundi animam, secundùm quid, alicubi dixissem, (ut non dixi) non foret utique quo justè reprehendi possem. *Ubique præsens* solus item Deus est; ac ita quidem, ut ipsius Universi termino haudquaquam terminetur. Quòd si verò Mundi animam ubique in hoc Universo, præsentem quis pronuntiaret; haud magis loqueretur inopia, quàm si quis diceret, animam humanam ubique in humano corpore præsentem esse. Sed cùm nondum hæcenus ex professo de anima agendum mihi proposuerim, in publicis meis dissertationibus, varix autem sint Philosophorum de ratione animæ, quoad præsentiam in corpore, opiniones, nihil hac in parte hæcenus à me determinatum est, quod D. Collega meus justè queat reprehendere. Quid obscurè hac de re loquatur Plato in Timæo, obiter citavimus disp. de Mund. 2. q. 3. §. 28. De Mundi verò mente hanc apertè nostram sententiam prodidimus. disp. 2. de Mund. quæst. 4. §. 11.  *finita creatura finitam essentiam creatam à summo Deo esse additam*. Dum verò Mundi animam & intellectum constituimus, ad ejus certè essentiam & exactam habitudinem describendam ita nos metipfos impares agnovimus, ut intellectus nostri imbecillitatem palam profiteri haudquaquam simus veriti: ut videre est, disp. de Mund. 2. q. 3. §. 19. & q. 4. §. 16. quantâ verò animi modestiâ de Mundi Intellectu disserere aggressi simus, manifestum est ex disp. 2. q. 3. §. 30. Quâ pietate verò, quâ in sumum Deum reverentiâ, universam illam contem-

vid. numc  
Differt. de  
Anim.  
Hum. Uni-  
on. cum  
corpore.

82.  
83.



- plationem susceperimus, apparet manifestè ibid. quæst. 2. §. 35.
84. Cum ergò Philosophicè in hac materia nobis disquirendum esset, noluimus præ fastu aut arrogancia quadam animi, pro veris nostra hæc obtrudere; sed satis nobis videbatur, si in rebus maximis & obscurissimis, de quibus maximas habemus dubitationes, id quod verisimile apparet proferre quivissemus; *quam alacritatem modestia potius elogio dignam esse, quam temeritatem*, ipse profitetur Aristoteles 2. de cælo cap. 12. t. 60. Ac interim, ut Hippocrates libr. 1. de diætâ inquit, *Nullum culpæ æquum est, quod non potuerit invenire; sed potius laudare omnes, quod saltem aggressi sint querere.* Quare si vel ipso quoque nostro hîc excidimus scopo, dum ad illa collimavimus, quæ vero sint simillima, in eo certè acquiescimus, quod ansam præbuerimus, exactius investigandi veritatem: qui pertinacem animum in Philosophicis fovere nolumus; sed rationibus moveri.
85. Quàm autem hæc & alia ad Theologica trahantur, hîc pluribus non disceptabo. Omnes consequentias absurdas, quas hinc contentiosus aliquis eliceret, haud admodum difficilè erit liquidò dissolvere. Sed cedò doctoribus ubivis sine contumelia. Nec interim ignoro, nullibi directè Mundi animam impugnari in Scriptura s. nec ullibi exactam talem Mundi constitutionem in divino verbo, (ubi ea inculcantur, quæ ad salutem nostram necessaria existunt,) nobis exhiberi, in qua Philosophus ingenium non debeat ulterius acueri. *Pusilla res Mundus est, ut cum Seneca dicamus, nisi in illo, quod quærat, omnis Mundus habeat.* Natura rerum magis ardua claustra gerit, quàm ut vel obiter introspectienti protinus pervia existat. Plus divinæ gloriæ reconditum est in interiori Naturæ recessu, quàm
86. quod externâ facie cuiusvis refulget. Certè cum Libavio hoc ausim addere: *præsumptum vulgi, interroganti Theologos de Physicis, sicut de sanationibus Medicorum aniculum.* Theologos, quâ tales, veneramur, summoque in honore habemus; ac Theologicæ autoritati, quâ talis est, lubenter nos submittimus: sed extra divini verbi pomeria, illa cessat esse Theologica. Ne quem verò præjudicia offendant, id ipsum quod pro defensione sanioris Theologiæ habet Calvinus in præfat. ad Inst. Mundi item animæ accommodare possum:

sum : Horrenda quædam in vulgus sparguntur , quæ si vera essent , merito illam cum suis autoribus mille ignibus ac crucibus , dignam Unversus Mundus judicet. Quàm parùm autem illa , quæ sparguntur , nostris scriptis congruant , collatione factâ vel solius disputationis nostræ secundæ de Mundo fiet inane manifestum. Interea ut *Mundi Anima* à Tribunali Theologico expediatur , hîc sententiam pronuntiabit præstantissimus Danzæ Isag. Christ. ad loc. comm. lib. 1. cap. 27. *Mundi hujus forma* , inquit , non modò in quadam externa rerum conditarum pulchritudine consistit , & aptissima earum inter se conjunctione & collatione , quæ Ordo appellatur ; sed etiam in ipsa interna , & totius hujus universitatis , & singularum ejus partium vi & natura ; de qua longior fusiorque disputatio (NB) ad Physicos propriè pertinet. Ab ea verò si Theologus abstinuisset , nec suam falcem perperam in alienam messem immisisset ; minùs molestiæ creâset aliis , ac fortè ipsi rectiùs in alia materia ἐρχειν οὐκ ἐcessisset : omnino certè non tã properè ac temerè gravâset innocentem conscientiam , ( cui omne refugium in Dei Providentia est positum , ) suspitione iniquissimâ de negata Dei Providentia immediata : de qua quid sentiam , ac quàm constanter illam asseram , vel infinitis locis scripta mea apertissimè loquuntur , ut ex superiùs citatis constet.

Ut autem , quæ superiùs sunt fusè à me demonstrata , paucis quasi in tabellam contrahantur : Haudquaquam aliam de Dei Providentia sententiam concepi unquam cogitatione , quàm qualem divinum Reformationis illud organum , ac vir summus , Calvinus exprimit lib. 1. Inst. cap. 16. Deum , inquit , facere momentaneum creatorem , qui semel duntaxat opus suum absolverit , frigidum esset ac jejunum : atque in hoc præcipuè nos à profanis hominibus differre convenit , ut non minùs in perpetuo Mundi statu , quàm prima ejus origine præsentia divina virtutis nobis illuceat. &c. Carni sensus , inquit porrò , ubi Dei virtutem semel in ipsa creatione sibi proposuit , illic subsistit : & quum longissimè procedit , nihil aliud quam in edendo tali opificio , autoris sapientiam , & potentiam , & bonitatem , ( quæ sponte sese proferunt , & nolentibus etiam ingerunt , ) expendit & considerat : in eo autem conservando , & moderando generalem quandam actionem , unæ viæ motionis dependeat. Denique ad res sustinendas , sufficere putas vigorem , divinitus ab initio inditum. At verò

- fides altius penetrare debet, nempe, ut quem omnium creatorem esse didicit, statim quoque perpetuum moderatorem esse colligat: neque id universali quadam motione, tam orbis machinam, quam singulas ejus partes agitando, sed singulari quadam providentiâ, unumquodque eorum quæ condidit, ad minimum usque passerem, sustinendo, fovendo, curando.* Interim rectè Deum causam primam & universalem appellamus: primam, quatenus eidem reliqua causarum series universa subordinata est, ab eoque dependet; universalem, quatenus concurrit in universum ad omnium ac singularum actionum substantiam, cum interea ratio formalis passim, cui vitiositas sæpe adest, secundarum causarum actionibus sit imputanda. Ita nempe Dei providentiam considerandam judicamus, dum moderatrix habetur rerum omnium, *ut nunc mediis interpositis operetur, nunc sine mediis, nunc contra omnia media*, ut loquitur præclarum illud Christiani orbis lumen Calvin. lib. 1. Inst. cap.
89. 17. §. 1. Quatenus ergo *interpositis medijs*, hoc est, secundis, tertijs, quartis, &c. causis, ordinariè quidem in hoc Universi ordine constituto operatur Deus Opt. Max. ita rectè *non proxima, non immediata causa* dici potest: qui tamen interim cum ipsis mediis ac subordinatis causis unâ concurrit ac coöperatur, ad singulos rerum effectus producendos, adeoque hoc sensu *proxima* etiam ac *immediata* singulorum effectuum causa statui debet; ac ita quidem proxima & immediata, ut ipse Dei concursus, & actio causæ secundæ, non sint diversæ actiones, sed una eademque actio, quæ tota pendet à Deo, & tota à secunda causa, non partim à Deo & partim à secunda causa, ut cum Clarissimo Burgerdicio loquamur ex Metaph. lib. 2. cap. 11. §. 6. at non est utrobique eadem agendi ratio, cum in subordinata serie causarum ultimæ univocæ existant ac particulares. Sic ergo Deus Opt. Max. diversâ considerandi ratione & *proxima causa*, & *non proxima*, *immediata*, & *non immediata* dici potest: at illæ verò quæ in ordine secundarum causarum ultimæ sunt, non nisi *immediata* possunt appellari: quæ licet à Deo, immediatè ac proximè cooperante, dependeant, causæ proximæ ac principales appellantur suorum effectuum, cum sufficientem virtutem à Deo nactæ sint, per quam divinæ providentiæ subordinatam, ac ad effectui

effectui univoco propinquiorem, ab ipso Deo diriguntur, ad produ-  
 cendum effectum sibi æquali proportionem respondentem, hoc est,  
 æquè in fieri à Deo dependentem, atque ipsa causa secunda in suo  
 conservari & in ipso operari. Hanc constantissimam fuisse meam 92.  
 mentem ubivis; passim ex meis scriptis superiùs citatis constat. A  
 qua mente si abludant Autor libri de Mundo ac Cardanus, (quos  
 in materia de Providentia Dei ipse haud citavi unquam,) errores  
 suos ipsi ferant. Ab eadem mente si abludat fortè duriori sermone  
 Fortun. Licetus, alique, id meliori meæ sententiæ haud præjudica-  
 bit: qui pro Christiana charitate inalo quidvis in meliorem partem  
 interpretari, quàm in sequiorem partem detorquere: Malo ipsos etià  
 Adversarios in sanio rem mentem volentes ducere, quàm nolentes  
 trahere. Quem eundem animù omnibus veritatis amantibus precor.

### ARTICULUS III.

*An absque periculo adopeatur dogma Origenis: Solem, Lunam, & astra cætera esse ani-  
 mantia; & quæ huic dogmati subvertantur istæ hypotheses, celestia corpora ad imagi-  
 nem Dei condita, hoc est, intellectu, iustitiâ & sanctitate prædita esse; & nihil magis  
 absurdum, aut cum majori fastu ac diabolicâ superbiâ conjunctum esse, quàm si homi-  
 nibus, non videantur sciri, inter ea omnia quæ terrarum orbis habet, solos ad imaginem  
 Dei conditos esse?*

### A P O L O G I A.

**S**olem, Lunam, & Astra cætera esse animantia, non ex Origene hausi;  
 sed ex universa penè Philosophorum Antiquitate, undè idem  
 habuit Origenes, Damascenus, alique Patres: de qua re videat-  
 ur disp. nostra de Mundo. 9. q. 3. Neque verò hîc in alienam Spar-  
 tam me irrumpere putavi, qui non Theologorum, sed Physico-  
 rum esse credidi, quod credo etiamnum, de constitutione corpo-  
 rum cælestium disquirere. Interea tamen, si quid inde sinistræ  
 opinionis, quoad Theologiam, per longè quæsitæ consequentias,  
 præter meam mentem posse elici videtur, (quod & alibi passim  
 fieri potest, ab iis, qui quidvis in partem sequiorem vertunt,) id fa-  
 né nullam

2. nè nullam mihi heterodoxiam aspergit; ac libenter ipse quoque hac in parte cedo meliori doctiorum judicio ac rationibus. At *hinc dogmati à me subterni has hypotheses, cœlestia corpora ad imaginem Dei esse condita.* &c. falsum est, ut ex cit. loc. ac quæst. ibid. 4. fiet manifestum: aliis enim argumentis id probare sum conatus. Videtur autem ignorasse meus Antagonista, quid sit hypothesis, quid consecrarium? Nec tamen consecrarium à me illatum est ex eo, quòd sint animata astra, esse ad imaginem Dei condita. Sed astris quidem datas esse Intelligentias existimavi, cum Antiquissimis ac omnium penè sæculorum nobilissimis Philosophis, disp. 9. q. 4. velut formas assistendo informantes, (de qua assistendi ratione ad Art. 1. à nobis dictum est, itemque hoc cit. loc. §. 3. ac de eadem mox dicimus plenius,) hoc est, cum corpore astrorum, propriâ informante formâ, at subordinatâ, quæ natura sit & corpus naturale faciat, instructo, in unam subsistentiam conjunctas: quo sensu *Dii geniti*, à Platone in Timæo, ac *divina & cœlestia animalia* nominantur astra: ipseque Augustinus in Euchirid. cap. 58. dubitat, *utrùm ad Intelligentiarum societatem pertineant Sol & Luna & cuncta sidera, quamvis nonnullis lucida corpora esse sine sensu & intelligentia videantur:*
3. de qua re pluribus cit. loc. Hinc verò existimavi esse consequens, per Intelligentiam suam, seu naturam illam Angelicam, & per analogiam rationali animæ humanæ respondentem, astra imaginem Dei præ se ferre, secundum quam homo intellectu, justitiâ, & sanctitate fuit præditus, ibid. §. 17. sc. Veluti homo imaginem Dei in anima rationali primariò gerit, quæ secundariò, seu ob communionem cum corpore, toti inest homini. Certè Angelos seu Intelligentias ad Dei imaginem creatas esse, ipse statuit Calvinus Instit. lib. 1. cap. 15. §. 3. hoc inter cætera argumento, quòd summa nostra perfectio, teste Christo, erit similes illis fieri. Sed interim non frustra, inquit, *peculiari hoc elogio Dei erga nos gratiam commendat Moses, præsertim, cum visibiles tantum creaturas,* (vel eas certè, quibus homo dominus præficiendus erat,) *homini compareret. Deus spiritibus affudit lucem intellectualem,* inquit Molinæus de Cognit. Dei, §. 25. *& cognitionem veri, qua est quadam quasi scintilla divina lucis; volun-*

eis; voluntatem verò eorum, cujus est (N.) ciere motus & producere actiones, ornavit justitiâ ac sanctitate: His addit immortalitatem, & libertatem voluntatis, qua sunt divina imaginis lineamenta quedam, & Dei imitamenta. vid. Annot. ad novam version. Biblior. Belg. Hebr. 1. v. 5. n°. 19. Quod si verò arctior quarundam Intelligentiarum unio cum corporibus celestibus secundum omnium penè Philosophorum placita sit admittenda, quid absurdi, quæso, à me dictum fuit? Quod si tamen in prædicta illa mea sententia, quam ipsi Augustino dubiam fuisse constat, (qui idem similiter se dubitare est professus, utrum Mundus hic animal sit, nec ne: quod ut negare nolit, sic affirmare non audere, teste Danæo phys. Christ. part. 1. cap. 14.) quod si in ea, inquam, sim hallucinatus, certè nescio quâ ratione contra dogmata Religionis nostræ hîc peccaverim, qui eâ ratione magis Dei gloriam, bonitatem nempe ejus, omnipotentiam, & sapientiam, extollere conatus sum, ibid. §. 12. Quid verò tantum fingi potest à pia, Deoque consecrata mente, quo queamus Dei laudes gloriamque prædicatione exæquare? Aut cur non tutò liceat hîc fingere magnifica, illustria, excelsa, ubi ratio fuadere talia videtur, ubi nihil nobis certi revelavit divina sapientia? Omnes equidem Philosophorum sectæ, quotcunque ab orbe condito extiterunt, Chaldæi, Ægyptii, Græci, Arabes, Latini, quin ipsi etiam Hebræi, etiam tunc cum puriore mente Deum colerent, astra animata statuerunt, ac intellectu prædita. Ad quorum imitationem Maimonides in Constit. de fundamentis leg. cap. 3. §. 11. Omnes stellæ, inquit, atque orbes præditi sunt animâ, notitiâ, atque sapientiâ; atque vitam agunt, permanentque, & cognoscunt eum, cujus dicto factus est Mundus, unaquæque pro ratione dignitatis atque excellentiæ suæ celebrat ac glorificat formatorem suum, uti Angeli: Et uti cognoscunt Deum, sic etiam intelligunt se ipsos, atque apprehendunt Angelos, qui sunt supra illos: sed cognitio stellarum & orbium, est inferior notitiâ Angelorum; major autem cognitione hominum. Addit Commentator, Plerosque Hebræorum hâc opinione imbutos esse, manifestius est, quàm ut ulteriore egeat indagine: creberrimè enim videas in scriptis ipsorum astris atque orbibus actiones voluntatis & intellectus tribui. Eandem sententiam amplexus Philo ibidem

M m

refertur

refertur, ac viri Synagogæ magnæ: (quibus nec defunt argumenta è s. Scriptura, ac speciatim ex mercava Ezechielis, ut vocant, petita:) plura ibidem cernere licet, ex variis Autoribus citata, quorum tamen nonnulla nunquam probavimus. Sed ne quæ Vetera nova fecisse, aut obsoleta quædam, à Philone ac Maimonide Judæis, vel ab Ethnicis, vel ab Origene aut aliis antiquioribus arripuisse videamur; certè dogma illud de Intelligentiis cælestium corporum formis assistentibus, à primis equidem humani generis propagatoribus, seu vetustissimis Majoribus, pro rato habitum, receptum à Posteritate universa, à Philosophantium nobiliori quavis secta approbatum, neutiquam cum Paganismo seu Ethnificismo ac Judaïsimo eliminatum tandem est; sed Philosophis deinde Christianis non displicuit: à quovis sanè Principe Philosopho retentum, & per Philosophantium quorumvis nobilissimorum animos ad nostram hanc ætatem propagatum, nostro item sæculo à quovis celeberrimo Philosopho admissum est; ab iis sanè etiam qui orthodoxæ

7. Religioni strenuè ac sine fuce sunt addicti. Nèmpè, cum omnino dogma illud extra Scripturam sit, ac planè, si negotium Religionis attendatur, adiaphorum, Philosophorum Principum, Platonis, Aristotelis, ac aliorum, ea fuit reverentia, ut quod demonstrativè equidem non potest confirmari, (quæ est plurimorum ad naturam rerum attinentium conditio,) nec ratione interim sat solida refelli, id saltem, dum non caret omni probabilitate, admittatur ac servetur. Hinc post complures Veterum, tum Paganorum, tum Scholasticorum quoque, nugas & ineptias explosas & rejectas, celebres Philosophi, tum & Theologi eximii, hujusce nostri ævi, à recepta Aristotelis doctrina, (cui Academiæ pleræque nostri Belgii per legem sunt adstricti,) ne hac quidem parte voluerunt declinare, quòd nulla urgens ratio, vel dogma receptissimum everteret, vel contrarium suaderet. Hinc & in ipsa Academia Lugd. Bat. cælo *Intelligentias* decernit *Bertius*, Disp. de Natura cæli (habita anno 1603.) th. 11. ac talem quidem formam *Animam motricem* vocat, th. 17. *qua tanto motu sit apta movere, quanto orbis* (ut ait,) *est aptus moveri*: Eandem animam naturam cæli esse negat, Coroll. 1.

Simili-

Similiter in illa Academia *Iacchaei* Institut. *Phys.* lib. 5. cap. 8. rectè  
 quidem perstringit errorem eorum, qui existimant, formam assi-  
 stentem esse fornam corporis absolutè: nimirum, quasi cælestia  
 corpora non haberent proprium naturam, per quam motus ipsis  
 vere naturalis sit; at interim *Intelligentias* cælo attribuit, quibus  
 cum hoc ipso *mundo arctiorem copulam* intercedere profiteretur, *quàm*  
*nauta sit cum navi.* Eandem sententiam tuetur idem Inst. *Metaph.*  
 lib. 5. cap. 11. ubi sine *Intelligentiarum* vi agendi circa astra, tolli  
 omnem connexionem Mundi *Intelligibilis* seu Angelorum, ut vo-  
 cat, cum Mundo isto sensibili contendit: quam quidem suavem  
 connexionem utriusque Mundi ad convenientem Mundi unitatem  
 facere inculcat. Eandem de *Intelligentiis* cælorum motricibus for-  
 mis sententiam Aristotelicam etiamnum hodie in Academia Lugd.  
 Bat. publicè tuetur ac defendit Clariss. D. *Stenartus*, ibidem Philo-  
 sophiæ Professor, nullo eidem in isto negotio obstrepente Theo-  
 logo. Similiter in Academia *Franequerana* Clariss. D. *Verhel*,  
*Method. Physiol. Arist. seu Quæst. select.* lib. 5. q. 6. 7. *Magirus*  
 item, qui in illustri *Lycæo Gelro-Velavico Harderviceno*, (ubi  
 hæc contentio mota est,) perpetuò prælegi publicè consuevit à  
 Clariss. ac Celeberrimo Viro D. *Pontano*, Prædecessore meo, is  
 inquam, non modò *Intelligentias* cælestibus corporibus præstituit,  
 ipsumque cælum animatum asserit; sed præter *Intelligentiam* aliam  
 formam nullam inesse contendit, eamque Aristotelis fuisse mentem  
 persuadere conatur lib. 2. *Physiol.* cap. 2. th. 23. 24. *Rutgersius*  
 Inst. *Metaph.* lib. 2. cap. 2. dari *Intelligentias* cælorum motrices for-  
 mas, ex effectu *Physico*, nempe motu eorundem, probabiliter col-  
 ligi posse præsupponit. *Combachius*, Theologus præstantissimus  
 ac celeberrimus, orthodoxiæ Religionis nostræ propugnandæ de-  
 ditissimus, *Phys.* lib. 2. cap. 2. in comm. quæst. 4. ita arctam *Int-*  
*elligentiæ* cum corpore cælesti unionem agnoscit, ut *voluntarium*  
*motum* ipsi cælo tribuere non dubitet. *Alstedius*, Vir summus, &  
 Theologus eminentissimus, successivè variis Angelis id muneri à  
 Deo injungi, ut cælos seu astra moveant, contendit *Phys.* part. 2.  
 cap. 2. Reg. 3. Similiter *Pneumat.* part. 3. cap. 5. Reg. 14. ubi id



- tantum in Rabbinis, Peripateticis, & Scholasticis reprehendit, quod caelestia corpora ita ab Angelis impelli & in gyrum rotari commenti sint, quasi caelum non habeat principium motus intrinsecum: quae certe sententia praclaris Peripateticis passim aequè displicet, atque ipsi Alstedio. Ut forte hic à cæteris in modo unionis tantum quodammodò dissentiat. Pulcherrimè Keckermannus Syst. Physf. lib. 2. cap. 3. *Licet hoc probabile sit, inquit, Deum in prima creatione impetum quendam indidisse; nihil tamen impedit, quò minus Angelorum, (scu Intelligentiarum assistentium,) ministerio calum circumvolvi dicamus, cum sanctorum Angelorum ministerio Deus etiam in summis utatur. Ac paulò pòst: Esi non negemus, corpus caeleste esse ita comparatum, ut faciliè moveri possit; tamen, inquit, externo motore omnino opus est: quod equidem argumento inter cætera ab ordine & constantia summa motus, (imprimis dum sunt in loco naturali, ac tamen, quà merè naturalia sunt corpora, consilio carent,) diducta probat: qui ordo, & qua constantia, inquit, aliundè esse nequit, quam à motore quodam intelligente, ut acutè Aristoteles disputat. 2. de calo, cap. 3. & 12. Metaphys. cap. 8. ubi docet calo motrices esse Intelligentias: per quas Intelligentias, inquit, intelligo S. Angelos. &c. additque, in motu caelesti his instrumentis Deum uti, dubium non est: id quod & Augustin. lib. de cognit. vera vita, cap. 6. diserè docet, inquires: corpora caelestia Angelorum (sic Christiani Intelligentias calorum appellari consueverunt,) ministerio moventur; quam sententiam alii etiam aliquot Theologi secuti sunt.* Sic ergo Keckermannus, præterquam quod suam calo formam naturalem tribuat, (quam animam esse negat unico tantum hoc argumento, inefficaci ac manifestè falso, quòd caelum sit corpus simplex,) motrices illi Intelligentias adjungit, ratione quarum metaphoricè animatum posse appellari largitur Syst. Physf. lib. 2. cap. 1. in fine. At Augustinus certè, cujus sententiam probat Keckerman. eam unionis rationem concepit Intelligentiarum cum corporibus caelestibus, ut non magis veritus fuerit, Solem, Lunam, cunctaque sidera, corpora sensu & intelligentiâ pradiata censere, quàm eadem ad societatem Intelligentiarum, scu Angelorum, ut vocant, referre, in Enchir. cap. 58. Infinitos alios Philosophos,
14. quin

quin & Theologos, superstitioni aut vano Angelorum cultui minime deditos, qui Intelligentias cælorum motrices formas probabiliter tuentur, prolixum foret hic referre. *Calvino* certe nostro non libuit receptissimæ huic omni ævo sententiæ pertinaciter refragari: videantur ejus *Instit.* lib. 1. cap. 14. ubi ex professio de Angelis agens, ac unice studens ædificationem quæ ad pietatem est, similes *Quæstiones*, ut Theologus, non tangit: quin imò ibidem § 10. & 11. sufficientem materiam præbet, ex qua Bucani rationibus futilibus *Loc. v. de Creation. Erotem. 20. & si qui alii illico impietatem ex sententia de animatis astris inferunt*, (quasi ita religiosus eorum cultus confirmetur,) sat superque responderi queat. Unice autem modestiæ ac sobrietatis regulam in rebus divinis ac religionem concernentibus observans Calvinus, eleganter *ibid. cap. 5. § 2. Ad disquirendos Astrorum motus*, inquit, *distribuendas sedes, metienda intervalla, proprietates notandas, arte & exactiore industria opus est*: quibus perspectis, ut Dei Providentia explicatius se profert; ita in ejus gloriam conspiciendam, animum par est aliquanto sublimius assurgere. Ex dictis saltem liquidò constare potest, receptissimam esse apud Christianos, etiam orthodoxos, sententiam de Intelligentiis motricibus astrorum: Ne verò videantur esse nova, vel paradoxa, vel minus usu vulgatissimo recepta à Philosophis, quæ prodidimus in physico Discursu de mundi Opificio, de ratione unionis formarum assistentium cum suis corporibus (per quam imago Dei contributa Intelligentiis, sit assignanda ipsis Astris, ceu rationalibus suppositis) Philosophorum Principum quorundam, ac probatorum maxime ex Neotericis sententias, hic paucis obiter indigitabimus. Est ergo receptissima sententia, Præcorum ac Philosophiæ Principum, Platonis, Aristotelis, Antiquitatis universæ, de formis assistentibus, ab omnibus Peripateticis, qui melioris notæ sunt, recepta, ac in scholis usurpata frequentissimè, ab Aristotele nimirum ipso per Interpretes illius tradita Posteritati, & Sectatoribus celebrioribus admissa in hunc usque diem, quam (non probè intellectam fortè à perpaucis Novatoribus,) *Connimbricenses* clare exhibent 2. de cælo, cap. 5. q. 5. art. 4. ubi *Intelligentiam* inquit,

inquiunt, similitudine quadam posse formam cæli dici, ac majori jure, quàm ceteri externi motores dicuntur forma corporum, quæ ab iis moventur. 1°. Quia cælum suapte naturâ inclinationem habet ad illum motum, qui ab alio quàm ab Intelligentia præstari nequit. 2°. Quia Intelligentia hæret in eodem situ (NB) cum cælo, secundum eam partem quâ illi asidet: unde in totum cælum impulsus transmittit. 3°. Quia Intelligentia ita suæ spheræ (seu potius cælesti corpori,) alligata est, ut interim dum rerum ortus & occasus in inferiori Mundo perseverant, divelli ab ea

17. (NB) citra miraculum non possunt. Similiter interpret ille fidissimus Aristotelis Averroës, (teste Forr. Lic. lib. 1. de Ort. anim. hum. cap. 14.) mentes divinas, substantiasque separatas, hoc est, cælestes Intelligentias, corporibus cælestibus quibus assistunt, magis uniri testatur, quàm formæ naturales materiei sublanari: quæ adeò omnino visæ Averroëi unum per se cum suis corporibus constituere, ac iisdem hypostaticè seu in unum suppositum uniri, quamvis interim materiæ non sint implicitæ. Nempe formæ assistentes dictæ sunt, quòd, dum reverà formæ sint, servant tamen subsistentiam sibi propriam ac peculiarem, per quam naturâ suâ separabiles sunt, & proprias etiam in se ac per se habent operationes à materia non dependentes: q. d. *formas per se subsistentes*, quo titulo animam hominis rationalem, (quæ verè hominis forma essentialis est, ac cum corpore sensitivo in unam hypostasim juncta,) describit celeberrimus Alsted. Pneum. part. 4. cap. 2. Velut idem Averroës animam illam rationalem hominis formam assistentem constituens, eandem comm. 10. lib. 3. de anima, non modò per operationem, sed & per naturam uniri cum homine pronunciat: ac quidem per naturam jungi, ubi nondum juncta est per operationem intellectualem: (nim. veluti in pueris.) Quam equidem unionem per naturam Piccol. lib. 2. de mente humana cap. 18. intimiorem & majorem vocat, quàm sit connexio forma naturalis cum materia. Nisi hoc crediderint tum Antiqui, tum Recentiores isti Philosophi, esse in unum suppositum uniri; id est, hypostaticè uniri, utique nondum constat, quid sic in creaturis suppositum, vel hypostasis, (quæ certè mysterio supernaturali hypostaticòn nequaquâ officit,) seu planè dubium, quid verè unum per se mereatur appellari. Assistens

ergo

ergo *forma*, quâ verè forma est, informat totum: ut adeò *assistenti* do *informans* & *informando assistens* dici queat. Ob arctissimam autem illam unionem, quâ verè forma cœli esse creditur *Intelligentia*, *sensum*, *consilium*, *rationem*, &c. ipsis Astris tribuere Plato, Aristoteles, Cicero, Plotinus, alique; nempe, ut uno verbo dicam, Univerſa Antiquitas: ob eandem, probatissimi Theologi moderni cœlo *voluntarium motum* assignare non sunt veriti, ut paulò antè verbo innui, & alibi est plenius ostensum. Plura hac de re digessi Sect. 3. Med. 2. de Operib. Dei secundum singulos dies, quem tractatum fortè commodâ occasione dabimus in lucem. Profectò, 20. ob eandem unionem, (ex hypothefi quod detur,) cœlestia corpora non minùs *ad imaginem Dei* creata dici possunt, quam ipsa rationalis in terrarum orbe creatura, homo. Ob illam sanè *Astra* *Dij* appellati sunt, (quæ & in Sacris *Angelorum* seu *Intelligentiarum* appellatio occurrit,) supremi tamen Dei ac ipsius Creatoris voluntati ac imperio subjecti: Unde in Timæo Plato, ad hanc unionem hypostaticam respiciens, supremum Deum introduxit in hunc modum *Astra* ac *Terrarum orbem* alloquentem: *Dij orti ex Diis, quorum Opifex & Pater ego sum, hac attendite: &c.* Sic Arist. 12, Metaph. cap. 8, de Astris inquit, *Tradita sunt quedam à Majoribus nostris, iisque admodum antiquis, quod hi Dii sint, &c.* Sed plura impræsentiarum hîc 21. non cumulo. Constat satis ex prædictis, ad societatem Angelorum seu Intelligentiarum ipsa *Astra* relata esse, non ab Augustinò modò, sed & à plerisque clarioribus Philosophis, ac præstantissimis Theologis, Recentioribus non minùs, quam Antiquis: ut adeò per unionem intimam Intelligentiæ seu Angeli cum naturali corpore, imaginem divini numinis gestare ipsa *Astra* sint credita. Id verò si plausibile utcunque rationi videatur, si certè non adversum dogmatis religionis, quin imò tendat ad illustriorem Dei Creatoris gloriam, dum sobriè ac pio atque verè christiano animo admittitur; an tutum quis existimabit, si mortalitati per naturam obnoxii homunciones se se jactent (ut locutus fui in Discurs. Phys. de Mund. Opif. disp. 6. q. 4. §. 17.) *solos ad imaginem Dei esse conditos, hoc est, intellectu, justitiâ, & sanctitate præditos*, (ad statum hîc respicio

- spicio primævum, cùm de lapsu hominis vel Angelorum agere non sit Philosophiæ,) nisi insuper supra nobilissimas illas Mundi visibilia creaturas, cœlestia corpora, inquam, omnis erroris & enormitatis expertia, (sic enim sensus nostri testimonium de motibus eorum prohibent,) se eveham & asstiment? Credantque potiori intellectu nullo in hac rerum universitate, quam debili illo humano, variisque conspurcato maculis, eximias
22. Dei laudes, gloriamque excelsam extolli atque predicari. Sed, utut illa sint incerta forsan, aut erronea, vel etiam, si lubet, fabulosa, saltem in animo meo omnis planè superstitionis sunt expertia; ac non magis in astrorum cultum tendunt, quàm ipsis Angelis abstinētis, ideo quòd in Scriptura S. vocentur *Dii, Dei filii*, &c. religiosum cultum decernendum judico. Si verò aliis conceptus isti Philosophici displiceant, iisdem sanè tutò dissentire licet. Saltem criminis damnanda vel infimulanda non sunt, vel hæreseos, quz nec improbitatem nec impietatem ullam implicant, nec ratione vel autoritate magis solidâ refelli possunt, quàm probari. Si verò fabulosum illico censendum est, quod extra Scripturam sacram est, dum tamen huic minimè adversum est, habere locum debet apud sacra Prætendentes, illa pia adhortatio Apost. 1 Tim. 1. v. 4. *Ne insistant ipsi fabulis* (quas fortè sibi fingunt,) & *genealogiis* (aut similibus ineptis disquisitionibus ac cavillationibus, nullam omnino frugem in Ecclesia Dei pollicentibus,) *nunquam finiendus*, (quod verus controversiarum theologicarum Judex, Spiritus S. in Scriptura si leat de talibus;) *quæ potius Quæstiones*, verèque contentiones & inimicitias, christiano pectore indignas, præbent, quàm adificationem.
24. Dei, *quæ est per fidem*. Finis mandati, inquit ibidem Apost. v. 5. *est charitas ex puro corde, & ex conscientia bona, ac fide quæ sit sine hypocrisi*. A quibus nonnulli ut à scopo aberrantes, divertunt ad vaniloquentiam: volentes esse legis doctores, quum tamen non intelligant quæ loquantur, nec ea de quibus asseverant. Sola charitas est, inquit August. de doctrin. christ. *quæ vincit omnia, & sine qua nihil valent omnia, & quæ ubicunque fuerit, trahit ad se omnia*. Scientia si sola sit, inflat: quia verò charitas adificat, scientiam non permittit inflari. In christiana ergo humanitate sectemur charitatem; æmulemur spiritualia, ut monet Apost. 1. Cor. 23.
- Si verò

Si verò quid extra Scripturam, at citra Religionis dogmata, nimirum merè Philosophica concernens, proferatur, *Noli illico judicare proximum*, ut inquit Bernhard. super Cant. ferm. 11. *sed magis excusa intentionem ejus, si opus non potes: puta ignorantiam, puta subreptionem, puta casum.* Atque aded rejiciatur tandem ipsa quoque hæc opinio nostra, si quibus displicet: nec gravatim ipse doctiorum rationibus, si quis solidiores dederit, sententiam attemperabo, idque sine omni crimine, sine ignominia, utpote cum rationes non odisse laude sit dignissimum: *vix conjicimus*, ut cum Sapiente dicam, *ea quæ in terra sunt, & quæ ad manus sunt laboriosè adinvenimus, quæ autem sunt in cæli, quis pervestigabit?* Probabiliter proferre quid conatus sum, 26. in ea re, in qua certa nobis deest demonstratio, quod tamen minime è meo cerebro est confictum, sed prognatum ex Antiquitate nobilissima Philosophorum maximorum, qui ut primordio humani generis viciniore extiterunt, ita à Majoribus imbuti magis vivâ institutione ac traditione, rectius quandoque perceperunt quædam naturalia, quæ postmodum ignorantia nostri intellectus antiquis involuta sunt: ut non sine ratione Proclus meliorem illam Antiquissimorum Sapientum doctrinam *θεόδοτος & θεοπραγὰδοτος* non semel appellaverit, veluti ab ipso Deo, mediante primo homine Adamo, ad posteros per manus traditam. Illius sanè sapientiæ partem nobilissimam, quæ supersunt monumenta Veterum nobis exhibent, quam imitati præstantissimi Philosophantium, è sectis omnibus ætate quavis consequente: quam proprii intellectus lumine singuli meritò, quantum nobis à divina clementia concessum est, accuratius perpendimus: At equidem in profundioribus ejusmodi rebus, ad quas humano intellectui accessus non est satis pervius, optime locutus erit, ut inquit Arist. qui maximè probabilia protulerit. Hoc ergo animo, quem exposui, circa nobilissima illa ac fulgentissima Mundi corpora contemplationem qualemcunque instituere aggressus fui. At interim, cum alibi jam sapius me clanculum 28. impeterent calumniæ, & impiæ in innocentem animam suspiciones spargerentur, in Autorem maximæ injuriæ nolui curiosius inquirere, nec directo impetu tranquillitatem nostram turbare; sed sicuti

- nullius opinioni quid præscribo, (quamvis argumenta aliquando minùs valida contra opiniones meas temno,) ita immoderatiores animos, (quod conscientia ac fama mea intererat,) cit. loc. §. 11. & seq. notare volui, ac debui eorum, quibus dissentire à sententiis aliorum, ac suis niti rationibus, non satis est, nisi ipsas etiam aliorum sententias, suis fortè conceptibus dissentientes, hæreticas & quasi anathemate dignas pronuncient: ac in ejusmodi rigidioribus dispensatoribus arrogantiam notavi §. 17. dum nihil debili humano intellectu elegantius, ac Deo gloriosius, in Univerſo posse concipi persuasum habent, quin opinio protinus hæreseos censura
29. fit subjienda. Hominem certè inter ea omnia, quæ hic terrarum orbis habet, solum ad imaginem Dei esse conditum asserui, quem Dominum mortalium constituerit divina Providentia: quin plura ejus dignitati tribui disp. de Mund. 12. q. 2. §. 20. & 25. Moderationibus verò animis simul id hoc loco volui ostendere, me imprimis omnia ad ipsam Dei gloriam, cujus causâ Univerſum fuit conditum, dirigere: quod ut à me est institutum, vituperio haudquaquam, (cùm illi non repugnet, si fortè non consentiat apertè, quod manifestâ Dei paginâ notatum ad salutem invenimus,) sed laude potiùs dignissimum est judicandum. Nec interim ab homine
30. expectandum est, ut nullibi in rebus Philosophicis vacillet. Quòd si verò acriùs quid illic à me dictum fuerit, id mirum sanè non videbitur æquioribus Judicibus, vel esse sine ratione: dolor qui conscientia infertur, acerbissimus existit, ac difficulter tolerari debet, si publicæ Ecclesiæ minetur aliquod dispendium. Impiam hypocrisin gestare animo haud absque ratione possem censi, ac scandalum præberem haud mediocri Adversariis quam plurimis, nisi ecclesiæ præstitutus Senior, ab omni hæreseos suspicione
31. haud frigido conatu me immunem reddere instituerem. Quod verò hac in parte à me actum est, non debuit offendere Clariss. D. Collegam meam, qui ipse coràm in os, cùm antè Rev. & Clariss. Professoribus Leidensibus Theat. Nat. Univ. inscripſissem, quando amicitiam prætere omnino visus est, ultrò me in Religionem orthodoxum est professus: quo nomine amicitiam utrinque inter nos

inter nos coluimus, ad quam à mea saltem parte intimus affectus conspiravit animi. Nec unquam me interea commonefecit D. Collega meus, (quod quidem sanctè ac religiose testor,) ullius hæreticæ aut nimis orthodoxæ opinionis: quod tamen sicubi me lapsum notavisset, & ipsa nostra amicitia, & Christiana charitas, debuisset extorquere. Cùm ergo eos tantùm hîc notaverim, qui fortè nostram hanc sententiam hæreseos suspectam redderent, ut alibi non ignorabam factum, non verò alios, quibus ea displiceret, non fuit utique quod quispiam, qui non sit nimium in me iniquus, meritò tantoperè sit indignatus. Quod verò *Solius, Lunæ, & Astrorum caterorum*, constitutionem attinet, hoc ex *Calvino lib. I. Inst. cap. 5. §. 2.* repetam: *Ad disquirendos Astrorum motus, distribuendas sedes, metienda intervalla, proprietates notandas, (addo naturalem eorundem habitudinem investigandam,) arte ac exactiore industriâ opus est: quibus perspectis, ut Dei providentia explicatius se profert, ita in ejus gloriam conspiciendam animus par est aliquanto sublimius assurgere.* Hîc equidem, ut alibi, Theologo extra Scripturam S. expatiari fas non est: At qui liberales illas artes, (*Astrologiam, Medicinam, Physicam, totam,*) ut ibidem loquitur Calvinus, *vel imbiberunt, vel etiam degustarunt, earum subsidio adjuti longè altius subvehuntur, ad introspicienda divina sapientia arcana.* Hîc ergo nihil invideat Philosopho Theologus, nec limites divinæ paginæ transiliens in alienam messem sequius se ingerat. Profectò sine omni crimine cum Viris summis me exercui in rebus philosophicis, ac nostro intellectui obscuris, dum saltem manifestè omnia ad summi Dei gloriam direxi.

#### ARTICULUS IV.

*An absque periculo statuatur duo Angelorum bonorum genera, ut sint alii supercaelestes, Dei ministri extraordinarii, propriè dicti Angeli: Alii cælestes, qui cælestibus corporibus hypostaticè uniti sint, ad usum rationis, ut forma assistentes: quibus præsit ut Archangelus quis dicta illa unica Mundi anima?*

#### APOLOGIA.

**Q**UÆRIT Vir Clarissimus, *An absque periculo statuatur duo Angelorum bonorum genera? Ubi sacra Scriptura silet, ibidem silere*  
 N n 2 Theologos,



- Theologos, quâ tales, tutissimum cenfet Augustinus; quando temeritatem esse asserit, lib. 2. de pec. mer. cap. ult. de re obscura in utramvis partem definire, sine clavis & evidentibus Scriptura testimoniis, ut Calvinus ex eodem citat, ac infert contra Adversarios, in præfat. ad Instit. At animus interim Philosophiam sitiens, haud immeritò multa ex lumine naturæ eruere conatur, de quibus nullam mentionem injicit divina pagina: Hæc enim hominem instruit ad salutem: quippe cum in finem divinitus inspirata, ut perfectus sit homo Dei, & ad omne opus bonum perfecte instructus. 2. Tim. 3. 17. Haudquaquam
2. verò eadem peculiarium disciplinarum dogmata prosequitur. Quin imò, multa ex natura rerum eruenda sunt, contra Atheos ac pervicaces, quibus sacra Scriptura ludibrio est, quæ pro hypothesebus, seu thesibus indubitatæ veritatis, nec demonstratione indigentibus, ab omnibus habentur, qui s. Scripturam θεόπνευστον agnoscimus. Veluti quòd Deus sit; quòd sit creator, gubernator, conservator rerum omnium, &c. de quibus videatur disp. nostr. de Motore primo. Quàm verò pauca sunt, quæ sacra Scriptura nobis exhibet, de Angelorum cognitione! quàm multa sunt, quæ in Philosophia hac de re desiderantur etiamnum! quò ergo nomine reprehendendus est Philosophus, si fortè hic nonnulla tradat, quæ fortè minùs vera sunt, quæ fortè falsa? modò diligentiorum aliorum exponatur disquisitioni. Cordatus sanè Theologus Philosopho hic nihil invidet; sed conatus potiùs tenuiores promovebit.
3. Ignorantiam humani intellectus in hac materia ingenuè professus sum: Quippe essentiam Intelligentiæ mundana rimari licet, inquam, ingenio humano; at nunquam intelligere: cum obex hic humana menti constitutus sit, ultra què incassum cogitamus. disp. de Mund. 2. q. 4. §. 16. At interim, cum probabiliter quid saltem statuendum sit Philosopho, ne sine magnorum Virorum exemplo quid temerè pronunciarè, non quidem Ethnicorum sed Scaligeri iudicio Exerc. 3 §. 9. f. 1. (quem ipsum citavi,) calculum subjeci ibid. §. 17. Duos esse Intelligentiarum ordines primarios: celestem (id est Mundanum) atque supercelestem. Celestis Intelligentiæ officium esse, movere suum quamque orbem; supercelestem verò assistere prima causa, ut ejus jussu hæc res procuraret inférie-

ret inferiores. Quæ quidem magni Scaligeri sententia habuit complures omni ævo inter Christianos Philosophos sectatores. Acipisse Molinæus de Cognit. Dei §. 42. laudibus prosecutus Platonem, quod de Deo multa dixerit vera ac splendida, pluribus extollit Aristotelem §. 43. quem ingenio ipso Platone acriorem, ait addere, *Deum esse primum motorem, primum cœli, & vini motricem, quæ tamen sit immobilis: ad quem ut ad finem, Intelligentiæ cœlestes perpetuò moventur: Hanc esse causam perpetui motus calorū, qui ciet ceteros motus, & in inferiora influat.* Ubi certè vir summus, ac præstantissimus Theologus, haud obscure sententiam Aristotelis de cœlestibus Intelligentiis vel ipse probat, vel saltem non contemnit. Nec improbatam usque adeò eam fuisse compluribus magnis nostræ ætatis viris, vel ex eo solo manifestum est, quòd Academiæ pleræque nostri orbis lege quadam fundamentali doctrinæ Aristotelicæ adstrictæ sint. Quâ autem ratione, (bonæ Deus!) huic legi satisfacias? ac simul interim ingenio Antagonistæ mei te accommodes? Certè etiamnum quotidie in Academia Lugd. Bat. Intelligentiæ astrorum defenduntur, silentibus ibidem omnibus Theologis. Quæ addit porrò Vir Clariss. de *unione hypostatica*, ne sinistrè ea capiantur; eorum sensus quo ad nos, ex antè dictis ad Art. 1. §. 28. & Art. 3. §. 16. & seqq. potest esse manifestus, ubi & de *assistentiis forma* conditione est à nobis dictum. Hoc tantum hic peculiariter notandum est: quibus præsit ut *Archangelus quis*, inquit Antagon. dicta illa unica Mundi anima: quæ sanè verba mea non sunt, nec mea est sententia, sed Antagonistæ est signum. Nunquam dixi ego, nunquam somnivi, Intelligentiis cœlestibus, præesse Mundi animam. Namque animam Mundi propriè dictam, à Mundi mente seu Intelligentia cum Platone me distinguere, ex præcedentibus est manifestum: utque ipsa anima est præstituta corpori; ita mentem Mundi animæ præfectam cum Platone statui, disp. de Mund. 2. q. 3. §. 23. Confundit semetipsum Vir Clariss. dum nos confundere conatur: majori certè *ἀντιθετῶς* nos loquuti sumus passim, quàm malè Positis hic prodit. Respicere autem videtur, ad ea verba, quæ posuimus cit. quæst. §. 20. *In ordine autem cœlestium*

*Intelligentiarum merito suprema illa judicanda est, quæ universo cælo, sive Mundo, ab ipso genitore fuit præstituta. In Angelis sanè, seu Intelligentiis, diversitatem seu inæqualitatem, aut diversos quoad dignitatem gradus, agnoscit D. Burgersd. lib. 2. Inst. Metaph. cap. 15. th. 17. (Ut eostantum nominem, qui in inclyta Academia Lugd. Bat. Philosophiam sunt professi: ) In sacris literis, inquit, & Angeli & Archangeli nominantur, item Seraphin & Cherubin, ὁράοις, κυρίοις, ἰσχυροίς, &c. Plura audet Jacchæus Inst. Metaph. lib. 5. cap. 9. p. 261. Dna Intelligentia sub eadem specie non dantur, inquit, sed unaquæque ab alia specie differt & essentialiter. Hucusque si progressi nos essemus, procul dubio Averrois ac Themistii ille error impius, per D. Collegæ mei Consequentias hîc mihi imputatus esset, quo mentem hominum numero unam esse contenderunt, persuasi nempe eo argumento, quòd omnia, quæ extra materiam existunt, si specie conveniant, etiam numero convenire necesse sit: quod nunquam nos pronuntiavimus, nec sine maxima justaque hæreseos suspitione pronunciare foret integrum. Mundi ergò Universi Intelligentiam reliquis Intelligentiis corporum cælestium particularibus dignitate nobiliorem esse tantum indicavimus. De Ordinibus autem Angelorum, An sint, quæstionem attingens D. Georg. Pasor Disp. de Angelis, habitâ Herbornæ 1608. quæst. 6. Resp. Quæstionem hanc esse otiosam, & nos hac citra jacturam salutis nostræ ignorare posse; & expectandam esse vitam æternam, ubi cum spirituales fuerimus (1. Cor. 15. v. 44.) spiritualia Dei opera penitus cognituri scimus: Veruntamen verisimile fieri, (NB) inquit, ex iis dictis Scriptura, ubi mentio fit Archangeli Jud. v. 7. item Diaboli & Angelorum Matth. 25. v. 41. Apoc. 12. v. 7. tam inter malos quàm bonos Angelos certos esse ordines. Similiter Clariss. ac Rev. D. Marefius Loc. v. th. 36. Ordinis distinctionem dari inter Angelos, agnoscit ex Scripturis Matth. xii. 24. xxv. 41. Eph. 1. 21. vi. 12. Col. 1. 16. Apoc. xi. 7. Jud. 9. Unum hoc propemodum exciderat: duo Angelorum bonorum genera à me statuta tradit Actor. Plura equidem vidit vir supra modum perspicax, quàm contextus meus habet, seu pro Intelligentiis, Angelos bonos, posuit, non sine errore, vel fallacia. Distinctionem bonorum & malorum Angelorum*

lorum ex Philosophia nunquam solidè percepti, quæ naturali intellectus lumine non potest innotescere: quare nec Philosophi esse credo, de hac ipsa agere; sed potius Theologi: adeoque me coercens intra meos terminos, Theologis reliqui hanc suæ Spartæ partem. Similiter ut faceret Rev. D. Collega meus, dudum seriò optavi. In re obscura interim in genere pronunciaui Philosophicè ex Scaligero, id quod scio in Philosophia esse dialecticum, non demonstrativum. An verò totus ille ordo Intelligentiarum bonus sit, quem cœlestem vocat Scaliger, (hoc est, ipsi Mundo assignatum,) an ille totus quem supercœlestem dicit, (clariùs, liberum ab assistendo orbibus mundanis:) an verò quædam cœlestium Intelligentiarum, v.g. quæ Soli, Lunæ, &c. præesse statuuntur, lapsæ sint? an item aliquæ earum. quæ sunt liberæ? nec potui, nec volui determinare. Id saltem certum habeo, ipsos quoque malos Angelos obsequio Dei alligatos esse, nec contra Dei voluntatem aut permissionem quicquam agere: ac didici ex S. Scriptura inter ipsos quoque Dei filios coram Jehova Sathanam se aliquando sistere. Sed nullam mihi litem cupio moveri, ubi me cum doctioribus profiteor ignarum. At interim hoc quoque perperam citatum est à rigido Censore, *supercælestes à me statui Dei ministros extraordinarios*: id certè nunquam à me dictum est: quamvis si rectè explicetur (ea quidem suppositâ distinctione Intelligentiarum,) possit dici verum. Sed hanc quoque verè otiosam in Theologia quæstionem, de *Angelis cælestibus & supercælestibus*, longè consultius Theologus prætermisisset: quam nec Calvinus lib. 1. Inst. cap. 14. §. 3. 4. 5. & seq. ubi ex professo de Angelis agit, attingere voluit. Cur autem abstinere maluerit, ratio manifesta est §. 4. *Meminerimus, inquit, hic, ut in tota religionis doctrina, tenendam esse unam modestiæ & sobrietatis regulam, ne de rebus obscuris aliud vel loquamur, vel sentiamus, vel scire etiam appetamus, quàm quod Dei verbo nobis fuerit traditum.* Quæcunque extra Scripturam traduntur in Theologia, rectè *μυταισώματα* vocantur à Calvino, otiosis Theologis relinquenda. At non tam arcti limites Philosophiæ constituti sunt. Tunc quippe demum *μυταισώματα* traduntur in Philosophia, quando absque

10.

11.

12.

do absque omni rationis specie quæcunque nugæ confinguntur. At dum nugarum præstantissimos Philosophos, qui sunt superius citati, ac alios innumerabiles, insinuat Theologus, omnino suam falcem temerè in alienam messem ingerit; nec tamen ratione meliore, nec Scripturæ locis, rationes eorundem arguit erroris.

## ARTICULUS V.

*An absque periculo prætensa illa Mundi anima inculcetur credenda autoritate Scripturæ Sacre, loquentis de spiritu Dei Gen. 1. 2. & Psalm 104. 30. & alibi, & habenda etiam pro Fabro, quo ministro Deum formârit ac creavit Mundum visibilem.*

## APOLOGIA.

Nov. edit.  
Part. 1.  
disp. 1.

**H**Æc de loco Scripturæ Gen. 1. 2. (non de re ipsa, in qua ne latum quidem unguem ab Orthodoxis recedo,) inter ipsos Orthodoxos controversa sententia, sc. *Quod Spiritus Dei* illic loci non denotet ipsam Personam tertiam S. S. Trinitatis, sed illius effectum; hæc, inquam, prima illa est occasio, arrepta ex Theatr. Nat. Univ. disp. 2. undè nescio, quid mali dudum mihi tacitè aspergere conatus sit Collega meus. Sed dudum hoc negotium quievit, in quo iubens ultrò, vitandæ litis causâ, cessi D. Collegæ meo; at quod nunc iterum tamen, ne quid virium desit, hic in agmen protrudi debuit. At profectò qui hæc sola Antagonistæ mei verba videt, non collatis meis scriptis, fieri aliter vix potest, quin ipsum Spiritum Sanctum à me pro Mundi anima haberi suspicetur: quam iniquam de me suspicionem dudum nonnullis injectam fuisse, (an studio novit Deus,) ipse non ignoro. At trinuni Deo gratias ago, qui nunquam blasphemam ejusmodi opinionem subire meam mentem passus est. Equidem, quod fateri non erubesco, existimavi pridem cum præstantissimo Theologo Danæo, intelligi Genes. 1. vers. 2. per *Spiritum Dei*, non ipsam illam tertiam divinitatis personam, quam piè agnosco, & ex eodem loco elicio, ut patet ex ipsa mea disp. jam cit. sed immediatum ejus effectum, quod ipsum ego Mundi animam pronunciebam. Sed cum exinde (quamvis sententiam minimè urgerem, ut pote

pote cedens meliori Collegæ mei judicio,) ac fortè ex aliis perversè arreptis quid præter mentem accidisset, dum in sequiorem partem facile quid vertitur, cùmque Religio mea mihi meritò curæ ac cordi sit, ipsaque mea fama, dum imprimis ipsa hæc religio ni immiscetur, universalem illam Physicam Clarissimis Professoribus Leidensibus inscripsi, judicioque Amplissimæ Facultatis Theologicæ me ultrò submisi, & correcticem seridè efflagitavi: nianum, antequam posteriores curas ederem, ne quid hæretico aut hæterodoxo animo à me prognatum crederetur. Equidem notavit illic in Scripturæ loco lapsum Ampliss. Facult. Theol. nempè, quòd in Oratione, & in disp. 2. Spiritum Dei, de quo Gen. 1. vitam Mundi infusam, Mundi animam, & vitam Univerſi vocaverim, & probare conatus sim esse creaturam, contra receptam Theologorum sententiam. Cujus quidem correctioni minimè restiti: at interim, occasione antè dictâ, in hunc modum modestissimè rescripsi:

Disſentit Ampliss. Facult. Theol. in S. Scripturæ loco, qui est Gen. 1. de Spiritu Dei: ubi lubentissimè meliori ejus judicio cedo. Attamen, nec ille meus in loco s. Scripturæ error, caput Religionis tangit, cùm in re ipsa cum orthodoxis omnibus consentiam: Quippe S. S. Trinitatem, ipsumque adeò Spiritum s. tertiam divinitatis personam, piè ac reverenter agnosco, atque ex eodem loco deduco, ut ex ipsa mea disp. 2. liquidò apparet. In eo tantùm à magis recepta sententia disſentiebam, quòd cum Danæo, Theologo procul omni dubio orthodoxo, crederem, vocem, Spiritus Dei, notare eo loco non personam illam tertiam Trinitatis inscriptam, & nullo loco conclusam; sed ipsius tantùm effectum, & vires, & præsentiam quandam: adeoque sentiebam cùm Augustino, quem & Paræus citat, comm. in Gen. per spiritum Dei posse intelligi vitalem quandam creaturam, quâ omnia corpora contineantur & moveantur: seu, ut Chrysostomus exponit, citante Aslaco, Spiritum illum Dei haud inconvenienter accipi pro Spiritu vitali, seu efficaci operatione, in aquis, quâ universus hic visibilis Mundus, atque omnia corpora continentur, qui Spiritus à Platoniciis Mundi anima dicatur: quemque immediatum Spiritus S. effectum pronuntiabam. Atque ita contra pervicaces, qui communem ex-

Phys.  
Christ.  
part. 1.  
cap. 25.

Phys.  
Christ.  
spec. a. 1  
vers. 2.  
Gen. 1.  
probl. 4.

- positionem non admittunt, putabam me ex ipsis trium Personarum symbolis, cooperatione, & locis parallelis, S. S. Trinitatem satis efficaciter ostendere. Hic itaque non ignorabam, me à sententia maximè recepta reclinare aliquatenus, quantum ad ipsum locum spectat, adeoque nec ea in parte consensum posse impetrare ad Ampliss. Facult. Theol. facilè conjiciebam, (qua de causa, cum meam sententiam depromerem, ne quid studio contradicendi agere viderer, modestâ excusatione usus sum, coram eminentissimis quibuscunque orthodoxæ religionis columnibus :) At interim nec ignorabam illud quoque, esse præter illam maximè receptam sententiam alias item, non modò mihi faventes, (veluti cum *impetui & efficacia quadam vitalis, & secunditatis plena, aquis à Deo impressa*, hic intelligitur,) sed & longiùs à communi illa reclinantes, (cum nempe *ventus vel aer* illic indigitari creditur,) quæ tamen, ut Rev. ac Clariss. D. Rivetus Exerc. 2. ad Gen. testatur, *habeant authores & approbatores orthodoxos*. Id verò agere institui, factâ vobis, eminentissimi Viri, dedicatione, requisitoque vestro judicio, ut pro ea necessitate, quâ mihi fama mea & religio curæ est, ab omni hæreseos suspicione, immeritò ex iis quæ vobis inscribebam, in me concitata aliquandò, me immunem redderem: qui piè sanctèque illud testor, nullum mihi unquam in iis quæ ad reformatam religionem spectant, talem hæsisse scrupulum, qui vacillantem animum reddiderit. Piaculo certè dignus ille error non habebitur, qui orthodoxos habuit patronos: (saltem quatenus ipsam Spiritus S. personam non esse illi loci intelligendam existimârunt :) nec indè hæreseos insinulari debui, (quam calumniam vestro judicio avertuncabo,) nisi & hæreseos insinuandus potiori jure sit, vestro quidem judicio, magnus ille Calvinus, qui Psalm. 33. vers. 6. non modò non expressè personam Spiritus S. intelligit, sed ne quidem indirectè indigitare eundem videtur, contra receptam Theologorum nostrorum omnium sententiam. Hæc eo quidem tempore à me fuere reddita.
7. Sed magis perspicax hic fuit Antagonista meus, qui non modò locum illum Gen. 1. notat; sed ex Psalm. 104. vers. 30. & alia, à Facult.

Theo-

Theologica antè non notata. Verùm, ne hîc provocem ad aliorum expositiones, si quæ loca tali sensu à me sunt accepta, quæ apud Adversarios obesse queant nostræ Religioni, quâ nihil in hoc Universo magis mihi cordi est, ex mea certè mente illi non offi-  
 ciunt: at interim in meliorem sensum eadem accipientibus Theologis haudquaquam refragabor: atque ita omnis evitandæ contentionis causâ, ne vel ipsum quidem locum Psal. 104. vel alia deinceps, quamvis nunquam innotuit de iis, ne ab ipso quidem D. Collega meo, in eundem sensum denuò produxi. Quot verò sint in plurimis s. Scripturæ locis interpretationes diversissimæ, eorum etiam, qui optimè interea consentiunt in fundamento, ac re ipsa, passim notum esse potest. Ac ipse sanè Vir Clariss. qui nunc sat acriter in me insurgit, ab aliis lubenter solet declinare, ac peculi-  
 ares sibi expositiones fingere: A me verò Spiritum illum Gen. 1. haud fuisse olim sine probatorum in religione Scriptorum autoritate præter vulgarem expositionem arreptum, ex jam antè dictis constat. An verò alibi in sacris, aut loquendi modis, quæ ad religionem orthodoxam propriè spectant, absque magnorum & in Ecclesia laudatorum Virorum exemplo quid dixerim, vel ubi dixerim, ignorare hæcenus necesse habeo. Addit porrò Mundi animam ex mea sententia habendam pro Fabro, quo ministro Deus formâvit ac creâvit Mundum visibilem. Profectò, qui simpliciter hæc verba videt, fieri vix potest, nisi admodum sit æquus Interpres, quin me hæreticum, (si quidem me pertinacem habeat,) pronunciet. Sed, quâ fide, quælo, mi Collega, nonnulla excerptis, ubi meliora vides? quædam addis pro conceptu tuo, ut invito mihi hæresin inuras? qui dudum meliorem meam mentem cognovisti. Ubi ego Fabrum nominavi? Certè nullibi in meis id occurrit; quod tamen æquior interpres, cui mea mens non minùs quàm tibi foret perspecta, excusare possit. Equidem Spiritui veluti Fabro cuidam, (veluti fabro, inquam,) igneo calore opus fuisse dixi, in descriptione operum primi dici; sed addidi divino decreto ita se Naturæ ordinem habere; quo sc. decreto seu divino beneplacito dixi disp. 2. theatr. Nat. univers. q. 1. cap. de Spiritu, Mundi animam sine calore nec in materiam sese in-  
 8.  
 9.  
 10.

Nov. edit.  
 Theatr.  
 Nat. univ.  
 p. 202. 516.  
 & p. 51. 510



Theatr.  
Nat. univ.  
part. 1.  
disp. 10.

11.

nuare nec eidem coherere potuisse, adeoque eandem manifestissimè immediatæ divinæ Providentiæ subordinatam asserui; quo eodem decreto dixi disp. de Fato q. 1. §. 6. *Deum omnia, quæcunque in hoc Universo geruntur, infallibiliter, ac summa cum futuri eventus ab æterno prædestinari certitudine exequi.* Deum ergò ipsum opus suum executum esse, seu effecisse, statuo, usum tamen in creatione secundaria (quæ ut creatio fuit, solius Dei fuit, unicum enim rerum omnium creatorem non uno in loco Deum ipsum appellavi; at quæ secundaria fuit, naturalis ipsius cum supernaturali operatione Dei fuit conjuncta: usum ergo, inquam, pro naturali operatione, quæ creationi, quæ secundaria, fuit implicita,) organo quodam, (veluti *Fabro*,) quod ex nihilo produxisse asserueram antè eadem disp. 2. q. 1. sub init. Num verò magis, statuendo tale organum, ab orthodoxia Religionis nostræ recessi, quàm magnus ille Theologus Reformatæ Religionis, Danæus, Phys. Christ. part. alterâ. tract. 1. cap. 8. ubi ipsam *Lucem* vocat commodissimum, convenientissimum, & necessarium reliquarum rerum gignendarum & producendarum organum & instrumentum, non ipsius quidem Dei, (qui per se omnipotentis suâ virtute omnia efficere potest,) sed ordinis & illius legis ratione, quam dominus in ipso rerum creationis exordio in posterum valituram instituebat, & quam nunc quoque rigere experimur.

12.

Nov. edit.  
part. 1.  
disp. 3.  
q. 1. §. 14.

Nunquid etiam Zanchius de oper. creat. part. 2. lib. 1. cap. 3. alterum post Deum principium rerum facit, à Deo profectum, quod internum vocat, nimirum naturam rebus à Deo insitam, quæ tum secunda Natura à Peripateticis, tum Anima Mundi à Platoniciis appellari solet? Ubi verò Deum eo ministro creasse dixi? Equidem disp. 2. Theatr. Nat. Univ. cap. de Spiritu, *Non esse existimandum*, dixi, omnia immediatè absque principiis verbo divino fuisse condita: dico, non omnia esse immediatè, seu absque secundarum causarum concursu, verbo divino, (quò omnem vim creandi refero,) ex nihilo producta, quemadmodum ex nihilo condita dixeram ibid. init. quæst. 1. materiam primam, seu chaos, Mundi animam, & Lucem: in cæteris enim secundarum causarum concursu Deum Opt. Max. operatum esse, veluti cum terra produxit herbulas, aquæ & terra progenuere animantia, è terra corpus homini exstruxit Dei benedictionem.

placitum. Hoc nempe volui, & manifestè expressi, nonnulla à Deo priùs condita, naturali quâdam habitudine, quam à Deo nata erant, aliorum deinceps productioni destinata esse ab unico creatore Deo, qui interim supernaturali modò, ut creator, cum actione seu habitudine rerum naturali concurrebat. Quem secundarum causarum interventum & naturalem quandam per motum operationem, in prima rerum genesi satis manifestè indicari, sex dierum distinctione, dixi cit. loc. cum actio nulla qua naturali motu concurrente sit, momentanea esse queat: at immediatâ suâ virtute, atque omnipotenti verbo suo, si ita divino numini placuisset, omnia eodem momento producere Deum potuisse, inqueiebam, aequè ac cum diceret, esto lux. Quam meam mentem rectius accepit, nec reprehendit Ampliss. Facult. Theolog. Leidenfis. Et clariùs sanè meam mentem Vir Clariss. nisi nimis præceps fuisset, Theatr. Nat. Univ. disp. 3. q. 1. Ubi ex sententia præstantissimorum Theologorum dixi, Creationem esse vel primariam vel secundariam. Primariam creationem esse productionem rei ex nihilo, per immediatam ac solitariam omnipotentia divina operationem: (advertat hîc iterum D. Collega meus quid immediatam Dei operationem vocem, sicam non ubivis habere locum dicam: Nempè hîc verbum verbo declaro, nec tamen τὰ ὅλα: immediata quidem eadem hîc reipsâ, quæ solitaria; at ratione ratiocinatâ differunt: illa enim est, ut est sine mediis, hæc ut à solo Deo:) sic Deum creâsse cælum cælorum cum Angelis, seu Intelligentiis, statui, ac rerum naturalium principia; sic animas humanas ratione suæ essentia etiamnum produci. Secundariam creationem vocavi, productionem formæ essentialis, aut accidentalis, in præsubjecta, sed omnino indisposita materia; Deo per causas secundas quidem agente; at easdem immediatâ virtutis suæ operatione ita impellente, ut natura suæ ductum sequentes, natura tamen vires transcendant: Sic producta esse dixi opera quinque dierum, animâ rationali exceptâ, & etiamnum ordine naturæ nunc constituto, pleraque opera miraculosa. Et circa finem quæstionis, Efficientem causam particularem nullam esse posse in primaria creatione, inquam, sed omnem illam operationem soli Deo Trimuni convenire. In secundaria creatione, & universalia

13.

14.

Nov. edit.  
part. 2.  
disp. 1. q.  
1. & 5.

15.

- & particularis causa agentis, si qua est, facultas præter naturam suam modum intenditur divino jussu, ac omnipotenti virtute, ut merito omnis rerum omnium p. uclio in solum Deum referenda sit. Atque ita disp. 8. Theatr.
16. Nat. Univ. §. 40. Communi rerum omnium creationem ad illum Deum referendam esse, dico, qui semper est: illumque solum & unicum autorem & creatorem rerum omnium agnoscendum profiteor: imi, inquam, & non pluribus potestatem tribuendam omnia creandi. Quo ergo sensu dicam disp. de Mund. 9. q. 3. §. 9. Universalem Mundi animam, quæ summi opificis ministra sit, omnia in ordinatissimam seriem digessisse, (non addo creasse) æquo Lectori ex jam dictis innotescet, si ad illam Dei secundariam creationem animum advertat. Atque ita absolutè pronuncio disp. de Fato & Ideis q. 3. §. 13. Secundum Ideam in mente divina existentem, ipsum Deum hoc Universum fabricatum esse. Sed ut hic quoque finiam: De Spiritu Dei, Gen. 1. nihil ipsemet confinxi; sed sententiam arripui, quam præstantissimi Theologi, ac procul omni dubio orthodoxi, non obscure suggererunt. Nec tamen vel hoc ipso loco limites Philosophiæ prætergressus fui, cum non minus veram atque Christianam Physicam, quam ipsammet Theologiam, concernat totum caput primum Historiæ Mosæicæ, utpote in quo Natura rerum universa, ut à Deo fuit condita, describitur. Quo lumine cum destitutus
18. fuerit Aristoteles, turpiter subinde cæcuravit. Ut autem sub exordio Historiæ, materia visibilis hujusce Mundi vocibus *Terra vel Abyssus* indigitatur; sic non absurdum esse credidi, si (præsupposità Personâ Spiritus S.) voce *Spiritus Dei* Gen. 1. 2. futura Mundi forma seu Anima sit denotata: quæ singulari ratione, ut eximie bonitatis divinæ opus, operationi ac productioni Spiritus S. ascribatur; velut materiæ totiusque mundi ex nihilo productio, nimirum omnipotentis opus, Deo Patri; productio Lucis, à qua Mundi splendor elegantia & ordo pendet, singulare nempe opus sapientiæ,
19. Deo Filio. (vid. Theatr. Nat. univ. part. 1. disp. 3. §. 30.) Sed ista meliori aliorum judicio libens concedo, in ipso sanè dogmate S. S. Trinitatis nequaquam dubius, aut ab orthodoxia diversus, ut ex ipsa illa disputatione citata constat, unde controversia diducta est.
- In dogma-

Nov. edit.  
part. 1.  
disp. 7.

Edit. novæ  
part. 1.  
disp. 10.

In dogmata Religionis orthodoxæ, adeoque in Theologiam ipsam non impingo, nec alienæ à Christiano Philosopho materiæ me immisceo, si vel etiamnum asseram cum Lodov. Viv. comm. in August. de civit. Dei lib. 10. cap. 23. lit. a. prope finem: *Animam Mundi, si quis impensius Platoni faveret, posset facile defendere illum esse Spiritum, qui scerebatur super aquas: quem videntur illi (similiter ut Danæus in Phys. Christ.) facere solum per molem universitatis, omnibus vitam essentiamque impartientem.* Sed interim rectè facit D. Collega meus, quod illum Scripturæ locum pro demonstranda S. S. Trinitate tueatur, in quo instituto ipsi nequaquam oblectati sumus, dum insuper aliud quid ad rerum Naturam attinens, quam illo capite describit Moyses, exinde eruere instituimus: Ac sanè malo ipse locum illum Scripturæ omnibus Hæreticis solidissimum tandem persuaderi pro Trinitate demonstranda, quàm vel probabili aliquâ ratione exinde Animam Mundi posse erui. Dum verò Scripturam S. transgressus D. Collega meus, nimio rigore in Mundi Animam insurgit, meamque mentem ac Philosophemata ex nimia præcipitantia vel imprudentia pervertens, immerentem pessimis hæresium suspicionibus gravare instituit, meritò tandem minùs feliciter *ἰσχυρίσθαι*, quâ alienæ messi falcem suam conatus est immittere, hîc illi cessit.

## ARTICULUS VI.

*An absque periculosa ad Theologiam de persona Christi consequentia, suppositâ illâ unionē hypostaticâ particularium formarum assistentium cum singulis corporibus celestibus, asseratur unica illius Mundi anima, ut forma universalis assistentis, intellectualis unio hypostatica cum Mundo universo?*

## APOLOGIA.

**N**Ota est historia, quam narrat Aventinus, lib. 3. hist. Bavar. de Virgilio Episcopo Salisburgensi, qui à Bonifacio Episcopo Moguntino, quòd Antipodes dari statueret, hæreseos accusatus est, & à Zacharia Pontifice Romano damnatus: non nisi ob inep-

tas con-

- tas consequentias, quas inde ipsi sine ratione deducebant. *Vsque adeo magna vis inest*, exclamat super hoc negotio Keckermannus, *bonorum studiorum ignorantia, etiam ad excarnificandas hominum conscientias!* Certè nisi æquiores ac magis eruditos potuissim obtinere Judices in hac nostra causa, similis sententia fortè secundum vota Antagonistæ fuisset nobis expectanda. Nolim tamen, quod antè dixi, eâ pertinaciâ Mundi Animam tueri, quâ suos Virgilius merito est tuitus Antipodes: *Quamvis* putem non difficile fore, consequentiis hoc loco, ut & alibi, si exponantur, periculum adimere, vel nexus earundem solvere. Equidem confundit iterum hoc loco D. Antagonista meus Mundi animam à me dictam, (quam universalem quidem Mundo Universo designavi; at plures, ne fallacia hic sublit, variis Mundi partibus particulares,) cum intellectu ejus assistente. Illam quidem alicubi statui omnes rerum formas naturales, seu quæ è potentia materiæ emergere dicuntur, velut suo sinu fovere ac servare, & esse quasi centrum & ambitum, principium ac terminum ultimum, aliarum omnium formarum, quæ ordinatâ serie ac subordinatione quâdam essentiali ab illa prodeunt, quasque ipsa in se omnes comprehendit, disp. de Mund. 2. q. 3. §. 29. At non similiter locutus sum de Mundi intellectu, seu forma assistente. Nec verò Intelligentiam, respectu Intelligentiæ alterius, assistentis formæ rationem obtinere dixi, sed respectu corporis naturalis. Unde si vel ipsæ Intelligentiæ subordinatæ invicem dicendæ sint, quod magnis quibusdam Philosophis placet, haudquaquam tamen invicem informant, seu informando assistunt. Nec video profectò, quâ ratione *de persona Christi consequentia* hinc aliqua eliciatur. Nunquam certè ego credidi, aut dixi, animam humanam seu mentem astris, seu astrorum vel Mundi Intelligentiis, subordinatam esse; sed contrarium prorsus ex mea mente constat Append. disp. 10. Theatr. Nat. Univ. q. 1. §. 16. Ac manifestè disp. de Mund. 12. q. 2. §. 21. hominem, ut rationali animâ instructus est, eodem ordine, *quantumvis secundum gradum differente, ac paulum inferiore, habendum esse cum ipsis astris, ut sunt Intelligentiâ donata.* Nec enim ipsum propter astra esse conditum; ut nec astra, quatenus sunt intellectu prædita,

pradita, sunt propter hominem: sed utrumque genus non subordinatè, sed  
 coordinatè concernere Dei gloriam. Equidem scio D. nostrum Chri- 4.  
 stum nomen adeptum esse supra omne nomen, supra omnes crea-  
 turas; & dignitate atque excellentiâ supra omnia eminere: ut qui  
 Jesus dictus est, qui est Salvator generis humani, qui factus est  
 Emanuel. Hoc nempe salvificâ fide apprehendo, unicam Salva-  
 toris nostri personam duabus naturis constare, divinâ & humanâ:  
 nec illud interim ignoro, naturam humanam Jesu Christi, quam  
 per omnia naturæ nostræ meliori & incorruptæ similem assumpsit.  
 ipse Deus, paulò inferiore esse naturâ Angelicâ; in quo sanè  
 abyssus illa divinæ erga nos misericordiæ sita est. In unione verò  
 hypostatica, quam dixi, Intelligentiarum cum corporibus astro-  
 rum, haud magis finxi vel excogitavi aliquod mysterium, quàm  
 in unione rationalis animæ cum corpore humano, quare nihil hîc  
 decedit personæ Christi incarnati summè singulari mysterio. Quòd 5.  
 substantia immaterialis, immortalis, at finita, creata, ad substan-  
 tiam corpoream determinata sit, divino beneplacito, ut uniatur  
 cum hac ipsa in unam subsistentiam, humanâ ratione assequimur  
 utcunque: at quòd essentia divina simplicissima, absolutissima ac  
 indeterminata, æterna, immutabilis, infinita, cum natura huma-  
 na, (quæ item naturaliter spectata absolutam in se ac per se habe-  
 ret subsistentiam,) in unicam hypostasim unita sit, in unicam per-  
 sonam, id rationem omnem superat humani intellectus, id sola fi-  
 des sanctè apprehendit. Intelligentias cœlestes non aliâ ratione  
 junctas naturalibus corporibus astrorum exhibuimus, quàm quâ  
 mens humana sit conjuncta animali humano: ac solas idèò super-  
 cœlestes dictas à Scaligero Intelligentias, quas propriè vocabat  
 Angelos, spectamus, quando disp. Metaph. 8. th. 28. Angelum  
 dicimus esse substantiam simpliciter absolutæ subsistentiæ, mini-  
 mèque determinatam ad aliam substantiam: (nec enim in Philoso-  
 phia prima, seu sine ope Physices, licebat commodè prædictam  
 Intelligentiarum tradere distinctionem.) Nec verò est, quòd in- 6.  
 super Antagonista urgeat: Si Mundo universo Intelligentia hypo-  
 staticè unita sit, similiterque astris, myriades hâc ratione persona-  
 rum

- rum existere in unitate: adeoque Trinitatis in unitate mysterium diminui. Nimis sanè crassum hoc est, ac propemodum puerile, à tanto viro aliquando proditum, certè penitus indignum Theologo. Etenim ne hîc reponam mirabilis Dei nostri mirabilia si effecta esse statuatur, haud admodum absurdum esse, ut fortè credit D. Collega meus: Longè certè alia hîc ratio existit. Etenim Intelligentia, quam præstitutam toti Mundo diximus, informat assistentis formæ ratione Universum, ut est naturale corpus, non informat reliquas Intelligentias, astrorum assistentes formas, seu ipsa astra ut sunt intellectu prædita: (quemadmodum à variis causis humanum corpus potest affici, ut non afficiatur simul anima in unam hypostasim cum corpore unita: ) quamvis ergò sint in uno Mundo plurima supposita distincta, nempe corpora naturalia, communi Mundi animâ instructâ, ac ejusdem subdita Intelligentiæ; non sunt similiter in ea unitate comprehensæ plurimæ personæ, cum Intelligentiæ astrorum singulares eidem simul unitati non sint subditæ.
7. Tum insuper in S. S. Trinitate unica divina est essentia, quæ singulis personis una eademque est: at in ipsa Mundi unitate, si vel ductum rationis nostri Censoris sequeremur, plurimæ personæ forent, tum inter se, tum à totius Mundi unitate propriâ essentiâ distinctæ: Nec aliter in unica persona Mundi personarum quædam foret multitudo, quàm in uno naturali corpore, (humano v. g. vel cujusvis animantis,) varia continentur corpora naturalia, essentiâ tum à se invicem, tum à toto differentia. Hæ ergò consequentiæ non inferunt periculum: nec facient id ullæ aliæ, quod certo certius persuasum habeo, quascunque tandem nobis quisquam fingat. Removeantur ergò hæ consequentiæ, & si quas fortè alias hîc D. Antagonistæ mei initio concipiat: quas si vel ipse meliori aliquo jure neceret, at ego non concederem, profectò nec hæresicos damnari eâ ratione posset. Nec verò in Theologia quicquam heterodoxum est habendum, quod nequit manifestè satis ex Scriptura sacra erroris argui. Dum verò solis consequentiis periculosis mihi crimen aliquod aspergere conatur meus Adversarius, rectè cum Calvino dixerim: *Eadem expertos esse suo saculo Apostolos, quæ nunc usu nobis*
- 8.

*nis nobis veniunt. Erant Dei contemptores, inquit ille, qui cum audiebant abundasse peccatum, ut gratia exundaret, statim ingerebant, manebimus in peccato, ut gratia abundet. Cum audiebant fideles non esse sub lege, protinus accinebant, peccabimus, qui non sumus sub lege, sed sub gratia. Erant, inquit, qui illum (Apostolum) mali suasorem arguebant. Quod si item nostra tempora respiciamus, quibus non urgemur frustra consequentiis, à nostris Adversariis, etiam in præcipuis passim Religionis nostræ dogmatibus? Si dicas ex divinitus inspirato verbo, non nisi per fidem nos salvari; neunt consequentiam, ergò bona opera esse frustra, adeoque nos efficere doctrinâ nostrâ securos homines ac profanos: dum æternam astringimus ex S. S. pagina prædestinationem; ergò Deum statui autorem peccatorum, per consequentiam eliciunt: Dum attestante S. Scripturâ humanam Salvatoris nostri naturam negamus esse ubicunque est divina, naturarum ergò divulsionem nos efficere, per consequentiam contendunt. Dum Deum solum patrem spirituum pronunciamus, adeoque rationalem animam cum semine non propagari, ac traduci à parentibus, sed *ὁυπαρὼν* à Deo & *ἀμύσῳ* infundi, atque concreari nostris corporibus, confestim solâ consequentiâ, quam fingunt, vel Pelagianis, quasi peccatum originale negaremus, vel blasphemiam iterum, quasi Deum constitueremus autorem peccatorum, nos accusant. Quòd si verò passim ipsa S. S. veritas, ab ipso Spiritu S. inspirata, admodum periculosis consequentiis urgeri potest, quid mirum, quæso, si ex iis Philosophicis, in quibus hæsitamus omnes, ubi non habemus certa atque evidentia Scripturæ testimonia, ubi nulla datur certâ demonstratio, periculosâ nece queant consequentiæ, in quamcunque tandem partem te convertas? Sed vel ipsa quoque, cui ita visum fuerit, tollatur Mundi anima, & intellectus, removeantur item formæ illæ assistentes particulares, quas ego minimè primus sinxi, quibus neque meum patrociniū juravi: tollantur, inquam, omnia quæ displicent, ab iis quibus displicent; (nec enim ut quæ nos posuimus, cuilibet pro veris habeantur, summopere contendimus:) at mea mihi interim non destruaturs fama. Ne verò illa unio hypostatica offendant D. Antagon. velut*



- aliena à Philosophia, vel abusivè posita, velim denuò respiciat hoc loco ad ea quæ ad quæstionem ejus primam diximus. Certè in Theologia supernaturalis datur unio hypostatica duarum in uno Christo naturarum, supernaturales dantur hypostaseis, supernaturaliter personæ dantur tres distinctæ, in unica essentia; at hæc Philosophiam non evertunt, nec Philosophicos loquendi modos tollunt. Hæc suas tamen habet formas loquendi, quæ nihil derogant Theologiæ, quæ sensum suum intra Philosophiæ terminos coercerent. In Medicina itidem *hypostasim* vocamus: at vicissim longe aliâ significatione, quàm quâ Philosophi, quàm quâ Theologi utuntur. At hîc Theologi non indignantur: ne indignè ergo ferant, si Philosophi quoque verbis utantur, non tam novis, quàm jam usu receptissimis, quæ rebus ipsis denotandis, quæ animi conceptibus exprimendis inservire apta sunt. Lubrica res foret nostra religio, si Philosophico, si Medico loquendi modo vacillaret. In nudis sanè verbis nulla inest hæresis, nulla heterodoxia; sed in
12. sensu ac in animo perverso. Sed credo Virum Clarissimum loquendi modos Philosophos, seu terminos Philosophiæ, nolle capere: qui, si Theologiam propiùs Philosophus attingat indignatur, ac contentiones excitat; si in propriis subsistat terminis, cavillatur, ac suspiciones excitat sinistras. Quid, quæso, magis arduum, quàm simul loqui & tacere? Ne verò noster hic loquendi modus in re Philosophica, præclaris Theologis, & quidem orthodoxis, incognitus vel minùs usitatus videatur, vel propriè ad Theologiam pertinere, Facult. Theol. Basil. antè à nobis citata, D. Collegam meum de *unione hypostatica* in rebus naturalibus erudiet. Confer. ea quæ ad Art. 1. § 22. & seqq. item ad Art. 2. § 79. 80. & alibi, à nobis sunt exposita: Ex quibus apparebit facilè, quàm temerè hîc quoque falx Theologica in messem Philosophicam immissa sit.

## ARTICULUS VII.

*An conscientiam suam liberare possit Theologus, ubi Philosophus proficetur, se illa passim inculcare, contra receptam sententiam, ad vitandum Stoicismum, si pacis & tranquillitatis causa conueniat, & in Praelectionibus & Disputationibus, privatis & publicis dissimulet, nec vindices hypotheses receptas in Ecclesiis & Scholis reformatus?*

## A P O L O G I A.

CONclusionem tandem subjungit Vir Clariss. seu iudicium exquirat Facultatum Theol. ad quas passim, inscio me, per omnes Academias vicinas, misit hasce casuum Positiones. At aliam interim thesin contra me involvit: nimirum, *Philosophum profiteri, se illa passim inculcare, contra receptam sententiam, ad vitandum Stoicismum.* Ubi, quæso, sagacissime Virorum, talia verba reperis in meis scriptis, talem contextum, talem sensum? Ubinam professus sum, me contra receptam sententiam quid inculcare? Ubinam me talia inculcare passim, quæ ipse narras? Ubinam animæ humanæ illam constitutionem, quam Art. 1. ex proprio tuo ingenio, omittendo iniquissimè, quæ minimè omittenda erant, innuis, professus sum me inculcare? Ubinam inculcare ad vitandum Stoicismum? Ubinam meritò occasionem inuenisti, quâ impiam & execrandam Nestorii & Apollinaris illam hæresin in me notares? cur videre nolueris contrariâ tuæ consequentiæ, & expressa mea verba? ubinam non uniri naturali unionem humanam, animam cum corpore humano? Ubinam naturalem unionem tali hypostaticæ opposui? Ubi, quæso, sum professus, me passim inculcare, quod Art. 2. habes, immediatam illam Providentiæ divinam, quam vocas, negandam esse? Ubi tandem, quod tu profiteris, unquam illam negavi? quam inculcavi toties verbis luce meridianâ magis clavis: in qua refugium omne mihi collocatum est? Ubinam ad vitandum Stoicismum de Dei Providentiâ aliud quid protuli, quàm quod Theatr. Nat. Univ. Append. disp. 10. q. 1. protuli, quod antè memoravi, quod exactissimè Theologiæ nostræ consentire ipse nunquam diffi-

- teberis. Ubi verò talibus verbis, (ut hîc omittam cætera,) de Mundi anima sum usus, quæ soli Deo solent assignari, *enter, potenter, ubique præsentem esse*? Ubi illa, quæ art. 3. ponis, me passim inculcare ad evitandum Stoïcismum, professus sum? Ubi vides me hypotheses pro tali dogmate constituisse, quas illi dogmati me substravisse ipse ais? Plura ibidem obscura occurrunt, dum sola cernuntur, quæ magis clara esse potuissent, si contextum simul tradidisses.
4. Ubi 4<sup>o</sup> ad evitandum Stoïcismum duo Angelorum bonorum genera statui? Ubi bonorum & malorum Angelorum ex Philosophia deq; unquam distinctionem? Ubi supercœlestes Intelligentias appellavi unquam ministros Dei *extraordinarios*? Ubi præesse ut Archangelum aliquem Angelis cœlestibus dictam illam à me Mundi Animam? Quam ne quidem unquam inter Angelos recensui.
5. Ubi autem denuò inculcavi, quod 5<sup>o</sup> Art. innuis: Mundi animam credendam autoritate S. paginæ, postquam Professoribus Leidenfis inscripti priores illas nostras, ut fors tulit prognatas, disquisitiones, posterioribus curis emendandas? Imò postquam vidi tuæ Clarit. citatum illum locum Gen. 1. displicere? (de cæteris nempe locis, ipse mihi nunquam, ut nec Facultas Theologica Leidenfis, fecisti mentionem, quæ tamen præ studio pacis nunquam protuli deinceps.) Debuisset charitati Christianæ satis esse, cernere eo loco, ubi ex professo differebam de Mundana anima, disp. 2. de Mund. non iterum ex mea mente illum locum inculcari: quod crede, D. Collega, tuâ causâ factum esse, & mutæ nostræ pacis ac tranquillitatis causâ, quippe eo tempore nondum aliorum videram iudicium: quòd quidem latum postea, aliorum certè, maxime orthodoxorum Theologorum, sententiis, quos eram imitatus, neutiquam præjudicare debuit deinceps. At interim hoc cogitare debuisses, de Mundi anima seu forma differere non esse Theologicum sed Philosophicum. Hoc agnovit præstantissimus Theologus Danæus in Isag. Christ. ad locos commun. lib. 1. cap. 27. ubi *Mundi hujus forma*; inquit, *non modo in quadam externa rerum conditarum pulchritudine consistit, & apertissima earum inter se conjunctione & collocacione, quæ ordo appellatur: sed etiam in ipsa interna, & totius hujus universitatis,*

*sitatis, & singularum ejus partium vi & natura, de qua longior fusiorque*  
*disputatio ad Physicos proprie pertinet.* Hoc idem agnovisse Amplisam  
 Facultem Theol. Leidensem, est quod mihi gratulari queam: quæ 7.  
 certè judicium à me ultrò rogata aliquandò, ipsam Mundi animam  
 non reprehendebat, quamvis fortè tacitè eandem non probaret;  
 sed solum, quod Theologorum est, Scripturæ locum, ex senten-  
 tia Danæi arreptum, ab errore vindicabat: quem licet sine omni  
 ignominia deponere. De illo verò Fabro, quem nominas, longè  
 melius & sanctius locutus sum, quàm ex tua thesi potest innotescere.  
 Sed ut ad finem tandem properem: Id me passim inculcare 8.  
 sum professus, disp. 9. de Mund. q. 2. §. 36. Unicam illam *Mundi*  
*animam*, (ex qua periculosam de persona Christi consequentiam  
 prætendis Art. 6.) *ordinariam Dei esse ministram*: quod ultimum in-  
 cogitanter omisisti. Nempè vipera sic pro theriaca offertur: Tu  
 me professum aïs, passim inculcare *Mundi animam*; ac si per eam  
 quid divinæ derogarem Providentiæ: At ego illam *ordinariam Dei*  
*ministram* me passim inculcare assero, adeoque nihil posse sine Deo;  
 sed per hanc à se constitutam ministram, seu secundam causam, ip-  
 sum Deum Opt. Max. ordinarium naturæ cursum regere. Incul-  
 cavi autem hoc & alia ut dogmata Philosophiæ, non verò ut Theo-  
 logiæ seu Religionis: adeoque quæ impunè possunt rejici. Tolla-  
 tur ergò illa vipera, si ita videatur, nimirum Mundi anima; ac su-  
 stuleris quod indè est compositum, quod nempè illa Dei sit mini-  
 stra. Nusquam verò sum professus *me passim Mundi animam incul-* 9-  
*care contra receptam sententiam.* Quippe non è meo cerebro esse na-  
 tam hanc opinionem, sed sententiam esse dudum receptissimam,  
 de Mundi quadam anima, itemq; mente, quam non vulgares Philo-  
 sophi ad nostram usque hanc ætatem sunt amplexi, pluribus osten-  
 dimus, disp. de Mund. 2. q. 2. Hanc verò Mundi animam ad e-  
 vitandum Stoicismum esse necessariam iis omnibus, ostendi, qui  
 communem quandam vim motricem statuunt, corporibus ipsis in-  
 ditam, præter proprias virtutes, cujus impulsu ad omnes loci dif-  
 ferentias, cum opus est, rapiantur. *ibid. quæst. 1. §. 23. seq.* Sed 10.  
 quærit tandem, hisce Casuum Positionibus expositis, Collega meus,

AN COU-

*An conscientiam liberare possit Theologus, si ad hac pacis & tranquillitatis causâ conniveat? &c.* Equidem, mi Domine, supervacanea prorsus, ne gravius quid dicam, fuit illa quæstio, si ita se res habet, ut exposuisti. Connivere te non debuisse, si vel solum Dei Providentiam immediatam abnegâssem, sed potius te interponere, ex Dei verbo tenebas, nec hominum judicio hîc tibi erat opus. At interim non ignorabas regulam à Salvatore nostro traditam, Matth.

18. *Si peccaverit in te frater tuus, isto & argue eum inter te & ipsum solum:*
11. &c. Hoc exigebat Christiana charitas, ut si essem lapsus per errorem, quod humanum est, in viam me amicè revocares; quem temerè ac imprudenter instituto à te modo forsan indurares. Sic leviores errores potuisses, ut debuisses, tegere pallio amoris illius, tantoperè à Salvatore nostro nobis commendati, quem symboli vice gerunt omnes, qui discipuli haberi volunt Jesu Christi: graviores verò errores potuisses ipse emendare, ac lucratus forsan me fuisses Deo tuo. Plura hîc de tua procedendi ratione impræsentiarum non adjungo. *Hypotheses*, quin imò theses ipsæ potius, *recepta in Ecclesiis & Scholis reformatis*, quæ nempè attinent salutem ac religionem, omninò vindicanda sunt Theologo: At quantum chaos excitabitur, si nullibi Philosophia tuta sit à Theologorum castigatione? Ubivis sanè consequentia facilè necesse poterit: nec tutam ullibi Philosophus Provinciam possidebit. Supervacanei deinceps erimus; & Sparta nostra cum Theologia confundenda erit peritus: Aut scripto tandem nobis tradant *θεόρατοι* necesse est, quod ad verbum Juventuti recitemus, si ita cum Philosophis agendum est. Solem certè Universo eripit, qui ita liberè Philosophandi potestatem adimit in propria materia Philosophis. Nunquam emerget generosior animus, nisi libertatem habeat Philosophorum quædam dogmata penitiùs excutiendi, & pro judicio proprio, absque tamen arrogancia, absque omni prurigne contradicendi, aut novandi, eadem vel admittendi vel repudiandi. Quippeut Seneca inquit: *Multum egerunt qui ante nos fuerunt, sed non peregerunt: multum adhuc restat operis, multumque restabit: nec ulli nato post mille sæcula praecludetur occasio adhuc aliquid adjiciendi. Rerum natura sacra sua non simul tradit: initiatos*

initiatos nos credimus, in vestibulo ejus habemus, &c. Multa venientis avi  
 populus ignota nobis sciet, multa sæculis tunc futuris, cum memoria nostri  
 exoleverit, reservantur. Eleusis servat, quod ostendat revisentibus In 14.  
 obscuris equidem ac reconditis Naturæ mysteriis, in quibus veluti  
 in tenebris palparamus, primum scientiæ vestibulum habendum est,  
 scire quod nesciamus: At quidni annitatur interim, pro sua fa-  
 cultate quivis, expedire maximas molestias? Id singuli agamus ad  
 quod à Deo sumus conditi? Mirabilis Dei nostri mirabilia specte-  
 mus opera, non nudis tantum oculis, sed pio animo? extollamus  
 gloriam excelsi Dei nostri; & magnificentiam ejusdem, refulgen-  
 tem ex operibus, piâ mente celebremus? Hic in excessu non pec-  
 catur. Quid, quæso, nimium gloriæ immenso rerum Creatori  
 potest assignari? Dum verò piis conjecturis utimur, haud contem- 15.  
 namus rationes, aut damnum conscientias eorum, qui ad Dei  
 gloriam majorem cogitationes evehunt; nec temerè excitemus  
 rixas: Pro quibus evitandis utinam imbutus semper esset D. Col-  
 lega meus eodem animo, quem præ se fert in dedicatione Canonis  
 Theologiæ ad D. D. Maccovium, & D. D. Coccejum: *Ut, sicuti*  
*forte in Problematis hujus vel illius determinatione, pro libertate quisque &*  
*judicio proprio; videantur ab invicem abire, illud patefiat ad quamvis con-*  
*scientiam, ipsos procul habere omnem contendendi libidinem; sed conscios*  
*sibi, quod hic prophetamus in µῆκος, amulari charismata in bonum, &*  
*amicè symbolam conferre.* Hæc si Vobis est libertas, Clariss. D. Collega, 16.  
 in Theologicis problematis, illic si cuilibet pro suo judicio deter-  
 minare licet; quidni in Philosophicis, ac minimè ad Theologiam,  
 nisi per consequentias longè quæsitæ, attinentibus, nobis eadem  
 libertas concedi debuit? Hic omnino cogitare debuisses nos in µῆ-  
 κος philosophari. Illam equidem mihi mentem (quâ omnem contem-  
 dendî libidinem procul habuerim, & amicè symbolam pro veritate  
 cognoscenda conferre conatus sim,) illum mihi affectum fuisse, (de  
 tuo, D. Collega, propria tibi conscientia testis esto,) novit ὁ κατὰ  
 ἡγορίαν Dem: Cujus justitiâ imploravi, cum acerbissimè in me  
 insurgeres; quique rebus nostris longè quam pro votis meis melio-  
 rem dedit eventum. Hujus clementissimi rectoris atque directoris

- rerum omnium Providentiæ deinceps porro me meaque omnia committo. Lux autem porro oriatur iustis, & lætitia iis qui recti
17. sunt cordibus. Plura impræsentiarum non subjungam. Positiones saltem Clarissimi Viri, D. Antagonistæ mei, ita paucis quantum fieri potuit, perstrinxi, Candide Lector, ut pro legitima defensione mei, ac diluendis ejus thesibus iniquioribus, ea saltem in medium protulerim, ex meis scriptis, quæ fortè succurrerunt. Ex quibus luculenter potuit cognosci, nihil mihi gratis obtigisse à Viris eminentissimis, quorum nos judiciis submisseramus, ac qui sententiâ *me suâ absolvendum* judicârunt ac pronunciârunt *ab omni heresi & heterodoxia in Theologia*: Adeoque nihil præter conscientiam suam illos in Conclusionem congeßisse, (quod præ se ferre visus fuit Antagonista meus,) quod non ex præmissis, ubi præter Compromissum Philosophica nonnulla ultro (quò honori æquè præstantissimi Collegæ mei atque proprio consulere,) rejiciendi potestatem feceram, meritò debuerit inferri. Optimo autem, unicoque *καθ' ὅσον* Deo Opt. Max. fretus, & meliori meâ conscientiâ, hæc æquiorum animis expono. Conscientias petrogo omnium ac contestor: An digna res fuit, quâ falcē suam miserit in messem Philosophicam Theologus? quâ in sinistram suspicionem adducere debuerit religionem meam? eam æquanimitatem expeto, quam Christianus Christiano homini debet; quam ipsa pietatis ratio exigit.
19. Deum verò Judicem animorum, ac scrutatorem cordium ac renū invoco: sanctæque testor, omnes me rationes contulisse pro obtinenda pace & tranquillitate, quæ salvâ honestate conferri potuere: sed cum ne factō quidem compromisso tandem, latoque oprimo ac prudentissimo à Viris eminentissimis judicio, quod utrique satis esse potuisset, meam famam talem passus fuerit Collega meus, qualem meo meritò dudum eam pati oportebat, eodem Deo fretus, summoque rerum Judice, & meliori conscientiâ, hoc operis aggressus sum, quod nisi in me ipsum crudelis esse voluisset, non fuit declinandum: Ita autem summus Deus, ac rerum omnium gubernator, (cujus immediatam providentiam piâ mente agnosco, cujus proximum ac immediatum agnosco ad actiones rerum singulas con-

las concursum ac cooperationem, ) is, inquam, ita negotia mea bene verrat, ac retundat meos Adversarios, ut non alia mihi prior ratio fuit, hanc molestiam suscipiendi, præ vindicanda fama mea ac religione : quam fartam ac intemeratam servare, non sibi modò, sed & coram aliis, maximum utique dignissimumque pietatis ac probitatis ornamentum est. Hoc ut præstarem, ipsius intererat 21. Ecclesiæ, cujus membrum me gero, cujus Seniore; intererat illustris Athæni, in quo sustineo Professionem; intererat conscientiæ meæ propriæ, quæ liberanda omni studio, ne in sinistras per orbem nostrum universum suspiciones, absque omni meo merito, adductus, taciturnitate meâ aliorum de me opiniones probarem, adeoque negligentiam meâ aliorum conscientias gravarem. *Quisquis enim à criminibus flagitiorum ac facinorum vitam suam custodit, ut Augustinus ait, sibi benefacit; quisquis autem etiam famam, & in aliis est misericos.* Religione certè ac famâ meâ in hoc Universo nihil mihi majus, nihil prius est. Hanc nunquam ipse ultrò deponam : hanc ne quis mihi per injuriam eripiat, omni studio & industriâ cavebo.

F I N I S.









ESCARA  
1971

